


BIBLIOTEKA

Zakł. Nar. im. Ossolińskich

XVII

574

<p>170</p>	<p>170</p>
<p></p>	<p>170</p>




143



QVADRI PARTITÆ  
**CONCIONES**  
 STANISLAI GRODICII  
 SOCIETATIS IESV.  
*Correct* *Opator m. e. f.*  
 IN  
 QVATVOR DOMINICAS  
 ADVENTVS.

*Quarum prima, Timorem sanctum incutiunt; secunda Fidem Catholicam confirmant; tertia Spem erigunt; postrema diuinam in nobis Charitatem excitant: reliqua Prefatio docebit.*

*Fr. Marianus de lezop.  
 Lost eig m. e. f. S. T. B.  
 Vend. dit. f. C. A. m. m. 2. 1639*



CRACOVIAE,  
 In Officina Typographica Andreæ Petricouij.  
 Anno Domini, 1605.

INSTITUTION  
 NATIONAL  
 HISTORICAL  
 SOCIETY  
 OF THE  
 UNITED STATES  
 OF AMERICA  
 WASHINGTON  
 D. C.



Manuscrito de  
 la época de la independencia

XVIII - 574 - III

1811

P R Æ F A T I O  
A D L E C T O R E M,  
varios modos concionan-  
di complectens.

**D**IV multumq; delibera-  
ui mecum , an hic labor  
edendarum concionum  
aggrediendus mihi esset.  
Dissuadebāt multa à san-  
ctissimis & doctissimis  
viris, in hoc genere scripta in lucem edita, ne  
vel actum agere , vel dicta repetere viderer:  
suadebat verò cū v̄sitata quædam , & con-  
stans Ecclesiasticorum concionatorum con-  
suetudo , qui postquam verba Dei ad populū  
faciendo , non sine multorum utilitate , eo in  
munere versati sunt, scribendo etiam prodesse  
volunt pluribus : tum magnorum quorundā  
virorum, id vrgens, accedebat auctoritas, ne  
ea , quæ triginta & amplius annorum decur-  
su, neque passim obuia notaueram, supprime-  
rem. Quorum fretus iudicio, diuino aspiran-  
te numine, & superiorum meorum accedente  
voluntate, labori nolui parcere meo , vt opus  
hoc etiam minutum in gazophylacium Do-  
mini inferrem: ea tamen via & moderatione  
seruata , vt in quatuor primū Dominicis



*Aduentus periculum facerem: & siquidem ad maiorem Christi Saluatoris mei gloriam, ob cuius amorem & obsequium, hoc quicquid est opera, & laboris suscepi, res bene cesserit; quantum per seniles vires licebit, gradum faciam ad alia: sin minus, saltem ætate vegetioribus, nostra hæc prælusio erit inuitamento, dum de Christianis mysteriis facere volent conciones ad populum, ut modum quendam non inutilem ad munus hoc subeundum, formandi sibi locos communes circa singula anni Euangelia, habeant propositum.*

QVATV-  
OR loci  
cōmunes.

*Cum enim Christi seruus, & verbi diuini prædicatoribus, id vnicum ob oculos versari debeat, ut ad lucrum duntaxat animarum suum zelum dirigant, & ad easdem animas capiendas, per abrupta vitiorum decurrentes, in verbo Domini laxent retia; illis verò iuuādis nulla sit via commodior, quàm si in primis prodromum (ut ita dicam) veræ pietatis, deinde etiam eas virtutes, quibus Deo, absq; ullo medio coniungimur, animis fidelium insinuent; eò omnem suum conatum & industriam Concionator conuertat, necesse est, finem si optatum consequi, & suo officio rectè fungi desiderat. Per prodromum hîc Timorem Dei intelligo, qui si, ut par est, fidelem animum occupet: portam salutis aperit, & prænun-*



pranuntius est gratiæ diuinæ. virtutes verò illas tres, *Fidem, Spem, Charitatem*. Ad hæc nimirum quatuor capita, tanquam ad quatuor flumina Paradisum irrigantia, reduci debet: quicquid à pio Doctore, vel in scripturis sacris cum vero sensu legitur, vel in sanctis Patribus & Doctoribus, cum fructu notatur, vel piis meditationibus à Domino impetratur, ut cum necessum fuerit, inde tanquam è penu depromat Concionator, quæ pro ratione personarum, locorum, & temporum, in medium proferenda esse iudicauerit.

Huius quaternariæ partitionis, veluti ideam, hoc primordio decreui effingere: & circa singula Euangelia quatuor institui cōciones: factò semper initio à Timore, quem initium sapientiæ, & fontem esse vitæ, & in Apostolorum, Prophetarum, Diui Ioannis Præcursoris, denique ipsius Christi Domini doctrina, primum locum tenere, patet legenti sacros codices. Horum vestigiis insistendum erit, & salutaris hic metus, vitiorum enormitate, peccatarum, quæ improbos manent, acerbitate inculcata, pro solido Christianæ vitæ fundamēto substernendus: ac demum exhortatione ad penitentiam, quæ finis timoris diuini est, & esse debet, terminandus erit.

Secundo loco succedet Fides, sine qua  
impolsi-

P R I M V S  
Timor.

Prou: 14.  
27.  
Eccle: 1. 16.

S E C V N -  
D V S Fides.

# P R Æ F A T I O.

4.  
*Heb: 12.6.* impossibile est placere Deo. ubi contra aduersarios pro Catholicis dogmatibus pugnabimus, & veram Ecclesiam asserere conabimur, totidem omnino signis, quot erūt titulo Fidei notata conciones. Quod si plures hasce notas Euangelia singula subministrabunt, non tamen eas, quamuis commodissimè potuimus, in separatas conciones, sed in partes tantum diducemus. Exemplum huius partitionis habes in secunda Concione alterius Dominicæ Aduentus.

Modus arguendi cum hæreticis. Utemur autem contra Hæreticos ipsorummet armis, vel quæ tanquam propria ipsi sibi vendicare solent. Scripturam enim citatam per aliam scripturam interpretabimur; scripturâ & rationibus ex ea deductis, aduersarios vrgebimus: obiecta diluemus; ex iisdem locis, quibus veritatem oppugnant, eosdem ut falsarios conuincemus. Sed & aliis axiomatibus inter eos receptis, eosdem impetemus. Plerumq; autem ex vniuersalibus quibusdam principiis, quibus vel conueniunt nobiscum, vel conuenire necessariò debent, capto concionum exordio, ad particularia delabemur: ut in prima Dominica Aduentus animaduerti poterit. Quare nemo mirari debet, si non statim ad thema propositum descendimus. Firmo enim edificio firma prius fundamenta subiicienda sunt.

# PRÆFATIO.

5.

*Abstinebimus autem à citandis Conciliis, vel sanctorum Patrum longioribus sententiis, tum ne nimio plus Conciones excrescant: tum ut actum ab aliis laudabiliter non agamus: tum ut os Hæreticorum obstruatur, quo impudenter apud suos gloriantur, doctrinam ipsorum, soli scripturæ, nostræ verò magis hominum commentationibus inniti: tum verò vel maximè, ut demonstremus hoc quoque armorum genus, & veritatis tuende præsidium, Catholicorum proprium esse. Ut necessario, velint nolint, concedant perduelles; vel id verum esse, quod Catholica docet Ecclesia; vel dandum esse aliquem iudicem visibilem, qui absque ullo errore possit definire, quæ sit vera, quæ erronea scripturarum intellectio. Caterùm ex tot rationibus, quantum fieri potest, libentiùs eas usurpabimus, quæ iam olim sanctis Patribus contra eiusdemmodi errorum monstra pugnantibus in usu fuerunt. suppresso tamen eorum nomine, ne Hæreticis, pondere omisso rationum, quæ adferuntur in medium, in Patres debacchandi (ut experti sumus) & tempus terendi detur occasio. Neque tamen omitterentur alia, præsertim (ut dixi) ex hostium concessis principiis petita media: quia nihil glo-*

Causæ instituti.

1.

2.

3.

4.

5.

6.

hil gloriosius est, quàm aduersarium, ut Goliath, vel Holofernem, proprio iugulare gladio: quod & de Christo Domino sæpè legitur, eum Phariseos è propriis responsis redarguisse: & vulgò nullus formidolosior aduersarius habetur, quàm qui iisdem, quibus hostis, armis scitè utitur: quod nobis qui in Ecclesia sumus gregarij milites, maximè conuenit, sicut Ducibus & Imperatoribus, Episcopis ea competunt arma, quibus in Conciliis uti consueuerunt.

TERTIVS  
Spes.

Tertia in ordine Spes, Deum ut ditissimū in miserationibus, & fidelissimum in promissis intuens, uberes locos communes suppeditat, agendi de se, naturaq; sua, de amplissimis virtutum, & bonorum operum premiis, & ut paucis complectar, latissimus est hic agendi campus, de vniuersis Philosophia, & Theologiae moralis capitibus. Hæc tamen septis propositi thematis coërceantur, à quo nollem quicquam exspaciando digredi.

Q V A R-  
T V S Cha-  
ritas.

Charitas agmen claudit, tanquam dux & Regina, & virtutum maxima perfectio, atq; adeò principium & finis. Hoc enim ei suo modo quadrat, ut Christo Domino; qui verus Deus, & Charitas est. Ipsa enim est, quæ nos diuinæ consortes naturæ facit: à qua omnes virtutes habent, ut sint veræ, & frugife-

Apo: 1. 8.

1. Ioñ: 4. 8.

2. Pet: 1. 4.



*frugifera virtutes. Ad hanc igitur Dei & proximi, sanctam dilectionem, & ad eius pedissequam humilitatem, nos & alios ad perfectionem tendentes: tum immensis Dei beneficiis: tum eximiis quæ inde hauriuntur utilitatibus: tum aliis modis, & viis, incitabimus.*

*Hic autem scopus noster quadripartitus, ad quem in nostris concionibus collimare cōtendimus, vel ex ipso gentium Doctore Paulo, sumpsit occasionem: cum is suo Timotheo prædicandi commendans officium, sic ait: Prædica verbum, instā, opportunè, importunè: argue, obsecra, increpa, in omni patientia & doctrina. Incipamus enim (ut nostrum ordinem sequamur) Timorem propter peccata hominibus incutendo, & increpationibus iram Dei, illorum vindicem proponendo. Arguimus, Iidem veram confirmando, Hæreticosq; tum arguendo: tum conuincendo. Instamus, Spe fidelium animos erigendo: aliquando quidem opportunè; dum legis Christi iugum suave offendimus, eius opem diuinam, inuocantibus paratam, promittimus: & ad ea, quæ diligentibus se preparauit gaudia, omni auro duratura, cos cohortamur; aliquando verò importunè, cum probata urgemus acrius, & salutis peri-*

*Demonstratur hæc ex D. Paulo. 1. Tim: 4.*

*2.*

NOTA.

tis pericula efficaciter proponimus. Obsecramus denique, cum amoris diuini vim, gratiam, qua nos praeuenit, & beneficia, quae in nos largè effundit, demonstramus. Denique cum instituti nostri sit currens in Ecclesia Euangelium explanare, omnem dabimus operam: ut neque à textu, quoad fieri poterit, recedamus, neque quicquam, quod ad literalem ipsius interpretationem, & ad difficultates tollendas pertinet, intus relinquamus.

Modi concionandi.

1. Textui inhaerendo.

2. Thema explicando.

3. per diuisionem.

Quod verò ad modum quem in his concionibus tenebimus, attinet; is quoque varius erit. Aliquando enim textui Euangelico inhaerendo, doctrinas inde excerpemus: quod praecipuè sanctis Patribus in homiliis est usitatum: & in nostra quarta Concione apparebit. Nonnunquam sententiam aliquam ex Euangelio excutiendam suscipiimus; quod Doctores Scholasticis commune esse video: licet non desint, qui à themate posito ita descedunt; ut in progressu exiguum, vel nullam eius faciant mentionem. Nobis longè utiliùs videtur, ut thema excutiatur optimè, & in eo tota fundetur verseturq; oratio. Id nos praestitisse in secunda Concione primae Aduentus, & in prima secunda Dominica aduerteret. Ceterum ut plurimum utemur methodica diuisione, tum quod isto dicendi modo, hoc tempore maxi-

pore maximè videantur delectari, præsertim doctiores: tum quod imprimat dicta memoria. Quam ad rem etiam sub finem in compendium concionem semper serè redigemus, & in decursu in marginè puncta notatiâ partes adscribemus. Nonnunquam per modum continuæ historiæ ducetur oratio. Et hic modus primâ nostrâ concione usurpatus, quantum advertere potui, est efficacissimus ad permouendum: quia & auidè auditur historica narratio, & in animum illopsi concitat; præsertim si nouis identidem, inuicatis, & abstrusioribus perspersa est. Huc spectat quando ipsum Euangelium ad instar historiæ ponderat verba faciens, & quasi Christum Dominum cum Apostolis sequendo, & intuendo facta, dictaq; ipsius, ex eis ad docendum & permouendum, quædam libat: quod nos quartâ Concione Dominicâ secundâ, & aliis faciemus. Est & illa ratio docendi eximia per parabolam, quæ nequaquâ ita crebrò apud nos, ut olim in Palestina, docente Salvatore nostro: sed rarissimè, appositè, & cum exacto iudicio usurpanda est. Nos in præsentia nullum eius specimen dedimus. Deniq; ille modus, per benedictiones & imprecationes, efficax est, sanè, & plebi acceptus valde, præsertim si in cursu sermonis aptè iterentur versiculi,

4. per modum historiæ

5. huic similis.

6. per parabolam.

7. per benedictiones.

*ficuli, seu integri Psalms eiusdem argumēti. Sed enim hoc dicendi modo, iam ipso Apostolorum tempore Hæretici, & pseudo-Apostoli abuti solebant; de quibus questus est Apostolus, Ro: 16. 18. quod per dulces sermones & benedictiones seducūt corda innocentum: & nunc passim eo abutuntur Ministri Hæreticorum. Nec enim aliter commodē suas fraudes venditare possent, quā loquendo placentia, & omnia fausta ominando. Itaq; nil consultius est Doctori Catholico, quā raro, idq; in nonnulla duntaxat concionis parte, hanc orationis formam usurpare, ne adulationis vitium surrepat, quod tantopere detestatur Apostolus. Est in Epilogo quarta Concionis aliqua eius effigies.*

*Utilitas huius varietatis.* *Ista multiplex, tum locorum communium, tum dicendi ratio, tædio in primis leuando seruit: & pro captu audientium, sermonem dicentis attemperat, qui exemplo Apostoli, omnibus omnia fieri debet. Obstinati enim, acrius terrore sunt urgendi: tepidis, & terræ paulo tenacius affixis, spes ampliorum bonorum ostentanda: piis & religiosis, quæ charitatem spirant, proponenda: Hæretici si publicè id fiat, quā maximè efficaciter conuincēdi sunt. alij aliter tractandi. Nos sanè hanc varietatem non sine magnè consilio adhibuimus, auditoribus*



ditoribus nos accommodando: ac proinde cū euocati fuissetus, ut coram Rege regniq. proceribus verba faceremus, non tacuimus, quæ ad pseudo-Politicos, seu Machiauelistas (quorū virus per omnes penē Respublicas grassatur) arguendos, conuincendosq. spectant: quæ ut plurimum sub titulo Timoris lectar inueniet.

Quem postremò pramonitum esse volumus, nos siue in errore, siue in vitio aliquo peculiari arguendo, rarò totam consumpsisse concionem. Quanquam enim id cum laude D. Chrysostomus, aliq. fecerint olim: nostra tamen iam multò est delicatior ætas: ut vix è vulgo quispiam tantū fulmen inuectiuarum ferat æquo animo, quale Principes olim tulerunt. Itaq. si casu in alicuius, præsertim conditione non abiecti, nauum incideris, eumq. continuata oratione fueris insectatus: & ipse resilit tanquam dedita opera profcissus: & secum cateruam trahit multorum, quos modica & leui reprehensione sensim inescatos, iam iam ferè Dominico reti prehendisses. Idem verò cū vident Ecclesiasten in vno errore nimium non insistere, & nil de industria in vello notare: ventitat identidem auidè: tanguntur sæpius: & crebrò diuinorū eloquiorū imbre veluti guttatim cadente emolliti, lapideā duriciem cordis exuunt. Quapropter illam  
nos ple-

Cur vniueſ  
ſim vitia p-  
stringatur.  
1. Causa.

p. Causa.

nos plerumq; tenuimus viam, ut eruta ex Euangelio doctrina vniuersalis; tū ad schismata heresesq;: tum ad peccata varia arguēda, gradum faceremus: multa simul pro occasione materia, & recensendo, & breuiter perstringendo vitia. Id enim præter datam rationem, auditorum à nobis exigebat ratio. Vlna etenim Metropoli Lituania, vbi plenasq; harū concionum habuimus, præter Catholicos & Russos, olim Græcorum erroribus implicatos: nuper autē cum suo Metropolita sedi Romanæ conciliatos; visitur colluies omnium sectarum. Sunt Russi perstantes in schismate, sunt Lutherani, Calvinista, varia Anabaptistarū genera, qui cum ad conciones ventitarent, instruendi singuli erant. Pari ratione cum referta auditorum multitudo variis peccatorū generibus obstricta teneretur, visum est optimum singula tangere, ne cui suum deesset spirituale pabulum, & ad pœnitentiam incitamentum.

Quid in cō  
cionatore  
maximè re  
quiratur.

Ceterum si quis percontetur, quid in prædicatore verbi maximè requiratur; caput omnium, quod in multis & in me inprimis desiderari valde doleo, spiritum, & feruorē diuinum, esse autumo. Huic nos, ut Demosthenes in oratoria, actioni, & D. Augustinus in re Christiana, humilitati, primas, secundas, & terti-

& tertias adscribere debemus. Is verò, recta imprimis Deo per omnia placendi voluntate, & intentione; iugi in lege diuina meditatione, sacra lectione, vita innocentia, mortificatione assidua, fuga ostentationis, contemptu susurri popularis, inuicta patientia, feruenti oratione (praesertim ante concionem) denique charitate in Deū eximia, & zelo ardenti salutis proximi, quarendus & retinendus erit. Hic enim si aderit, res alioquin mediocres, nec adeò magno verborū apparatu ornata, flammam spirare, & faces subicere videbuntur, etiam gelidissimo auditori. Sin minùs, exquisita quæq;, magno artificio inuenta, & prolata in medium, vt emortua languerunt.

Hæc erant, Candide Lector, nostris Concionibus præmittenda. Neque enim absolutum aliquem populi Christiani Doctorem formare volumus: cuius vix ideam ipsi cogitatione assèquimur. Vale, & huic operi salicem successum à Domino precare.



# *APPROBATIO.*

**E**GO DECIVS STRIVERIVS Præpositus  
 Prouincialis Societatis IESV in Prouincia  
 Poloniæ; potestate ad id mihi facta à Re-  
 uerêdo admodum Patre CLAVDIO AQUA-  
 VIVA Præposito nostro Generali, faculta-  
 tem concedo, vt quadruplices Conciones  
 in Quatuor Dominicas Aduentus, Patris  
 STANISLAI GROCICII Societatis no-  
 stræ, grauium, doctorumq; virorũ iudicio  
 examinatę & approbatę, typis excudantur.  
 In quorũ fidẽ has literas manu nostra sub-  
 scriptas, sigilloq; nostro munitas dedimus.

Cracouiæ 5. Februarij. Anno 1605.

Decius Striuerius.

DOMI-



# DOMINICA

## PRIMA AD-

### VENTVS.

Euangelium Lucæ 21.

**I**N illo tempore: Dixit IESVS Discipulis  
 suis: Erunt signa in sole, & luna, & stellis:  
 & in terris pressura gentium, præ confu-  
 sione fontis maris, & fluctuum: arescentibus homi-  
 nibus præ timore, & expectatione, quæ superuenient  
 vniuerso orbi. Nam virtutes cælorum mouebuntur.  
 Et tunc videbunt filium hominis venientem in nube,  
 cum potestate magna & maiestate. His autem fieri  
 incipientibus, respicite, & leuate capita vestra, quoni-  
 am appropinquat redemptio vestra. Et dixit illis simi-  
 litudinem: Videte ficulneam & omnes arbores, cum  
 producant iam ex se fructum, scitis quoniam propè est  
 æstas. Ita & vos, cum videritis hæc fieri, scitote quo-  
 niam propè est regnum Dei. Amen dico vobis, quia  
 non præteribit generatio hæc, donec omnia fiant. Cæ-  
 lum & terra transibunt: verba autem mea non  
 transibunt.

#### PARTITIO EVANGELII ET CONCIONVM.

*In hoc sacro Euangelio continua est oratio Christi,  
 qua primò terret improbos: deinde bonos ad spem erigiti  
 deniq; graui attestatione fidem suis dictis conciliat. Hæc  
 tria nos quoq; tribus prioribus concionibus tractabimus:  
 quartæ erit de singulari Saluatoris in genus humanum  
 amore & beneuolentia, cuius in hoc Euangelio multa  
 nobis exhibentur argumenta.*

B

CON.

Dominica I. Aduentus,  
CONCIO PRIMA.

Timor.

*Erunt signa in sole, & luna, & stellis. &c.*

EXOR. A  
natura iræ  
Dei desum  
ptum.

Iero: 46.

**R**æceperat quandoq; Ieremias scri-  
ptori suo, vti comminationes, pœ-  
nas, & vniuersa mala, quibus Do-  
minus Deus populum illum aggredi cogita-  
bat, ab ore ipsius in vnum volumen exce-  
pta, audiente vniuerso Iuda proponerët,  
legeretq;: & addit; *Quoniam magnus furor & in-  
dignatio est, quam locutus est Dominus aduersus po-  
pulū hanc.* Factum est quod imperauit Prophe-  
ta; & lecta sunt non semel tantum, in domo  
Domini coram vniuersa multitudine; sed ite-  
rum in domo Regia coram omnibus Princi-  
pibus. *Quæ cum audissent omnia,* inquit scriptu-  
ra, *obstupuerūt vnusquisq; ad proximum suum.* nem-  
pe è verbis Propheticeis graui terrore incusso,  
quasi rationis beneficio destituti essent, alter  
in alterum obtutus desigebant. Si verba illa,  
ex ore Prophetę egressa, veluti fulmen terrifi-  
cum, verterunt in stuporem Hebræos: quantò  
magis hæc ore Domini Prophetarum, ore ip-  
sius met Filij Dei prolata terrebant? Si commi-  
natio pœnarum & damnorum temporalium,  
populum duræ cervicis è statu mentis dimo-  
uit: quid non faciet illud tonitru, quo Deus  
omnipotens æterna supplicia fontibus cōmi-  
natur? Si adeo non vulgus tantum imbelles,  
verum eti-

verum etiam Principes Ducesq; potentes *vim-*  
*bra* (sic figuras Apostolus vocat) tenuis diuinæ *Col: 2. 18.*  
 feueritatis attonitos & elingues reddidit: in  
 quantam obsecro formidinē animos nostros  
 res ac veritas ipsa coniicere debet? præsertim  
 cum illæ captiuitates plagæque omnes, quot-  
 quot à mundi exordio fuere, earum quas ho-  
 dierno die Christus Dominus prædicat, non  
 nisi figuræ & imagines fuerint. Quamobrem  
 ut eum in nobis affectū sentiamus, ad quem  
 tum prophetæ, tum Christi Domini verbis  
 impellimur: terrores illos etiam auditu horri-  
 biles, tum qui præcedent, tum qui tremendū  
 iudicij diem ponē comitabūtur, è textu Evan-  
 gelij hodierni attentē expendemus. Itaq; pri-  
 mo nobis de mundi cōsummatione; tum de  
 iis agendum erit, quæ consummationem il-  
 lam subsequuntur.

PROPOS-  
 TIO. Histo-  
 ria de ex-  
 tremo iu-  
 dicio tex-  
 tur.

P R I M A P A R S.

CUM diem aduentus Dominici, diem ex- *idq; ex scri-*  
 tremi iudicij describo; visum est mihi nō *ptura sacra*  
 esse necessarium, ut sanctorum Patrum pro  
 ea re adducam testimonia, quæ propè in infi-  
 nitū sermonem extraherent: satis erit abundē,  
 si ex innumeris sacræ Scripturæ locis, pauca  
 proferamus, idq; seruata serie historię, quam  
 scriptura nobis tradere videtur. Incipiamus  
 autem à primis Euangelij hodierni verbis.

ERVNT SIGNA IN SOLE ET LVNA *Signa aduē-*  
 ET STELLIS, ait saluator. *tus Christi* *ad iudiciū.*  
*Qua de re ita lo-*  
 B 2 *cl: Sol*

*Joel: 2. 31.* *cl: Sol conuertetur in tenebras, & Luna in sanguinem, antequam veniat dies Domini magnus & horribilis.* Apud Matth. verò Dominus sic: *Sol obscurabitur, & Luna non dabit lumen suum, & stelle cadent de cælo.* Qui hæc in sensu spirituali solet interpretari, per solem, ordinē Ecclesiasticum, ut maximē in Ecclesia illustrem accipiunt, quatum velut amisso lumine deficit, quando vitæ probitate & doctrina, ad salutem aliorum necessaria destituitur. vnde necessariò Christianus orbis cæcis errorum tenebris inuoluitur. Per lunam verò, statum Politicum interpretantur; qui rapinis, cædibus, & tyrannide æstuans, orbem lunæ sanguineo rubore tinctum imitabitur. Per stellas, viros doctos intelligūt, qui sublimē in Ecclesia gradum adepti, cum veluti *splendor firmamenti & stelle* (ut eos ipse etiam Propheta vocat) eam ornare deberent, miserè de tam illustri loco, per arrogantiam insolentem, per adinventiones, & doctrinas prauas, in hæresum voragines prolabuntur. Talium ergo tum temporis magna erit copia; qui omnes facilè partes Antichristi sequetur,

*Luc: 18. 8.* implebiturq; illud quod Christus inquit: *Verumtamen filius hominis veniens, putas inueniet fidem in terra?* Certè parum etiam verè politica fidei inueniet. Rari amicitiam ex animo colet, rari stabunt promissis, rarissimi iustitiæ & æquitati studebunt. ut de aliis illustrioribus virtutibus, Christiano dignis, & fidei Catholica constantia taceam. Hanc mysticam & pi-

am loci



am loci huius interpretationem, utinam & intelligent homines, qui huiusmodi vitiis laborant, & de morum vitæq; emendatione serio cogitationem suscipiāt. Verum quoniam instituti nostri est, verba Euangelij ad literam persequi, non diutius in spiritali sensu herēbimus, nec de Antichristo ullam faciemus mentionem, cum hæc materialior sit temporis. Quare & quæ audiuius ex ore Christi verba, & quæ sequuntur, cum inquit:

ET IN TERRIS PRESSURA GENTI-  
v m, sic intelligi possunt, sicut sonat litera: Ita  
ut quæ sæpè alias auditæ, vel quandoque etiam  
oculis nostris visæ sunt calamitates, ex quò  
mundi finis accedet propius, longè sint ma-  
iores & crebriores futuræ. Exempli causa; Vi-  
demus nonnunquam Ecclesies Solis & Lu-  
næ, Cometas, & alia id genus portenta in cœ-  
lis. In terris porro experimur famem, bella,  
pestes tam hominum quàm etiam pecorum;  
audimus quandoq; insolitis fluctibus & pro-  
cellis agitari maria, audimus terræ motus &  
hiatus immanes; quæ mala singulatum maxi-  
mè euenient, quando mundi finis & extremi  
iudicij dies instabit. Tunc enim extrema  
quoq; rerum omnium ingruet perturbatio:  
tunc omnia sursum deorsum miscebuntur: ut  
sol nullam penitus lucem sit daturus: ac pro-  
inde longè atrociores tenebræ omnia perua-  
dent, quam quæ Christo Domino patiente,  
terram, vel Mose Pharaonem castigante, Ægy-

3. Totius or-  
bis pertur-  
batio.

4. Solis ob-  
scuratio.  
Matth: 27.  
45.  
Exo: 10.  
41.

9. Lunæ im-  
mutatio.

Matth: 24.

29.

4. Stellarū  
casus.

Chrys. Eu-  
rim. Mald.  
in hunc  
Matth: lo-  
cum. Et

Lactant:  
lib: 7. di-

uin: Inscr:  
cap: 16.

7. Virtutū  
coelestium  
commotio

Apoc: 15.

Et 16. cap.

ptum occupauerāt; de quibus scriptura testa-  
tur, quòd fuerint *tam densæ*, ut palpari potuerint.

Luna etiam primū sanguine suffun-  
detur, postmodum insueto nigrore obducta

extinguetur. *Stella verò cadent de cælo*, inquit

Dominus. Quod cum quanto strepitu futu-  
rum est, & quàm horrendum præbebit spe-

ctaculum, quis explicet? Neq; enim desunt,

qui mecum ad literam hæc intelligant. neq;

id impossibile creditu, si consideremus om-  
nipotētiam Dei, quæ plura facere potest, quàm

nos valemus intelligere. neq; ista solū sen-  
sus expertia, verumetiam

VIRTUTES COELORVM MOVEBUN-

TVR: quo nomine angeli intelligendi sunt.

Hoc enim D. Ioannes videtur in Apocalypsi

expressisse cū inquit: *Dedit septem angelis se-*

*ptem phyalas aureas, plenas iracundie Dei viuētis in*

*secula seculorum.* Qui postquam eas effuderint

in terram, in ciuitates, in mare & flumina, &

super fontes, in solem & aerem, consurgent

plagæ, tribulationes & pressuræ, quales nun-

quam acciderāt ex quo homines fuerunt super ter-

ram. Tum incipient æstus intolerabiles, gran-

dinum, procellarum vis ingens; aquæ in san-

guinem conuertentur, animantia muta mori-

entur, morbi pestilentes *vulnus sæuum & pessi-*

*imum in hominibus orietur*, ideoq; *commanduca-*

*būt linguas suas præ dolore*, nec tamen agent pœ-  
nitentiam ex operibus suis, sed blasphemabūt  
Deum, & adhærebunt Antichristo caractere  
bestiæ

## Timor.

27.

bestiæ insigniti. Hæc & similia quæ ibi de-  
scribuntur signa, in terra, elementis, cœlo,  
sole & Angelis, præuidit & complexus est  
paucis Sapiens, cum de Deo ait: *Accipiet arma-*  
*turam zelus illius, & armabit creaturam ad ultionem*  
*inimicorum; & pugnabit cum illo orbis terrarum con-*  
*tra insensatos.* Ex quo futurum est, ut nullus  
omnino fugæ, aut solatij locus relinquatur.  
Neq; enim in rupium cauernas, aliasue solitu-  
dinum latebras se abdere, neq; ultra mare tu-  
rò fugam tentare, non in aera se attollere, non  
aliis uti effugiis poterunt. Undiq; eos motus  
& quassatio mundi, sonitus & confusio flu-  
ctuum, turbines, tempestates, & alia mille  
mala propellent. O deplorandam hominum  
calamitatem! ô grauem & iustam vindicis  
Dei ultionem! Hæc volentes in animo, quid  
aptius inclamare possumus quàm quod ab  
Angelo dictum est; *Iustus es Domine, qui es &*  
*qui eras Sanctus, qui hæc iudicasti, digni enim sunt!*  
Digni sunt certè ô Domine, digni omnes,  
quia res à te conditas, contra maiestatem tu-  
am, ut arma sacrilega usurparunt, quando eis  
impiè ad scelus abusi sunt. Digni sunt, inquã,  
ut ab eis creaturæ perperam usurpatæ, pœnas  
expetant. Digni sunt, qui se sub potenti ma-  
nu tua per pœnitentiam humiliare noluerūt,  
ut eos omnibus creaturis deprimendos, affli-  
gendosq; obiiicias.

Sed nondum est finis, dux adhuc vi-  
dentur plagæ restare, certè maximæ: flami-

## Dominica I. Aduentus,

ma videlicet vniuersum orbem depascens, & temporis cessatio. Diuina enim vis, globos cœlorum primò incitatissima celeritate impellens; deinde motum eundem violenter inhibens id efficiet. Hæc D. Ioannes, more Prophetico de rebus futuris, perinde ac de præteritis loquens: non aliam ob causam, quã quòd certò & infallibiliter euentura sint: vt quemadmodum quod factum est fieri nequit infectum: ita quod prædicitur auctore Deo, aliter se habere non possit. Dicit igitur Ioan-

*Apo: 10. 5.* nes: *Angelus quem vidi stantem super mare & terram, leuauit manum suam ad cœlum, & iurauit per viuentem in secula seculorum, qui creauit cœlum, & ea que in eo sunt, & terram, & ea que in ea sunt, & mare, & ea que in eo sunt, quia tempus non erit am-*

*9. Tēporis* plus. At quonam modo tempus esse desinet?  
*cessatio.*

*2. Petr: 3.* Nempe eo modo, quem nobis S. Petrus de-  
*10.* scribit: Cœli enim præter solitum magno impe-  
tu transient, hoc est cursum suum mira & in-

audita velocitate absoluent. Vnde *elementa calore soluentur, terra autem & que in ea sunt opera exurentur.* Ex quibus verbis vtriusq; Apostoli duas difficultates faciliè intelligemus. Prima est, cur aut quomodo iurante Angelo tempus desinet? Desinet enim quia cœlum illud supremum, quod ex sententia etiam Philosophorum motu suo regula est, & mensura

*10. Ignis, di* omnis temporis, desinet moueri. Altera est, *iuuium.* vnde ignis ille tātus erumpet & vniuersa per-  
uadet? Nimirum ex illa incitatissima orbium

cœlesti-



caelestium conuersione. Vnde quemadmodum tempore Noë, aquæ non plana tantum loca & decliua, sed summos etiam montes obruerunt: ita ignis ille non per extrema tantum terræ se diffundet, sed etiam abditos eius sinus penetrabit, & omnia quæ in ea sunt exuret, ut audis ex Apostolo.

Quod verò ad homines tum superstites at- 11. Mors o-  
tinet: perditum quidem maximos cruciatus ab minum.  
illo atroci incendio sustinebunt. Probi verò  
& eximia vitæ integritate qui fuerint, celeriter in Domino obdormient: at qui peccata  
quapiam expianda habuerint, igne illo quasi  
flammis purgatoriis emundabuntur. Atque  
hoc modo edicto domino fiet sitis, quo statu- Heb: 9. 27.  
tum est hominibus semel mori: quod adeò ratum  
ac fixum semper Deus esse voluit, ut ab eo nec  
Vnigenitum suum, nec intemeratam eius  
Matrem voluerit excipere. Exposuimus aut 12. Nouus  
potius attigimus breuiter capita terrorum & mundus.  
consummationis mundi huius, mundi anti-  
qui, mundi immundi, mundi miserabilis &  
tenebrosi; in cuius locum succedet mundus  
nouus, cælum nouum, & terra noua. Placet  
ea de re Principem Apostolorum audire, qui  
singula tam exactè & copiosè exaggerat, gra-  
ui verborum & sententiarum pondere. Eius  
verbis, cum ad nos commonendum nihil sit  
accommodatiùs, primam hanc partem con-  
cionis meæ concludam. Sic ergo D. Petrus: 1. Petri: 3.  
Cum igitur hæc omnia dissoluenda sunt, quales oportet 11.

tes vos esse in sanctis conuersationibus & pietatibus, expectantes & properantes in aduentum dei Domini, per quem cœli ardentes soluentur, & elementa ignis ardore tabescent. Nouos verò cœlos & nouam terram, secundum promissa ipsius expectamus, in quibus iustitia habitat. Propter quod charissimi hæc expectantes, satagite immaculati & inuolati ei inueniri in pace. Da Christe IESU, da piissime salutis nostræ restaurator, monentem tuo nomine Apostolum audiamus, & inueniamur immaculati in aduentum tuum in illa die.

ENTRE-  
MVM IV-  
DICIVM.

## S E C V N D A P A R S.

Mat. 13.

39.

Angelorum  
tunc offi-  
cium.

**P**ost finem mundi, cùm omnia quæ oculis videntur flamma horribilis exusserit; succedet messis illa magna, ad quam Christus non homines, sed Angelos mellores adhibebit. Id enim ipse testatur, cùm inquit: *Mesis confirmatio seculi est, messiores autem Angeli sunt.*

1. Cineres  
colligere.

2. Cuiq;  
portionē  
suam assi-  
guare.

3. Corpora  
efformare.

Ezech. 37.

Hi igitur triticum & zizania, id est corpora humana in cinerem & fauillam redacta, tam malorum, quam bonorum, colligent: adeoq; scite in suas distribuent portiones; vt propriam unicuiq; homini assignent, nullo prorsus puluisculo desiderato. Sed quoniam necdum factis est ad messem illam expediendam; (non enim cineres Deus iudicabit) credibile est e sententia multorum, in efformandis seu organizandis illis corporibus, & cū anima coniungendis, Deum prapotentem Angelorum quoq; opera vsurum. Ita vsum Ezechielis ministerio

nisterio subindicant diuinā literā, vbi pulchram huius mysterij figuram habemus. Vt enim ibi voce Prophetæ, ita hic ministerio Angelorum, ex cineribus illis ossa inprimis coagmentabuntur, quorum vnumquodq; ad iuncturam suam accedet, & super ea nervi & carnes ascendent, & desuper cutis in eis extendetur.

Porro vt anima seu spiritus iungatur cum corpore, sicut apud Ezechielem noua prophetica vocis energia; ita & hic vox tum Angelica, & clamo-  
tum Dominica, & clamor, & tuba efficiet. Neque frustra clamor hic tot nominibus in sacris literis expressus est, quia sonorus, intellectu facilis, terribilis admodū, & efficax est futurus, qui à diuturno & lethali somno, tam multos, tam distitos, & in imis terræ visceribus abditos mortales, momento reuocabit ad lucē.

De quo Saluator; *Mittet Filius hominis Angelos suos cum tuba & voce magna, & congregabunt electos eius a quatuor ventis, a summis cælorum vsq; ad terminos eorum*, bonos videlicet & malos, siue ad vitam, siue ad mortem destinatos. triticum & zizania, pisces omnis generis, vt saepe Dominus in parabolis pradi-  
xit.

Postquam igitur vox illa; *Surgite mortui ad iudicium*, aut quæpiam similis intonuerit in momento, in istu oculi, mortui resurgent incorrupti, inquit Apostolus: *Reddet enim detentas Beatorum animas cælum, reddet infernus, restituet purgatorium; & vnaquæque anima suo corpori, ita, quemadmodum diximus, efformato,*

4. Animas  
aduocare,  
voce, tuba,  
& clamo-  
re.

1. Thef: 4.  
16.

1. Cor: 15.  
52.

Matt: 25. 6.  
Luc: 5. 25.

Matt: 24.  
31.

1. Cor: 15.  
52.

formato, vnietur, vt scilicet integer homō

*2. Cor: 5* corpore & anima constans, prodeat vt *reseat*  
*10.* *vnusquisq; propria corporis prout gessit, siue bonum*

*5.* Omnes *siue malum.* Proinde factō initio ab Adamo  
 deportare ad nos vsq; , & deinceps ad eos qui Antichri-  
 prope ie- sti tempore nati fuerint, omnes integri surgēt,  
 rusalem. & deportabuntur ab Angelis propē Hieroso-  
 lymam; quemadmodū Deus per Prophetam

*Joel: 3. 2.* non obscurē docet, cū inquit: *Congregabo omnes gentes, & deducam eas in vallem Iosaphat, & disceptabo cum eis ibi.* Et subditur: *Consurgant & ascendant gentes in vallem Iosaphat, quia ibi sedebo vt iudicem omnes gentes in circuitu.* In eum igitur locum, & qui valli Iosaphat vicinus est, omnes congregabimur: quod etiam Angeli

*Acto: 1.* Domino in cōlum ascendente insinuarunt. Mons enim oliueti ex quo Dominus triumphans ē terris ad Patrem sc̄se recepit, ibidem situs est. Et congruum videtur, vt in conspectu eius vr̄bis cum illustri triumpho cōpareat, in qua tam abiectus fuit Dominus, ibiq; vel non procul ab eo loco iustum iudicium instituat, vbi primō ipse peruerso iudicio cōdemnatus erat.

*6.* Crucem  
 in aere for-  
 mare.

*Mart. 24.*  
*30.*

Modus autem aduentus eius hic erit. In primis *parebit signum filij hominis in celo* ab Angelis (vt est probabile) efformatum, nec aliud certē quā signū Crucis (vt semper fuit constans Doct̄orum Sanct̄orumq; sententia) signum olim ignominiosum, nunc honorabile: signū bonis omnibus qui propter Christum car-

rum car-



Itum carnem suam crucifixerunt, cum vitis & concupiscentiis, gratum, & singulari veneratione insigne: malis autem signum horribile, formidandum, quippe diuinam vim & pœnas vltices denuntians. Deinde ipse Christus de cœlo paulatim se demittet. Tum exhibunt Angeli, & separabunt malos de medio iustorum. Omnes verò in tres vel quatuor ordines, docet scripturæ & Patrum autoritas, distribuendos. Primus erit eximiè iustorum, qui pro Dei amore omnia quæ possidebant relinquere, inter quos ponit seipsum D. Paulus cum ait: *Simul rapiemur cum illis in nubibus obuiam Christo in aëra.* Occurrent enim venienti Iudici magna cum fiducia, quippè non iudicandi, sed cum illo iudicaturi alios, vt eis ipse Christus promisit. Alter verò ordo erit iustorū quidem, sed qui iudicandi sunt, nec ipsi alios iudicabunt. Et hos à dextris Christi Domini Angeli collocabunt. Tertius ordo à sinistris impiorum erit, qui si infideles fuerint, non iudicabuntur iudicio discussionis, quia iam *iudicati sunt*, inquit Dominus. Si verò fuerint fideles, verum improbè, nec ad normam legum Diuinarum vixerunt; iudicabuntur, & opera eorum rigidissimo examine discutientur. Hac igitur segregatione per Angelos peracta, illos qui à sinistris erunt, aduentus sui terribili specie percellet Dominus, & in eos totum hunc tremēdi iudicij apparatus diriget, implebiturque quod audis in Euangelio:

7. Bonos & malos segregare. Omnesq; in 3. vel 4. ordines diuidere.

Matt: 13.

49.

Vide D.

Greg: lib.

26. Moria:

cap: 2. secundum

snam. capite verò

24. & 25.

secundum

altam editionem.

1. Thess: 4.

17.

Matt: 19.

28.

Ioã: 3. 18.

Sequitur  
aduentus  
iudicia.

ET VIDEBUNT FILIVM HOMINIS  
VENIENTEM IN NUBIBVS, CVM VIR-  
TVTE MVLTÀ ET MAIESTATE. Magnus  
etenim profectò terror impios tunc inuadet,  
intuitu tantæ maiestatis, quando venient om-  
nes Angeli, & omnes Sancti cum eo, vt &  
Propheta & ipse Christus testatur. Videbūtq;  
illum, & qui à dextris, & qui à sinistris fuerint  
collocati: ita enim futurum D. Ioannes ait:  
*Eccc venit cum nubibus, & videbit eum omnis oculo.* Quotquot nempè ab exordio mundi fue-  
runt, omnes in Dominum defigent lumina:  
verùm dispari sensu animi: Bonis enim sum-  
mam aspectus ille Seruatoris sui lætitiā affe-  
ret: vt propterea ipse Apostolos animet, di-  
cens in Euangelio hodierno:

*Zac: 14. 5.*

*Matt: 25.*

31.  
Omni-  
bus  
conspicu-  
us.

*Apo: 1. 7.*

Bonis de-  
lectabilis.

HIS AVTEM FIERI INCIPIENTIBVS,  
RESPICITE ET LEVATE CAPITA VE-  
STRA, QVONIAM APPROPINQVAT  
REDEMPTIO VESTRA. Itaq; cum ingenti  
voluptate, maxima cum fiducia faciem Do-  
mini sui aspicient. Contra verò improbi, vi-  
debunt inuitissimi, adeoq; inusitato pauore  
consternabūtur; vt sibi terram dehiscere sint  
exoptaturi. Hoc enim eis crucem humeris  
hauulans minatus est Dominus dicens: *Tunc*  
*incipient dicere montibus, cadite super nos, & colli-*  
*bis, operite nos.* Idem paulò latius D. Ioannes;  
Reges, inquit, terra, & Principes, & tribuni, & di-  
uites & sortes dicunt montibus & petris: *Cadite su-*  
*per nos, & abscondite nos a facie sedentis super Thro-*  
*num, &*

Malis verò  
terribilis.

*Luc: 23. 30.*

*Apo: 6. 15.*  
Quia seu-  
rus nimis.

uum, & ab ira Agni. Expendite quæso singuli, expendite horrendas hæc minas, & expergiscimini. Si solus irati iudicis aspectus tantum terrorem in improbis excitat; quantam acerbiter, irremediabile & æternum illud decretum & eius rigida executio efficiet? Equidem si quis ut par est hæc in animum demittat, quantas tunc angustias, pauore consternati, perdit homines passuri sint; nescio quomodo non animo commoueri, quomodo non totis artibus debeat contremiscere? Tunc reuera mundus horrendum immugiet, tribus ad tribus pectora feriet, potentissimi quondam Reges nudo latere palpitabunt. Si enim sursum aspexerint, Dei aspectu exanimabuntur, qui non iudex tantum, verumetiam ut spectator præsentissimus testis omnium scelerum ipsorum est futurus: ita enim de se per Prophetam ait: *Ego sum iudex, & testis*. Quamobrem nullus ibi scelens occultandi, nullus excusandi modus erit. Si vero deorsum oculos demiserint, videbunt infernum ingentes flammis illis preparatas edONENTEM. Quod si ad dexteram se conuerterint: ibi videbunt Angelos contra se grauitè expostulantes, quod ipsorum ductum & consilia spreuerint, & prauis suggestionibus præbuerint assensum. Si ad sinistram, ibi quoque terribilissimos demones peccata ipsorum cum exaggeratione recenses, & ultionem a Deo exposcentes aspicient. A tergo vitam voluptariam velut somni-

um in

Quia vtdiq; angustie sursum deorsum &c.

Jer: 29. 23. Quia idem iudex & testis.

um in momento transactam habebunt. **A.**  
 fronte supplicia in æternum duratura intue-  
 buntur. Deniq; intus conscientiam mille fla-  
 gitiis inquinatam, apertam & seipsam redar-  
 guentem, omniaq; sua peccata quasi in spe-  
 culo contemplantem animaduertent. Hic e-  
 nim est liber ille, de quo apud Daniele legi-  
 mus: *Iudicium sedit, & libri aperti sunt: & in A-*  
*poc: 20.* *pocalypsi: Et vidi mortuos magnos, & pusillos stan-*  
*tes in conspectu Throni, & libri aperti sunt; (nempe*  
*conscientiarum:)* *& alius liber apertus est, qui est*  
*vita, (vnica videlicet præscientiæ Diuinæ in-*  
*fallibilis cognitio) & iudicati sunt mortui ex his*  
*que scripta erant in libris secundum opera ipsorum.*  
*Dan: 7. 10.* Et in D. Paulo: *Testimonium reddente illis consci-*  
*Sap: 1. 9.* *entia ipsorū, & inter se inuicem cogitationibus accu-*  
*santibus, aut etiā defendentibus in die cū iudicabit De-*  
*us occulta hominum.* Ex quo loco, & ex illo alio:  
*Aug: de* *In cogitationibus enim impij interrogatio erit, rectè*  
*Ciuit: Dei* *colligit D. Augustinus, iudicium hoc in ani-*  
*lib: 20. c. 1.* *ma & mente, non autem sensibili voce transa-*  
*26. sm: 5.* *ctum iri. Nam si verbis & concertationibus*  
*ageretur, ppter innumeram hominū multitu-*  
*dinem, iudiciū nescio quando finem haberet.*  
 Haec verò quamais abundè satis essent ad  
 homines Orco vel Cælo destinandos: nihi-  
 lominus tamen vltimam illam sententiā ore  
 suo supremus iudex pronuntiabit. *Cū enim*  
*venerit filius hominis in maiestate sua, & omnes An-*  
*geli cum eo, tunc sedebit super sedem maiestatis sue,*  
*cumque hinc infelix reorum, inde latus iu-*  
*storum*

Quia con-  
 scientia  
 quoq; re-  
 stis erit.

Quia vlti-  
 mum de-  
 cretum &  
 si pica ma-  
 bile.

Matt: 25.  
 24.



storum agmen steterit, auditis quoq; Beatorum sententiis, qui cum ipso iudicaturi considebunt, & suffragio cum eius sanctissima voluntate congruent; conuertet se inprimis placidissimo vultu ad eos qui à dexteris fuerint, dicetq;: *Venite benedicti Patris mei, possidete paratum vobis regnum à constitutione mundi. Esuriui enim, & dedistis mihi manducare: Sitiui, & dedistis mihi bibere. & quæ sequuntur in D. Matth.* Postmodum verò vultu ardente & seверо, qualem diuina eius indignatio effinget, parti sinistra dicet: *Discedite a me maledicti in ignem æternū, qui paratus est diabolo & angelis eius. Esuriui enim, & non dedistis mihi māducare, &c.* Cumq; illi excusationes pro se afferre cœperint, quia nimirum ipsum nunquam viderant; ideoq; eiusmodi ministerio abstinerunt; Respondet eis vt prioribus; In persona pauperum, vel præstitam vel negatam esse sibi hanc liberalitatem. Hoc edictum rigidissimum, hanc

Impiis tamen erit acerbum nimis.

Executio verò multò crudelior.

Quæ nobis obsecro mens, qui sensus, quæ cogitatio debet esse, dum hæc audimus? quis pavonis, quis trepidationis modus dum hæc ferriò perpendimus? Tam tremendæ tamq; amaræ dici recordationem vt altius nobis in-

Epitheta dici illius amarissimæ.

figerēt sacre literæ, miris eam titulis exprimūt.  
*De: 32. 35.* E plurimis aliquot adduco. Moyſes eam *diem*  
*Iob 21. 30.* *perditionis*. Iob & Prophetæ paſſim *diem furoris*  
*Pſa: 40. 2.* *Domini*. Dauid & Salomon *diem malum* vocāt.  
*Pro: 16. 4.* De eadem Iſaias: *Ecce dies Domini veniet crude-*  
*Iſa: 13. 9.* *lis, & indignationis plenus, & ire furorisq;.* Item  
*Ier: 30. 7.* Ieremias: *Magna eſt dies illa, tempusq; tribulationis,*  
*Eze: 30. 2.* Et Ezechiel: *Veni, & re dei.* Sed ad inſtar al-  
 liorum eſt Iochis & Sophoniæ longior exagge-  
*Ioch: 2. 2.* *rata oratio: Dies Domini magnus, dies tenebrarum*  
*Zop: 1. 14.* *& caliginis, dies nebulæ & turbine, dies tribulationis*  
*& anguſtiæ, dies calamitatis & miſeriæ, dies amara,*  
*Eph: 6. 13.* *dies iræ.* (quò nomine vtitur etiam S. Paulus)  
*dies tubæ & clangoris.* Eſt ſanè tuba illa, eſt ille  
 clangor de quò ſuprà egimus: Eſt illa ferrea  
 vox, quam ex ore Domini audiet claiſis dam-  
 natorum: *Diſcedite à me maledicti,* ſcilicet ne  
 vnquam aſpectu meo, ne vnquam lucis huius  
 uſura & cœli fruamini. Ego quidem ideò vos  
 creaueram, ideò ſanguine meo redemeram,  
 vt conſortes gratiæ, conſortes gloriæ ſempiter-  
 næ efficeremini: ſed & gratiam deſpexiſtis, &  
 gloriam contemptui habuiſtis. Ego tot red-  
 ditibus auxeram, vt peccata veſtra piis largiti-  
 onibus expiaretis, vt ſaturati eſſentibus,  
 nudis veſtitis, captiuis redemptis, aterna re-  
 gna mercaremini: nummum vix egentibus  
 porrexifſtis: opes veſtræ maioris vobis gehen-  
 næ inſtrumenta fuerunt. Nil non vertiſtis in  
 perniciem veſtram, quod à me liberaliſſimè  
 ad cœlum comparandum erat conceſſum.

*Diſcedite*

## Timor.

33.

*Discedite ergo maledicti in ignem æternum, qui paratus est diabolo & angelis eius.* Eorum siquidē instinctui parere, eorum sequi consilia maluistis, quā mea. Pactum & societatem quam cum iis aduersum me iniistis, continuam & æternam habetote. O iustum iudicium! ô plenum summæ æquitatis decretum! quam valde amarum & penitus intolerabile iis, contra quos proferetur.

Quæ tum comploratio, qui gemitus, quæ lamenta & execrationes, quibus diem ortus sui detestabuntur? Exprimi eorum personam Jeremias & Iob, cū ait: *Pereat dies in qua natus sum, & nox in qua ductum est, conceptus est homo.* Idem Christus Dominus cū de Iuda inquit: *Bonum erat ei si natus non fuisset homo ille.* Flebūt itaq; magno clamore, rugient, stridebūt dentibus, ululabunt, Ezechiele & Isaiæ teste. Cæterū ad summam infelicitatem illud accedet, quia frustra dolebunt, nec vllum emolumentum e gemitibus percipient. Omnia incassum, omnia cadent in irritum. Hic dilectissimi, hic dum viuimus dolori & lachrymis est locus. Hic dum viuimus, dum in tēpore sumus, dum Dominus tacet, dum patienter tolerat, misericordiæ assequendæ, delictis deslendis, est occasio ne igitur pœnitentiam differas. Nam audi quomodo ipse te Deus apud Prophetam de hoc admonet: *Tace, inquit, semper silui, patiens fui, sicut parturiens loquar.* Ita est benignissime Iesv, verè tacens & patiens fuisti,

Decreti  
quitas.

Impiorum  
tunc ciula-  
tus frustra-  
neus.

*Ier. 30. 14.*

*Iob 3. 1.*

*Matth. 26*

*25.*

*Isa. 13. 6.*

Quia hic  
est locus  
pœniten-  
tiæ.

*Isa. 42. 14.*

fuiſti, & quando tormēta illa peracerba, mō-  
temq; ignominioſam pro ſalute noſtra paſſus  
es, & quando in nos grauiffimis obſtrictos  
ſceleribus ſauire nolens, patienter ſuſtinuiſti  
& admonere non ceſſaſti, vt nos à vitiis cohi-  
beremus, vt pro commiſſis dolore tangere-  
mur. Ita eſt equidem ita optime Ieſu, ſis be-  
nedictus in ſecula. Verū quoniam ſurdis  
nobis fabula canebatur, quoniam monitis tu-  
is obtemperare noluiſmus, nec pœnitentia vl-  
latenus ducti ſumus, quid ergo nobis erit?  
Loqueris vt parturiens, cum dolore, cum ge-  
mitibus verba eniteris, & iram tot millibus  
annorum conceptā effundes. Age verò quid  
inde ſequetur? *Diſſipabo*, inquis, & *abſorbebo ſi-  
mul*. Ita omninò fiet. Subitò enim, & à te, &  
ab aliorum conſortio auulſos, infernus abſor-  
bebit malos, & viui cum corpore deſcendent  
in profundū ſicut lapis. Angeli enim momē-  
to tuam exequentur ſententiam, colligentq;  
*zizania in manipulos, & mittent eos in caminū ignis,*  
*ibi erit fletus & ſtridor dentium.*

Vltimum  
angelorū  
officiū  
zizania in  
infernum  
prolicere.

*Ma: 13. 42*

*Apoc: 14.*

11.

Aeternita-  
tis adum-  
bratio.

Quandiu verò ibi cremandi erunt? donec  
æternitas durabit. Aut enim D. Ioannes: *Et ſu-  
mus tormentorū eorum aſcendet in ſecula ſeculorum,*  
*nec habent requiem die a: nocte.* Nec ignes ſolū  
perpetuos, verū & alios infinitos cruciatus ibi  
paſſuri ſunt, de quibus ſuſe ſacræ literæ: Ego  
ppter temporis anguſtias per cenſendis illis ſu-  
per ſedebo. Illud duntaxat in præſentia perpen-  
datur attentiffimè, quòd nec requies vlla, nec  
vllus



vllus durationis eorum finis erit. Si fortè tot in tormentis annos improbus quisq; detinèdus esset, quot hic horas in luxu & flagitiis cōsumpsit, & hoc durū horrendumq; esset. At si pro singulis momentis in lascivia transactis, mille, si centies mille annorum spatium assignaretur, quàm longè durius hoc, & intolerabile etiā auditu esset? Atqui nec vmbra æternitatis assequitur hæc imaginatio. finge tot millenarios annorum, quot minutos in terrapulvisculos, nihil concepisti quod verè æternitati respondeat. *Fumus tormentorum eorum ascendet, inquit scriptura, in secula seculorum.* Frustra igitur de modo, & fine supplicij æterni quæris, vbi intercedit æterna duratio. Id age potius, vt in hac vita, æternitatis cogitatione mouearis, vbi locus est pro momentaneis vltro susceptis afflictionibus, sempiternas flammæ euadendi; pro exiguis, pro transitoriis bonis, in vltus pios erogatis, cælum & beatam immortalitatem comparandi. Hic itaq; licitare cum Deo si sapias, nam postea licitandi nō erit locus, neq; tempus, neq; anni. An enim non audisti quando iurauit Angelus per viuentem *in secula seculorum, quia tempus non erit amplius?* Hic non illic locus lucris est. *Apo: 10.5.* Et siquidem tempus desinet, desinent etiam anni, quorum mensura est tempus. Succedet mera æternitas, & quamdiu Deus, tamdiu tormenta durabunt: Impios enim *denorabit ignis* Iob 20.26, *qui non succenditur,* inquit Iob; *Vermis eorum nō morietur, & ignis eorum nō exstinguetur,* dicit Isai-

*Mar: 9.*

44.

*Apoc: 9.6.**Apo: 20.8.**Ibi mors &**vita simul.*

as, dicit ipse Dominus. Habes & in Apocalypsi: *In diebus illis, quærent homines mortem & non inuenient eam, & desiderabunt mori, & fugiet mors ab eis.* Et tamen sacræ literæ mortem eam vocant, & mortem secundam hoc est æternam. Mirum finē videtur, cū nec mors sit nec vita, mortem tamen & vitam vocari. Si enim mors dicenda est, cur non perimī? Si vita, cur qui eam viuunt mortuis ipsis millies sunt miserabiliores? Nimirū ideō, quia quod est in morte terribilissimum, & in vita acerbissimum ad ibi mira Dei dispensatione ad vindictam impiorum coibit. Tales enim cruciatus patientur, quos si in hac vita sustinerent, è veltigio morentur, ibi autem tormentis omnibus erunt superstitēs. Infelices quod sine cessatione cruciantur, infelicissimi quod cruciatu non eneantur. Hæc sunt opera mirabilia potentis dexteræ tuæ Deus, quæ & contraria inter se copulat, vt vita mortem non excludat, mors finem ignoret. Iustum enim est Domine, vt in eo mors ita desæuiat, qui aduersum te percussissent sedes cum morte, & cum inferno pactam fecerunt. Iustum est & congruū ō Deus, vt viuant in æternam vitam calamitosissimam, qui te Deum vitam beatissimam repudiarunt, & ita sunt ausi offendere, vt si æternū victuri fuissent; æternū in suo scelere & peccandi voluntate perstitissent.

Conclusio  
per exhortationem.

*Mat: 13.51*

Finem impositurus concioni meæ, alloquor vos verbis Domini. *Intellexistis hæc omnia?*

Ita puto,

Ita puto, nihil enim fuit non plinum. Perspexitis aliquatenus stupendum nulli iudicis apparatus? Sic mihi persuadeo Crediturne hæc evenitura? Credere vos arbitror: Credite dilectissimi credite, quippe omnia penè è sacris literis deprompta, in mediumq; sunt allata, quibus fidem negare non vulgaris esset in Deum contumelia. Redite mecum oro ad historiam, vobis in ipso exordio propositam de libro Prophetico; in qua illud præterea continetur, quod cum liber ille terroris plenus coram Rege Ioachim lectus esset, tantum abest ut Rex ad meliorem frugem se reciperet (quod Deus præcipue intendebat) ut etiam volumen illud pagellis sigillatim excisis, homo perniciosus combureret: non aliam profecto ob causam, quam quod iis, quæ ibi continebantur, fidem non haberet. Quid ergo hac protervia meruit? illud meruit quod Deus præcepit Prophetæ, ut ea omnia quæ in exusto libro erant, rursus repeteret, & multò plures adiceret calamitates & plagas quam fuerant priores, quas quidem omnes ad vnam vindictam Dei executioni mandavit. Rex enim ille, diuinorum oraculorum cōtempтор, ab hostibus captus, trucidatus est: corpus eius exanime, non secus ac bestię cadaver in campum feris & alitibus proiectum, posteritas deniq; tota eius est deleta. Habes o perfide, incredulitatis tuæ dignum stipendium. Nostrū verò quiuis corrigendi sui, à te sumat exemplum, si

Incredulitatis pœna notanda.

Iere: 46.

plum, fidemq; Domino habeat. Nulla enim re tanta maiestas magis offenderetur, quàm si ipsissimæ veritatis asseueratio vocaretur in dubium. Dicetis singuli, credere vnumquemq; isti omnibus, vt fidelem par est? Faxit Deus.

Medium  
euadendi  
damnatio-  
nē est, fides  
cum pieta-  
te.

Vnum adhuc tibi curæ sit, quānam ratione iudicium hoc adeò rigidum euadere possis: nec alia profectò, quàm si fidei solidæ innixus, piā vitam instituas, culparumq; tempestiue maculas eluere contendas. Etenim si hæc pœnas illi daturi sunt, qui benè agere neglexerunt, quas tandem luent illi, qui peccata peccatis addere non desistunt? Maledicti ore diuino sunt pronunciati, qui esurientem non pauerunt: illi verò quantò magis execrandi qui non modò fraudant subsidio pauperes, sed etiam eos modica substantiola spoliant, vt aut suo luxui, popinis, & ventri insatiabili sufficiant: aut inde posteris suis improba patrimonia cumulent? Maledicti sunt,

Et confi-  
deratio pe-  
narum a  
minori ad  
maius. In-  
deq;

qui sitientem non potarunt: quid de iis fiet, qui comestationibus, edendo, bibendo, assidua crapula se distendunt? qui parasitorum, helluonum gregibus alendis, patrimonia sua abliguriunt? Audient verbum asperum, & ibunt in ignem æternum, qui liberalitate erga indigentes non sunt vsi, Epulonem illum imitati: quonam pergent qui sibi ad omnia flagitia habenas laxarunt? Venefici, impostores, periuri, homicidæ, raptores, vsurarij, de rebus pessimis gloriantes, quo tandem amanda-

*Lucæ 16.*

būtur?

būtur? Quorsum oro Saluator leuiora crimina protulit in medium, nisi vt ex iis ratiocineris quid maneat illos, qui de grauissimis intremēdo examine sceleribus cōuincuntur? Hoc itaq; ō Christiane semper præ oculis habe, hoc die nocteq; versa: quemadmodum audis fecisse qui dicebat; siue comedo, siue bibo, siue aliquid aliud facio, semper videtur illa tuba terribilis sonare in auribus meis; Surgite mortui, venite ad iudicium. Hic nempe clangor terrificus, hic tubæ sonus in tuis personet semper auribus, hic Dei timorem inprimat, timorem inquam, nunquam satis in diuinis literis laudatum, timorem non qui præcipientes in desperationem agit animas, sed illum à quo fideles concipiunt & pariunt spiritum salutis. Quod vt ita Domino largiente eueniat, atq; vt ego etiam ibi finiam vnde sum exorsus; aduertite oro quam Deus Ieremiæ reddat causam, cur populo illi terrorem incutere iusserit. Inquit enim: *Si sortè audiente domo Iuda, vniuersa mala que ego cogito facere eis, reuertatur vnusquisq; à via sua pessima; & propitius ero iniquitati & peccato eorum.* O quàm bonus & misericors Dominus! terret, ne punire cogatur: præcauet & ante denuntiat extrema quæq; vt à præuisis maturè te subtrahas, & Deum indulgentem potius, quàm rigidum experiri malis. Hoc à Iudeis, olim, hoc nunc postulat à nobis. Quod si illi ingrati, & dura ceruice ad cor redire, si agere pænitentiam noluerunt, atq; ideo temporales,

Tum timor  
sanctus.

Tum con-  
uersio à  
peccato.

Iere: 36. 3.



porales, & sempiternas pœnas meriti sunt: Tu Christiane tibi consule, tu vitam corrige, tu supplex, bona fide per lachrymas & gemitus redi cum Domino in gratiam: & ad extremũ spiritum, vel cum vitę dispendio, amicitiam initam cole. Hæc te stabilis reconciliatio, in die illa tremenda soluet omni metu: hæc immensa cumulat lætitia. Stabis inter agmina cœli candiditorum, & gaudens illam vocem diuinam, vocem iucunditatis audies; *Veritate benedicti.* Annue benigne Iesv, omnes eam audiamus.

## CONCIO SECVNDA.

### Fides.

*Amen dico vobis, quia non præteribit generatio hæc, donec omnia fiant: cœlum & terra transibunt, verba autem mea non transibunt.*

Reiectio.



Nemo est qui non videat, Euangelium hodiernũ magnam nobis præbere occasionem agendi de timore Dei; aduersus Hæreticos nostri temporis, qui timore Dei soluti, de sola fide præsumunt, non solum lausimam improbis moribus pãdunt viam, sed & Dei timorem conuitiis insectantur. Verũ cum id ab aliis præstitum sit hoc

fit hoc loco, & superior nostra concio metum salutarem & bonorum operum necessarium in se habet; confert me ad thema propositum explicandum: è quo sumo aptam occasionem agendi, primò de vniuersalissimis fidei & perfidie principiis, quod caput est omnium serè controuersiarum: deinde, quoniam veluti riuus è lacuna falsæ doctrinæ profuans, aperiam: deniq; indicabo breuiter, quomodo Ecclesia Christi à Synagoga Sathana discernatur. Adeste animus, faxit Deus, quæ dicam, ad laudem ipsius & Ecclesiæ cedant emolumentum.

Propositio  
tripartita.

Non solum ratione duce, sed & ipsi experientia notum est illud vulgatum axioma: Contraria iuxta se posita magis elucescere. Vt igitur facilius fontem hæresis ac omnis perfidiæ inquiramus; Fons & origo fons rectæq; fidei primo aperiendus est: Vnde fidei docebimur, quibus veluti fundamentis vera fides & perfidia nitatur, & quomodo vtriusq; in mentibus hominû & nascatur & propageatur.

I. P. V. N.  
C. T. V. M.  
FONS ve-  
ræ & falsæ  
fidei.

Veræ itaq; fidei caput & principium est non aliud quam ipse Deus, docens nos omnem veritatem per verbum, quod auribus nostris illabitur: cui dum præbemus præm assensum; ipse Deus fidem veram in nobis format. Infidelitatis verò & omnis erroris princeps & author est Sathan. Is cum per mendacium aures titillat, & assensum elicit, perfidiam in animis infidelium propagat.

Veræ. De-  
us per ve-  
ritatem.

Falsa, Sa-  
than per  
mendacium.

Declaratur  
vtrumq; rû  
scriptura.

Patet vtrumq; è scriptura & exemplis inde  
petitis.

petitis. Primùm testatur ipse Christus dicens:

*Ioã: 6. 29.* Hoc est opus Dei vt credatur. Ipse igitur & credenda nobis proponit, & fidem in nobis for-

*1. Io: 5. 6.* mat augetque. Rursus veritatem esse Christum Deum, totidem verbis D. Ioannes asserit. Eandem Spiritus S. magisterio nos disce-

*Io: 16. 13.* re asseuerat Christus, dum ait; *Docebit vos omnem veritatem.* Fieri autem id per auditum &

*Ro: 10. 17.* verbum Dei, testatur Apostolus: *Fides ex audi-*

*Ioan: 1. 1.* tu, auditus autem per verbum Christi. Nam & ipse Christus verbum Dei est, & tale verbum, ex quo procedit omne verbum. per quod fides

*1. Io: 5. 6.* & omnis veritas in mentibus fidelium gignitur: Quia & ipse Christus est veritas, & sermo e-

*Io: 17. 17.* ius veritas est. Cùm igitur veritatem hanc, quã

Deus tunc per se, siue per seruos suos Apostolos & reliquos manifestat, nos per assensum & piam affectionem suscipimus, ipse Deus, fidem inserit & creat in nobis. Simili quasi methodo & praxi, suator & author omnis mēdaci, infidelitatis, & hæresis, Diabolus est;

*Io: 8. 44.* qui a Christo mendax & pater eius, id est mēdaci nuncupatus, siue per se, siue per seruos suos loquatur, ad fallendum omnia concinnat.

*Ibidem.* Nam cum loquitur mendacium, ex propriis loquitur inquit Saluator. Quod quidem mendacium dum per auditum illabitur, & placet incautorum animis; hæresim & omnem perfidiam

*Ephc: 2. 2.* generat in filius dissidentie, Deo id permittente, sapè occulto semper autem iustissimo iudicio suo.

Vt hæc

Vt hæc exemplis clariora fiant; initium sumatur ab eo, quod primum in sacra scriptura in ipso mundi exordio occurrit. Afferit Dominus: *De ligno scientie boni & mali ne comedas.* In quocumq; enim die comedere ex eo, morte morieris. Ecce verbum verissimum prima veritas, è cuius auditu, iuxta regulam Apostoli, fidem conceperunt primi parentes nostri. Huic summæ veritati succelsit Sathan cū suo mendacio; Nequaquam morte moriemini, sed eritis sicut dii. Illapsum est hoc verbum veteratorum in aures Eux, placuit, creditum est, decipit mulierem, non virum. Nam ait Apostolus: *Adam non est seductus, mulier autem seducta in prauaricationem fuit.* Cui tamen postea vir indulgens adhæsit; vnde in Eva quidem infidelitas, in viroq; autem peccatum ortum est, cuius pœna iusto Dei iudicio, omne genus humanum inuoluit. Habes exemplum euidēs, quomodo & ipso authore Deo veritas, & Sathana suggerente, mendacium, auribus primorum parentum illapsū, fidem veram & falsam generauit.

Quomodo autem per homines Deus instruat & Dæmon decipiat; celebris extat narratio de Achab decepto; qui Deo per Michæam Prophetam prædicenti vera, cū fidem abnueret; à Dæmone per quadringentos circiter viros impostores in fraudem præcipitatus est. Nam quærente Domino; *Quis decipiet Achab Regem Israel?* Respondet Sathan, *Ego deci-*

Tum exē-  
plis.

1. Adami &  
Eux.

Gen. 2. 17.

Ro. 10. 17.

Gen. 3. 4.

Ibidem 5.

1. Tim. 2.

14.

2. Achabi.

3. Reg. 22.

40.

*Ego decipiam illum: Cui Deus; in quo decipies eum? Et ille ait; Egrediar & ero spiritus mendax in ore omnium Prophetarum eius. Vides quàm aperte fatetur ipse Sathan artes suas? quanquàm eas nō nisi permittente Deo exequitur. ideo sequitur: Et dixit Dominus: Decipies & praeualebis, egredere, & fac ita. Quid dici potuit clariùs? Verùm illud imprimis cognitu necessarium est, quoniam modo & per quos nobis loquatur Deus ne decipiamur à Sathana & Ministris ipsius? Nam vt optimè pramonet Apostolus: Ipse enim Sathanas transfigurat se in Angelum lucis. Et subiungit; Non est ergo magnum si ministri eius transfigurentur velut ministri iustitiae. De hoc scilicet nobis grandis sermo (vt sic cum Apostolo loquar.) In eo enim meo iudicio, omnium de fide controuersiarum cardo versatur, quoniam iudicio Dei nos instruentis veritatem, & Sathanae imposturas internoscere possumus. Quod de re plura alias. In praesentia verò hoc unico signo, quod omnes qui veritati student, vt efficacissimū recipiunt contenti sumus. Nempe quoties doctrina alicui mendacium admistum est, doctrinā illam vt commentum Daemonis, funditus respuendam. Argumentum autem euidentis mendacij est, vel quando dicta cum factis non conueniunt, vel quando futura praedicuntur & non eneniunt. Hac Moyses, hac alij Prophetæ regula vsi sunt vt infallibili.*

2. Cor: II.

I. 2.

Heb: 5. II.

Mendacij  
signa.

Deut: 18. 21.

II. P V N.  
CTVM.

Hac igitur certa è diuinis literis norma posita, in-



## Fides.

49.

flita, inuestigandum iam nobis erit, qui nam è lutulenta mendacij lacuna riuui emanent. Hi verò duo sunt capitales, ad quos vniuersa prauorum dogmatum veluti sentina confluit; alter est apertorum mendaciorum, per quæ vel vera negantur, vel falsa asseruntur. Alter continet assertiones in se quidem veras, sed quia istæ non iis quibus vere quadrant, sed aliis falso adscribuntur: ideò hæ quoq; velut aquæ putrida cœnosaq; palude exceptæ, sordescunt.

Aquæ istæ, à Sapiente, *furtiua & dulciores* vocantur, quia eas Dæmon & furtiuè occulteq; instillat, & dulces reddere conatur. Vtrumq; in dictis exemplis clarum est. Illo modo seducta est Eva. Credidit enim Sathanæ & falsum asserenti: *Eritis sicut Dey*, & verum neganti. *Nequaquam moriemini*. Altero deceptus est Achab per pseudo-Prophetas, quorum princeps Sedecias ille cornutus, quando percussit Michæam in maxillam, & dixit: *Mene ergo dimisit Spiritus, & locutus est tibi?* sibi potius, quam ei Spiritum Domini locutum esse, metuitur.

Eisdem planè artibus vtuntur nostrates Ministri (quos nomine & re, loco paulo ante citato Apostolus Prophetice designauisse videtur.) Quanam verò ratione id faciunt, paucis à themate posito non discedentes, ostendemus. Ex multis, verbi grati, quæ falso negant, vel asserunt Ministri, illud est celeberrimum: Sacram scripturam per se facillimam apertissimamq; esse. Quo dicto miseræ plebecula tanquam

Duo riuui è cœno falsitatis.

Pro: 9. 17.

A. 3. Reg. 22.

27.

PRIMVS est, falsitas asserere.

2. Cor. 11.

17.

Exemplum. Scripturam esse facillimam.

*Heb: 4. 12.* tanquam furioso gladium *incipitem*, (sic enim eam Apostolus vocat) in manus tradunt; utq; legat auidius, vertunt illam in linguas varias, & peruertunt, additis, expunctis, mutatis, quę placent. Neq; satis hortantur acrius & religione incussa, ad legendum inuitant: Papam quidem impię & tyrannicę simplicibus scripturarum lectione interdiceret; eas tamen ut ad salutem omninò necessarias, omninò peruestigandas esse, ponderandas, memorię mādandas, ex eis de omnibus iudicandum: ne Angelis quidem, si præter illas quidpiam annuntient credendum. His cohortationibus quantopere apud imperitos proficiant, vel ex

*2. Tim: 3. 6.* *ipsis mulierculis, quas captiuas duxerunt*, colligere licet, quę superba & insolenti procacitate Patrum & Ecclesię autoritate repudiata, contra seuerum edictum Apostoli, sacrę paginę temerarias admonent manus, frena linguę laxant, quidvis inde depromptum pro arbitrio interpretari, vrgeret & detorquere audent. Nostis hæc omnia, auditis quouidie, detestamini, & meritò. Quanta enim hæc est, & quā arrogans temeritas, tantum sibi munus vendicare, & in abstrusis mysteriis adeo se ostentare, ad quę diuina quadam & cœlesti luce opus est? Equidem vel inde palam est hæreticos, non Christi Domini humilem, sed Sathanę superbum animum gerere.

Contrarium probatur.

Scripturam aiunt facilem esse: Est sanè, sed non nisi nauiter impudentibus, non iis qui scintil-

scintillam Christiani pudoris habent. Certè si omnia pro hac assertione testimonia in medium proferre vellem, omnia sacrarum literarum volumina maiori ex parte mihi describenda essent. Initium tam est difficile; vt patres veteris testamenti prohibuerint, ne prima Geneseos capita ante trigessimum ætatis suæ annum legeret quisquam. Et meritò. Videbant enim inconsultam ætatem eiusmodi lectione in mille se labyrinthos & difficultates induere posse. Nam vt paucas ex infinitis attingam; haud facilè & intellectu, quænam lux prima die creata fuit, & quo fine; quare per triduum numeratur mane & vesperum, cùm quarto demum die Sol & Luna creata sint, quæ ipsa scriptura teste *diuidunt diem ac noctem*. Item quodnam sit illud firmamentum factum secunda die, quæ aquæ, quomodo diuisæ, & multa alia. Hoc initium scripturæ sacræ. Finis verò Apocalypsis tot habet sacramenta quot verba; imò in singulis verbis multiplices latent intelligentiæ, vt bene inquit D. Hieron. Extremis media respondent. In Pentateucho, & libris quæ historias continēt infinitæ figuræ. Omnis autem figura obscura est, alias figura non essent. In Iob profundissima totius Philosophiæ secreta, ideò difficillima. In Psalmis innumera & impenetrabilia sacramenta etiam ipso Luthero teste. In Prophetis tot arcana, tot obscuritates; vt Daniel vnus ex iis, oratione, sacco, cinere, & ieiunio.

1. Ex veteri testamēto.

Gen: 1. 14.

In Epistola ad Paulinum.

Luth: in præfatione in Psal.

Dan: 9. 2.

*Ier: 25. 36*  
*29. Cap.* niis se confecerit, vt illud alterius Prophete de Septuaginta hebdomadibus nobile mysterium intelligere posset. Hæc tam humana & Philosophica quàm humano fastigio altiora & Theologica, qualibet muliercula inter pensa & calathos, prima qua se impiæ sectæ deuouit die, leget, & ad vnguem penetrabit! O stupor, o cæcitas, o impudentia inaudita!

*2. Ex nouo.* At fortè nouum testamentum planius est? Diximus de Apocalypsi, dicamus de alijs. Euangelia magna ex parte parabolis constant, quas & obscuras esse & ideo vsurpatis, ipsa veritas testatur, vt *videntes non videant, & intelligentes non intelligant.* Itaq; interrogantibus Apostolis aliquando; *Quæ esset hæc parabola?* Respondet Christus: *Vobis datum est nosse mysteria regni Dei.* Quorsum de his vt de abditis quærent Apostoli? Quorsum respondet Dominus, mysteria sua peculiari concessione nonnullis nota esse, si vt Luthero & sectariis placeat, nihil obscurū, nihil inuolutum: si omnia per se facillima & apertissima, & omnium Patrum commentariis sunt clara?

*9. Ex ipsa*  
*Scripturæ*  
*affertione*  
*D. Hier.*  
*D. August.*  
*3. Petr: 3.*  
*16.* Atqui de Epistolis S. Pauli, si non credunt sanctis Patribus, qui afferunt eas! nimis obscuritatibus inuolutas esse, credant saltem ipsi scripturæ. Sic enim de eis inquit Princeps  
*In quibus sunt difficultates quedam intellectu, quæ indocti & instabiles deprauant, sicut & ceteras scripturas, ad suam ipsorum perditionem.*  
 Quid indoctius mulierculis, quæ vix legere  
 norunt

norunt linguam in qua natæ sunt? quid instabilius iis, qui toties mutant fidem? quod frequens est apud hæreticos. Deniq; clamat Apostolus esse *difficili intellectu*: clamant hæretici facilia esse. Quis Christi nomine insignitus his potius quam illi credendum censeat?

Iam verò quis enumerabit, non dico difficultates singulas, quæ in utroq; testamento reperiuntur, sed vel capita earum? ubi tot sunt rerum & verborum figuræ abstrusissimæ, tot modi loquendi inusitati, tot loca veluti sibi contraria; tot orationes imperfectæ, præposteræ, ambiguae: tot temporum, & numerorum mutationes; ubi modò singularis pro plurali, modò pluralis pro singulari usurpatur: ubi deniq; nunc iustus, nunc impius, in eodem continuati decursu sermonis loquens introducit, quod frequens est apud Davidem, & Salomonem, præsertim in Ecclesiaste. Postremò quid difficilius, quàm rem contrario modo, quàm verba sonant, intelligere? quod tamen in scriptura necessarium est. Ostendemus id alias; nunc ad thema propositum veniamus.

4. Ex rationibus evidentibus.

Quarto ab Hæreticis, quidnam per generationem, in hac prophetia Christi intelligatur? AMEN DICO VOBIS, NON PRÆTERIBIT GENERATIO HÆC DONEC OMNIA FIANTE. Si intelligitur ætas vna hominum, aut illi quibuscum loquebatur Dominus; vel centum anni quemadmodum genera-

5. E thema te propositio.



ratio in diuinis libris vt plurimùm sumitur; Falsitatis arguetur Christi assertio, cùm ab eo tempore, quo hæc prolata sunt, quindecim fluxerint iam generationes: neq; tamen tum alia quæ Christus prædixit, tum verò illud expletum videmus: *Et tunc videbitis Filium hominis venientem in nube cum potestate magna & maiestate.* Sin per generationem intelligunt Iudæam, siue Christianam stirpem propagatam, siue quiduis aliud: qua fronte asserunt cum

*Luth: in  
præfatione  
Artic: Af-  
fert: à  
Leone X.  
damnato-  
rum.*

suo Luthero quòd scriptura sit [ipsa per se certissima, (hoc verum est, at non reliqua)] facillima, apertissima? Si vna eademq; sententia, imò vnum verbum in tam diuersos sensus trahi potest? Quod si ad solitum asylum recurrant, dicentes scripturam per scripturam esse interpretandam; ostédant quæso quisnam scripturæ locus hos intricatos de generatione sensus, liquidò nobis explanet? Sin id ostendere nequeunt, frangant pertinaciam, & vnde exciderunt, recurrant.

*6. E scriptu-  
ra ab hære-  
ticis obie-  
cta quæ sex  
modis re-  
torquétur.  
Psal: 118. 9.  
Psal: 118.  
120.*

At psallit, inquit, David *esse præceptum Do-  
mini lucidum, illuminans oculos.* Et iterum: *Decla-  
ratio sermonum tuorum illuminat, & intellectum  
dat paruulis.* Hinc certatim Hæretici & Hære-  
ticæ, quamuis re vera sint arrogantissimi, se in  
humilium paruulorum ordine ponunt, se di-  
uinis literis designari, sibi earum intelligenti-  
am concessam esse volunt, nunquam satis de-  
plorandi, quòd se tam nequiter humiliant, &  
à Sathana deludi tam miserè variis modis pa-  
tiantur.

tiantur. Primùm quidem dum locum priorem detorquent ad interpretationem & scientiam scripturarum, in quo nulla huius rei fit mentio, sed tantùm præcepti Domini. *Tractatum* autem *Domini* idcirco *lucidum* esse canit David, ut faciliùs illud intelligendo exequaris, hoc enim ad salutem omninò necessarium est. At ut profundos diuinorum mysteriorum sensus audacter scrutêris, hoc verò tibi perniciem afferre, teq; præsumptuosè elatum dericere in interitum posset. Nam ut optimè monet August. [Turbam non intelligendi viuacitas, sed credendi simplicitas tutissimam facit.] Illud verò alterum, fateor scriptum esse, quòd Deus intellectũ det paruulis; id est humilibus: at verò tibi hanc paruuli humilitatem competere scriptum nō est, imò tam absurdè affingis id tibi quā Æthyopi candorem: quandoquidem te insolentissimæ superbiæ conuincit omnis ratio; qui scita maiorum, & auctoritatem Ecclesiæ proteruè contemnis, qui donum tibi illud arrogas, quod ne ipsi quidem ore Domini vocati paruuli habuerunt. Legis in D. Matthæo, Christum egisse Patri summo gratias, quòd arcanum quæ a Sapientibus abscondisset, paruulis reuelasset: De iisdem tamen paruulis alius Euangelista scribit hæc; *Et ipsi horum nihil intellexerunt, & erat verbum istud absconditum ab eis, & nō intelligebant, quæ dicebantur.* Audisne? Apostoli, quibus teste Christo, Deus secreta reue-

1.

Con: Ep:

Fund: c: 4.

2.

9.

Matt: 11.

25.

Lu: 18. 34.

lauit, quos filius Dei vere vtique pro paruulis agnouit, nil intelligūt: Hæretici verò & Hæreticę, quos nec scriptura, nec vlla euidens ratio paruulos ostendit, imò contrarium omnia clamant, non Christi tantum, sed & Prophetarum omnium & Apostolorum verba intelligent? Quoniam spiritu inflati hæc de se præsumant, intelligit profectò, qui intellectu priuatus non est.

4. Sed, inquit, post acceptum Spiritum S. intelligebant omnia Apostoli: Verum te accepisse tale donum Spiritus sancti, quale tunc
5. Apostoli habuerunt, vnde tibi constat? Præterea non asserit Dauid ipsos etiam veros paruulos, omnia per se intelligere: sed ait, per declarationem sermonum Dei intellectum dari paruulis, neq; docet qualis, quanta, vel per quos detur illis hæc intellectio; cum certò constet, multa & Prophetas & Apostolos ignorasse, quæ alij sciebant. Postremò dum
6. asserunt, non omnibus, sed paruulis tantum scripturæ interpretationē manifestari, nonné apertè fatentur scripturā in se & per se difficilem esse? Nobis verò quæstio non est, an scriptura sacra alicui sit vel fuerit facilis; scimus enim, Prophetis, Apostolis, Euāgelistis, imprimis verò Christo Domino, facillimā fuisse: at controuersia est, an ipsa per se & in se sit facilis, quod Lutherò, an verò difficilis, quod Catholicæ veritati & toti scripturæ videtur.

7. Probatur  
scripturam

Imò ipsorum Hæreticorum tot & tam ingentia

gentia volumina, quæ in scripturam commēti sunt, tot vnus loci interpretationes, quid aliud arguunt, quàm ipsam esse difficilem? Sanctesius illorum quatuor verborum Christi: *Hoc est corpus meum*, plusquàm octuaginta expositiones adfert ex libris eorum collectas. Osiander de illo; *Fides iustificat*, viginti suorum somnia recenset. Nos de illo exordio D. Ioannis; *In principio erat verbum &c.* quotquot nouorum Ebionitarum in Polonia libellos vidimus; tot, non tam expositiones & commentaria, quàm corruptelas & glossemata blasphemæ falsitatis plenissima conspeximus. Deniq; obscuritati scripturæ adstipulatur ipse Lutherus his verbis: [Scio esse impudentissimæ temeritatis eum, qui audeat profiteri vnū scripturæ librum à se in omnibus partibus intellectum.] Atqui etiam fœminæ per te tuosq; insatuata, sacra volumina omnia sibi plana esse iactant: quales igitur erunt tuo iudicio? Temerarij & impudentes, inquis. Quanti clamores contra me tota vrbe excitarentur, si ego illis hæc impingerem? Benè igitur habet, quod à proprio Propheta id audiunt, sed parum est pro ista impia præsumptione: maiora merentur.

Neq; verò mirabitur vllus, adeò Lutherum in asserenda difficultate vel facilitate scripturæ sibi non constare, qui mores ingeniumque nouit huius impostoris. scitum est enim, id illum in omnibus de rebus fidei controuer-

difficilem  
ex ipsa ex-  
perientia.

*Claud: lib:*  
*1. cap: 10.*  
*de Eucha.*

*Con: Mel-*  
*anch.*

8. Ex con-  
fessione  
aduertario-  
rum.

*Luth: in*  
*præfat: in*  
*Psalmos.*

Aliud 6.  
gnum Spi-  
ritus ne-  
quam.

## Dominica I. Aduentus,

fiis factitasse. Hoc mirandum potius & stupendum est; homines qui Lutherum vel Prophetam Germanicum (vt ipse Vitembergæ in templo ad ipsius imaginem notatum vidi) vel virum diuinum vocant, & suspiciunt; nolle animaduertere, quinam spiritus illum inuaserit, iam affirmans, iam idem negans, quàm vanus, inconstans, mendax. Affirmauit difficilem esse scripturam, vi & euidentia veritatis impulsus; negauit difficilem, vt vulgo imponeret incauto; vt adulando plebeculæ, se in eius animum insinueret, & imposturas suas pro salutaribus doctrinis obtruderet. Permissit ista Dominus, vt credentes veluti grana pondere veritatis, secernerentur à paleis leuibus; quæ circumferuntur omni vento doctrinæ; quas meritò Dominus igni tradet inextinguibili. Sed de difficultate scripturæ alibi sapius: iam ad alteram Christi sententiæ partem transeamus.

**ALTER**  
mendacii  
fluvius ve-  
ra falso ad-  
scribere.

Vidimus primos furtiuarum aquarum ductus, quo pacto aut falsa asserant aut negent vera, alieni ab Ecclesia. Videamus alios, nempe quomodo in se alioqui vera, iis quibus minimè competunt, fallaciter & veteratoriè applicant. Capiamus exemplum è verbis Christi Domini; **COELVM ET TERRA TRANSIBVNT, VERBA AVTEM MEA NON**

Tale est,  
quòd hære-  
tica doctri-  
na sit Ver-  
bum Dei.

**TRANSIBVNT.** Hæc vt in auribus sonant omnium, ita creduntur ab omnibus, tam à Catholicis, quàm ab Hæreticis: Sed diuersimodè



modè applicantur. Nam à Catholicis veraciter Catholicæ ac vniuersali Ecclesiæ adscribuntur: ibi enim duntaxat verba Christi cum genuina eorum interpretatione, & solidam veritatem quæ nunquam transit, nunquam mutatur, licet reperire. Improbè verò eadem Christi asseneratio à quibusuis Hæreticis, singulis, quas complexi sunt, sectis adfingitur, quando neque verbum Christi ibi reperitur, neq; vera eius interpretatio; & verbum illorum arundine inconstantius, aura leui mobilius, nequaquam firmitate cælo & terræ est comparandum.

Hæc ita se habere, docebit nos quàm præmanibus habemus Christi sententia, è qua signum & indicium certum solidi verbi diuini habemus. Si enim verbum permanens, transeunte cælo & terra, verbum Christi est: certè quod identidem mutatur, verbum ipsius non erit. Tale verò esse verbum, quod Hæretici verbum Dei esse aiunt, nimis est in aperto. Præcipuum (exempli causa) quod suis inculcant, axioma est; vt firmissima fide quiuis credat & teneat, se saluatum iri; quæ assertio, quonam rogo modo adeò firma & immutabilis est, vt aliter non possit se habere, cùm de facto sæpissimè contrarium eueniat? Quæro enim ab his; Si quis ex eorum secta ad Mahometanos transeat, vel in recenti crimine cadis, verbi gratia, ipse quoq; è vestigio malè pereat; vtrum is saluabitur? Non puto quen-

Probatur  
ibi non esse  
Verbum  
Dei.  
1. Quia cō-  
traria fidei  
credunt.

quam Ministrorum, tam impium & amentē fore, vt hoc affirmet. Quod si ita est, profectō fides illa, qua sibi mentita erat iniquitas, nescio quam certitudinem salutis, fuit mera deceptio, fuit mali dāmonis impostura, non Christi persuasio.

9. Quia in  
constantes  
sunt.

Quod si relictis particularibus axiomatibus, vniuersę Neotericę fidem inspicias; ne meam quidem soliditatis in tota ista Hæreticę doctrinę fabrica inuenies. Memini cū adhuc puer, in ipsis penē Hæreticorum nostritēporis exordiis, in Academiis eorum versarer, me frequenter non solum magnis clamoribus iteratim audiuisse, sed etiam in manucis nobilium filo aureo pictum, ac pro simbolo fidei, quam tunc sequebantur, usurpatum vidisse illud Isaïæ: *Verbum Domini manet in ævum*. Hoc verō idem valet, quod verba Christi allata. Transiens deinde, paulō aduluor Vitembergam, Lipsiam, aliaq; item Hærecon cunabula, Deus meus, quantam imitationem, quam confusam varietatem reperi, vti iam Calumiani Lutheranis, iam isti illis essent superiores, & se ignominiosissimē suis dominiis exigent! Nullum autem illius quam in principio concinnauerant, infauitę fidei veligium erat reliquum. Miratus illud Dauidicam occinere cœpi: *Transiit, & ecce nō erat, & quę sūnt eam* (quem antea videram fidei statum,) *& nō est inuentus locus eius*. Pro cæcitate hominum, qui hæc videntes, imō ipsi etiam

Isa: 40:8.

Psi 36.36.

etiam manibus, ut ita dicam, in manicis suis contrectantes, nihilominus *dilexerunt homines* 10: 8. 19.  
*magis tenebras quam lucem!* Et quamvis non possint Ecclesiam Catholicam alicuius in hoc genere instabilitatis convincere: finem tamen calumniandi nunquam faciunt: sed frustra, quia COELVM ET TERRA TRANSIBVNT, VERBA AVTEM MEA NON TRANSIBVNT, ait Christus, non verbis tantum promittens, sed omnipotentia, & efficacia sui Spiritus, id re ipsa in Ecclesia Catholica praestans. Vident hoc omnes, quibus mentis oculos minimè suffudit liuor tartareus.

Sed arguunt contra aduersarij, etiam vetustos & modernos Ecclesiae Doctores, mutasse Obiectio, quae retorquetur. de fide sententiam: imò quaedam, aliter quam in diuinis literis praedicta fuerant, euenisse. De Doctoribus alias plura, si Deo placuerit; nunc istud sufficiat, illos non solum non mutasse, sed ne dubitasse quidem vnquam de iis quae semel ab Ecclesia certò determinata fuerunt. Mutarunt quidem aliquando opinionem suam de re quapiam, de qua fuit relicta disceptandi libertas: sed fidem veram nequaquam. Ad scripturam respondeo, hoc maxime esse pro nobis, & versutiam Sathanae prodere: à quo ita Haeretici deluduntur, ut aut nolint, aut videre nequeant quod nouit quis etiam mediocriter in sacris literis versatus, 1. Qui à Sathana deluduntur. Deum videlicet optimum maximum solere dupliciter mysteria vel voluntatem suam hominibus

minibus manifestare, partim & vt plurimum absolutè, partim conditionatè. Absolutè quidem manifestantur ea, quæ sunt æternæ veritatis: conditionatè verò, quæ pendent quodammodo ex mutabili voluntate humana. Vnde hæc est inter ista differentia: quòd quæ sunt absolutè à Prophetis, ab Apostolis, & ab ipso Christo denunciata, iis competat, quam hic audis ex ore Christi, constans & æterna immutabilitas. Cuius generis sunt, extremum iudicium & adiuncta illius. Quæ verò determinationem arbitrij, siue libere voluntatis humanæ requirunt; ea cum pendent ex mutabili, natura sua, principio, effectū non sortiuntur suum, nisi prius conditio, vel expressa, vel tacitè intellecta expleatur: ideoq; tales propositiones siue prophetiæ mutantur, si cōditio data, vel intellecta defuerit. Hæc asse-

*Ezechiel 18.* ueratione Ezechiel Propheta duobus ferè integris capitibus probat: vbi toties, (si, si,) particula cōditionata inculcatur. Talis est & illa de

*Iona 3. 4.* Ninive vaticinatio; *Adhuc quadraginta dies, & Ninive subuertetur*, quā tamen seria Regis & ciuiū pœnitentia auertit. Talis ille finis vitæ de-

*Isa. 38. 1.* nūciatus Ezechie: *Dispone domui tue quia morieris*. Cui tamen lachrymātū quindecim annos aui adiecit Dominus. Quomodo autem isti diuersi prædictionum modi sint discernendi, quando præsertim conditionata absolutè dicuntur, quarta concione & alias per occasionem indicabo breuiter. Plura qui volet petat à Theologis.

Itaq; &

Itaq; & Ecclesia sancta arcanorum Christi benè gnara, priora illa plana aternæ veritatis edicta, firma, inconcussaq; credit fide, & nulum de iis ampliùs ambigendi relinquit locū: secùs de aliis quæ conditionem adiectam habent, existimat. Etenim si bona sunt sperare; sin mala timere, & ita inter spem & metum operari salutem suos docet. At Hæresis à patre mendaciorum edocta, contrariam planè sequitur viam. Nam illa quæ certò & absolute definita sunt, incipiendo à minoribus (si tamen aliqua minuta dici possunt, quæ diuino instinctu sancita & inuecta sunt) vsque ad summa & suprema, primùm quidem in dubium vocat: deinde quasi de adiaphoris disputat; ac tandem vt falsa reiicit. Hanc videlicet perfidiæ viam ingressus apostata Lutherus, primùm Indulgentias, & Cerimonias, dein Purgatorium, Inuocationem Sanctorū, aliaq; furiosa mente perstrinxit, & conuellere nixus est. Processit deinde gradatim per Zuinglium & Calvinum ad excludendum liberū arbitrium; præsentiam corporis Christi in Eucharistia, necessitatem baptismi in infantibus: demū per Gentilistas, Seruetianos, Anabaptistas: Colophonem impietati addidit, & Christum non esse Deum, infantes non baptizandos, Verbum Patris neq; fuisse in principio, neq; carnem factum esse, Iesum non ex illibata Virgine natum, Deum non esse trinum in personis, vnum in essentia, & alia sexcenta blasphem-

Catholici  
nunquam  
delusi.

4. Quia e-  
uertunt or-  
dinem di-  
uinum.

NOTA.

Et fidem  
funditus.



blasphemiarū portenta euomuit. Contra verò ea quæ cum aliqua moderatione & conditionatè dicta sunt (attendite obsecro) simpliciter & absolutè credenda per se, suosq; emissarios

*Ezech: 18.* inuexit. Legimus apud Ezechiel: *Vir si fuerit iustus & fecerit iudicium & iustitiam, ad vram non commodauerit & amplius non acceperit, ab iniquitate auerterit manum suam, vita viuet, ait Dominus*

*58.*  
*2. Tim: 2.* Deus; neq; aliter Apostolus, nam ait: *Si quis ergo emendauerit se ab istis, erit vas in honorem. De-*

*21.*  
*Ioan: 14.* niq; ipse Christus: *si quis diligit me, sermonem meum seruat, & Pater meus diliget eū.* Hæc & alia

*23.* eiui demodi, liquet vbiq; habere adiectam cōditionē adnexam, quam particula (si) toties repetita denotat. Itaq; quisquis bonis operibus non abundauerit, qui se non emendauerit ab omni inquinamento, qui iussu diuina non fuerit executus; non erit vas in honorem, sed in contumeliam æternam; non amore aut premio diuino, sed odio & supplicio dignus iudicabitur. Longè alia mens & sensus Hæreticis; Pro certissimo habent, se infallibili destinatione diuina, ad vitam æternam pertinere; nec vllis, quibus cooperti sunt, flagitiis à cælo posse prohiberi. Eam videlicet diuinæ promissionis & fidei solius iustificantis vim esse. At o impie, vbi est quam Dominus adiecit, pie & iustè viuendi necessitas? vbi conditio adiuncta? quam quia tu tollis, & nudè fidei immiteris, dogmate hoc sacrilego, contra euidenter scripturam conficilo, non ad salutem diri-

rēm dirigis miserrimam plebeculam, sed perniciem struis, vt oblita illius Daudici; *Servite Domino in timore, & exultate ei cum tremore.* Et illius exhortationis Apostolicæ: *Cum metu & tremore vestram salutem operamini: sine timore Dei vivens, præcepit in omne scelus, & in infernum ruat.* O deploranda conditio hominum, qui adeò delusi sunt, vt apertas fraudes non videant! ô malè tuta securitas, quæ triste fœdus cum morte sempiterna pepigit!

Sed iam id quod postremo loco proposuimus, demonstramus: quomodo vera in terris Christi Ecclesia cognosci, & à synagoga Sathana discerni possit, quod ex dictis vno verbo colligo. Vbi enim est veritas, ibi Ecclesia Christi: quia *Christus est veritas.* Ibi autem est veritas, vbi verba cum rebus conveniunt: quod præcepit Christus dicens; *Sit sermo vester, est, est, non, non.* Ibi verò verba cum rebus conveniunt, vbi quæ simpliciter sine additamenti dicta sunt; Cælo ac terra transeunte, **NON TRANSEUNT.** sed vel iam effecta sunt, vel infallibiliter euenient: quæ verò cū aliqua restrictione dicta esse liquet; tum implentur, cū desideratæ conditioni fuerit satisfactum. Velim itaq; arguat Hæreticus, num quid in Ecclesia Catholica secus se habeat? Num dicta illa primi ordinis absoluta, vocentur in dubium? Num ea, quæ cum conditione à Deo promissa sunt, præsumptuose pro certis habeantur? Numquid à veritate dissonum in-

III. PVN-  
CTVM.  
Vbi sit Ec-  
clesia Chris-  
ti.

r. 12: 5.6.

Matt: 5.  
37.

num inculcetur? Docetur scripturam esse difficilem, rem ita esse liquet è scriptura tota. Dicitur & prædicatur, verbum Dei stabile, mansurum in Ecclesia. Semper euenit & eueniet. Creditur Purgatorium, præsentia Christi in Eucharistia, Trinitas Deus, & reliqua quæ sunt certissimæ veritatis. Monentur fideles, vt si salui esse velint, cum tremore salutis suæ cooperentur, neq; stulta & arroganti persuasione, sibi delictorum impunitatem polliceantur; vtq; suæ sibi infirmitatis conscij, non ignaua securitate vitam hanc transigant, si futuram longè felicissimam assequi desiderant. Rectè sanè; hoc enim nřdem penè verbis, ab omnibus sacra pagina requirit. Hanc igitur necesse est verā esse Christi in terris Ecclesiam.

Vbi Syna-  
goga Sathana.  
nř.

At verò cū Hæresis toto cœlo à veritate dissideat, & suos errores pro genuinis Christi dogmatibus ventitet, euidenter inde colligimus eam non Ecclesiam Christi, sed synagogam esse Sathanæ. Falsitas est, mendacium est, & fons multorum mendaciorum, docere scripturam [ ipsam per se esse facillimam & apertissimam ] quia cum toto veteri ac nouo testamento non conuenit. Impostura est dicere verbum quod Ministri adferunt, mansurum in æternum: cū certissimum sit, aliud quidem iam transiisse, aliud in dies singulos transire, & euanescere. Figmentum Sathanæ, inimici Dei & omnis ordinis diuini, est præcipere, vt quæ conditionatè dicuntur, absolutè cre-

tè credantur, quæ verò æternæ sunt veritatis, in dubium vocentur. Hæc cum doceant hæretici: demonis sequantur magisterium necesse est, qui est ab initio fraudum & perfidiæ machinator. Hic præterea nulli iudicium suum submittere; hic de omnibus arroganter iudicare, hic diuinorum dogmatum scientiam, quam Prophetæ etiam vix ieiunii impetrabant, inter ebrietates, epulas, & graues scyphis dexteris sibi vendicare, hic de salute, tanquam amicissimos Dei, securos esse eos docet, ut mirum sit, cuius superbo spiritu aguntur, eius miserabilem casum & ruinam non perhorrescere.

Aduertant igitur Catholici, quantas totius Conclusio bonitatis ac veritatis fonti Christo IESU agere debeant gratias, qui in tam firma petra collocauit pedes eorum, qui inter tot arrogantium hæreticorum lapsus, eos ab eadem ruina prohibet. Qui verò procella perfidiæ ab hoc veritatis tramite abrepti sunt; redeant ad cor, oro, obtestor. Audiant Prophetam clamantem: *Fily hominum vsquequo graui corde, vt quid* Psal 4. 5. *diligitis vanitatem, & queritis mendacium?* Nihil apertius de nouis Euangelij corruptoribus dici potest: Verè vana & imposturarum plena doctrina eorum; verè non alleniens, sed aggrauans corda hominum, vt plerique illorum in extremo discrimine positi experiuntur, sæpè utinam non conatu irritò Catholicam opem inclamantes. Ne sit igitur inuitus, non expe-

E

Etetur

Et tetur quæso anceps & incerta dies illa; sed iam, iam, hoc momẽto qui sapis, pone cor durũ, cor graue, quod male habet in nouissimo: & accipe cor Catholicum; repudia vanitatem, complectere solidam firmitatem, detestare mendacium, dilige veritatem, & *veritas liberabit te*, viamq; tibi ad vitam communiet immortalẽ IESVS Christus, qui regnat Deus in secula. Amen.

## CONCIO TERTIA.

### Spes.

*His autem fieri incipientibus, respicite  
& leuate capita vestra. &c.*

Exordium  
à simili.

*Luci 4. 23.*



Aluatorem nostrum meritò sibi medici nomen vsurpasse, vel hoc Euangelium clarè loquitur: vbi habemus efficacia documenta morbis nostrorũ animorum præcauendis & abigendis valdè opportuna. Nam vt medici corporum, eos qui ex inani quadam virium suarum præfidentia, exiguam tuendę valetudinis rationem ducunt, proposito & denuntiato morbi impendentis metu, ad sui curam diligentiorẽ stimulant: qui verò plus æquo de se solliciti sunt, eos ne melancholiam aut nociuam contrahant imaginationem, exclusã vana formidine, bono animo esse, & paulò securius videre iu-



uere iubent : ita Christus Dominus, eos qui sibi de securitate salutis nimium pollicentur, prædicatione districti iudicij, & incusso timore, quasi acerrimis aculeis ad cautelam reuocat : pusillos verò corde ad resumendum animum, spe præsentis auxilij & futurorum bonorum, inuitat & erigit. Vtrumq; in hoc Euangelio præstitit Christus Dominus abundè : primum in priori, secundum in altera eius parte. Et de Timore quidem qui noxiam securitatem procul fugat, initioq; Euangelij satis iam actum est. Nunc de Spe agendum erit, quæ magnopere salutaris est pusillanimitas, ad vires colligendas in via spirituali: quæq; mirè in altera Euangelij huius parte denotatur.

Quare insistentes verbi Christi Domini, quibus nihil puto esse in hac materia efficacius, considerabimus, quæ sit affinitas vel differentia inter Spem & Timorem; quid sit Timor, & quid Spes, quis actus Spei perfectissimus: vnde originem suam ducat, ac in nobis nascatur, in quo cum fide conueniat, in quo discrepet: quas bases habeat, quæ vitia contraria, quam certitudinem, & quomodo acquirenda sit & possidenda. Hæc breuiter, non tam explicando quam delibando, nobis tractanda erunt, vt sint quasi ingressus quidam & exordium ad sequentia. Da Christe Ies v, hæc ita consideremus, vt in illa die capite erecto fiduciæ pleni vltimam tuam expectemus sententiam.

Propositio  
IX. puncta  
contineat

I. PVN-  
CTVM. In  
quospes &  
metus con-  
ueniāt vel  
differant.

In rebus bonis quæ appeti possunt, præci-  
puè numerantur præmia vitæ æternæ, iustis à  
Deo proposita: in malis verò maximè censetur  
supplicia, quæ peccatis hominum seueri-  
tas diuina minitur. Hæc duo secundum altis-  
simam prouidentiae suæ dispositionem, verè  
prænuntians Veritas Christus, duos in menti-  
bus humanis siue affectus, siue virtutes exci-  
tu, Spem videlicet & Timorem, qui apprimè  
in eo conueniunt, quòd circa futura versan-  
tur, & vno EXPECTATIONIS nomine de-  
finiri solent: ac à Christo in Euangelio eodem  
notantur nomine. At cum in aliis plurimùm  
differant; tum imprimis in eo, quod Spes ve-  
rorum vel apparentium bonorum pollicita-  
tione mulcet animum: Timor verò sollicitat  
& terret metu aduersorum imminētium. Ti-  
mere enim mala, sperare verò bona solemus.

II.  
Quid sit  
Timor, &  
quid Spes.

Duo ista in hoc Euangelio distinctè & se-  
paratim à Christo describuntur; Timor qui-  
dem, cum inquit; **ARESCEMUS HOMI-  
NIBUS PRÆ TIMORE ET EXPECTA-  
TIONE QUÆ SUPERVENIENT UNI-  
VERSO ORBI.** Ac si dicas: Timor est expe-  
ctatio futuri mali. Nam & quæ superuenient,  
nondum sunt; & quæ arescere nos faciunt,  
mala utiq; formidolosa sunt. Spem verò de-  
scribit cum ait: **RESPICITE ET LEVATE  
CAPITA VESTRA, QUONIAM APPRO-  
PINQVAT REDEMPTIO VESTRA. Quod**  
enim appropinquat, nec dum est; redemptio  
autem

autem bonum quoddam, & summū bonum est. Propterea non modò animo, sed vultu etiam erecto esse iubet, quod sperantibus proprium est: sicut in contrarium, demisso capite, fixo in terram aspectu incedere, timentibus conuenit.

Ex his verbis Christi discimus naturam Spei perfectissimæ. Non enim de quauis hic Christi sermo est, sed de actu Spei excellentissimo, de Spe illa diuinæ futurorum bonorum, & REDEMPTIONIS expectatione. Neque vero quamuis redemptionem intelligit, sed illam consummatissimam, quæ non nisi post resurrectionem corporum habebitur. Quamuis enim etiam temporalia sperari à nobis possint & debeant, maximè verò illa, quæ nos & ad bona illa aterna dirigunt, & eorum sunt pignus quoddam in nobis, vt est fides, gratia, charitas, & hæc de qua loquimur fiducia: nihilominus Spes ad quam primò Apostolos suos, deinde nos quoq; Christus verbis illis hortatur, est Spes vt vides altissima, qua speramus non solum animæ sed etiam corporis nostri glorificationem. De quo præclare Apostolus: *Ipsi intra nos gemimus adoptionē filiorum Dei, expectantes redemptionem corporis nostri: Spe enim salui facti sumus.* De ista igitur eximia Spe, nos quoq; & in hac, & in aliis concionibus vt plurimum agemus, ad hanc nos mutuò exhortabimur, modosque ad eam acquirendam & cumulatè augendam, Christo iuuante, inuestigabimus.

III.  
Spei actus  
perfectissi-  
mus qua-  
lis.

Rom: 8.  
23.

III. PVN-  
CTVM  
Quomodo  
Spes & Fi-  
des conueni-  
ant.

Vnde ori-  
antur.  
2. Cor: 3. 5.

Nunc verò quo pacto cum Fide quoque Spes conueniat, & vnde ducat originem, ostendamus. Spes igitur ita vt ab ipso Christo Domino, & ipsius Apostolo descripta est, in eo cū Fide conuenit, quod vtraq; sit virtus ex tribus illis præcipuis & maximis, quibus Deum ipsum absq; vllō interiecto medio attingimus; ideoq; tam Fides quàm Spes donum Dei est, in ipso baptisinate animabus nostris infusum. Si enim verum est, prout verum esse debet, quod Spiritus sanctus per Apostolū protulit: *Non quod sufficientes simus cogitare aliquid a nobis quasi ex nobis, sed sufficientia nostra ex Deo est*: quantò minus erimus sufficientes, ex nobis tanquam ex nobis tam alta & omnem captum superantia credere, vel adeò magnifica sperare, quæ nobis credenda sperandaq; à Deo proponuntur, nisi ipse id agendi facultatem dederit? Ab eo igitur, & quidem gratuitò, dona hæc infundi & creari solent in nobis. Verumtamen si adulti sumus, non dantur sine opera & assensu nostro. Nam & antequam creentur, dispositionem nostram requirunt; & postquam data fuerint, in actum non exeunt, nisi volentibus & cooperantibus nobis. Quare vtriusq;, Fidei nempe & Spei, fons & origo est ipse Deus. Sicut enim ea quæ credenda sunt, à Deo ipsissima & infallibili veritate procedunt; & per verbum ipsius nobis manifestantur, & à nobis cū per auditum externum & assensum mentis recipiuntur,

piuntur, ipse Deus creat in nobis fidei excellentissimam virtutem: ita omnino ea quæ speranda sunt à Deo nobis & manifestantur, & ex pura ipsius bonitate promittuntur; recipiuntur autem à nobis, per actum fidei, & propositum voluntatis nostræ. Fidei quidem actus est quo credimus Deum, *qui omnes homi-* 1. Tim: 2. 4.  
*nes vult saluos fieri*, nobis quoq; salutem non denegaturum, si ea quæ à nobis requirit, præstiterimus. Voluntatis verò opus est, quo firmiter in animo nostro statuimus ac proponimus nos in posterum, *sobrie & iuste & pie victu-* Tit: 2. 12.  
*ros in hoc seculo*, quandoquidem id ad veram spem Deus à nobis per Apostolum requirit.

Hæc est igitur inter Fidem & Spem conformitas: verum est etiam quo dissideant. Spes V. Spes & Fides in quo differant.  
enim quæ sine fide nulla ratione consistere potest, eamq; pro fundamento in hominis animo prærequirit, ea ratione Fide posterior & superior quodammodo est. Quamobrem quisquis Spe præditus est, Fidem quoq; certo habet. At Fides potest salua residere etiam in eius animo, à quo impia desperatio penitus omnem spem excussit. Superatur verò Spes à Fide, ratione certitudinis. Quæ enim Fide credimus Catholica, certissima sunt, nec unquam aliter erunt; quæ verò speramus, habet & ipsa suam quidem firmitatem, sed non tantam, quin irritari possint. Certè non poterat Spes ei deesse, de quo illud extat encomium: *Filius vnius anni fuit Saul cum regnare coepisset.* 1. Reg: 13.



cuerat nempe tum temporis Deo, quia adeo bonus & innocens fuit ut infans vnus anni: quod sine Spe nequaquam assequi potuisset.

*Heb: 11.6.* Qui enim dixit? *Sine Fide impossibile est placere*

*Rom: 8.* Deo; Idem asseruit: *Spe salui facti sumus.* Nihilominus ista sua Spe Sui Illustratus perit in

*24.* aeternum, miser, homicida sui pessimus, ut omnes è scriptura norunt. At verò quæ Fidei sunt, audis ex ore Christi, quàm inconcussa maneat: **COELVM ET TERRA TRANSIBVNT, VERBA AVTEM MEA NON TRANSIBVNT.**

Obiectio  
in hæreticos  
retorquetur.

**NOTA.**

At, inquis, iisdem verbis summæ veritatis, & asserentis & promittentis aliquid, Fides & Spes nostra fulcitur: quod enim promisit Deus, hoc nos speramus; cur ergo non eadem certitudine promissa speramus, qua credimus à Deo reuelata? Diximus in proxima de Fide concione, aliter ea quæ Fidei sunt, aliter quæ Spei, à Deo proferri. Illa sine vlla conditione, hæc conditionatè. Quod si aliquando illa quæ ad Spem pertinent, sine vlla conditione, vel dicta, vel intellecta, absolutè proferuntur; firma fide credi possunt. Ita credere potuit S. Petrus, se glorioso martyrio vitam æternam adepturum, cum Christus illi prædixit apud Euangelistam, *significans qua morte clarificaturus esset Deum.* Similiter & Paulus certus esse potuit, quando dictum est ad Ananiam: *Vas electionis est mihi iste.* At verò vbi quæso in scriptura extat nomen Lutheri, Calumi, vel alicu-

*Ioan: 21.*

*19.*

*Act: 9. 15.*

vel alicuius è grege sectariorū inter saluandos  
 relatum? profer vel vnum iota. Quod si non  
 protuleris, qua conscientia credis, quod tibi  
 credendum non proponit, quod solum alle-  
 gas Verbum Dei? Sed audio, inquis, in Euan-  
 gelio: **LEVATE CAPITA VESTRA, QUONIAM APPROPINQVAT REDEMPTIO**  
**VESTRA.** Audio sanè & ego, sed neq; me-  
 um neq; tuum nomen ibi expressum lego,  
 neque audio qua ratione nos caput leuare o-  
 porteat, num per Fidem, quod tu asseris, an  
 verò per Spem, quod vniuersa per totum ter-  
 rarum orbem credit Ecclesia. Quid si ex hoc  
 ipso loco probauero non Fidem, sed Spem  
 hic intelligendam esse? Audi & reuoca erro-  
 rem. Hæc verba nonné ad duodecim Apo-  
 stolos sunt à Christo dicta? Ita certè: Neque  
 tamen omnibus salutis erant prænuntia. Fu-  
 it ibi Iudas Iscariotes; audiuit hæc, neq; ta-  
 men salutem consecutus est. Quid euidenti-  
 us? Si enim neq; ab illis credi poterant qui-  
 bus dicebantur, ne Fidei subesset falsum, sed  
 tantum sperari, quantò minus à nobis?

Quare vt deinceps vtilius in proposito ar-  
 gumento versemur; suppono pro certissimo, **VI. PVN-  
 C TVM**  
 veram Spem veluti solidū ædificium duabus **Spei Co-  
 lunnæ dug**  
 quali minuti columnis; quarum altera est im-  
 mensa bonitas & misericordia diuina, qua nō  
 solum potest & vult saluare omnes, sed etiā  
 promisit se submissis aptis mediis id facturū,  
 verūm non sine assensu cooperantis volunta-

tis nostræ. altera columna est opus nostrum, quo & credimus pollicitationibus diuinis, & volumus omnia præstare, quæ nobis præcepit Deus.

VII.

Vitia Spei  
Contraria.Desperatio  
&

Gen: 4. 13.

Aet: 1. 25.  
Presumptio

Eccle: 5. 6.

Remediũ.

Hæc duo ita sunt necessaria, vt si alterum defuerit, non iam illa eximia Spei virtus, sed enormia peccata contra Spiritum sanctum, animum hominis occupent. Nam si primum deliderabitur; in immane baratrum desperationis prorues: quo prolapsus est in ipso penè mundi initio Cain, dicens: *Maiores est iniquitates meae, quam vt veniam merear.* & in exordio legis Euangelicæ Iudas, qui laqueo se suspendens, *abiit in locum suum.* Quod si alterum auferas, in præsumptionem, peccatũ grauissimum, te immerges, qua omnes qui sola fide iustificari se posse autumant, in interitũ ruunt. Quos arguit Sapiens dicens: *Ne dicas, miseratio Domini magna est, multitudinis peccatorum meorum miserebitur.* Datq; rationem. *Misericordia enim & ira ab illo cunctis proxima.* Miseratio videlicet in eos qui cooperantur gratiæ ipsius: ira verò in illos qui impiè præsumentes de misericordia eius, iniustum & mendacem faciunt Deum. Iniustum quidem, qui erga obstinatè sceleratos tam indulgēs & liberalis esset. Mendacem verò, qui quas pœnas improbis seriò minatus est, minimè eas infligeret. Vt ergo de miseratione Dei certi sumus, eam Spe vera non Fide præsumptuosa & inani concipiamus. Spe, inquam, ad quam nos inuitat Pro-  
pheta

pheta dicens: *Spera in Domino, & fac bonitatem.* *Psal. 56.3.*  
 En habes vtramq; illam Spei basim discretè &  
 breuiter expressam à Spiritu sancto, nempe  
 diuinam clementiam cui confidas, & tuam  
 bonitatem qua de Deo bene merearis. Alte-  
 ro enim deficiente, & ipsa deerit salus.

Hoc idem eleganti similitudine, siue sym- *Spes anco-*  
 bolo Spei designatum habemus. Norunt e- *ra.*  
 nim omnes non ex picturis tantum, sed ex ip-  
 so Apostolo Spem ancorę comparari; *Qui co- Heb: 6.19.*  
*fugimus ad tenendam propositam Spem, quam sicut*  
*ancoram habemus animæ tutam & firmam;* ait A-  
 postolus. Ancora autem duobus vt minimū  
 vncis seu hamis constat; quibus dum rodit  
 foditq; terram, securam sistit nauim. quod si  
 alter ex vncis illi defuerit, prehendere fundū  
 nequaquam potest: ita Spes vncis fiducię in  
 misericordia Dei, & bonis nostris operibus,  
 firmat nos inter procellas vitę, & sistit in por-  
 tu nauim peregrinationis nostrę: cui alterum  
 defuerit, ei miserando naufragio pereundum  
 est. Ne ergo istud patiamur; consili de Do-  
 mino, manus ad moueamus operi.

Sed, inquis: Apostolus *Spem animæ tutam &*  
*firmam ancoram* vocat. Omni ergo securitate  
 ei est innitendum. Tutâ profectò Spes est &  
 firma, nam & antea dixi non deesse speranti-  
 bus firmitatem & certitudinem suam: verum  
 non tantam, quanta est in credente. Quę e-  
 nim ad Fidem pertinent; omnino mutari  
 nunquā possunt; quę Spei sunt, re ipsa quan-  
 doque

VIII.  
 Spei certi-  
 tudo quę.

doque aliter eueniunt, vt toties probauimus. Si in fundamento veræ Fidei stabilitus, fiduciam in misericordia Dei habueris: & bonitatem vt te Dauid docuit exercueris, atq; in istis vltq; in finem vitæ perseueraueris, certissimè salutem consequeris. At quis est, quæso, nisi temerarius & præceptor, qui sine peculiari reuelatione hoc sibi de se ipso certò polliceatur? Nam de eorum impiæ arrogantiæ, qui grauissimis oppressi sceleribus, nihilominus certissimam se fiduciam, imò fidem de sua salute habere gloriantur: quid aptius dicam quàm illud cum magno Patriarcha Iacob? *In consilium certum non veniat, ó Domine, anima mea, & in certis illorum non sit gloria mea.*

Scultitia  
Hæretico-  
rum.

Gen. 42. 6.

Illustran-  
tur dicta  
Euangelio  
hodierno.

1. Possẽ De-  
um saluare

2. Velle-

1. Tim. 2.

4.

3. Polliceri.

Declaremus hæc ex Euangelio quod præmanibus est, ex quo etiã apparebit, vnde hæc incerta, vt ita dicam, certitudo Spei proueniat. Primum igitur posse Christum Deum omnes saluos facere, docet nos omnipotentia ipsius, illis verbis expressa: **TUNC VIDEBITIS FILIUM HOMINIS VENIENTEM IN NUBIBVS CVM POTESTATE MAGNA ET MAIESTATE.** Deinde velle id eum facere & D. Paulus antea citatus, & hoc totum Euangelium clamat. Ideo enim & in prima eius parte malos terret, vt mali esse desinant; & in altera bonos solatur, vt in bonitate persistant, & ita omnes saluentur. Adest præterea promissio ex pura ipsius misericordia profecta & illis asserta verbis: **LEVATE**

**CAPITA**



TE CAPITA VESTRA, QVONIAM APPRO-  
PINQVAT REDEMPTIO VESTRA. Nec  
deest stimulus ad bona opera, sine qui-  
bus scit Spem nō esse fructuosam. Cur enim  
mali pœnis æternis addicuntur? num quòd  
defuerit prima Spei columna, misericordia vi-  
delicet diuina? Absit vt promissa vera Dei  
vocentur in dubium: ergo damnantur ideò,  
quia deest illis altera Spei basis, opera illorum  
bona. Quod explicat & ornat Christus Do-  
minus duplici similitudine, tum eorum qui è  
somnia excitantur, tum arborum: **VIDETE**,  
inquit, **FICVLNEAM ET OMNES ARBO-  
RES, &c.** Quid est hoc? Quantum capio,  
quantum sapio, has duas Spei columnas mihi  
expressisse videtur. Sicut enim in ficulnea &  
quauis arbore, quo sit fructuosa, duo requi-  
runtur; alterum vt terræ per radicem inhære-  
at; alterum vt imbre serotino perfusa succum  
attrahat; ita ad Spem nec Fides sufficit, per  
quam tanquam per radicem Christo inhære-  
mus, nec sufficit misericordia Dei promissio-  
ne firmata: imò neq; imber diuinus, id est,  
media necessaria ad operandum bene, quæ  
nunquam Deo prouidente & miserante de-  
sunt: sed requiritur etiam conatus tuus mini-  
mè segnis vt succum trahas, vt opera bona fa-  
cias, vt proficias crescendo, & fructum vtilem  
feras. Alioqui audies Apostolum reprobis te  
annumerantem: *Terra enim, inquit, sepe venien-*  
*tem supra se bibens imbrem, proferens autem spinas*  
*& tribu-*

4. Requi-  
rere opera  
nostra.

5. Declara-  
tur hæc à  
Christo G-  
mii.

Heb: 6. 7.

*& tribulosa reprobat a est, & maledicto proxima, cuius consummatio in coëustionem.* Imò verò ipsum  
*Mat. 21.* Filium Dei tibi maledicentem, vt maledicit  
 ficui non ferenti fructum, quæ etiam propterea statim aruit. Idem eueniet omni qui inani  
*Luc. 8. 15.* fiducia fretus, licet non afferat fructum in patientia, nihilominus certam sibi salutem pollicetur. O error intolerabilis, qui tantam Deo irrogat iniuriam, & hominibus interitum accersit sempiternum! Vtinam non serò sapiât, qui ita nunc desipiunt.

NOTA.  
 Vnde Spei  
 limitetur  
 certitudo.

1.

2.

*Phil. 2. 12.*

1.

Hic iam facillè intelligis, vnde hæc Spei incertitudo certa, & certitudo incerta eueniat. Certa est incertitudo, imò interitus certus, si sine bonis operibus vis saluari. Incerta est certitudo, si bonis in Fide operibus abundas, sed tamen ignoras, an in iis sis perseueraturus. Certa est Spes, quia quæ Deus promisit, certissimò euenient: ideo cui id nominatim reuelatum est, ne minimum ambigat, vt factum esse Apostolis vidimus: & sit aliis sanctis nonnunquam. Et tunc Fides de eo habetur certa: Incerta verò Spes est, quia & promissio requirens nostrum concursum conditionatè facta est, & paucis peculiari reuelatione constat, se omninò caros esse Deo. Voluit enim nos  
*cum metu & tremore nostram salutem operari.*  
 Certa est Spes, quia si quis primam illam Spei columnam apprehenderit, & in immensam illam abyssum misericordiæ & bonitatis diuinæ, qua omnes vult saluos fieri, oculos mentis fixe-

tis fixe-

ris fixerit, qui dubitare poterit? Dubitabit tamen, & incertus erit, si ad alterum Spei nutans firmamentum, quod ab eo Deus videlicet requirit, animum conuertit suum. Quis enim præsumet, se omnia præstare, quæ exigit ab eo Deus? *Quis potest dicere, mundum esse cor meum? purus sum à peccato?* ait Sapiens. Et tamen D. Ioannes testatur, quod non intrabit in eam, ad quam tendimus Hierusalem cælestem, *aliquid coinquinatum*. Deniq;, potest Spes habere certitudinem suam, non quidem illam absolutam quæ soli Fidei competit; talem nihilominus, quæ multas in rebus humanis certitudines longè superat: habet tamen etiam incertitudinem, quia, ut dixi, etiam si constaret nunc te esse sanctum; nihilominus illud esset anceps, & incertum, te in sanctitate perseveraturum vsq; in finem. Nunquid hoc tibi non persuadet abundè, quod audis in Euangelio, vnum ex illis quibus dictum est; **LEVATE CAPITA VESTRA, QVONIAM APPROPINQVAT REDEMPTIO VESTRA** Spe excidisse, diabolum factum esse, damnatum fuisse?

Quæ cum ita sint, ut ad id quod ultimo loco proposui veniam; vultis dilectissimi mei in Christo fiduciæ sanctæ virtute muniri? vultis in Spe securi de salute vivere moriq;? Audite & exequimini ad amissim, quæ & Saluator & vicarius ipsius D. Petrus grauiter monet & inculcat. Christi verba sunt, immediate

**XI. PVNCTVM**  
Spes quomodo acquirenda, & conservanda.

- diatè post hodiernum Euangelium: ATTEN-  
DITE AVTEM VOBIS, NE FORTE GRA-  
VENTVR CORDA VESTRA IN CRAPVLA  
ET EBRIETATE, ET CVRIS HVIVS VITAE,  
ET SVPERVENIAT IN VOS REPENTINA  
*2. Pet: 1. 10* DIES ILLA. Diui Petri verò sunt illa; *Qua-*  
*propter, fratres, magis satagite, vt per bona opera cer-*  
*cauenda. tam vestram vocationem & electionem faciatis.* En  
oratio docentis, monentis, media efficacissima  
proponentis Dei, quo pacto hanc salutis *an-*  
*Heb: 6. 19.* *coram* semel apprehensam è manibus nostris  
elabi non patiamur, sed in dies reddamur cer-  
tiores, quòd in classem electorum admissi  
portum salutis attingemus. ATTENDITE,  
inquit Christus. Non est dubium, quòd res  
grauissimas dicturus, & pericula denuntiaturus,  
verbo hoc vtitur: ATTENDITE, inquit:  
id est, summa diligentia illud caute, NE GRA-  
VENTVR CORDA VESTRA IN CRAPVLA  
Cordis cra-  
pula. ET EBRIETATE. Corpus equidem non cor,  
crapula & ebrietate grauari solet. Cur ergo  
cor. lis facit mentionem? Ideo, quia Christus  
vitiis exterminator efficacissimus, securim  
*Luc: 3. 9* ad ipsam radicem apposuit: In corde enim, vt  
iple testatur, radix omnis peccati haret abdi-  
*Matt: 15.* ta. Monet igitur, vt inde cum primis extir-  
17. pentur pessima germina prauorum desiderio-  
rum: quia tum facilius a corporibus crapula  
& ebrietas grauians arcebitur Neq; satis hoc;  
Cur mun-  
di. addit: ET CVRIS HVIVS MVNDI. Vtroq;  
dicto, videtur mihi Christus Dominus com-  
prehen-

prehendisse tres illos omnium peccatorum fontes, quos postea D. Ioan: in suam canonicam retulit. Nam sub crapula & ebrietate, *1. Io: 2. 16.* continentur omnia, quæ inde manare solent peccata carnis; In nimis verò huius mundi curis, notatur auaritia & ambitio. Hæc igitur cauete dilectissimi, hæc non è quotidiana tantum vitæ consuetudine; sed ex corde & mente radicitus euellite. Minatur enim, qui nec falli, nec fallere potest Christus Iesus, præsens & graue periculum; **NE SUPERVENIAT IN VOS REPENTINA DIES ILLA**, quæ scilicet vobis admodum luctuosa illucesceret, quia de Spe vitæ æternæ deiectioni, ad interitum sempiternum illa die iusto Dei iudicio destinaremini, & omnia atrocia, omnia terrifica pati cogere mini. Absit hoc absit à nobis charissimi. *Magnus enim dies ille Domini*, ait Prophe- *Joel: 2. 11.* ta, & *terribilis valde*, & *quis sustinebit eum?* Opera *Eccel: 16.* *iustitiæ eius quis enuntiabit, aut quis sustinebit?* ait Sapiens. Propterea iterum iterumq; inculco, vt à quibus cauendum censuit Saluator, ea summo odio detestemur; & illa consecremur, quæ princeps Apostolorum loco notato docuit.

Ibi enim quanta potest breuitate & efficacia, primò ad Spem veram nos erigit, eiusq; custodiendæ & conseruandæ viam aperit; tum vnde incertitudo eius ortum habeat, docet; fructus deniq; longè vberrimos enumerat. Digna sanè oratio, cuius verba singula ponderentur. *Quapropter fratres*, inquit, si nō

D. Petri locus 4. commendat.

1. Ne curiosi, sed laboriosi simus.

2. Pe: 1. 19.

E

cæcutire



cœcutire, si quod cœcorum proprium est, *ma-  
na tentantes* esse non vultis, si cauetis ne obliti  
beneficiorum & *purgationis veterum delictorum*  
ingratissimi in Deum habeamini, (*hæc enim*  
*præmissa sunt in dictis D. Petri*) *Magis satagite,*  
*id est studete potius, ut per bona opera, certam ve-*  
*stram vocationem & electionem faciatis:* quam ut  
curiosè & anxie inuestigeturis, num certò sal-  
uabimini, quod multi non tantùm inutiliter,  
sed & perniciosè faciunt; parum interim vel  
nihil pensi habentes, de comparandis iis, quæ  
ad salutem sunt necessaria: quod extremæ  
dementiæ genus est. *Quis enim stultum nō*  
*reputaret illum, qui summa sollicitudine per-*  
*quireret, num, quod optat, doctus sit futu-*  
*rus, & interim per supinam ignauiam negli-*  
*geret studium literarum, quo ad doctrinam*  
*venitur?* Aut quis non dementem censeret,  
quem circumcursantem, & cupidè sciscitan-  
tem videret, quomodo alteram fluminis ri-  
pam attingere posset; cùm interea tamen neq;  
nauem conscendere, neque pontem transire,  
nec vlla alia ad id comparata adiumenta vsur-  
pare vellet? Ita planè cum iis agitur, qui per-  
quirere potius & inaniter explorare malunt,  
num saluabuntur, quàm dare seriam operam  
ut saluentur. Ab hac igitur dementia nos de-  
terrens D. Petrus: *Magis, inquit, satagite, ut per*  
*bona opera, certam vestram vocationem & electio-*  
*nem faciatis.*

Simile.

Aliud.

Quibus in verbis & aliud considerare lu-  
bet. Mo-

bet. Mouet enim me hac oratio mirificè:  
 admiror pondus & profunda mysteria, quæ in  
 ea latent. Quid enim audio? Me electionem <sup>2. Efficaci-</sup>  
 Dei: quæ ab æterno infallibilis est, certam fa- <sup>am huius</sup>  
 cere posse? & tamen secundum Fidem Ca- <sup>curz.</sup>  
 tholicam, an ex electorum sim numero, sine  
 noua reuelatione, scio me scire non posse.  
 Quo iure stabilire meam vocationem iubeor,  
 de cuius firmitate stabili aliquid certi & defi-  
 niti credere religione prohibeor? Vtrumque  
 nihilominus est verissimum. nam posse nos <sup>Quia cer-</sup>  
 facere certam electionem nostram, affirmat <sup>tam reddit</sup>  
 hic disertis verbis Apostolus. Nectamen mi- <sup>vocationē</sup>  
 nus expressa sunt illa Sapientis pro incertitu-  
 dine: *Nescit homo utrum amore an odio dignus sit.* <sup>Eccl: 9. 1.</sup>  
 Quis itaq; ut in aliis, ita in his, non demire-  
 tur & laudet reconditam diuinam sapienti-  
 am? Voluit in nostra esse potestate, ut certam  
 nostram electionem & salutem reddere pos-  
 simus; quia verum est illud D. Augustini & <sup>August:</sup>  
 ab Ecclesia receptum axioma [qui te fecit sine <sup>ser: 15. de</sup>  
 te, non te iustificat sine te.] Voluit enim sibi <sup>Verbis Apo-</sup>  
 quodammodo suffragari suarum cooperatio- <sup>stoli.</sup>  
 nem creaturarum. Noluit tamen id a nobis  
 sciri, & multò minùs credi, an aliquid coope-  
 rando simus assecuti. Quia ut ibidem Sapiens  
 addit: *Omnia in futurum seruantur incerta.* Vo-  
 luit salutem nostram in manu arbitrij nostri  
 ponere, ne desperemus, ne conqueramur, ne  
 dicamus nos voluisse, sed eam assequi mini-  
 mè potuisse. noluit tamen nobis propalare

quòd certò saluabimur, ne soluti metu oscitanter vitę iter vrgeamus. Et ideò percellit nos inclamans Apostolus: *Magis satagite*, id est hoc potiùs summo studio procurete, sollicitè inuigilate. O quàm vera, iusta, misericordiæ plena sunt monita tua Domine! sine his cui nō lethalis torpor obreperet? quis cum fatuis virginibus ab aditu aulæ cœlestis non excluderetur? Sis eo quoq; nomine benedictus in secula. Hæc est igitur profunditas prima.

3. Quid  
spem red-  
dat magis  
certam!

Altera est: Quare hoc loco vertex Apostolorum (ita enim magnus Dionysius, D. Petrū vocat) dum causas certitudinis electionis, ac salutis nostræ inuestigat, bonorum tantum operum mentionem faciat? Hinc enim inferre quis posset, vel hæc sola ad salutem sufficere, vel certè potiores partes, in salute nobis concilianda, tenere bona nostra opera. Respondeo minimè id sequi. Nam illa hæretica est illatio; hanc ferè tota ista Concione nos conuellimus. Audite & intelligite: Hæreticorū enim proprium est, particulas quasdam minutas quidem (vt sunt illæ, sola, tantum, omnes, & similes) sed tamen veritatem Catholicam funditus labefactantes, scripturæ addere, per quas incautis imponunt. Ergo vt verum est, fidem iustificare, falsissimum verò, solam id præstare; quia illud scriptura dicit, hoc verò Dæmonis instinctu adiectum est: ita verissimum est, ad salutem nostram bona opera requiri, falsum sola sufficere. Nam illud scri-

Non opera  
nostra.

ptura,

ptura, & hic & alibi testatur: particula verò sola, nec hic, nec vsquam addita repetitur. Esto quòd hic D. Petrus, neq; in misericordiæ Dei, neq; promissorum ipsius mentionem fecerit: at faciunt alij, facti & ipse alibi. Neque enim vno in loco dicenda fuerunt omnia. Quòd verò omis-  
*missis alijs, ad bona opera nos hortatur, quòd perseverantibus in eis, & non peccantibus aliquando introitum in æternum regnum 2. Pet. 11.*

*Domini nostri & Salvatoris Iesu Christi pollicetur: non aliquam prerogativam & excellentiam huius partis præ alijs, sed potiùs debilitatem arguit. Quod vt omnes intelligatis, exemplo familiari discite. Consueverunt Patres fami-*  
*lias, dum curru biuigo famulos suos ad longinquum iter expediunt, eisdem equum qui paulò sit debilior, & ad iter maturandum minùs validus, impensius commendare; certò etiam promittendo, si diligentem curam iumenti infirmioris gesserint, eos ad locum destinatum commodè peruenturos. Ita omni-*  
*no nobiscum agitur. Biga quodammodo ad*  
*æternam patriam prouehimur: in qua primas,*  
*potissimas, & vnde totum robur nostrum flu-*  
*it, partes obtinet misericordia & bonitas di-*  
*uina: Secundas habet longè debilissimus conatus noster, & opus bonum, in recta Fide*  
*fundatum. Imò & ipsa Fides opus quoddam est. Horum conficius Apostolorum princeps,*  
*& probe gnarus, nos non aliter nisi ope diui-*  
*na, & nostra obsequenti cupida voluntate,*  
*peruentu-*

Simile

Sed mis-  
 ricordia  
 Diuina.

peruenturos quò tendimus, quid facit? Monet, inculcat, vt debilioris huius partis, quæ maximè in nostro sita est arbitrio, curam geramus quàm diligentissimam; certò promittens, si id constanter ad finem vsq; vitæ præstiterimus, certissimam salutem, & introitum in Regnum magni Dei, & Saluatoris nostri Iesu Christi. O doctrinam verè salutarem! O amorem pastoris erga suas oues eximium!

*4. Quomodo sint superanda quæ spem retardant.*

*Labores.*

*Tribulationes.*

*Job: 21. 17.*

Quid igitur nos quo minus ei dicto simus audientes terrebit? quid retardabit? Num labor? num tribulationes & angustia? num tardia prolixi temporis in ærumnis exigendi? num virium nostrarum imbecillitas? num garritus impiorum, calumniosè obstrepentium, & nos fiduciam in operibus nostris collocare clamitantium? Nihil equidem, si serui Christi, si cordati, si cupidi salutis nostræ dici esseq; volumus. Certum est enim, neq; labores tantos esse quantos serui mundi & diaboli subeunt. Nonné id oculis nostris quotidie conspiciamus? Certè id sanctos viros in stuporem planè rapiebat, quando experientia videbant, plus impios in perdendis, quàm pios in saluandis animabus suis laborare. Quid tribulationes & angustia? Hæ neq; sunt tantæ, quin tolerari possint; neq; est status ullus, qui eis careat. Nisi fortè illos excipias, de quibus

*Iob: 21. 17. Iob: Ducunt in bonis dies suos, & in puncto ad inferna descendunt. Verùm si rectè consideres; tales & hic ab angoribus non esse omnino liberos*

*compe-*



comperies: & alibi flammis æternis mancipandos certò credis. Id verò lucri habent iusti præ impiis, quia voce illa melliflua Christi ex hoc Evangelio petita: **LEVATE CAPITA VESTRA, QVONIAM APPROPINQVAT REDEMPTIO VESTRA:** suas breves ærumnas temperant & solantur. Tempusné diuturnū agoni Christiano destinatum? Et quomodo quæso prolixū esse potest, quod à Spiritu sancto, *puncto*, vt paulò ante ex Iob audiistis, vel vt in D. Paulo est, *momento* comparatur? *2. Cor: 4. 17.* Nonné ipsi Philosophi profitentur, ex tempore nihil esse nisi nunc, & instans? Cauendum igitur, ne ipsi, velut Ninivite Iudæorum, *Matt: 12. 41.* iudices nostri sint, si perperam de longitudine temporis conquerimur. Imbecillitatem virum nostrarum magnam esse discimus experimento & gemimus. Verùm non minus est valida & efficax manus auxiliatrix Dei, cui fidens Apostolus adeò intrepidus exclamat: *Omnia possum in eo qui me confortat.* Eandem tu quoq; vocem magnanimam vsurpare potes, si te arctius Deo per amorē ipsius adstringes. *Phil: 4. 13.*

Restat murmur hæreticorum, qui oblatrāt, nos relictis promissis, & miserationibus Dei amplissimis, in nostrorum operum vilitate Spem collocare. Dicam primò, posse aliquam in operibus collocari Spem, sed & modicam, & nunquam sine misericordia Dei. Dicam secundo, mihi hoc quoq; certum esse, nunquā hanc quæ nobis affingitur doctrinam, ex ore  
*Hæreticæ calumniæ quæ refutantur & retorquentur.*

alicuius veri Catholici profectam esse. Calumnix sunt istæ impiorum, quibus intemperata matris veros filios, procaces onerant. At videte quàm impudenter, & plane stultè. Quomodo enim fiduciam in bonis operibus nostris, exclusa diuina misericordia, collocare possumus, qui agnoscimus & profiteamur, nosignorare an opera nostra placeant Deo? Quis tam præceps & inconsultus, vt Spem in eo ponat, quod an extet in rerû natura ignorat?

*Simile.*

Quis, vt in similitudine data persistam, contempto equo, quem fortiter vectare currum & onera animaduertit; in altero, quem languere, cespitare, labi sæpius videt, Spem totam itineris conficiendi collocat? Experimur hæc in nobismet singuli quotidie; Imò & Sancti experti sunt. Audi vnum ex primis & præcipuis, toti orbi id testantem, audi quomodo languidas & enervatas voluntatis

*Rom: 7. 19*

sux vires deploret: *Non enim quod volo bonum hoc facio, sed quod nolo malum hoc ago*, inquit. Et paulò post; *Infelix ego homo, qui me liberabit de corpore mortis huius?* An non & omnes nos,

*Sap: 2. 15.*

quandiu hanc vitam viuimus, corpus nobiscum circumferimus, quod & animam aggravare, ac post desideria sua trahere, & quotidie imò in horas, in momenta, periculis nos peccandi obnecere, prauis & illicitis motibus titillare sentimus? Et erimus ita mente capti, (vt videmur hæreticis) vt fidamus nobis, in tanta imbecillitate & ad lapsum propensione,

vt inni-

vt innitatur viribus nostris, quæ sine diuino adiutorio non subsistunt? Atqui Pelagianorum hoc est proprium, & impium dogma, quod nobis imputatur: quodq; non minùs quàm cæteras hæreses, sancta detestatur & iam pridem detestata est Ecclesia. Cui qui parent filij, etiam si scirent se omnia quæ debebant ad amissim exactissimè fecisse; nihilominus verba Magistri & Saluatoris sui monentis vsurparent: *Serui inutiles sumus, quod debuius facere fecimus.* Lu: 17. 10. quantò magis quos id lateat, se pro inutilibus gerere ac reputare debèti?

Non est igitur tantum murmur hæreticorum, vt nos ab hoc operum bonorum comparando præsidio absterreat; non est quod nos flatus & procella perfidarum opinionum commoueat, qui veritatem in Petra fundatam amplectimur: quos mater Ecclesia sponsa Christi, quos Princeps Apostolorum, & reliqui Sancti, quos ipse Sanctus Sanctorum tam serriò dehortatur à vitiis, & ad curam salutis innitat: adeò vt qui sine operibus bonis velit saluus esse, cum euidentissima ratio & auctoritas diuina conuincat, non esse bonum Christianum, sed præsumptuosum hæreticum; peccato grandi contra Spiritum sanctum obstrictum. Mouet tamen Ecclesia, non plus æquo operibus bonis fidere nos debere: tum quòd ignoremus an placita sint Altissimo, tum ne quid nobis arrogando per superbiam à gratia excidamus. Hoc enim est quod mo-

Catholica  
sententia  
declaratur

*1. Cor: 10.* nuit & Apostolus. *Qui se existimat stare, vide-*  
*at ne cadat.* Et vide ut cautè loquitur. Non di-

*1. 2.*

cit; qui scit se stare, sed qui *existimat*. Opinio enim hac de re esse potest, certitudo nequaquam. Eadem Ecclesia iubet nos omnem  
 1 Spem & fiduciam nostram collocare in eo, qui dicit: **LEVATE CAPITA VESTRA**, non ad vos, non ad opera vestra, sed ad me, per què **APPROPINQVAT REDEMPTIO VESTRA**; quam ego ipse quotidiana submittens adiumenta salutis, vobis affero. Promissio hæc,

**NOTA**

Sep̃tem  
modos, qui  
bus Chri-  
stus in spe  
primas ha-  
bet partes.

*Eph: 1. 4.*

consolatio nostra est; fundamentum Spei nostræ Christus Iesus est: Cuius bonitas & omnipotentia, non solum in hoc salutis cursu primas ex se obtinet partes; verum etiam, quicquid in altera parte, id est conatu nostro, solidi boni est, ab ipso emanat: *Ipse elegit nos ante mundi constitutionem ut essemus Sancti*: ipse vocavit nullis nostris præcedentibus meritis:

*Phil: 2. 13.*

*ipse operatur in nobis velle bona*: ipse in momenta præsentissimo auxilio nobis adest quotidie: sine quo magis præcipientes, quàm lapis ex alto impulsus, rueremus ad interitum; ipse dat

*Ibidem.*

*& perficere quod nostris viribus non assequeremur*; ipse deniq; dona sua in nobis, colla-

*Ps: 85. 15.*

*borantibus nobis, aucta coronat; quia miserator & misericors est, & multe misericordie & verax in promissis suis.*

Oratio  
summam  
dictorum  
continens.

Ideo ad te qui es fons patens omni sitienti in vitam æternam Iesu Christe recurrimus, qui & timorem incutis, ne ignava securitas in

**re maxi.**

re maxima momenti nobis obrepāt; & Spem erigis, ne abiectio timidos nostros animos prosteruat. Ad te qui incogitabili providentia tua, non solum misericordiam tuam, quæ nusquam non adest ope præsentī, sed etiā bona nostra opera in spe requiris: qui ut scis omnia, antequam fiant; ita virium nostrarum imbecillitatem, aduersariorum verò efferam potentiam perspectam habes: Ad te, inquam, vnicum præsidium Ducem & authorem nostrum confugimus, humiliter & obnixè preces, ut in hoc mari periculoso iactatos, ad anchoram firmam Spei non confundetis nos alliges, quo euitemus procellas tentationum & peccatorum saeuientes, atq; bonis operibus aucti, salua nani & integris mercibus, inter Scyllam Lutheranorum, qui nihil; & Charybdim Pelagianorum, qui nimium operibus viribusq; suis tribuunt, fœliciter nauigemus, & ad te portum salutis nostræ perueniamus; qui uiuis & regnas cum Deo Patre, in unitate

Spiritus sancti Deus, in secula  
seculorum. Amen.

## CONCIO QVARTA.

### Charitas.



RÆ omnibus virtutibus tres excellere, Fidem, Spem, & Charitatem, norunt vel nosse debent omnes. Itis

Excellentia charitatis.



nes. Istis enim solis naturam ipsam, & maiestatem diuinam, nullo interiecto medio attingere, & quantum in hac peregrinatione licitum est, Deo Opt: Max: coniungi consueuimus: imò vt cum Principe Apostolorum  
*2. Pet: 1. 4.* loquar, diuinæ confortes naturæ elicimur. Cæterum quantum illæ superant alias, tantum à Charitate superantur, Paulo attestante;  
*1. Cor: 13.* *Nunc autem inueniunt, Fides, Spes, Caritas, tria hæc.*  
*13.* *maior autem horum est Caritas: vt sine ea, non tantum quæ vocantur morales; sed & Fides, & Spes, non sint dignæ Christianæ virtutis appellatione. Quamuis enim sine Charitate*  
*D. Th: 2. 2.* *Fides & Spes esse possint; virtutes tamen ab-*  
*quest: 23.* *sente illa meritoria esse non possunt; quippe*  
*Art: 7.* *quia solæ non constituunt hominem simpliciter bonum, nec ullius præmij cœlestis capacem. Ad huius igitur virtutis excellentissimæ ardens studium, me & vos hac Concione hortari institui. Verum quam id ratione assequemur, qui à textu Euangelij discedere non solemus? Euangelium verò hodiernum terroris plenum, incutit metum, & in fugam præcipitat? At è contra amor suauis quodam desiderio rei amatæ nos afficit: Suauitas verò hæc tantum abest, vt ad fugiendum incitet; vt potius gustatam dulcedinem suadeat prosequendam, etiam fugientem? Quomodo ergo ex his austeris, & ad terrorem compositis verbis id eliciemus, quod illecebram habeat, & ad arctius amandum Deum inuitet? Eius ope*  
*Timor a-* *non solemus? Euangelium verò hodiernum*  
*morem ex* *terroris plenum, incutit metum, & in fugam*  
*cutit.* *præcipitat? At è contra amor suauis quodam*  
*desiderio rei amatæ nos afficit: Suauitas verò hæc*  
*tantum abest, vt ad fugiendum incitet; vt potius*  
*gustatam dulcedinem suadeat prosequendam, etiam*  
*fugientem? Quomodo ergo ex his austeris, & ad*  
*terrorem compositis verbis id eliciemus, quod*  
*illecebram habeat, & ad arctius amandum Deum*  
*inuitet? Eius ope*  
*nimirum*

nimirum adiuti, qui potest omnia, qui è rigida silice ignem, & e petra sitienti populo aquas eduxit largissimas.

Itaq; dicemus inprimis, quonam modo timore stimulari ad amorem, deinde quæ ratione promissis Christi possimus ad eundem allici, idq; faciemus sanctorum Patrum vestigiis, ac textui inhærendo. Tu Charitas Christe Iesu, qui nos immenso amore prosequeris, da vt te imitando vicissim totis viribus amemus.

Si parentes nostri, à quibus in hanc lucem editi sumus, dum increpant, terrent, ferunt; rectè suo fungi officio, neq; quicquam à verè paterno amore discedere dicuntur: multò magis Deus præpotens ipsissimus & maximè indulgens Pater, à quo omnis Paternitas, hoc quoq; argumento se venditare pro vero & carissimo parente filius suis voluit, dum erroribus nostris minime conuiuet, sed ob eos quandoq; exandescere videtur. Ab eo quidem habemus omnia, corpus & animam: ipse nos non tantùm condidit; sed etiam cruore suo redemptos conseruat, alit verbo, & cœlestibus mysteriis. Verùm ad cumulum horum omnium accedunt minæ & interminationes eius, ne illa priora frustra in nos contulisse videretur, si ignauia nostra perirent. At, inquires, nullo delectu cum iuxta bonos & malos terrere ac punire. Esto sanè. Magnum est nihilominus discrimen eorum, qui sua culpa, & qui nullo merito à Deo affliguntur: **quamuis**

Propositio.

Argumenta amoris diuini generalia.

quamuis quod ad terrores minasque attinet, hæc æque intentantur omnibus, vt omnes salui fiant, & vt etiam impij animaduertant magna erga se diuinæ beneuolentiæ & plurima argumenta: quæ iam verba Christi Domini considerando in particulari videamus.

In Particu-  
lari ex Euā-  
gelio pro-  
muntur

XIIII.

I. SIGNVM  
AMORIS,  
Prædictio  
impenden-  
tium ma-  
lorum im-  
pijs etiam  
facta.

4. Reg: 6.  
8.

Iosue 8. 2.

ERVNT SIGNA IN SOLE ET LVNA  
ET STELLIS, inquit Saluator. Quibus in ver-  
bis liquidò etiā scelestus quot sunt signa, toti-  
dem argumenta eliciet, quibus docebitur, se  
Deo esse carum. Quid enim aliud sibi vult  
oratio præcauentis, & sua cogitata prodentis  
Dei? Legimus etiam in sacris literis, Reges,  
Imperatores, summa cura adnixos fuisse sem-  
per, vt consilia & stratagemata sua, quibus ho-  
stiles vellent aggredi, essent eis quàm occultis-  
sima. Propterea Rex Syriæ misit robur exerci-  
tus sui, ad capiendum Eliseum, qui consilia  
ipsius occulta Regi Israelis spiritu prophetico  
prodebat. Quod & pijs etiam Principibus in  
vsu fuit: imo (quod mirandum est) Deus ipse  
docuit Iosue, quomodo clanculùm & insidi-  
osè circumuenire, ac opprimere incautos ini-  
micos posset. Nunc verò tuæ Chrille artes  
potissimæ sunt & vsitatissimæ, reddere mani-  
festa consilia de puniendis inimicis; & pœnas  
quas inferre cogitas, multò ante denuntiare.  
Vnde verò dissimilis hæc Dei cum suis aduer-  
sariis agendi ratio? Inde, quia alij hominum  
hostes, ex odio, quo suos æmulos prosequun-  
tur, eosdem non nisi punire & perdere qua-  
runt:

runt: ideoq; technas omnes, & vim qua impetere noxios cogitant, ita supprimunt, vt nemo cogitatas infidias saluus euadat. At misericors Deus, qui salutem omnium fuit ardentissimè; quàm maximè se prodit, & spatium euadendi seueram suam animaduersionem iuratissimis suis æmulis præbet: multoq; ante denuntiando territat, vt *fugiant à facie arcus*, *Psal: 59. 6.* si salui esse velint, adeoq; mortem effugere sempiternam. O benignitas ineffabilis! Reperiturné aliquis vestrum, mortiferi sibi conscius peccati; ideoq; hostis Dei iuratus, tam obstinato animo; vt neq; oblata vltro sui Creatoris reconciliatione moueatur? Quæ machinæ huic saxeo pectori expugnando sufficiant, si hæc amoris diuini vis non est satis? Quis eius cor emolliet, si nil profuit ingens tantæ charitatis æstus? qua parens optimus ardet erga eum, quamuis hostem suum infestissimum? Quid enim his aliud vult Saluator, quàm vt omnes salui fiant? Ergoné homo inconsideratus, & se suo fine, ad quem creatus est, & Christum expectatione nostræ salutis, cuius est cupidissimus, ita frustrabitur? Absit hæc à vobis maxima certè & stolidi impietas; adsit verò amoris vestri, cum diuino redintegratio. Verùm cum nostri instituti sit, in hac concione spiritualiter hæc signa interpretari, id antequam faciamus, alia amoris diuini etiam erga impios indicia expendamus. Non solum enim præcauet, sed & terret dicens:

Exhortatio

Terror co-  
gens ad  
DEVM.

Ab exem-  
plo simili.

ET IN TERRIS PRESSURA GENTIVM  
PRÆ CONFUSIONE SONITVS MARIS  
ET FLUCTVVM. Non nuda enim hic est  
prædictio, sed terrore mista, vt metus in fu-  
gam coniciat peccatorem; illam vtiq; fugam,  
quæ à Deo irato ad Deum indulgentem recta  
dirigens, refugium in sacris literis dicitur. Id  
verò non est aliud, quàm ipsius Iesu vulnera:  
ad quæ nisi se receperit, nusquam securus  
consistat. Mirus hic est amor Saluatoris, idem  
agentis quod matres cum teneris filiis. Hæ  
enim si infantem semel, atq; iterum blan-  
diis & verborum lenocinio ad se accersere nō  
valent: subornant quempiam, qui tetro vel  
etiam larvato vultu, voce aspera & minaci in-  
uadat & terreat renuentem. tum puer matrem  
recta petit concitus, & blandè suscipitur. Fi-  
ctitius hic terror, adumbrat nobis terrores  
Dei verissimos. Attendit Saluator, num quis  
cordè non duro sit, & minis tremefactus, ad  
se recta, vitiiis nuntio remisso, confugiat. Hu-  
ic enim vtrò Saluator prodit obuiam, ruit in  
amplexus, & commissorum veniam donat li-  
beralissimè. Nulla est vnquam adeò facilis  
materna indulgentia, quæ vmbra huius di-  
uinæ erga nos propensionis assequatur. In-  
tuere eum in cruce manibus expansis, te ad  
suos amplexus inuitantem. Quod si sponte  
nō alliceris hac admiranda charitate & lenita-  
te, impellat metus, impellat percussio, de quo  
audi quod sequitur.



ARESCENTIBVS HOMINIBVS PRÆ  
 TIMORE ET EXPECTATIONE QUÆ SV-  
 PERVENIENT VNIVERSO ORBI. Ma-  
 gnum itaq; & hoc eiga genus humanum a-  
 moris indicium percutere, sed paternè & le-  
 niter, ne grauitè & quasi hostiliter punire in  
 posterum necessum habeat. Neq; hic probi  
 excipi videntur. Nam ista superuentura vni-  
 uerso orbi dicuntur: in orbe autem non tan-  
 tum malos, sed etiam iustos reperire licet.  
 Omnibus itaq; ad terrorem proposita sunt, li-  
 cèt diuersimodè. At, inquires, nos qui longè  
 ab illa die absumus, non posse his moueri.  
 Demirari equidem satis nequeo, dum & san-  
 ctos Patres, & ipsam scripturam intueor: quĩ  
 factum sit, quòd illi qui nos mille & multò  
 pluribus retro annis, nempe ab ipso Euangelij  
 exordio præcesserunt, tantopere diem illum  
 timuerint; vt veriti fuerint, ne illos è vestigio  
 opprimeret minimè paratos: nos verò qui ses-  
 qui mille & amplius annis extremo illi diei  
 vtiq; propinquiore sumus, securi planè &  
 absq; vllò metu hac in parte viuamus? Quæ  
 sit ista perniciosa securitas, vtinam semel a-  
 gnoscamus, quorũ in acie salus propterea sæ-  
 penumerò vertitur. Sed prosequamur reliqua.

III.  
 Lenis per-  
 cussio ad  
 vitandam  
 grauiorem

Oscitantia  
 spiritualis.

Certum est futura hæc terramenta, non  
 solum propter eos, qui tum victuri sunt, quan-  
 do ingruent, sed & propter omnes prædicta  
 esse. Sciunt enim qui omnia nouit Christus  
 Deus, Apostolos quibus hac loquebatur,

Omnibus  
 inculcata  
 Iudicij di-  
 strictio per  
 CHRIS-  
 TVM.

tamdiu non superuicturos. Neq; verò id prædixit tantùm, vt tum temporis victuros per Apostolicam prædicationem percelleret: sed vt & ipsi Apostoli seueram diem illius cladem recenti semper memoria circumgestarent; & aliis omnium ætatum mortalibus, idem per se & suos successores inculcarent. Quod vide quàm exactè fecerint. Ex D. Petro & aliis dicta sunt in prima Concione plurima. Nunc D. Paulum intueamur, cui non satis fuit, id apud Christianos exaggerasse; etiam Idololatrias Athenienses, nihil minùs cogitantes, vel intelligentes, extremo illo iudicio grauius terret; neq; frustra. Nam ex iis nō pauci conuersi sunt ad fidem: inter quos fuit magnus ille Dionysius Areopagita. In Thessalonicensium verò Christianorum animis tantos motus excitauit, vt diem illum iam iam adesse putarent: quam ob causam alteram ad eos epistolam dedit, in qua eos hac opinione liberat. Quid dicam de sanctis Patribus? Sufficiat D. Gregorius, pastor vniuersi orbis, quem video non opinatum esse tantùm, sed & confirmasse rationibus è scriptura deductis, breui diem illum adfuturum. Nota est in Euangelium hodiernum eius homilia. Et tamen mille ferè annis Sanctus hic nos antegressus est, nos, inquam, qui audemus omni pulso metu in vtramq; aurem dormire. Si hæc insidiosissima securitas ideo à dæmone immittitur, vt ad obliuionem rerum diuinarum, & ad oscitantiam in

Per Apo-  
stolos.

1. Thess: 5. 1.

Act: 17. 33

2. Thess: 2. 1

Per SS. Pa-  
tres.

am in

am in pœnitentia agenda inducat; si iacturam salutis & miserabilem interitum conciliat: quid moramur obsecro tot exemplis, tot monitis Sanctorum, & portentis venturi Christi veluti stimulis icti, veterum hunc lethiferum excutere? Cur non eorum recenti & perpetua memoria, tanquam chalybe filex, cordis nostri percussa, vero dolore compungitur, & Charitas ignem scintillat? Tardus videlicet est aduentus Dei nos iudicaturi. At cum exitus vniuscuiusq; de corpore accelerat, vt merito in momenta debeat formidari.

Verum esto distent prodigia hæc, & dies illa quam longissime. Quid si non tantum quando morte obita, rapimur ad Tribunal iudicis; verum & tunc toties in nobis orta sunt, quoties à recto tramite diuinorum mandatorum aberrauimus? Num & id tardum putabimus quod quasi continuo nos adoritur? Age hoc iam demonstremus. Nostis à Philosophis hominem paruum mundum nuncupari. Nec immerito, conforme enim est id & sacre pagine, vbi legimus, post omnia quæ creauit ornauitq; Deus, hominem demum conditum vt compendium rerum omnium: & rationi, quia quæ cœli terræq; ambitu continentur, in homine suo modo reperiuntur. Nam vt in cœlis, vel supra cœlos sunt Angelici spiritus, ita in nobis anima spiritualis, ac immortalis principem tenet locum. Deinde noster intellectus, Soli simillimus est. Vt enim à

## IV.

Signa Iudicij suo modo in quouis peccante expressa

NOTA.

Homoparvus mundus.

Gen. i. 26.

In eo videtur re est Solem.

sole omnia lumen mutuantur, ita quicquid est luminis in anima, ab intellectu deriuatur.

**Lunam.** Voluntas verò nostra partim directè, partim obliquè summum bonū prospectans, nonne mutabilitate sua egregiè lunam ad solem variè obuersam imitatur? At stellarum varietas multiplex, diuersitatem earum imaginum,

**Stellas.** quas memori mente nobiscum circumferimus, adumbrat. Utq; gratus est oculis nostris aspectus hic syderum: ita gratum est animo pii hominis, dum recenti memoria beneficentiæ diuinæ dona sibi impensa recolit.

**Terrā, &c.** Terram & omnia quæ in illa sunt, meritò cō-  
**Gen: 3.19.** paro corpori, quod de terra formatum est, & in terram ibit; crescit vt planta, sentit vt quoduis animal, ira æstuat, gessit lætitia, & aliis mouetur passionibus vt bestia. Quæ quidem olim homini subditæ, & affectiones in eo fuerant omnes ordinatæ. At postquam parentes nostri diuinæ legi subditi esse desierunt, ordinemq; istum pulcherrimum subiectionis primi violarunt; omnia excusso rationis imperio sursum deorsumq; misceri experimur, & deflemus.

**Quomodo in his portenta compareant?** Quod ergo alienum primorum scilicet parentum peccatum fecit in nobis; facit & nostrum, eo modo quem Euangelium præsens moraliter siue spiritualiter intellectum appositè ponit ob oculos. Peccat quis in Deum conditorem suum, è vestigio *signa in sole & luna, & stellis* oriuntur; & eo magis crescunt, quò  
 quis

quis obstinatiùs in sceleribus perstat. Intellectus qui solis instar est, ita obscuratur, ut iudicet *tenebras lucem & lucem tenebras*, & summū bonū fugacissimā postponat illecebrā. Quid his tenebris tenebrosiùs? Voluntas verò ipsa quoq; luna fit mutabilior. Ait enim Sapiens: *Stultus* ( talis est omnis peccans ) *sicut luna mutatur.* Memoria quæ gratiæ diuinæ fulgoribus, velut stellis illustrata scintillabat, dum cælestium vel oblita, vel ea fastidiens, terrena perpetuò voluit & reuoluit, stellarum casum imitatur. Quid dicam de terra? Nonné quod Saluator ait; **ET IN TERRA PRESSURA GENTIVM**, homo flagitiis coopertus expeditur? At, inquires, nullam eos pressuram, imò delectationem maximam sentire, dum voluptatibus carnis dissolunt. Sed errant, & se miserari fallunt, quia sunt homines mendaces. Non fallit Christus veritas. Ages enim, considera diligenter verba ipsius, & reperies rem ita se habere. Quid enim dicit Christus? quibus minatur *in terra pressuram*? Homini bus equidem. Per hominem verò id intelligi debet, quo à brutis differt, nimirum ratio, & intelligens anima. Homo igitur pressus & deiectus miserè iacet, tum vel maximè cū corpus eius & sua bruta animalitas stultè effert se lætitiæ futili. Quæ enim maior potest esse pressura Domino, quàm quando seruus ipsius illi imperat? Quoties caro quæ subiici, imò ut pecus tractari debuit, animo, cui imperium

Tenebræ  
&c.

Isa: 5. 20.

Eccl: 27.

12.

Matt: 24.

29.

Pressura  
grauissima  
peccatum.  
Obiectio,  
quæ

Ps: 115. 11.

simili sol-  
uitur.



Confusio  
& despumatio pec-  
catorum.

Ind: 9. 13.

Pro: 17. 22

Exhortatio

datum est, turpiter dominatur, etq; cupiditates sordidas & illiberales, velut onera quapiam ingerit; nunquid illum non indignissime deprimi? Hæc ipsis cum pateant sensibus; patet etiam liquido pressura hominis nostri interioris. Nec minus aptè quadrat flagitiosis, quæ sequitur *confusio sonitus maris & fluctuum*. Quæ enim, confusio maior quàm in tali homine? quis fluctus, quæ procella spumantis maris horridior & fœdior, quàm ij qui corporibus suis habenas laxant? & vt appositè

ait Apostolus: *Despumantes suas confusiones*. Nunquam ita spumat & æstuat mare fluctuans, vt hæreticus errorum ventis abreptus in Catholicos incurrens: nunquam ita brutæ animantes lasciuunt & turgent, vt homo luxuriæ deditus vel ambitioni; nunquam leo vrsusue ita ferocit, vt tyrannus sæuens, & quicuis iracundus. Breuiter, talis est omnis, qui mauult vt illi brutæ passiones, quàm diuina ratio dominetur, qualem hic Christi oratio mysticè intellecta nobis designat. Additur enim *arescentibus hominibus præ timore & expectatione quæ superuenient vniuerso orbi*. Homo paruus mundus, impietate obstrictus arescit, & tum ab exagitante timore, tum à remorsu conscientia, tum tristitia intolerabili consumitur. Nam *spiritus tristis exsiccat ossa*, ait Sapiens.

Cum igitur hæc in cælo & terra, id est, in anima & corpore tuo propter tuum lapsum, agi conspexeris, ô Christiane: recorderis signa quæ-

gna quædam prænotia terribilis aduentus Dominici & iudicij tui tibi dari. Nam licet ista quæ recensuimus, & alia plurima, sint pænæ peccatorum nostrorum: sunt nihilominus etiam signa, & exhortationes piissimi lesu, vt conuertaris & viuas: vt si illis, quæ longè abesse autumas, non moueris; vel istis quæ prope in limine, imò in te esse sentis motus, non differas pœnitentiam: atq; ita amantissimi Patris, tuam incolumitatem vnice cupientis, expleas desiderium. Qui audi quid subiungat:

Nam VIRTUTES COELORVM MOVEBUNTUR. Angelos intelligit, qui & in vniuersali illa clade, mira vt vidimus operabuntur, & in nostro hoc paruo orbe, quando interitum minatur, quid non præstant? Mouentur equidem, virtutem suam, VIRTUTES COELORVM, non otiose exerunt, adiunt nobis præsidio, ne pœnitus corruamus. Exemplo sit nobis Angelus Thobiæ, qui si ea quæ legimus fecit, ne bonus iuuenis periret in corpore; quid non faciet, ne malus Christianus intereat in anima? quæ vtique & longè est corpore excellentior, & naturæ ipsius conformior. O quoties vigilans hic noster custos *Leuiathan*, serpentem rectem, serpentem tortuosum, cohibuit, ne nos absorberet? Quoties sicut Raphael Thobiam, tutatus est nos, ne ab immani monstro deuoraremur? quoties Asmodeum dæmonium ligauit, ne nos, prout septem illos

V.  
SIGNVM  
AMORIS  
Angeli nobis  
tuen-  
dis desti-  
nati.

Angelorū  
in nos be-  
neticia.  
*Isa: 27. 1.*  
*Tob: 6. 3.*  
*Eccl: 8. 1.*

viros apud Raguelem, male perderet? quoties à peccato auocare, & ad bene operandum sanctis suis inspirationibus impellere nos conatus fuit? Illa verò omnia, quis operatur per Angelos? nisi tu, qui eo fine tantam eis mobilitatem, & ad nos propensionem indidisti? Agnoscimus & hinc euidenter amorem tuum, quo nobis adeò bene consultum velis. Sciuit enim dulcissime Iesv, quòd si pro merito scelerum nostrorum, sath in in corpus nostrum rabiem suam exercere posset; non fieret salua omnis caro, & non paulominus, ut  
*Isal: 93.* ait vates, sed iam pridem *habitasset in inferno*  
*17.* *anima* nostra. Simus igitur grati, ut oportet, & memores dilectissimi: neque Lucifero malo, mala nobis per suos emissarios suggerentis; sed Christo bono per bonos Angelos optima inspiranti, obediamus. Sequitur vltimum Aduentus diuini ad iudicandum signum, vel potius ipsius aduentus initium.

VI.  
 Porro ex-  
 positæ ad  
 terrorem  
 incutien-  
 dum.  
 Ab exem-  
 plo simili.

ET TVNC VIDEBUNT FILIVM HOMI-  
 NIS VENIENTEM IN NVBE CVM POTE-  
 STATE MAGNA ET MAIESTATE. Vide-  
 tur mihi amantissimus Dominus id observa-  
 se, quod vos patres plerumque factitatis. Non  
 enim vobis satis est, semel & iterum filios pro-  
 ternos castigasse, sed consuevistis etiam flagra  
 quibus puniti sunt, propalam asseruare, ut pu-  
 eri eorum intuitu se à petulantia cohibeant.  
 Simile quid legimus fieri in antiquissima Chi-  
 nensium Repub. Ibi enim certis anni tempo-  
 ribus,

ribus, catenæ ferreæ, compedes & exquisita quæq; excarnificandorum corporum instrumenta, per plateas ciuitatis raptantur, & in saxis elisa terrificum sonum excitant; imò obuij etiam quique impeti & percuti solent. Ea ratione vulgus mirum in modum in officio continetur. Non aliter profectò Christus Saluator, ea quæ supernentura sunt interituro mundo, & nunc peccanti cuilibet obtingunt, promit, & ordine recensita, velut in edito loco spectanda defigit: omnia inquam prodigiorum genera, quæ in cælo, quæ in terra, quæ in mari, quæ in hominibus, quæ in Angelis, quæ deniq; ipso iam aduentante prouentura sunt, vt hæc considerando per timorem ad amorem inducaris.

Neq; satis est vrgeri segnes his territamētis: additur in istis postremis verbis remedium duplex, videlicet recordatio vniuersalis extremi iudicij & particularis, quod statim obitam consequitur mortem: imo etiam earum quæ sustinentur patrato scelere afflictionum, de quibus paulò ante disseruimus: qualis est intellectus obnubilatio, voluntatis impetus, male in vitia pronæ; imagines absurde memoriam infestantes, corporis & sensuum rebellio maxima, fœdè exæstuans libido, & alia. Adde his quod iam audisti. *filium hominis venientem*, imo etiam *monentem* te non solum per Angelos; sed etiam per seipsum, vt sui curam geras. Quid enim sibi vult illa Syndæresis, illa,

VII.  
Remedia  
data.

Syndæresis.

G 5

vt cum

Rom. 2.  
15.

vt cum Apollolo loquar, *conscientia inter se inuicem cogitationibus accusantibus, aut etiam defendentibus?* & veluti coram summo cognitore disceptantibus? vix vnquam peccator sine confictu & tumultu eiusmodi cogitationum viuit. Magnam certè *potestatem* & maiestatem suam Christus hic quoque declarat, cum inter medias epulas & voluptates irruat super eos pavor, & amara quædam inœstitia peccatricis animæ intima fodiat. Maiestas certè & digitus Dei est iste, qui tam valide se in confertas voluptates insinuat. Utinam non obruamus castigantis nos conscientie vocem, sed sincera conuersione nostra, gratiam in hac die gratiæ obtineamus. Hucusq; Dominus mouit bonos & terruit malos, iam sermonem suum suauissimum ad bonos conuertit.

## VIII.

Spes & solatia bonis oblati.

Joan: 17.

20.

Joan: 15.

14.

HIS AVTEM FIERI INCIPIENTIBVS,

RESPICITE ET LEVATE CAPITA VESTRA.

Vos ad fructum faciendum electi peculiari-  
ter, & non solum vos, sed etiam omnes, qui  
per vos & successores vestros *credituri sunt in*  
*me*, & facturi *que ego precipio vobis*, ne terreami-  
ni, sed consolamini; ne abscondite facies ve-  
stras, quod male sibi conscij solent: sed leuate  
capita vestra, & intuemini vestrum Patronum  
potius quam vindicem. Quemadmodum e-  
nim qui ab hoste capti in carcere detinentur,  
quando audiunt à sibi fauentibus captam esse  
ciuitatem in qua detinentur, omnibus ciui-  
bus tristitia affectis, flentibus, eiulantibus, ipsi

A simili.

non so-



non solum non contristantur, sed cum lætitia operiuntur eos, qui se de carcere liberent. Idem faciendum censet Dominus iis, qui se cum amicitie stabili fœdere iuncti sunt, siue iis qui hæc signa ante suum aduentum quandoq; visuri sunt, siue iis qui ea duntaxat fide & cogitatione prævident, iisque permoti ab omni specie mali se continent: Hos inquam monet, dicens: ne terreamini, non in desperationem propter obiectos terrores & tribulationes ingruentes vos immergite, sed alacres potius singulari lætitia exultate.

QVONIAM APPROPINQVAT REDEMPTIO VESTRA. Illa utiq; absolutissima, cui nil addi potest ad cumulum, qua nil felicius. Quia tamen ea prius euenire non potest, quam terribilia quæ dixi præcesserint; Cum ista videritis aliis eiulantibus, vos redemptionem sperate, & sperantes exultate gaudio inenarrabili. Exultauit plurimum Iacob, quando Isaac illi benedixit: at fleuit Esau, Isaac neganti sibi benedictionem, dicens: *Num vnā tantum benedictionem habes pater?* Noster autem Dominus & Pater Christus Iesus, non vnā habet benedictionem, quia non vnā habet redemptionem. Redemit enim nos, naturam & carnem nostram in utero Virginis assumendo, & Patri dicendo: *Ecce venio.* Redemit conuersando & docendo, ideo inquit ad Apostolos; *Iam vos mundi estis propter sermonem quem locutus sum vobis.* Mundi-

IX.

Perfecta redemptio promissa.

Redemptionis & eius applicatio in vna genera.

1. *Psalm. 39. 8.*

2. *Ioh. 15. 3.*

3.

cies

cies autem sine redemptione, esse non potest. Redemit nos sanguine suo, de qua D. Ioannes : *Redemisti nos Deo in sanguine tuo, ex omni tribu & lingua, & populo & natione.* Et hæc redemptio est fons & origo cuiusvis redemptionis. Ideo non solum ipsa, sed etiam participatio ac applicatio huius redemptionis, id est sanguinis Christi, redemptionis insignitur nomine. Quod fit varie : dum in baptismo ex filiis iræ filios Dei nos efficit : dum pœnitentibus peccatorum remissionem donat : dum per alia sacramenta, & maxime Eucharistiam cumulatè auget gratiam : dum bona opera nostra remunerat : dum piè ex hac vita decedentium primò animas, deinde post resurrectionem etiam corpora coronat, & beatitudine impertit. Et hæc est, quam præcipuè dictis verbis Christus Dominus suis promittit, Redemptio plena. Caterùm quia nunquam Christus Dominus cuiquam redemptionem suam applicat, quin benedicat; nunquam benedicat, quin aliquid largiatur : quàm variè & cumulatè ab eo redempti sumus, tam variè quoque & vbertim benedicimur. Festinemus igitur dilectissimi, cum Iacobo Patriarcha, non ad terrenas, sed ad cœlestes capeffendas benedictiones, vt liberaliter in nos effusis; vt cum gaudio valeamus. Capiamus eas æquè per amorem; sicut per amorem dantur. Ad quem vt incitemur magis, duas similitudines à Domino datas excutiam. Subiungit enim,

VIDE-

VIDETE FICVLNEAM ET OMNES ARBORES.

X.

Hæc est altera, primam autem paulo ante audiistis, sumptam ab iis, qui velut è somno excitati profundo, leuant capita. Vt enim ij primum quidem clamoribus excitantur, deinde oculos aperire & aspicere incipiunt; postmodum capita leuant, ac demum surgentes opus aggrediuntur: ita somno spirituali per peccatum immerfi, primum quidem terroribus, & illis clamoribus, de quibus in prima Concione dictum est, à pernicioso lethargo excitantur, deinde per fidem oculos aperiunt: (Fides enim dum in hac vita degimus, in intellectu sita, est quasi oculus animæ) postea per Spem leuare incipiunt capita sua, ac demum per Charitatem opus diuinum aggrediuntur. Quod vt & nos fœliciter aggrediamur, in eoq; vt par est proficiamus; quæ altera hac similitudine notantur, diligenter attendamus. Ea verò sumpta est è ficulnea & aliis arboribus: in qua lego alibi & hic Christum Dominum tria signa ætatis appropinquantis dedisse. Primum, cum iam ramus eius tener fuerit. Secundum, Et folia nata. Tertium, quod solus Euangelista noster habet:

SIGNVM  
AMORIS.  
Tempor no-  
ster simili-  
tudinebus  
excitatus.  
Dormien-  
tis.

Ficulneq.

Matt: 24.

32.

Mar: 13.

28.

XI.

Signa &  
effectus  
gratiz.

CUM PRODVCVNT IAM EX SE FRV-  
CTVM, SCITIS QVONIAM PROPE EST AESTAS.  
Per hunc verò (licet in Græco id non repe-  
riatur, quia sensum literalem intelligit D. Lu-  
ca fructum immaturum & vix inchoatum.  
Maturus enim hucus, signum est ætatis non  
aduen-

Tres gradus horum signorum.

1. Teneritudo conscientiz.

1. Tim: 4.

2.

2. Gustus diuinorū.

Psal: 1. 3.

3. Opus ipsum.  
Exhortatio.

aduentantis, sed vel præsentis, vel iam elapsæ. At in sensu spirituali, pulcherrimè omnia quæ drant. Sunt enim non solùm signa, quibus aliquo modo cognoscere possumus, an Charitas & gratia Dei sint in nobis: sed etiam, quantum in ea profecerimus, gradatim apeririunt. Primum est teneritudo conscientiz, quæ ramus & propago quædam animæ nostræ est. Qui enim vel daram, vel largam, vel quod peius est, & quod summopere Apostolus detestatur, *cauternatam habent conscientiam*, iis non æstas indulgentiæ diuinæ, sed rigor iræ ipsius expectandus erit. Alterum paulo excellentius; cùm iam sunt *folia n. t. t.* Illa folia, quibus ornatum David beatum prædicat: *Et solum eius non defluet*; nempe verba & sermones de rebus diuinis, qui antea insipidi, imo amari, nobis esse videbantur, tum sapere incipiunt, ut & audiantur libenter; & cum gustu aliis referantur. Postremum & perfectissimum est, FRUCTVS bonorum operum. Hæc igitur tria à nobis procuranda sunt, conscientia nempe, non scrupulosa quidem, sed tenera; non timens ubi non est timor, sed ita tamen nos in officio arête continens, ut parati simus potius mori, quàm bonitatem diuinam peccato mortali offendere: lingua non dicacitati, mendaciis, maledicentiæ, detractionibus assueta: denique mens & manus ad omne opus pium sanctum parata & expedita. Hæc si nobis ope in primis diuina, & nostra vigili exercitatio-  
ne in

one in hac vita obtigerint, redemptionem à Christo promissam, læti expectabimus: fietq; nobis, quod subiungit Christus Dominus:

ITA ET VOS CVM VIDERITIS HAEC FIERI, SCITOTE QVONIAM PROPE EST REGNVM DEI. XII.  
Regnū Dei  
promissū.

Quid propinquius? Erit ante nos, vt de illo continuo cogitemus; eoq; & suspiremus & tendamus. Erit intra nos; quia semen eius, quod est gratia ipsius, nobis inhærebit, de quo ipse Christus: *Ecce enim regnum Dei intra vos est.* Luc: 17. 21 Erimus nos in illo, primū quidem anima eo post obitum concedente; deinde & corpore in eandem felicitatis societatem affcito. Quid amplius vel desiderari potest à liberalissimo Rege Christo? Pignus certè iam horum habemus gratiam ipsius, quæ nos nunquam destituet, nisi per summam ingratitudinem vtrò nos ea spoliandos permittamus malo dæmoni. Quàm enim fidum habeamus promissionum suarum assertorem, Christum, & futurorum quàm veracem Prophetam; audiamus ipsum.

AMEN DICO VOBIS, QVIA NON PRAETERIBIT GENERATIO HAEC, DONEC OMNIA FIAN. Generationem puto, quicquid alij sentiant, hic intelligi Christianam propaginem, & legem gratiæ ad finem mundi mansuram. Si enim series Iudæorum secundum carnem, generatio à Christo dicitur: cum inquit; *Sic erit & generationi huic pessima:* cur non generatio secundum spiritum Iesu XIII.  
Christiani  
religionis  
perpetua  
duratio  
prædicta.  
Quid per  
generatio-  
nem inteli-  
gatur.  
Nota.  
Mat: 1. 24  
45.



Iesu ita vocetur? præsertim cum omnia quæ hic prædicuntur, non nisi ei soli conueniant. Nam generatio quæ vel tunc, vel centum post annis ab eo, quo hæc dicta sunt tempore, vixit, non est experta quæ hic prophetantur. Generatio verò Iudæorum, si non secundum carnem, (quod est incertum) certè secundum ritus suos superstitiosos (quod certissimum est) omnino transibit antequam ista fiant: quia *reliquie saluæ sient*, teste Propheta & Apostolo. Denique quod caput est, quia soli Christiani credunt Iesum Christum venturum ad iudicandum orbem. De solis igitur hæc intelliguntur, quibus & prædicuntur solis. Quare duo prædicat Christus, primùm generationem & religionem Christianam non cessaturam in finem; contra Iudæos & Gentiles, qui non solum desituram sperabant, verum etiam modis omnibus id effectum dare volebant. Secundum legi Christianæ aliam non successuram, contra hæreticos quosdam, qui sicut legem veterem Patri, nouam Filio, tribuebant; ita à Spiritu sancto tertiam expectabant. Ista ergo commenta præuisa, Christus Dominus vno verbo confutat: & nos ut in fide Catholica stabiliat, addit:

XIIII  
Additur  
promissis  
iuramen-  
tum.

COELVM ET TERRA TRANSIBVNT,  
VERBA AVTEM MEA NON TRANSIBVNT.  
Magna est hic & consolationis plena certitudo. Nam quod ait Apostolus: *Volens Deus ostendere pollicitationis hereditatem immobilitatem consilij sui,*

*filij sui: interposuit iusiurandum: ut per duas res im-* Heb. 6. 17.  
*mobiles, quibus impossibile est mentiri Deum, fortissi-*  
*imum solatium habeamus;* hic inprimis locum  
 habet. Additum autem hoc duplex quasi iu-  
 ramentum arbitror, inprimis propter malos,  
 ne putent hæc illius generis esse, de quibus  
 præterita Concione multa disseruimus, quæ  
 sub quadam conditione prædicuntur futura.

Quoties enim iusiurandum Dei interponi- **N O T A.**  
 tur, non est ambigendum id quod asseritur **Regulam**  
 absolutè dici; & certa fide credendum esse. **discernendi promiss-**  
 Hæc nimirum est quam tenere debemus cer- **fa diuina.**  
 ta regula discernendi absolutè dicta à limita-  
 tis: quam euidentissimè expressam habes, il-  
 lis verbis; *Volens Deus ostendere immobilitatem*  
*consilij sui, interposuit iusiurandum.* Sunt igitur  
 aliqua consilia mobilia ut vidimus, alia im-  
 mobilia, ut hoc. Per duas autem res immo-  
 biles intelligit & promissionem absolutè fa-  
 ctam, & ipsum iuramentum. Deinde pro-  
 pter bonos hæc addita puto; tum eadem de  
 causa, tum ut *fortissimum solatium habeamus.*

Quod habuit ille qui dicit: *Letatus sum in his Ps: 122. v.*  
*quæ dicta sunt mihi, in domum Domini ibimus.* Si e-  
 nim ille in tabernaculum & materiale dom-  
 um Domini ingressurus, (quamuis in sensu  
 spirituali putem illum magis aliam domum  
 aspexisse) tantopere fuit letatus, quid de iis  
 cogitare oportet, qui ex tot, tantis, tamq; diu-  
 turnis ærumnis & periculis erepti, aspicient  
*domum non manu factam, æternam in cælis? Quan-2. Cor. 5. 1.*

H

ropere

topere exultabunt? quomodo tripudiabunt, quàm solida exultabunt lætitia? Verè inebriabuntur ab vbertate domus Dei, haustis veris consolationibus, nulla desolatione permistis, nunquam cessaturis.

Conclusio  
per benedictiones  
capita præcipua re-  
petens.

*Prou: 19.*

24.

*Psal: 66. 7.*

Cur ergo ad eas non festinamus dilectissimi mi? *Quid inutiles moras nectimus? cur abscondit piger manum suam sub ascella?* Exeramus manus nostras obsecro ad opus bonum, tam fructuosum; vt etiam Iesus Christus exerat manus suas, ad benedicendum nobis. Extende victricem tuam dexteram dulcissime Iesu, extende sanctissimas & mirandorum effectrices manus tuas, ad benedicendum nobis & populo huic. Benedicat te o popule, qui in nomine Christi hic es coactus, *benedicat te Deus Deus noster, & benedicat te Deus*, vt timor ipsius sanctus semper in te permanens, sensim amore Numinis, & reuerentia te imbuat. Benedicat te, qui in cruce manibus expansis, tibi perfugium certum ab omnibus angustiis, tribulationibus, & tentationibus parauit, & te velut sub alas collegit suas. Benedicat te, vt patienter feras castigationes ab eo immisas; qui pro te patientissimè sustinuit tormenta crudelissima. Benedicat te, qui & mirabilia operatur in te, & Angelos custodes assignauit tibi; vt eis monentibus attendas, & optima desideria, quæ tibi inspirant, auidè suscepta impigrè exequaris. Benedicat & consoletur te, qui Apostolos suos solari voluit, vt secure gaudens,

gaudens, aduentum eius malis formidolosum præstoleris. Benedicat te, qui modis variis te redemit, ut pignora redemptionis & signa gratiæ ipsius cumulata iugiter in te resplendant. Benedicat denique te, qui promissis & iuramentis suis, securum te reddidit: ut is, fide, opere, & veritate inharendo, fortissimum solatium habeas in hac via vitæ, ne in ea deficias; & post eundem, quem hic per speculum & in ænigmate contemplatus es, & inchoata charitate dilexisti, Deum nostrum omnipotentem, clarissimè contemplandum, & incessanter amandum placidè euoles: cui laus, honor, & gloria, & gratiarum actio sit ab omni creatura, & à nobis omnibus  
& singulis, in secula seculorum. AMEN.

## DOMINICA II. ADVENTVS.

Euangelium Matthæi II.



**I**N illo tempore: Cum audisset Ioannes in vinculis opera Christi, mittens duos de discipulis suis, ait illi: Tu es qui venturus es, an alium expectamus? Et respondens Iesus ait illis: Euntes, renuntiate Ioanni quæ audistis & vidistis. Cæci vident, claudi ambulant, leprosi mundantur, surdi

**H** 2

audiunt,

## Dominica II. Aduentus,

audiunt, mortui resurgunt, pauperes euangelizantur: & beatus est, qui non fuerit scandalizatus in me. Illis autem abeuntibus, coepit Iesus dicere ad turbas de Ioanne: Quid existis in desertum videre? arundinem vento agitatam? Sed quid existis videre? hominem mollibus vestitum? Ecce qui mollibus vestiuntur, in domibus Regum sunt. Sed quid existis videre? Prophetam. Etiam dico vobis, & plus quam Prophetam. Hic est enim, de quo scriptum est: Ecce ego mitto Angelum meum ante faciem tuam, qui preparabit viam tuam ante te.

### PARTITIO.

Tres sunt hodierni Euangelij partes. Prior continet legationem Ioannis Baptista ad Christum Dominum: Altera responsionem Iesu ad interrogata: imò etiam ad cogitata: Postrema habet encomium, quo Saluator D. Ioannem ornavit. His facile secunda praeminet, tum ob facta, tum propter dicta Christi admiranda, quae ceterè singula uberem integris etiam concionibus materiam praeberent. Nos igitur in prima concione, illud dictum Christi: PAVPERES EVANGELIZANTVR, ET BEATVS EST QVI NON FVERIT SCANDALIZATVS IN ME, considerabimus: In altera tum ex prioro Euangelij puncto, tum ex initio alterius, fidem Catholicam confirmabimus. In tertia Euangelium spiritualiter explicatum, spei seruiet. Postrema concio, quae residua erunt dubia literaria enodabit, & cum ex Ioannis, tum Serò ex Christi dictis factisq, modum conditionesq, diligendi proximi nobis praescribet.

### CONCIO



## CONCIO PRIMA.

## Timor.

*Pauperes euangelizantur, & beatus est,  
qui non fuerit scandalizatus in me.*



Olius naturæ ratione præditæ pro- Sola natura  
ra rationalis  
libere  
rebus uti-  
tur  
prium est, posse rebus omnibus pro  
libito uti. Verùm sicut inter ratio-

nales naturas, ita in modo quo illæ rebus utun- Deus qui-  
dem sem-  
per bene.  
tur, maxima est discrepantia. Increata etenim

natura, quæ est Deus Opt. Max. non nisi opti-  
mè rebus vniuersis utitur; creata etiam abuti  
illis potest. Cùm verò naturæ rationalis crea- Et Beati,  
sed aliter  
tæ duo sint genera, angelicum videlicet & hu-

manum; quamuis vtrumque olim & bene &  
malè uti rebus potuerit: tamen vt nunc sese  
res habent, soli naturæ humanæ id iam vt pro-  
prium est relictum. Spiritualis enim & Ange-  
lica creatura, quæ obedire Creatori suo libere  
elegit, tam firmiter summo bono, per ipsius  
gratiam adhæsit; vt non nisi quod Deus vult,  
ipsa velit. Ideo non nisi bene rebus omnibus  
uti potest. Et idem de animabus beatis est iu-  
dicium. Contrà verò apostatici spiritus, & Damnati  
omnibus  
malè.  
animæ cum eis damnatæ, posteaquam liberri-  
ma quidem, sed peruersa voluntate, à Deo suo  
recesserunt; in tantum obstinationis & mali-  
tiæ barathrum sese præcipitarunt; vt optimis  
etiam rebus non aliter quàm pessimè uti que-

Homo bene & male. Sola natura humana, quamdiu in hoc mundo peregrinatur, velut in biuio relicta, vti & abuti, in bonum & malum res omnes trahere potest. Hoc nos docet sententia initio à nobis prolata. Quid melius aut excellentius Christo Domino excogitari potest? Nihil sanè: Si enim increatam eius naturam, spectes, Verbum est Patris, æqualis Genitori, Deus de Deo, coeternus & vnus cum Patre Deus. Quod si assumptam ipsius naturam consideres; hæc omnia creata infinito post se relinquit intervallo. Nihilominus resumme bona, non tantum bene vsi sunt quidam, de quibus ipse inquit: **PAUPERES EVANGELIZANTVR**: sed & abusi sunt alij: quos perstringit dicens: **BEATVS EST QVI NON FVERIT SCANDALIZATVS IN ME**. In tené, optime Iesv, vnquam aliquis est scandalizatus? Plurimi certè & olim & nunc scandalizantur, & quod deplorandum maximè, etiam ij qui honoraria ab ipsius nomine appellatione ducta gloriantur. Quos vt ab enormi hac offensione reuocemus, in hodierna concione considerabimus, primùm quidem, vnde hæc varietas in vsu rerum & scandala ortum habeant: deinde quid & quotuplex sit scandalum, ac de quo hic præcipuè agatur: tum quàm grande sit istud malum, & quàm varij variè ex Christo scandalizentur. Postremò quæ poenæ, & quæ contra illud remedia. **Christum oro lapidem viuum, vt hæc mea dicta ser-**

Propositio  
quadrimestris.

etā ſerviant ad ædificationem corporis ipſius  
quod eſt Eccleſia.

Conſueverunt non ſolūm Hæretici arguere, ſed etiam Catholici ſimpliciores agri-  
uſ id audire, quod à Theologis dicitur, eſſe  
aliqua quæ Deus facere non poteſt. Ac proinde  
verendum eſt mihi, ne quis etiam veſtrum  
offenſus fuerit ex eo, quod dixi, Deum malè  
vti rebus non poſſe, hominem verò poſſe;  
quaſi maioris potentię ſit creatura quàm Cre-  
ator, homo quàm Deus. Caterū quod ad  
Hæreticos attinet, cū certum ſit, illos non  
tam veritatis agnoſcendæ cauſa, quàm calum-  
niandi Doctores præſertim ſcholæſticos libi-  
dine in hac re cauillari; non eſt quod eos tan-  
ti faciamus; Præſertim cū ipſi per ſummam  
temeritatem longè audaciùs potentiæ diuinæ  
limites arctent, & multa eo ſolūm nomine  
Deum facere non poſſe garriant, quia captum  
eorum excedunt; quæ alioqui fieri poſſe à  
Deo, ſcriptura & rationis lumine cōvincitur.  
Caluiniani negant poſſe per diuinam poten-  
tiam vnum idemq; corpus eſſe in pluribus lo-  
cis: propterea negant corpus Chriſti in Sacra-  
mento altaris contineri. Gentiliſtæ, Seruetia-  
ni, & hiſ ſimiles peſtes, non credunt poſſe v-  
nam naturam in tribus perſonis ſubſiſtere; id-  
circo blaſphemant Sacroſanctiſſimum Trini-  
tatis myſterium. Quæ omnia in Eccleſia Ca-  
tholica ab omnibus corde creduntur ad iuſti-

I.  
Vnde rerū  
vſus & ab-  
uſus.

Ro: 10. 10.

tur ad salutem; neque solum creduntur, verum etiam defenduntur efficacissime contra impiorum sophismata, ita ut obmutescat os aduersariorum, impudens. Catholici vero non est quod hæc, de qua ago, assertione offendantur.

Deus teste

Paulo quædam facere non potest.

2. Tim: 2.

13.

Heb: 6. 18.

Psal: 115.

11.

Id vero non est impotentia, sed omnipotentia.

112.

Sciant enim non è Theologorum scholis, ut Hæretici bluterant; sed ab Apostolo Paulo profectam esse. Is enim loquens de Deo sic ait; *Fidelis permanet, negare seipsum non potest.* Et alibi: *Impossibile est, inquit, mentiri*

*Deum.* Quam disertis verbis vas electionis testatur Deum seipsum negare non posse, impossibile illi esse ut mentiatur: quod tamen ita

homini est possibile, ut Dauid exclamet: *Omnis homo mendax.* Neque verò id impotentiam

sed potius infinitam in Deo esse potentiam arguit. Sicut enim regulam rectam non posse esse incuruam, & lucem non posse pati tenebras, est maxima regulæ & lucis perfectio:

ita Deum non mentiri, seipsum negare non posse, semper non nisi rectè uti rebus, è summa potentia & perfectione ipsius infinita ortum habet.

Non rectè enim uti rebus siue creatis siue increatis, ex impotentia & debilitate procedit. Propterea non potest Deus abuti rebus, quia sapientia & omnipotentia sua,

omnia in optimum dirigit finem, quod & Angeli boni faciunt: differenter tamen. Nam Deo ex natura sua, Angelis ex gratia ipsius, id competit.

Contrà sathan & animæ damnatæ, nulla re bene uti norunt, idque non ex natura sua,

sua,

sua, quæ bona à Deo creata est, sed ex perner-  
fissima & obstinatissimè detorta in malum,  
voluntate, per quam fit, vt Dei creatoris sui  
odio exæstuant, omnia pessum euertere, &  
fine malo deterrima reddere student. Homo  
in biuio constitutus, in primis potest bene re-  
bus omnibus uti; cùm ex natura libertateque  
arbitrii sui, quam ei bonam Deus in ipsa crea-  
tione indidit: tum verò è gratia & adiutorio  
diuino, quod nunquam illi deest. Potest eti-  
am rebus abuti & pernerse agere, quia in libe-  
ra electione sua etiam in hanc partem pro-  
pendere potest: quia dum peregrinatur, volu-  
bilis est; quia debilis & impotès, quia condi-  
tus è nihilo. Quare si quid boni homo opera-  
tur, id arguit eum esse potentem; si quid verò  
mali patrat, hoc ex impotètia mera procedit;  
quæ quidem impotentia, quoniam in Deo lo-  
cum non habet, ideo nec malus vsus rerum  
locum habere poterit.

Quatuor  
causæ à pri-  
ori cur ho-  
mo potest  
peccare.

Res exemplo clarior fiat, vt omnes intelli-  
gant. Sint tres qui eandem tractent artem; fa-  
brilem verbi gratia, quorum prior cùm vix  
eam leuiter attigerit, quidquid in ea operatur,  
pessimè facit: alter verò sit artis peritior, qui si  
adhibuerit diligentiam, opus egregium effici-  
et; quòd si negligenter egerit rem, negligèn-  
tiam ipsa operis ineptitudo monstrabit: sit  
postremò quispiam ita artem eam callens, vt  
non nisi opus eximium semper efficiat. Quis  
oro horum trium artis illius peritior, & in ea

Exempli  
seu simile.  
NOTA.



## Dominica II. Aduentus,

excellentiior vobis esse videtur? nonné postremus? Ita sanè; Neq; tamen vllus vestrum impotentia id adscribet, quod malum opus è sua officina procudere nequeat, sed potius peritiam ipsius suspiciet, qui talem habitum in ea contraxit arte; vt ineptum quid non valeat perficere. Quod artificii habitus; id in Deo summo rerum omnium gubernatore & opifice, immensa natura & infinita perfectio præstat; vt omnia operetur perfectè, nec quidquam ineptum inordinatumine facere possit. Ergo hoc nomine vt summè potens, summè sapiens adorandus est. Dæmon verò non quidem ex imperitia, vt ille ineptus faber; sed ex pura obstinata malitia sua, nil vnquam rectè agit. At homo potest rebus omnibus à Deo creatis, imò ipso etiam Creatore, & bene vti, & abuti. Si enim diligentiam adhibuerit, & gratiæ diuinæ cooperatus fuerit; erit ex numero illorum de quibus hic dicitur: **PAUPERES EVANGELIZANTVR**; id est, Euangelium recipiunt, non solùm credendo quod dicitur, sed etiam faciendo quod præcipitur: Sin verò salutis suæ curam missam fecerit, & bonis vti malè voluerit; non **BEATVS**, sed maledictus erit, si **FVERIT SCANDALIZATVS** IN Saluatore. Id enim à contrario sensu euidenter colligitur. Si enim beatus est qui non scandalizatur, maledictus vtique erit qui scandalizatur: cùm in conspectu Dei non sit medium quid, inter sanctum & maledictum. Si enim

gratiam

gratiam ipsius habes, sanctus es: si in inimicitia eius vivis, maledictus; & hoc facit scandalum, præsertim tale, quale hic describitur. Hoc enim scandalū oritur ex fœdissimo omnium peccatorum fonte, quod est superbia: pergit autem & terminatur in immuni vitio quod est contemptus Dei. Cur enim Iudæi illi, quibus hæc loquitur Christus, non solum non recipiebant, sed etiam blasphemabant Evangelium? Aliam causam non reperies, quàm quia PAUPERES, id est humiles esse volebant. Qui enim pauperes se esse fatebantur, Evangelium receperunt, teste Christo. Cur autem sunt scandalizati in vero Messia hæc illis exprobrante? Quia contemptui habebant Christum verum Deum.

Origo & terminus scandalī.

Quæ ut melius intelligantur; præmittam quid & quotuplex sit scandalum. Huius vocis Græcæ notionem si Latinè reddas; significabit offendiculum, ruinam, siue impactio- nem pedis. Sicut enim qui ambulando in lapidem seu petram impingunt, cadere, vel cōcuti & lædi eos necesse est: ita qui in via spiri- tuali currendo, aliorum factis dictisve offen- duntur, scandalizari dicuntur: qui verò suis malis exemplis alios ad ruinam impellunt, ij scandalizant proximum. Vnde colligimus pri- mò quid sit scandalum: Est enim occasio ru- inæ spiritualis, siue propriæ siue alienæ. De- inde scandalum duplex esse, aliud datum, ali- ud acceptum: discimus præterea de quo nam scandalum.

II. Quid sit scandalum

Quotuplex

De passiuo  
scandalo  
agendum

scandalo sit hic sermo, cū inquit Christus Dominus: BEATVS QVI NON FVERIT

SCANDALIZATVS IN ME. Euidens est enim, cū passiuē loquatur, de passiuo (vt vulgò in scholis loquimur) illum agere. Postremo inde colligimus, qua de causa Christus Dominus, in scriptura tam noui quam veteris testamenti, frequenter lapis vel petra scandali dicitur. Ita enim Dauid: *Lapidem*

*Pf: 117. 22*

*quem reprobauerunt edificantes.* (Iudaeos notat, quos & hic scandalizatos esse, & reprobasse imò crucifixisse Christum lapidem viuum, noli) *hic factus est in caput anguli.* A Domino factum est istud, & est mirabile in oculis nostris. Mirabile sanè inter alia infinita; quomodo res tam excellens & optima, in scandalum, ruinam, & interitum esse potuerit multorum. Hoc enim

*Isa: 8. 14.*

prædixit Isaias dicens: *Et erit vobis in sanctificationem. In lapidem autem offensionis & in petram scandali, duabus domibus Israel: in laqueum & ruinam habitantibus Ierusalem. Et offendent ex eis plurimi, & cadent & conterentur.* Hoc ipsum ingemi-

*1. Pet: 2. 8.*

*Ro: 9. 33.*

*Mat: 21.*

*41.*

*Act: 4. 17.*

nat & princeps Apostolorum Petrus, & socius ipsius passionis Paulus, vt vix aliquis scripturæ veteris testamenti locus tam frequenter citetur à Christo & Apostolis; vt iam notatus, non absq; maximo equidē mysterio.

De quo alias, nunc cœpta prosequamur.

III. MEM-  
BRVM.

Quam gra-  
ue peccatū  
sit scandalū.

Hinc facile animaduvertere possumus, quam graue peccatum sit scandali, & quā hac sit spatiola, quā latē patens via, qua to-

tus in

tus in interitum ruit mundus, vt meritò ingemiscens ipse Dominus IESVS clamet; *Venundo a scandalis. Ve homini illi, per quem scandalum venit:* quod de vtroque tam dato quàm accepto rectè intelligitur, vtrumq; enim est grauiissimum. Et quamuis datum scandalum in eo acceptum superet, quòd tam illum qui scādalizat, & malum exemplum obiiicit alteri, quàm eum qui exemplo illo ad lethalter peccandum inducitur, perimat; acceptum verò scandalum impingentem tantùm lædat: tamen ratione magnitudinis peccati, sæpe datum ab accepto superatur. De vtroque diffusius agere non grauaret: sed me ratio propositi thematis ad illud potiùs explicandum vocat, quod passiuum siue acceptum dicitur.

Scandali igitur accepti tres gradus dari posse videntur. Primus est, cùm quis peccatis proximi sui lenioribus (si enim graua sunt, istud datum scandalum graue crimen erit) ita offenditur, vt eius exemplo mortiferum non vereatur committere peccatum: Magnū malum; sed deterior alter est, qui sequitur gradus, quando ex actibus qui indifferentes dicuntur, & qui bene & malè fieri possunt, ad peccandum quis inducitur, vel potiùs ipse se ipsum impellit. Postremus verò omnium pessimus est, cùm quis optima etiam facta dictaq; alterius, deteriore in partem interpretando, vt è lethifero veneno interitum sibi accersit. Tales fuerunt Pharisei, de quibus Apostoli ad

Tres grade  
scādali ac-  
cepti.  
1. Scandali-  
zari ex par-  
uo peccato  
2. Ex re in-  
differenti.  
3. Ex re ad  
factis, quod  
pessimum.

Chri-

Mat. 23. 12

Christum: Scis quia Pharisei audito verbo hoc scandalizati sunt? At ille respondens ait. Sinite eos, cæci sunt & duces cæcorum. Verè cæci & impij, qui ex optimis & saluberrimis dictis, è quibus ad certam salutem institui debuerant, quædam veluti toxica in animum suum deriuarunt. Quales etiam fuisse aliquos ex iis, qui hæc verba Christi; **BEATVS EST QVI NON FVERIT SCANDALIZATVS IN ME**, audierunt, vero simile est. Num verò tales fuerint illi Ioannis discipuli, propter quos hæc verba dixit in præsentī Euangelio Christus Dominus, non aulim affirmare. Quamuis enim his verbis, tacitè illos perstringat Dominus, quod non rectè è suo communi viuendi modo in dubium apud se vocarint, an ipse esset Messias, inde scandalizari cœperint; cùm alia clarissima documenta non deessent, quibus certò edocerētur, ipsum verum esse Christum: nihilominus quia non constat, & quo animo id illi fecerint, & an ex dictis factisq; Christi conuersi non fuerint; non eos condemnabimus: sed potiùs nobis attendemus, & nosmetipsos examinabimus.

Vbi id re-  
periat.

Quid enim charissimi, putatisné inter eos, qui à Christi religiosissimo nomine Christiani, siue verè, siue falsò dicuntur, deesse, qui nō solùm ad primū (quamuis hoc modo nemo è Christo scandalizari potuerit, cùm ipse ab omni penitus peccato immunis fuerit) verùm etiam ad alterum & tertium impiissimum. scandali



scandali gradum deuoluti sint? Erratis si inueniri non putatis. Nil hisce lapsibus frequentius. Quorum, ni ego fallor, caput & origo illa est; quòd nonnulli fingunt sibi Christum non qualis est ipse in esse, sed qualem illi fieri vellent: alij, & si norunt quidem quis & qualis sit Christus; nihilominus vel commodi honorisq; proprij causa, vel vt qualicunq; colore & prætectu impiè sua peccata excusent & obducant, alium quàm sciunt sibi imaginantur. Alij deniq; ludibrio quoq; & ostentui, si non verbis certè factis Iesum habent. Et hac impietate non potest impietas magis se intendere; quæ ex eo quod est optimum, tam noxium sibi venenum conficit. Vnde meritò homo pessimus, & optimus, familiari sermone ita adumbrari solent: vt hic dicatur esse velut apicula, quæ ex quolibet flore mel colligit: ille verò vt aranea, quæ ex iisdem flosculis venenum haurit. At in nostro proposito longè quid est atrocius. Nam nisi quis in flore lateret humor, qui posset à venenata bestiola conuerti in venenum; nunquam inde venenum promeret. Sed quid est quæso veneni in Medico medicinaq; perfectissima? quid mali in summa bonitate? quid peccati in Agno innocentissimo, qui capitales aduersarios illa quæstione laceffit; *Quis ex vobis arguet me de peccato?* Nihilominus tanta est hominum peruerlitas, vt id quod est optimum, in maximam suam perniciem ab eis trahatur.

O mnera-

Origo sc  
dali huius  
triplex.  
NOTA.

Atrocitas  
eius.

Psalmi 8. 46.

O miserabilem, summo dolore prosequendam, & quidē Christiani populi calamitatem!

Obnoxij  
sunt huic  
vitio.

1. Iudxi.

1. Cor: 1. 23

2. Gentiles.

3. Hæretici.

4. Schismatici.

tici.

Non esset adeò lugendum, si Iudæis hæc euenirent, quibus est Christus ex oraculis Prophetarum *scandalum*: si Gentilibus, quibus *Crux* eius videtur *stultitia*: illud magis dolore dignum quòd inprimis omnes hæretici & Schismatici, auulsi sponte ab Ecclesia, in qua sola vera est Dei Christiq; notitia, pro capiti capiteq; suo quisquis fingens Deum, & Messiam Christum, in optimo Christo offenduntur: Anabaptista & Gentilista Trinitatis sacrę mysterium vt prophanum ridet: Christumq; non nisi purum hominem fingit. Schismaticus Græcus & Russus fingit Spiritum sanctum Deum non procedentem à Filio: negat in terra Vicarium à Christo relictum. Calvinianus fingit sibi Deum liberum arbitrium hominibus auferentem: & Christum, ita loci angustiis arctat; vt præsens esse simul in cælo & in Eucharistia nequeat. Deniq; Lutheranus, fingit Deum sponsam fidelem in terris non habentem, Christum verò secundum humanitatem ubiq; præsentem. Quæ omnia & mera sunt figmenta, & grauius scandala accepta. Sicut enim, & hi discipuli Ioannis, & ceteri ex Iudæis, propterea in Iesu scandalizati sunt, quia aliter illum animo conceperant quàm in re vera fuit: ita omnino isti cùm idē & multò faciant obstinatiùs, grauiori etiam scandalo, & vix terribiliori obstricti tenentur.

Sed ex-

Sed excusant se, quod talem esse credant Deum, & Christum, ut è scriptura discunt. Hoc equidem inane perfugium, millies iam alias confutatum, praxi sua usitata confutant hæretici. Quot enim sunt ex eis, qui vi veritatis adacti, aliter sese rem habere priuatim fatentur: attamen ne vel loco honorario inter hæreticos priuentur, vel offensam sibi magnatum concilient, vel inconstantia alicuius notam incurrant, pergunt in hæresi ut cœperunt, & publicè se gerunt pro veritatis hostibus, quam tamen animo & cogitatione vident clarissimè & colunt. Rem affirmo quam probè sum expertus ipse, & à multis idoneis testibus didici, inter homines grassari hanc hypocrisis deplorandam, & scandalum ingens malumq; duplicatum, dum alius Christus foris fingitur & fingitur reluctante inuirta; conscientia. In hos igitur diuina maledictio primùm defauiet. Sed neq; cuius aliij hæretici ab ea liberi erunt, qui dubio procul, Iudæos quos hic arguit Christus, ipsi quoque damnant: quod si ita est: necessario hinc sequitur, ut & seipsos in eandem classem maledictorum coniiciant, quandoquidem nihilo secius agunt, sed eandem texunt excusationem quam Iudæi. Hi enim Messiam quidem venturum credebant: cæterum talem qualem stolidi & vana sua cogitatione conceperant. Hæretici quoque credunt Christum, sed non talem qualis verè innotuit mundo, & sponsæ

Obiectio  
diluitur

sux Ecclesie. Iactant quidem scripturas, verum eas à sana intelligentia, ad eam, quæ à spiritu perfidiæ suggeritur, detorserunt: ut cum hoc impio additamento, penitus esse scripturæ à Deo dictatæ desierint. Sed hæc obiter

Catholico  
rum scan-  
dalum in  
currentiū  
classes.

7. Aliū De-  
um sibi fin-  
gentium.

Ad Catholicos veniamus, & ex singulis generibus offensionum, aliquid attingamus. Dum autem Catholici arguuntur, non putet haretici non esse in se quod castigetur: qui præter sua scandala peculiaria, etiam his frequentius quàm Catholici inuoluuntur. Imò Catholicis ad eadem sunt inuitamento. Scandalizantur igitur in Christo inprimis illi, qui excusationes querunt in peccatis hæc vel simili oratione: Non esse utiq; credibile adeo seuerum vindicem minimarum noxarum esse Deum: quod quis verbi gratia iniuria affectus, præ nimio dolore inimico irascatur: quod alter mutui nomine quidpiam acceptet: quod vfitatos vulgo contractus faciat, vel facultates suas paulò profusiùs in luxum & ornatum suum liberorumuè conuertat; nūmum interea egenis non porrigat; quod animi causa lapsus alienos etiam latentes recenseat; quod lepidè quid de aliis confingat: quod liberiùs, etiam castis auribus indigna, quouis præsentè proloquatur: quod imaginibus fœdis animum suum titillari sentiat: quod susurris, amplexibus, & eiusmodi illecebris somitem, cupiditati subministret: quod in gratiam amicorum fre-

quentes

quenter lautas epulas instituat; & inuitatos ad bibendum hilariùs hortetur; & ne inurbanus appareat, ipse vino priùs se largè proluat. Hæc inquit in communi vita vsitata sunt, nec est possibile, vt hisce Deus tantopere offenda-  
tur, quæ citra inurbanitatis notam, non pos-  
sunt relinqui. At in istis quàm grauias insint  
vtriusq; generis scādala data & accepta, quan-  
topere eiusmodi offensionibus, in Christum  
ipsum incurrant inconsiderati mortales, quis  
explicabit? quia non talem eum, qualis in se  
est, sed qualē ipsi esse vellent imaginatur: pec-  
catis conuenientem, nec quicquam pensi de  
iis habentem, nec suæ infinitæ iustitiæ, quam  
in sacris scripturis toties testatam esse voluit,  
satis memorem. Sunt alij qui grauius impin-  
gunt in Christum, dum loca & exempla in-  
scripturis quarunt, vt ex eis impiè peruerseq;  
productis, cachinnos cieant, & suprā recensita,  
vel his similia vitia tueantur. Atque ea ra-  
tione, & se & alios, vel ad peccatum inducūt,  
vel in peccatis confirmant. Quātum & quàm  
horrendum nefas? Triplex omnino: Deum,  
qualis nō est sibi fingere: sacris scripturis abu-  
ri: & salubri antidoto alios mactare: quod fit  
dum per scurrilem petulantiam, res sacræ ad  
pphanos & impios sensus detorquētur: quod  
tamen (pro dolor) facietis & lepori cuidam ad-  
scribitur, idq; à Christianis.

2. Scriptu-  
ra ad id a-  
butentiū.

Scandalizantur præterea in Christo Deo  
etiam illi grauissimè, qui dum in profundum  
peccato-

3. Eorum  
qui culpā  
suā in Deū  
coniciūt.



Refutan-  
tur rationi-  
bus obie-  
ctiones.

1.

2.

3.

4.

peccatorum venerint, & inueteratum in iis habitum contraxerint, ad alias se excusationes conuertunt, culpasque suas in autorem suum Deum Optimum coniciunt. Hinc illæ voces: Ego ita fictus sum à Deo: ego à natura ad hoc vitium planè impellor & cogor, vti aliter facere non possim. Quid? Etsi diabolus? Is enim solus, & qui in eius venerunt ditionem, bene operari non possunt, vt attigimus in principio. Iamné damnatus es, & demonum consortio addictus? Non sum, inquis, viuo enim adhuc in corpore. Cur ergo tua libertate non vteris? cur violetas mali suæ foris impressiones, cur titillantem carnem non retundis? cur occasiones malorum, non præscindis? Itané militatur Deo in cuius castra concessisti ab infantia? itané regnum cælorum, oscitanter quæritur? itané dæmoni quod bene facere non possis mentienti, potius quàm Deo te ad prænitentiam & bene operandum inuitanti & iuuanti, fidem & auditum adhibes tuum? Non possum, inquis, obniti contra impetum corruptæ naturæ. Potuerunt alij tui simillimi, necdum hominem exuerant, astuabant in eisdem illicitis motibus: seruire carnis urgebantur: erant opes, forma, familiares, conuietus hominum, exempla praua, & ceteræ peccatorum illecebræ. Superarunt omnia modico adhibito conatu: cetera de diuino præsidio consili. Magnam, inquis, in me ad bene operandum video impotentiam: Bene-

ne'di-

ne dicis: Ab impotentia enim id prouenit. At habes & potentiam, & vires ad benè operandum, habes de cælo præsidium, modò tibi non desis, & in causa qua de capite tuo agitur, tam diligens velis esse; quàm in foro, liti- bus, lucris temporariis attentus & sagax esse consuesti. Habes enim liberi arbitrij facultatem à Deo creatore tibi datam; quam si eo iuuan- te exerceas in bono, præclare tecum agitur: dum verò impotentia quæ ex te est, & quam diuturna consuetudine multum corrobora- sti & auxisti, vteris ad malum; nulla excusati- one dignus es: eò quòd illo potiùs, quod hu- manum in te fuit, quàm quod diuinum, vti vo- lueris: cum vtrūq; in tua sitū fuerit potestate.

Accipiant oro qui necdum ista penetrant <sup>Et similibs.</sup> exempla obuia ex omni vita statu, & resipiscant <sup>NOTA.</sup> a diaboli laqueis à quo captiui tenentur, prout eos <sup>2. Tim: 2.</sup> Apostolus admonet. Quis enim militem vi- <sup>26.</sup> ribus & armis potentem, si prælio feruente arma non expediens, lethale vulnus accipit, culpa vacare dixerit? Quis aut mercatorem, <sup>2. Mercatorū & opificum.</sup> aut artificem valentem per omnia & industri- um, & totos dies qui negotiando agendoq; apti sunt, helluantem, (ò quàm id est frequens inter nostrates) æquo animo ferat, si de suo in- fortunio conqueratur? Quis agricolam om- <sup>3. Agricolarum.</sup> nibus necessariis ad proscindendam terram instructum, dum tempus arandi instat, aliud agentem aut stertentem, non graui- ter accusandum & plectendum ducat, quòd vber so-

Deniq; scri-  
ptura.  
Eccl: 22. 1.

lum incultum & sylaeſcens reliquerit, & ſe redegerit ad inopiam? *Lapide luteo & ſtercore boum lapidatus eſt piger*, ait Sapiens. *Et omnes loquentur ſuper aſpernatione eius, & qui tetigerit eum excutit manum.* Quanto magis Deus & Angeli eius, imò & homines omnes prudentes, aſpernabuntur & accuſabunt illum, qui valens, ſed deſidia ſola renuens bene operari, eligit potiùs otia, vel quod peius eſt malum agere, & nihilominus perditionem ſuam in auctorem naturæ Deum conferre non dubitat? O ſcelus! Nemo obſecro vos per miſericordiam Dei, imitatione eiùſdem deſidiæ & impietatis, veluti contactu quodam ſædet ſe; & ſi quis tetigerit, excutiat citò manum, id eſt conſcientiam ſuam, ne ſordidis eiùſmodi exemplis inquinetur.

4. Claſſis  
omnium  
qui peccāt  
lethaliter.  
Heb: 6. 6.  
Superbi.

Denique nullus mihi videtur eſſe lethaliter peccans, qui re & factò ipſo non ſcandalizetur in Chriſto: quiq; Chriſtum ludibrio & oſtentui non habeat: quod etiam D. Paulus teſtatur. Quid enim quaſo facit ambitioſus, arrogans, iracundus, aut qui de ipſis etiam peccatis gloriatur, aut qui famā ſibi aliena infamia cōciliat, aut qui falſos honores veris iniuriis quatrit & venatur, aut qui vt ravidus canis omnes infectatur, iniuriamq; acceptam millies cupit rependere, illatam nunquam cogitat deprecari? Quid inquam tales faciunt? an non ſcandalizantur de Chriſto, qui talia factò & verbo ſeuere prohibuit? an non oſten-  
tui lu-

ruiludibrioq; habem IESVM, qui *suscepit crucem confusione contempta: & cum pateretur non comminabatur* adeoq; arctè, in ipso acerbissimi cruciatus feruore, hostes suos capitales complexus est; ut pro eis sollemnem ad Patrem deprecationem interposuerit? Quid auarus, qui opes iniuriis & miserorum oppressiõibus vndique venatur: qui iustitiam & iudicium muneribus euertit: qui inexplebili habendi cupiditate æstuans, pauperum & pupillorum inhiet patrimoniis? Quid sacrilegus, bonorũ Ecclesiasticorum prado, qui redditus Deo dicatos auertit? quid aliud agit, quàm ostentui habet Christum.; qui Dominus vniuersorum cum esset, adeo tamen inopem in terra vitam egit, ut neque haberet, ubi caput reclinaret? Quid luxuriosus, impunitati omni fræna laxans, stupris, in castibus, ad insaniam deditus, quæ pudet pigetque recensere, nonnè subfannat IESVM, qui seruis suis legem frugalitatis & seuerissimæ continentix indixit? & ipse (quanquam ab omni specie peccati immunis, nulla illecebra tangi posset) inedia, siti, fatigatione, flagellis, spinis, alapis, denique acerbissimo crucis tormento, corpus suum affligendum & lacerandum permisit?

Audistis indignas homine Christiano offensiones eorum, qui proteruè in Christum & eius intemeratam legem impingunt. Audite pœnas, quibus merito impietas hæc plectitur, quantoq; malo suo id committant. Certè hoc

I +

ipsum,

IV.  
Pœnz il-  
lorum.

Auari.

Matt. 8. 20

Luxuriosi.

IV.  
Pœnz il-  
lorum.

Heb. 12. 2.  
1. Pet. 2. 23

- ipsum, haud inter postremas pœnas meritò  
 1. Irrisio x- censerì debet, scandalizari in Iesù, ludibrio  
 terna. habere scurrarum more Saluatorem, & pro-  
 priam salutem: nonnunquam verbis blasphemis, semper autem factis impiis subsannare, illum à quo vicissim irridendus eris. Scriptum  
*Psalm: 2. 4.* est enim: *Qui habitat in caelis irridebit eos, & Dominus subsannabit eos.* Quod interpretans D. Augustinus ait: risum ore, subsannationem nato fieri: hæc tamen omnia spiritualiter intelligenda esse, futuraq; longè grauissima & æterna asserit & monet. Sed & illæ qualitatæ excusationes in peccatis, nūquid non cœcitas maxima? nunquid non pœna peccati est? Testes sunt primi parentes, qui eas ante peccatum ignorarunt; testis Dauid, qui hoc malum per antonomasiam, ipsam malitiam vocat, ideoq;  
*Psalm: 140. 4.* orat: *Ne declines cor meum in verba multæ ad excusandas excusationes in peccatu.* At nobis infelicibus excusatione in peccatis nihil est familiarius. Quid dicam de eo, quòd tales viros pi-  
 3. Contem- arius. Quos, atq; adeò ipsos sanctos contemnunt. Nec  
 ptus piorū. mirum, quomodo enim seruis Christi, quomodo sanctis parcent, qui Sancto Sanctorum Deo ipsi non pepercerunt? Inde enim fit, vt si quidpiam præclarum, & quod communem vsitatumq; viuendi modum excedat, in vitis Sanctorum legerint, nequaquam ei fidem habeant: si quem verò nœuum, aut lapsum: si quid minus cautè factum annotauerint; de hoc tripudiant, id pro se insulse allegant.

Neq;



Neq; minus excellit illa impietas, & pœnæ singularis loco habenda est, quod in pios, qui- bulcum versantur suaflores, quos patrum loco ducere deberent, à quorum consilio toti pen- dere, ita sunt obliqui; vt ab eis nescio quam sanctitatem absolutam, & perfectionem do- ctrinæ requirant. Proinde minimis verbis, vel imperfectionibus eorum scandalizantur grauitur, dicta pro Concione censoria seueri- tate notant, & discutiunt, non veri indagandi, sed carpendi tantum libidine: Confessa- riis minimè obediunt; cumq; sint rudes ipsi, & flagitiis multiplicibus impliciti, Doctô- rum etiam reiciunt de conscientia è tot nodis ex- plicanda consilium, ne remorsus grauiore- sentire, ne malè occupata restituere, ne cum omnibus optima fide agere, cum inimicis in gratiam redire, consortio suspecto abstinere cogantur. Quanta peccati pœna, ea respicere quibus à seruitute Sathanæ expedirentur! me- dia renuere ad salutem, vnicè necessaria! Phrenetico id planè simile: qui medicinam corpori adhibitam obnixè recusat & abiicit, medicumq; si potest lancinat dentibus: hoc ipsum isti patribus suis spiritualibus faciunt. Desperandum planè hominum genus, ni mē- tem moresq; mutant: & eò Phreneticis eti- am ipsis infelicius, quod hi ligari possunt, ne furant; illi autem nec spontè patiuntur alli- gaturam vulneris; neq; ad eam cogi possunt. Libertas enim hominis nullis omnino vin- culis astringitur vnquam.

4. Repudi-  
atio reme-  
diorum.

Phrenesis  
spiritualis.

§. Poenæ  
per Psalmi-  
stā incul-  
catq.

*Psi 49. 20.*

NOTA.  
Examen &  
iudicium  
Dei.

*Ioā: 20. 17.*

*Rō: 9. 22.*

*Eze: 33. 11*

Verū enim uero poenę istę quamuis cru-  
deles sunt nimis & acerbę; quia tamen ani-  
mum attingunt solum, propterea neq; capi-  
untur ab hominibus, nec, ut par esset, ponde-  
rantur. Afferamus igitur quę sensus tangant,  
quę multę quidem in diuinis literis extant  
expresse: ne tamen solito magis exerceat  
concio, vno tantū loco Christum Dominū  
eas comminantem audi, qui talis es: *Sedens*,  
inquit, id est sciens, & volens; Christianus  
videlicet non ignarus legis meę: *aduersus fra-  
trem tuum*, contra me ipsum; qui assumendo  
naturam & carnem tuam, fratrem tuum me  
professus sum; *loquebaris*, vel renuens, vel in-  
uertens & corrigens doctrinam & pręcepta  
mea. *Et aduersus filium matris tuę*, (idem repetit  
energicę causa.) *Ponebas scandalum*; varię dedi-  
sti enim ruine occasionem fratribus meis im-  
becillibus: eandem accepisti vicissim, non  
solum ē seruis meis, sed etiam ex me ipso, in  
quo nullū vestigium scandali apparebat: tua  
tamē malitia modos inuenit, quibus es SCAN-  
DALIZATVS IN ME. *Hec igitur fecisti & ta-  
cui*. Taces optime Saluator, quia sustines in mul-  
ta patientia vasa ire apta in interitum: tacuisti &  
taces, quia non vis mortem impij, sed ut conuertatur  
impius a via sua, & viuatur. Verū quia secus  
contingit; Iniquus enim tua patientia abu-  
sus, & tempus quod dabatur ad conuersionē  
& poenitentiam, in malam securitatem tra-  
hens; peccata peccatis, scelera sceleribus ad-  
didit;

didit; quid ergo talis ex te audiet? Hoc nempe quod sequitur apud Dauidem: *Laxamisti mihi, quod ero tui similis?* vel ignorando peccata tua, ut tu aliorum ignorasti; vel ea probando, & nunquam puniendo, ut tu me ea non puniturum existimasti? sed falsus es, quia *arguam te, & statuam contra faciem tuam*: conuincam scilicet adeo efficaciter, ut qui nunc non vis cognoscere te, tum temporis non solum agnoscas, sed etiam ipse te condemnes. Conscientia & syndaresis, quam remordentem audire noluit, accusabit te: facta impia prodent te, os denique tuum futile, os mendax, condemnabit te. *Ex Mat: 12. 37. verbis enim tuis iustificaberis, & ex verbis tuis condemnaberis.* Subditur apud Dauidem: *Intelligite hec qui obliuiscimini Deum*, comminantem & eundem insuper obliuiosum facitis: *Obliuiscimini Deum*, qui ita uiuitis, ac si Deus ultor potens in rerum natura non esset. *Obliuiscimini minarum*, quia non consideratis quod reddet *Rom: 2. 6.* unicuique secundum opera eius. *Obliuiosum denique facitis Deum*, nec operum vestrorum, nec iniuriarum suarum satis memorem. Quid igitur sequitur? Respondet in illo suo carmine Dauid; *Ne quando rapiat, & non sit qui eripiat.* Dicit quidam: Cum diabolus rapit, Deus est qui eripit: cum autem Deus rapit, non est qui eripiat. Quis enim eripiet quenquam de manu omnipotentis? Nemo vel poterit, vel volet. Non Angeli boni, quia isti per omnia diuinę conformes voluntati, idem volunt noluntque;

luntq; quod Deus. Non maligni, quia his nihil est optatius, quàm vt socios habeant peccatorum, in quos exerant & exerceant horrendam & immanem suam crudelitatem. Audis ô peccator? Audis qui scandalizaris in Christo Iesu?

Remedia.

1. Submissa paupertas.

Sap: 1. 1.

2. Simplicitas Cordis.

3. AEQUITAS.

Exemplū notandū.

Quid igitur remedij, tot & tam atrocibus malis, inquires? vtinam ex corde id queras? Nullum arbitrarer illo potentius & efficacius; quod in principio prolati Thematis à Christo audis: *PAUPERES EVANGELIZANTVR*, quod explicet illa Sapientis oratio: *Sentite de Domino in bonitate, & in simplicitate cordis querite illum*: quasi dicat: Nolite vt liberiùs mala patretis, de optimo Deo malè sentire: conformamini sanctissimæ voluntati eius, & estis per omnia securi. Simplicitas, versutiam cordis excludat: humiliamini coram Domino, & vt verè pauperes, eius iudicium vestro anteponite. Dato quisq; id saltem Deo, quod ipse ab aliis requirit. Exempli causa: Suntne tibi famuli, liberi, vxor, familia, subditi? Gratumne habes, si ij tua iussa & sancita proteruè negligant? Nequaquam: multò minùs probas, si illis offendantur, & scandalizentur: si perperam ac sinistrè ea interpretentur. Maximè verò te id moueret, si quæ tu sapienter ad eorum vtilitatem sanxisti, ipsi insipientes, vel ioco dicta esse, vel alienum prorsus sensum habere iudicent; proinde eis spretis, contraria planè facerent: tunc præ dolore vix tui compos esses; quia de te hero

te hero suo, qui illis bene consultum velis, tam improbè sentiant, obstrepant, imperia detrectent, & mēdācem, te aliud in ore, aliud in mente voluentem, reputant: quia superbè nimis & stolidè quæ tu in eorum rem utilissima decreuisti, reiciunt, donisq; ac fauore tuo paterno tam impiè abutantur. Quis hæc ferat, inquires? Rectè dicis. At vide, & nota tuam longè magis detestandam maleuolentiam, qui de summo Deo, tibiq; optimè consultum volente, tam malè sentis; vt eum vel mendacem, vel negligentem, vel obliuiosum mandatorum suorum exactorem esse æstimes; qui plus tibi tribui velis, quàm tu diuinæ maiestati tribuis: qui duplici es corde, & altera statèra iniurias tuas, altera diuinam à te profectam offensam ponderas: qui stolidā superbia, iudicio Dei tuum anteponis, & quæ ille punienda censuit, quibus comminatus est æterna supplicia, ea tu & in aliis dissimulas, & ipse ludibundus committis. Frontem tuam, iudicium tuum requiro. Potestne altiùs efferre se arrogantia? Renuntia proprio amori: Cæcitatem, quæ menti tuæ offusa est, discute: & patebit huius delicti enormitas.

Quod vt à te amoliri valeas; audi consiliū diuinum, quod Regius Propheta paulò ante te præmonendo recitauit; ne expectes donec Deus statuāt *te contra faciem tuam*: tu ipse redum integrā id effice, statue te contra te, agnosce, argue, & condemna te ipsum: luge ne æternū

Epilogus  
summam  
concionis  
continens



*Augu: in  
hunc Ser-  
sum.  
Psal: 49.*

æternum luceas & luas. Si enim id sponte non feceris, præsto sum, ait Deus vindex, expecta paulisper. [Faciam ut agnoscas te, & tunc displicebis & mihi & tibi, mihi cum iudicaberis, tibi cum ardebis.] Ergo nunc sponte & utiliter displiceas tibi, te cognoscendo & improbando ut Dei censuram euadas in æternum reprobantem. Humilia te sub potenti manu eius, quia PAUPERES EVANGELIZANTVR, recipe igitur Euangelium, & factus pauper spiritu de te infima, de Deo vero, ut par est, optima & summa senti: voluntati ipsius te sincere submitte: neq; tuæ impotentia, quæ ad peccatum continuo te impellit; sed omnipotentia ipsius adiutrici innitere. Caue, ne aliis scandalum minus Christianè viuendo dedideris: nec datum acceperis, bona malam in partem interpretando: Caue, SCANDALIZERIS IN Christo humili, paupere continētissimo, eumq; peccata peccatis cumulando habearis ostentui. Caue, Deum accuses eiusq; dicta perperam interpreteris. Caue, scriptura sacra ad excusanda tua scelera abutaris. Caue deniq; medicinam & antidotum saluiferum in toxicum & venenum pessimum & tibi & aliis conuertas. Hæc si vnquam admisisti; è vestigio pœnitentia, dolore, lachrymis, expia: nec vnquam in posterum admitte. Recole, obsecro, mente & cogitatione, quot sint in orbe terrarum myriades Idololatrarum, quot Iudæi, quot Mahometo dediti? quantus & quàm

quàm ingens numerus Christum blasphemātium? Sed & quot & quàm dissone hæreticorū sectæ? quot Schismatici? Accipe vel è sola hac vrbe Vilnensi coniecturam, in quam his penè omnibus abominationibus ope potentium patefactus est aditus: & iudica, quid de toto orbe sentire debeas. Inde ingemisce, teq; lachrymis prolue, sciens & credens, hos omnes scādalizari in optimo, clemētissimoq; Parente & opifice tuo Christo: ludibrio habere Iesum Saluatorem tuum. Nemo enim illorum (glorietur quantum velit perfidia) credit Christo: ideo Apostolorum principe teste, Iesus factus est illis *non credentibus lapis offensionis* *1. Pet. 2. 7.* & *petra scandali*. Ne ergo tu ô cœtus Catholice, ô *genus electum, regale sacerdotium, gens sancta,* *1. Pe: 1. 18.* *populus acquisitionis*, ne inquam tu ad cumulum huius impietatis aliquid addito; ne commiscare sacrilegis, ne eos irrita, vt propter tuam viuendi licentiam, maiestas Dei tui contemnatur & prophanetur. Recordare quanto te acquisiuit precio Christus I E S V S; sanè non *corruptilibus auro vel argento, sed precioso sanguine*: proinde non reponas illi pro bono tanto, tantam ingratitudinem: non refunde sanguinem peccatorum tuorum, (a quo Dauid liberari petiit) *Psalm. 50. 16* pro purissimo ipsius redemptionis sanguine: non regere blasphemiam pro benedictione. Nosti enim quid dicat Apostolus, quod propter malè viuentes Christianos, *110. Ro: 2. 24.* *men Dei blasphematur inter gentes*. Quod si feceris; si

ris; si te continueris ab operibus mortuis, & in futurum constanti animo Deo adhaeris: si pro iis, quos perflare vides in perfidia & cœcitate, ardentè oraueris, eosq; probis vitæ exemplis à malo retraxeris: fiet tibi Iesus Christus, *lapis quem reprobauerunt edificantes, in caput anguli*, in quo funderis: & hic in terra per fidem viuam, & in cœlo per æternæ gloriæ fructuam, eidem adhærebis: qui cum Patre & viuifico Spiritu regnat Deus in sempiternum. AMEN.

## CONCIO SECVNDA.

### Fides.

*Tu es qui venturus es, an alium expectamus? Et respondens Iesus ait illis: Euntes renuntiate Ioanni quæ audistis & vidistis. &c.*

Plura signa  
Ecclesiæ in  
hoc Euan-  
gelio.

**D**Er multæ equidem, & ad cognoscendum vbinam sit in terris vera Christi Ecclesia, efficacissima nota, reperiuntur in hoc Euangelio: ita vt si omnes explicare vellemus, non dico vnius horæ, quæ nobis ad dicendum assignata est; verum etiam integræ diei tempus non sufficeret. Dicendum enim esset nobis de paupertate spiritus siue humilitate, sine qua nemo recipit Euangelium, teste Christo, neque in Ecclesia esse po-

esse potest quæ in humilitate fundata est: de scandalo Fidei, quod apud fideles locum non habet, licet alia morum reperiantur: de inordinato ad aliquam personam affectu, qui maximo ad intuendam veritatem est impedimento: ut in his discipulis patet, magistro suo Ioanni: quo plus addictis: de præpostero Hæreticorum iudicio, quo sibi quisque Christum fidemque ipsius ad captum & placitum animi, imò persèpe secundum rationem vitæ suæ iniquè fingit. Quot enim inuenies qui ad normam vitæ voluptuariæ, quam sequendam sibi proposuerunt, vellent Fidem & instituta Christiana confirmari? Nec esset levis Christianæ veritatis nota ordo in rebus: nec non constans illa & inuicta firmitas in diuino famulatu; victus item vestitusque sobrius & frugalis, quæ duo à Christo in D. Ioanne laudantur. Latus omnino campus, & vber de his agendi materia. Verum ego missis omnibus, duo alia vniuersalissima & luculentissima signa veræ Christi Ecclesiæ prosequenda, Concione hac institui: quæ cum sint admodum fecunda; ne multitudine dictorum aliquem obruam, & fastidium pariam auditori, in duas partes vel Conciones ea partiar. In priori, causam & originem schismatum ac hæresum inquiram: in altera ostendam vestigia cognoscendi Verbum, quod ipse Deus nobis per Prophetas suos loqui dignatus est. Primum docebit nos prima pars Euangelij, id est Ioannes Baptista, legatio-

Matt; 11.

24.

8.

7.

8.

6.

7.

8.

De duobus  
agendum.

9.

10.

Dominica II. Aduentus,  
nem adornans; secundum, Christus eidem,  
facto respondens.

Pandat Deus præpotens, & os meum ad e-  
loquendam, & aures vestras ad hauriendam,  
hanc salutiferam veritatem.

## P R I M A P A R S.

**E** Gimus in Euangelio superiori, vt memi-  
nistis, de vniuersalissimis Fidei & perfidię  
fontibus; & ostendimus, fontem quidem ve-  
ræ Fidei esse Deum, cuius effata diuina dum-  
per consensum recipimus, illa virtus eximia  
formatur in nobis. Infidelitatis verò impuram  
scaturiginem, esse diabolicam suggestionem,  
exceptam à mentibus incautorum. Nunc ve-  
rò, vt cœpta disputatio vtiliter cōtinuetur, in-  
uestigandum erit nobis: Inprimis quot mo-  
dis in hac vita certa veritas à nobis haberi pos-  
sit. Deinde in quo horum modorum funde-  
tur fides diuina, de qua hic nobis est oratio,  
& contraria ei perfidia. Præterea quot sint in-  
fidelitatis species, & qua ratione conueniant  
vel differant inuicem. Postremo quod sit his  
antidotum & remedium efficacissimum.

Propositio  
primæ par-  
tis quadri-  
membris.

I.  
Veritas du-  
abus viis  
habetur.

Veritatis igitur certa cognitio, non nisi du-  
abus viis haberi potest, nempe scientia & Fi-  
de. Illa euidentior, quia basim seu fundamen-  
tum habet humanam rationem. Fides verò,  
quia nititur autoritate Dei, qui nec fallere  
nouit, nec falli potest, tanto est certior, quam  
scientia, quanto diuinum iudicium iudicio  
huma-



humano est excellentius. Scientiæ etenim faciem præfert lumen naturale, Fidei verò lumen quod omnem naturæ ordinem superat, ideoq; supra naturale dicitur. Ad scientiam opus est ingenio & iudicio acri: sed quia id mutabile & erroribus obnoxium est; ideo fit nonnunquam, ut quæ aliquibus demonstrationes scientificæ videntur, aliis vix argumenta probabilia appareant. Falli etenim & decipi omnis homo potest. At Fides innititur iudicio Divino, mutationis omnis & erroris experte, qui dum voluntatem & mysteria sua nobis manifestat, ea fideles auditu percepta (quævis non omnia intelligēdo penetrent) tam firmiter credunt, ut nemo etiam Mathematicis demonstrationibus talem unquam assensum præbeat.

Vnde facile concluditur, cuinam ex illis duobus veritatis firmamentis Fides innitatur; nempe quòd non rationi, quæ ad res tam sublimes comprehendendas perungere non valet: sed auctoritati Dei solius: & quanta Fidei Catholicæ sit maiestas, tam sublimi principio nixæ. Quanquam & ratio non penitus est aspernanda, sed prænam auctoritatem divinam sequi debet. Secus fit in scientia, ubi nihil firmiter creditur, nisi ad quod intellectus evidenti conclusione adigitur. Proinde in scientia assensus sequitur rationem: at in rebus Fidei prima est assensio, qua adharemus his omnibus quæ nobis credenda proponuntur,

II.  
Fides solum  
divinæ aucto-  
ritati  
innititur,

Rationes  
quomodo  
adhibendæ

*2. Cor. 10.* in captiuitatem redigentes omnem intellectum, in obsequium Christi, & eius sanctæ Fidei, vt nos

**Duo hic  
extrema  
fugienda.**

**Nota.  
Similia.**

admonuit Apostolus: postmodum rationes quærentur, quæ & res abditas illustrent, & aduersariorum temeritatem conuincant validè. Duo etenim hic quoq; sunt extrema fugienda: alterum nihil velle credere, nisi quod li-  
quidò sensu vel ratione compertum habes: alterum, rationem ita deprimere, vt putes Fidei capita intellectui humano esse planè contraria. Vtrumque abominatur Ecclesia Catholica: tum in Philosophis, tum in hæreticis. Nam res Fidei in primis intellectu nostro non sunt metiendæ, quia illum excedunt. Quis enim non stultum putaret eum, qui situla exigua præsumeret omnes vasti Oceani vndas exhaurire? atqui minor est intellectus nostri capacitas ad exhauriendam immensam mysteriorum diuinorū profunditatem. Nequaquā tamen ita ratio deferenda est, quasi dogmata Fidei sint illi contraria. Omnia enim sophismata, quæ contra veritatem Catholicam effingi possent, ratio Fide illuminata, optimè dissoluere potest. Et vt ars coquendi lateres architectonicæ subordinata est: ita lumen naturale, lumini supranaturali & diuinarum rerum cognitioni non contrariatur sed famulatur, eiq; præstò adiumenta suppeditat.

**Principiū  
Catholi-  
cum.**

Est igitur extra controuersiam apud nos, nihil Fide Catholica credi, nisi quod ex ore altissimi prodiit. Quam assertionem, non ob-  
stante

stante impudentia hæreticorum, qui more suo calumniantur, nos non nisi Philosophiæ & rationibus ac traditionibus autoritatibusque humanis Fidem habere; iterum iterumque repetimus, contestanter asserentes, id nos duntaxat fide diuina credere, quod Deus ad credendum nobis proposuerit. Hoc est fundamentum sanctæ Fidei nostræ vnicum, cui innititur Ecclesia, *columna & fundamentum veritatis*: Fundamentum, inquam, Fidei nostræ, non est ratio humana, sed auctoritas Diuina; non id quod nobis intellectu nostro formamus, sed quod Deo docente audimus. Quonam modo autem vel quibus viis cognosci possit, quod Dominus locutus est, cum in eo tota controuersia & difficultas nostra sita sit; meritò in eadem elucidanda præcipuè conciones nostræ versantur. In hunc finem & ista præmittimus principia, & velut fundamenta iacimus; daturi operam, ut semper deinceps pressius loquendo, stringamus aduersarios, neque tamen discedamus à proposito. Nam & eorum quæ dicta sunt hætenus, habes in themate non obscuram effigiem. Ioannes enim Baptista MITTENS DVOS DE DISCIPVLIS SVIS ad Christum; quid aliud facit, quàm digito demonstrat, res & controuersias Fidei, qualis ista fuit, non è ratione sed ex auctoritate pendere? Verùm hac de re paulò post plura: nunc quæ promissimus prosequamur, & de infidelitate aliquid dicamus.

K ;

Infi-

1. Tim: 6.  
18.Cordo &  
mnis con-  
trouersia.

III. PVN-  
CTVM.

Infidelita-  
tis species  
tres.

Bestæ cur  
dicæ.

Gal: 3. 20.

Fundamē-  
tū infideli-  
tatis ratio  
& fides hu-  
mana.

1. Cor: 5.

12.

1. Joam: 2.

19.

Qui dif-  
fert ab Hæ-  
resi Schi-  
smæ.

Infidelitatis igitur à Theologis tres omni-  
no numerantur species. Prima est Gentilium,  
Idololatrarum, quorum magistri poëta & Phi-  
losophi: Secunda Iudæorum, quorum Rabbi-  
ni & Talmudistæ sunt doctores: Tertia hæreti-  
corum, quorum licet singuli tantum greges  
diuersos videantur habere antesignanos; ta-  
men si bene rem consideres, tot sunt inter e-  
os dissoni magistri, quot scioli, quique sibi  
paulò plus quam rude vulgus sapere videntur.

Ideo enim ab Apostolo *sectæ* dicuntur, quia  
discindunt non modò Ecclesiæ vnitatem, sed  
etiam suas discerpunt synagogas & conuenti-  
cula. Omnis verò perfidiæ firmamentum &  
basis est partim ratio, in qua Philosophi &  
quidam hæretici maximè fundantur: Partim  
authoritas humana, cui omnes innitantur.  
Hoc tantum est inter eos discriminis, quòd  
Gentiles & Iudæi sint extra Ecclesiam, de qui-  
bus non agemus, Apostolum imitati, qui ait:  
*Quid enim mihi de iis qui foris sunt indicare?* Hære-  
tici verò & Schismatici, quia *ex nobis prodierunt*,  
aliquo saltem modo pertinent ad Ecclesiam;  
quæ in eos vt in militiam Christi ascriptos, &  
charactere Baptismali insignitos, ac postmo-  
dum transfugas factos, potestatem sibi meri-  
tò vsurpat: cum quibus nobis controuersia.

Conueniunt autem Hæretici & Schisma-  
tici vt diximus, quia vtriq; prodierunt ex Ec-  
clesia, & eius indiuisam vnitatem scindunt.  
At verò in eo differunt: quod vt est duplex

vincu-

vinculum, quo Christus Dominus filios suos colligat conglutinatq; in Ecclesia; Fides videlicet, & vnio per charitatem: ita duobus discernitur modis vnitas Ecclesiæ. Hæretici enim Fidei, Schismatici verò nexum Charitatis in ea rumpunt. Vnde omnis hæreticus est etiam schismaticus, quia sine Fide vnio charitatis esse nequit. Schismaticus tamen, absque hæresi esse potest, vt Doctores consentiunt. An vero vnquam fuerit quis ita puro schismate a nullus ab Ecclesia, non immeritò dubitarem: cum & illi celeberrimi tempore D. Augustini schismatici Donatistæ, nequaquam ab hæresi excularentur, credendo Ecclesiam Christi in sola Africa reperiri, contra totam scripturam & consensum Ecclesiæ. Vt autem hac tempestate sese res habent, arbitror nullum schismaticum esse ab hæresi liberum. Nam nostri Russi, Græcorum erroribus imbuti, & Spiritum sanctum à Filio procedere negant, & multa ab orthodoxis dogmatibus aliena concedunt. Nihil eis infelicius, qui optimis cōditionibus oblatam Ecclesiæ concordiam, & ab insigni religiosissimoq; viro Metropolitano aliisq; Episcopis, magna vrbs Romanæ & orbis Christiani lætitia acceptatam, stultius an pertinacius nescio, repudiarunt: milles hæretici, milles schismatici, qui non tantum in Latinam, sed & suammet vnionem & pacem, impetum fecerunt, nouam sibi synagogam fabricarunt, & altari contra altare extructo

*D. Augustinus de fide & symb: cap: 10.*

*Hier: in 3. cap: ad Titum.*

*Viri Schismatica sine hæresi possunt esse.*

*Vnionis hæreses notati.*



150.  
Defensio  
eorum ina-  
nis.

## Dominica II. Aduentus,

Popos illegitimè consecrarunt. At, inquit, nos antiquo ritu, in obedientia Constantinopolitani Patriarchæ persistimus: alij se à nobis auulserunt. Nouimus bene qualem obedientiam & reuerentiam præstiteritis Patriarchæ vestro Hieremię, dum ante paucos annos Vlnæ vos visitaret; nec ignoramus cui nunc fidatis & obediatis. Non est ergo cur inde gloriemini: sed est quod vestram cæcitatem delectatis, & ad fratres vestros ac vñionem sanctam recurratis.

Patriarcha-  
tus Con-  
stantinop.  
errorum  
secundus.  
Isa: 36. 6.

Sed esto, sitis Constantinopolitano obedi-  
entes, nunquid non occinam vobis illud Pro-  
phetæ: *Confiditis super baculum arundineum con-*  
*fractum istum, cui si innixus fuerit homo, intrabit in*  
*manum eius, & perforabit eam?* Nil magis vobis

1. Tim: 4.  
2.

quadrat. Nunquid non baculus arundineus  
est Patriarcha Constantinopolitanus? cui à  
petra solida auulso, quicunq; innixi estis, nil  
aliud quàm perforatam, vel vt Apostolica voce  
vtar: *Canteritatem conscientiam* retulistis, in quam  
omnes falsarum opinionum sordes deriuen-  
tur & confluant. Quot sunt myriades mor-  
taliū, quorū conscientia ita sædata est pro-  
pter Patriarchas Constantinopolitanos, & a-  
nimæ in æternum adductæ discrimen? Equi-  
dem negare non potestis, vestri enim testes,

Sedecim  
Patriarchæ  
Constanti-  
nopolitani  
hæretici.

vestri historici & concilia œcumenica in  
Græcia celebrata testantur; tot fuisse in illa se-  
de non solū hæreticos, sed etiam hæresi-  
archas, & authores turpissimorum contra fidem  
errorum.

errorum. Macedonius blasphemam contra Spiritum sanctum adinuenit haresim, asserens illum non esse Deum. Nestorius in Christo duas commentus personas, beatissimam Virginem Mariam Deiparam esse dicendam negavit. Quid dicam de Eudoxio, Eusebio, Demophilo, alleclis Arrij, qui Christum Deum esse negarunt? Quid de Acacio & Antimio symmiltis Eutychie Archimandrite eiusdem urbis; qui vnam tantum in Christo naturam, e duarum commissione resultantem ponebant? Quid de Petro, Sergio, Pyrrho, Paulo, & Theodoro Monotelitis? Quid de Anastasio, Constantino, Niceta, Theodoro, & aliis hostilibus imaginum, quas nunc vos magna reuerentia, ut par est colitis? Quot putatis sedecim isti, velut arundinei paxilli, millia animarum perforata morti æternæ addixerunt? Clamabo cum magno Mose, utinam non obduretis corda vestra; *Recedite à tabernaculo Num: 16. 26. hominum impiorum, & nolite tangere que ad eos pertinent, ne involuamini in peccatis eorum. Recedite, obsecro, & accedite ad fratres vestros adhaerentes petrae solidæ veræ Romanorum Ecclesie.* [Ad quos (inquit quidam Sanctus) perfidia non potest (notate verbum) habere accessum.] *D. Cyprian lib. 1. ep. 3.*

Quid autem caro vestra fratres vestri, Russi fecerunt? Nihil certè aliud, quàm quod sancti vestri, quos merito colitis, & quorum solenni memoria poscitis orationes, præstite-

vniti Russi veterum SS. Græcorum imitatorum.

## Dominica II. Aduentus,

sunt: S. Athanasius, S. Basilius, S. Ioannes Chrysostomus, qui & ceteri verè orthodoxi omnes, quoties sedes Constantinopolitana, vel alia Patriarchalis in fide & decretis ferendis errabat, toties ipsi ad Romanam sedem, ad Petri Cathedram recurrebant; quæ privilegio innictæ soliditatis munita æternùm durat: toties sub Patris Patrum, regimen concedebant? Hoc ipsum fratres vestri, boni utiq; parentum optimorū imitatores, nunc effecerunt; ideoq; ipsi in auitæ sanctorum Græcorum fidei possessionem se restituerunt: à qua cùm vos excideritis, & vmbra larvamq; potiùs eius extrinsecam habeatis, frustrà gloriamini vnà cū vestris Patriarchis, & vobis complacetur quadam effigie peruetusti Græcanici ritus, quam non vulgari perfidia & rebellionē sœdastis: idq; persuasi a malefualis vicinis vestris hæreticis: qui ut ipsi odio in matrem suam quam deseruerunt flagrant, ita eundem affectum vobis instillant, vosq; præterquam quod in schismate confirmant, nouis etiam afflant hæresibus.

*Edm Io-*  
*annes mi-*  
*seric ad*  
*Christum,*  
*non dubi-*  
*tado, quod*  
*ex rationi-*  
*b'us proba-*  
*tur.*

*Tertullia-*  
*nas:*

Quod si scire vultis quàm grande sit & unde prodeat malum schismatis; legatio ista Ioannis Baptistæ vobis ob oculos ponit. Cuius quidem legationis, non dubitatio aliqua (ut quidam ex antiquis quidem, sed notatis senserunt) verū charitas, causa fuit. Absit enim quicquam vel inconstantie adscribere illi, quem hic à constantia Saluator laudat; vel inscitie, quem

quem PLVS QVAM PROPHE TAM fuisse affirmat. Quomodo enim Ioannes de illo po- *LUC. 1. 41.* tuit dubitare, quem clausus adhuc vtero matris tanquam Messiam adoravit? supra quem in Iordane baptizatum cælum apertum, & *Mat. 3. 13.* Spiritum sanctum descendente[m] vidit quem præterea toties Agnum Dei tollentem peccata mundi digito monstravit? cui deniq; Andream & alios suos discipulos addixit? Et hæc ipsa causa huius legationis fuit, nempe vt Iesus hosce discipulos suos faceret. Exorta enim fuit inter Ioannem & discipulos ipsius quaestio; An Messias iam venisset? & si venit, quisnam esset? Quibusdam eius studiosis dicentibus, vel necdum comparuisse Messiam, vel hunc ipsum esse Ioannem Baptistam: & isdē Christum Dominum coram accusantibus, quod Ioannis honorem rebus suis gestis: baptizando, docendo, miracula patrando obfuscarer; Ioannes Baptista contra palam admonuit; & iam venisse, & non se, sed Iesum esse Messiam in lege promissum. Cui cum discipuli hac in parte fidem adhibere cunctarentur; dubitatione illorum veluti ad se derivata, mittite eos ad Christū, à quo & ipsi instruerentur, ne in schismate remanerent, & nos multa doceremur.

Primò namq; schismaticorum & hæreticorum vitiam imaginem exprimunt nobis legati, parū certè prudentes: qui cum Ioannem virum sanctum, Prophetam, imò Messiam esse

*Sed discipulis consulendo.*

*Ioā: 3. 27*

*Schismaticorum & hæreticorum imago.*

## Dominica II. Aduentus,

fiam esse existimassent: nihilominus eum mendacij arguebant. Dum enim ei non credunt, digito Christum ostendenti, mendacij utiq; suspectum habebant. Tales nempe sunt omnes Schismatici & heretici, qui suos Antesignanos, Prophetæ, Eliæ, viri Dei, & similibus ornant titulis. At quando ex eorum scriptis adfertur quidpiam, quod eorum obstinatos animos pungat; tum contemnūt eos penitus, dicentes: quid mihi cum Luthero? quid cum Patriarcha Constantinopolitano? quid cum Caluino? ego Euangelicus sum, Euangelio tantum credo:

**Quid Schisma.**

Deinde habemus inde, Schisma nihil aliud esse quàm concordie & vnionis spiritualis discessionem. Ioannes vnitus Christo Domino & eius Ecclesie, vinculo charitatis arctissimo, cum videret quosdam ex discipulis suis hoc vinculum & vnionem disrumpere, & sub nomine ipsius Ioannis, velle Schisma in Ecclesia facere; quantopere indoluit? quantopere angitur? quomodo omnem dat operam, vt eos a malo reuocaret; & cum omnia tentasset, nec quicquam profecisset; vltimum adhibuit remedium. MITTENS DVOS EX DISCIPVLIS SVIS, AIT Christo: TV ES QVI VENTVRVS ES? Quasi dicat: Ego Domine Iesu cum eis nequicquam proficio: tu solus qui omnipotens es medere illis.

**Quæ gravis  
est malum.**

Vnde etiam grauitas peccati Schismatis facile liquet, tum quòd vnionem Ecclesie, excellentis-



cellentissimum quid rumpat, & se & alios perdat: quod sciens Apostolus Paulus & ipse æfluauit admodum, vt schismata suo exorta tempore è medio tolleret, grauitè obtestans: *Obsecro vos fratres per nomen Domini nostri Iesu Christi, vt id ipsum dicatis omnes, & non sint in vobis schismata:* tum, ex eo quòd IOANNES IN VINCVLIS constitutus, & sciens vicinam sibi adesse mortem, de hoc solo erat sollicitus, vt tantum malum è mentibus discipulorum euelleret. Liquet & periculum: quia schisma proximus ac necessarius quasi gradus est ad hæresim, & nec à Sanctis quidem submoueri potest, nisi omnipotentia Dei accedat. Quis enim sanctior Ioanne Baptista? qui tamen carissimis discipulis opem ferre hac in parte non potuit? Solius opera Dei profuit eis. Neque tamen ij, qui se Magistros & præceptores fidelium à Deo factos agnoscunt, media ad conuersionem eiusmodi hominum apta omittere debent, quin ea adhibeant seriò D. Ioannis exemplo. Accedat etiam bona conuersatio & iuges pro eis orationes omnium, & spes de bonitate & misericordia diuina.

Deniq; (quod primum esse debebat, & propter quod hæc omnia præmissi.) habetur hinc & origo schismatis omnis proindeque hæresis, & remedium omnium efficacissimū. Caput est quod memoriæ vestræ imprimi percipio; est enim ex primis principiis Ecclesiæ, & ex hoc facto D. Ioannis & Christi Dei ne-

cessariò

1. Cor: 1.

10.

Quàm periculosum.

III. PVN-  
CTVM  
Remedia  
continet.  
Status cau-  
se & PRO-  
POSITIO  
Iudicem  
visibilem  
cōtrouersi-  
arū debe-  
re esse in  
Ecclesiā,

cessario deductum. Est autem illud: dandum esse omnino aliquem siue aliquos (qui & quot sint tales, nunc non disputo) visibiles in mundo Diuinæ voluntatis interpretes, & qui de omnibus quæ occasione fidei in contro- uersiam veniunt, absq; vilo errore decernere & determinare possint. A quorum definitio- ne quicunq; pendere nolit, primùm schisma- ticus, postmodum pronuntietur hæreticus; quod equidem nomen, nemo meretur ma- gis, quàm qui negat omnino talem potesta- tem reperiri in Ecclesia; quam certò esse fuis- seq; semper sic confirmo.

v. Probat  
ex iactis fū-  
damentis.

1.

Primùm quidem ex iam iactis & probatis fundamētis. Constat enim inprimis Fidē no- stram qua saluamur, esse certissimam & cer- tissimæ veritatis cognitionem. Qui enim id negaret, palam profiteretur se esse infidelem: cum infidelis sit, siue falsa siue ea quæ incerta sunt credere.

2.

Constat deinde certam verita- tis cognitionem, non nisi duabus viis haberi, scientia videlicet & Fide: scientia demonstra- tioni, Fides authoritati innititur. Inueniant

3.

Novatores si possunt aliquid tertium. Con- stat præterea Fidē nostram in demonstrati- one, ideoq; in scientia fundari nō posse, tum quòd Fides vniuersalissimis ex lumine natu- rali desumptis caret principiis: tum quòd naturam omnem superent quæ creduntur. In auctoritate igitur alicuius dicentis fundanda

4.

erit. Constat quarto non in quauis auctori-  
te funda-

te fundari fidem nostram, sed in summa omnium, id est in solius Dei loquentis, & quod credi à nobis vult, nobis manifestantis. Id omnes libenter concedunt. Constat quintò, Deum passim ab omnibus non videri, imò dicit scriptura: *Deum nemo vidit unquam*, ut ad illum in dubiis recurrere possimus. Constat sextò, siue in internis, siue in externis loquutionibus quæ Dei nomine nobis proponuntur, nos ita decipi posse, ut vice Dei, diabolo ac ministris eius commodemus auditum. *Ipse enim sthanas transfigurat se in angelum lucis. Non est ergo magnum si ministri eius transfigurentur velut ministri iustitiæ.* Unde quanta strages animarum? Constat septimò, Deum in necessariis nunquam deesse suæ creaturæ: alioqui falsum esset, quod alibi idem Apostolus ait: quod *Deus omnes homines vult saluos fieri & ad agnitionem veritatis venire.* Deesset autem mihi Deus, si ego, verbi gratia, qui veritatem agnosce-re volo, quia teneor, non haberem qui Dei nomine, quæ sit veritas, quæ falsitas, mihi manifestaret. Concluditur igitur evidenti conclusionem collecta ex scripturis; debere esse aliquem, vel aliquos tales in Ecclesia omnibus propolitos, ad quos fiat recursus.

Respondent ad hæc omnia hæretici; Præ-  
 stò esse scripturam diuinam, per quam Deum  
 nobis loqui constat; hanc sufficere. Verùm  
 hoc non est ad rem respondere, sed est maliti-  
 ose & sophistice cauillari. Et ut alias omittam  
 captio-

1.

1. Ioan: 4.

12.

6.

2. Cor: 11.

14.

1.

NOTA.

Celebris

obiectio

soluitur,

quia sophi-

stica

captiones, de quibus paulò post, vnā hic & celebrem illā fallaciā vrgeo, quā vocant petitionem principij. Hoc ipsum enim quærimus, & de hoc inter nos est disceptatio; Vnde nosse possimus hanc, quā vocamus, scripturam, esse verè scripturam diuinā, & Deum nobis per eam locutum esse, non per aliam; cū plurimæ aliæ circumferantur scripturæ, etiam sub nomine Apostolorum, quas nemo nostrum recipit. Illum igitur quæro certum iudicem; Responde, nomina aliquem qui fuerit, vel etiam nunc sit in mundo tantæ authoritatis, qui absque errore definiat, hanc esse verā, illā verò falsā scripturam: alias me & orbem vniuersum periculo errandi euidentissimo exponis; Idque non in re leui, sed omnium maxima, in ipso fundamento scilicet. Si enim falsā scripturam pro verā semel recipiam: quis erit errandi modus? Quinquā non solum ad illud determinandum, verū ad multò plura, hæc authoritas est necessaria: de quibus post: nunc cæptas probationes prosequamur.

2. Probatur  
dari Iudi-  
cem & fa-  
cto Ioannis

Secundò hoc ipsum habemus ex ista legatione Ioannis Baptistæ; qui duo sciens, alterū debere aliquem in mundo reperiri, qui quæstiones de rebus Fidei inter quosuis exortas, (en habes aliud quid excellentissimum & per-necessarium præter scripturam, ad quod authoritas determinans est necessaria) sine vllō errore decidere possit: alterum hunc ipsum  
tum

tum temporis fuisse Christum Dominum, omnibus visibilem & palpabilem: ideo ad eum, MIRANS DVOS EX DISCIPVLIS SVIS, proponit illi questionem, de qua cum suis controuertebat; TU ES QUI VENIRVS ES, VT ego Ioannes certo esse scio & doceo? AN ALIVM EXPECTAMVS, vt isti mei discipuli falso autumant? decide, quæso, I-E-S-V, qui id sine errore facere potes, & cui omnes assentiri tenentur. Dicent hæretici; Hoc ipsum nos facimus, qui ad solum Christum appellamus, & solam scripturam. per quam nobis ipse loquitur, interpretem dubiorum habemus. Scio id eos magnis clamoribus contendere, sed enim in hac responsione duplici vel triplici fallacia teneri. Prima est iam dicta, petitio principij. Altera, quia id probant, de quo non est nostra disceptatio. Quæstio etenim nostra est, de visibili; visibili, inquam, iudice controuersiarum fidei, quem dari debere in terra, è facto Ioannis confirmamus: qui ad visibilem tunc & palpabilem omnibus Iesum, suos discipulos misit: Illi verò ad scripturam ablegant, quæ utiq; nec sententiam dicit pro alterutro conte leatum, & de qua, vt diximus, interrogati, vnde sciant quod hi & non alij sint Canonici codices, nec falso his authorum nominibus insigniti, vt ceteri apocryphi: illi ne vnum quidem verbum ad rem respondēt, sed ad ea nillos & contentiones prompuit se, ne suis indocti esse videantur. Quid illa So-

**Obiectio  
hæretica,  
tripliciter  
Sophistica.**

**Petitio  
principij.  
Ignoratio  
Elenchi  
duplex.**

L

phistica



NOTA.  
Hæretico-  
rum verbū  
Dei quale  
sit.

phistica techna magis est impudens? Nisi fortè tertium, quod ex hac vestra responsione colligimus, nempe quod vos pro scriptura & verbo Dei, vestrum, vestrum, inquam, vestri capitis verbum venditis illis, quos decepistis. Non enim, inter nos est tanta disceptatio, qui sint libri Canonici, & Dei nutu exarati, quanta est controuersia, exempli gratia, an istud; *Hoc est corpus meum*, quod pro verbo Dei omnes agnoscimus, sit intelligendum Catholicè, vt verba sonant: an verò aliter, pro vestri cerebri interpretatione, quam scilicet interpretationem, per extremam impudentiam, pro verbo Dei habetis & vestris inculcatis. Hic est nodus & vis quæstionis inter nos; de huius loci & de sexcentorum aliorum intelligentia disceptamus: hic est status causa, & punctum difficultatis, quam vos per prurientia vagantes declinatis, & eos qui vobis credunt, miserè præcipitatis in orcum. Edite Ioannis exemplo vocalem & visibilem iudicem, quia mutam scripturam appellando, videtis, quàm nil proficimus? testes vos estis pseudo-Euangelici; qui in mille sectas discissi, tamen vnum crepatis Euangelium. vtinam aliquando tandem viam veritatis agnoscatis.

p. Probatur  
iudicis ne-  
cessitas &  
lege natu-  
ra.

Tertiò hoc ipsum habemus ex tota scriptura, addita etiam pœna iis qui tali delegato iudici recusarēt obedire. Et quod mirandum magis, quò lex est posterior, eò pœna grauior, cum in aliorum peccatorum mulctis in lege

Christi

Christi suauissima, secus usu venire soleat. Triplex à primordio mundi lex extitit. Prima naturæ, quæ durauit à primo parente Adamo, vsque ad Moſen, ſolo lumini naturali, & quibusdam reuelationibus, quæ non niſi traditione habebantur, innixa. Altera quam Moſes ſcriptis mandauit. Poſtrema gratiæ, ab authore gratiæ Chriſto Ieſu promulgata, ac demum per Apoſtolos & Euangelistas in parte conſcripta: quæ duratura eſt vsq; *ad conſummationem ſæculi*. In omnibus illis legibus, notamus ſemper fuiſſe aliquos viſibiles Doctores & iudices, in rebus ad diuinum cultum pertinentibus. Talis fuit in primis Adam, qui filios ſuos Cain & Abel ſacrificare docuit. Vnde enim id didiciſſent, niſi à Patre? Talis Seth filius eius, à quo omnis piorum progenies. Talis Enos filius Seth, *qui cepit innuocare nomen Domini*. Addidit ergo aliquid ad priora. Talis Henoch, qui *ambulauit cum Deo, & non apparuit, quia tulit eum Deus*; qui etiam ante extremum iudicium reuerſurus creditur. Talis Noë, paulò poſt raptū Henochi natus, qui *inuenit gratiam coram Domino*, & *uir iuſtus atq; perfectus fuit in generationibus ſuis, cum Deo ambulauit*. Poniit proinde bene alios docere. Talis poſt diluuium Melchizedech Rex & ſacerdos, tantæ auctoritatis; vt Abraham & decimas ei daret tanquam ſuperiori, & benedictionem ab illo acciperet. Huic ſucceſſit Abraham, Iſaac, Iacob, Joſeph, & cæteri Patriarchæ vsque ad Moſen. Ab his in lege

*Mat: 23: 30.*

*Exemplar  
10. Patriarcharum.*

*Gen: 4. 20.*

*Ibid: Ser: 25.*

*Ibid: Ser: 26.*

*Gen: 5. 24.*

*Gen: 6. 8.*

*Gen: 14.*

*Gen: 18.*

*Heb: 7. 3.*

naturæ, homines & similibus, quo ad res diuinas regebantur: ad eos in dubiis recurrebatur, erantq; omnibus qui tunc vivebant notissimissimis internuntiis Deus loquebatur, quia nulla adhuc fuit scriptura. Potentissimum sanè argumentum. alias enim qui tunc erant homines, omni fuissent destituti auxilio, ad salutem necessario, quia nec scripto, nec viva voce testatam habuissent diuinam voluntatē.

**4. Ex lege scripta.**

Sequitur lex per Moysen data: in qua multò id etiam clariùs enituit. Ibi enim est constitutus vnus, nempe summus sacerdos, ad quem recurrere iussit Deus, edicto grati per

**Dent: 17.8** Moysen promulgato: *Si difficile aut ambiguum esset iudicium, & diuersorum diuersa opinio, de re vel questione aliqua; recurratur ad summū Pontificem. Quem etiam tali priuilegio mu-*

**ibid: Ver: 17.** *niunt: Qui autem superbierit nolens obedire sacerdotis imperio, qui eo tempore ministrat Domino Deo tuo: ex decreto iudicis, morietur homo ille, & auferes malum de Israel: cunctusq; populus audiens timebit, vt nullus deinceps intumescat superbia. Superbia, factus, caput hæreseos, ipostasix, & schismatis, truncatur hac fœnere lege. quæ lex & priuilegium durauit vsq; ad aduentum Christi, ad quem & hic mittit Ioannes DVOS EX DISCIPVLIS SVIS pari in negotio.*

**5. Ex lege Christi.**

**Matt: 18. 17.**

Idem priuilegium Christus IESVS in lege gratiæ renouatum auxit etiam plurimū his verbis: *Si autem Ecclesiam non audierit, sit tibi sicut ethnicus & publicanus.* Ex his omnibus habemus:

mus: Primò, fuisse toto ab exordio mundi tempore vnum saltem, per quem Deus fidelibus suis loquens, voluntatem suam manifestaret. Secundo fuisse visibilem, & omnibus qui eum opus haberent, cognitu facilem. Tertio, eundem in suis decisionibus errare non potuisse; quod patet tum ex eo, quia alias error & deceptio in Deum, qui illum sui vice substituit, redundaret: tum ex pœnis quas nec in lege naturæ defuisse constat. Habemus enim eos, qui Noe Dei iussu docenti pœnitentiam, & verbis factisq; per centum annos prædicenti diluuium, credere noluerunt; omnes ad vnum aquis suffocatos esse. Magna equidem pœna, sed euidentior in lege Moisi & maior, vbi *nolens obedire sacerdotis imperio*, occidi præcipitur. At in noua gratiæ lege, multò etiam atrocior: vbi nolens obedire Ecclesiæ, ethnicis & publicanis ore Christi Iesuy aggregatur. Vides quantopere intenditur pœnarum rigor contra rebelles? Nam in lege naturæ semel tantum puniti fuerunt hoc nomine, quod fecimus: in lege scripta, duraui pœna plus quàm bis mille continuis annis: pœna tamen fuit tantum corporalis: at in lege Christi, scuit in animam, quando rebellem ethnicis aggregat, & vsq; ad cõsummationem seculi perdurabit. Errare verò illos non potuisse, hinc euidenter liquet. Quomodo enim vel Deus iustus præcepisset mactare hominem in veteri testamento, sacerdoti non parentem? vel Christus Ie-

6. E pœnis  
contra in-  
obedien-  
tes latia.

Deut: 17.  
12.

svs misericordissimus, condemnari & instar ethnici haberi iussisset eum, qui tali Pralato nollet obedire, quem certò sciret errare posse, & suspicaretur in tali determinatione errasse? Nunquid eum, à quo prorsus abest temeritas, Deus condemnabit? Et ubi sunt quæso illæ tot & tam exaggeratæ prophetarum voces, Deum esse iustum; iustitiam diligere; vias eius esse æquissimas; si innocens & in corpore & in anima tam rigidè pleëtitur? Ne igitur per summam blasphemiam, Deo summe iusto iniquitas affingatur; dicamus potiùs blasphemos & mendaces esse hæreticos. Blasphemi sunt, quia mendacii arguunt Deum, tanquam oblitum adeo constantis regulæ suæ; & iniustitiam ei affingunt, qui innocentes damnat. Mendaces etiam sunt, dicentes se soli scripturæ credere, cùm tot testimoniis ex ea depromptis, adhibere fidem nolint.

7. Rationi-  
bus idem  
conuincitur.  
s.

Postremò debere esse in mundo eum, per quem nobis loquitur Deus, patet ex aliis rationibus euidentissimis. Primò, quia alioqui optimus & summus rerum gubernator Deus, pessimè constituisset suam Remp. quod nefas est dicere. Deinde cùm docet Apostolus, *Eph: 4. 4.* quòd Ecclesia Christi sit *unum corpus*, & quòd in illa sit *vnus Spiritus*, *vnus Dominus*, *vna Fides*, *vnun Baptisma*. Cumq; idem seuerè prohibeat dicens; *Fratres non sint in vobis schismata*: Impossibile, sit autem vel Fidem vnã esse vel schismata deesse, nisi demus talem quem de-  
pinxi-



pinimus indicem. Inde has formamus rationes. Prima sit ex ipsa experientia desumpta. Id enim in omnibus sectis, oculis videmus, manibus palpamus, & ratione ipsa tenemus. Deinde ex fundamentis scripturę allatis. Quomodo enim erit corpus visibile, cui deest caput visibile? Quomodo vnus spiritus in tanta dissonorum spirituum colluione, quorum singuli se à numine agi gloriantur? Quomodo vnus Dominus in tanta capitum varietate, quę sibi dominatum arrogat obstinatissimè? Quomodo vna Fides, vnum Baptisma, in tanta credentium & baptisatum disparitate? Quomodo autem deerunt schismata; si deerit in Ecclesia Christi, qui quid sit schisma, quid vnio, sine errore discernere queat, & cuius decretoria sententia omnes insolentes & superbx contentiones amputentur? Dandus igitur est pręses quispiam, quo moderante Christi imperium non dissoluatur, & populus eius, factione impiorum in diuersas non abeat sententias. Quis verò sit iste, & vnusne an plures, aliąq; id genus, magnum erit curę precium videre aliquando.

Nunc ea quę dicta sunt, in pauca si contrahantur; ex eis Auditores habetis inprimis, apud Catholicos Ecclesiam esse, vbi est veritas & Fides, in sola autoritate diuina fundata: cū alibi infidelitas, non nisi sensibus & humanis ratiunculis innixa sit. Executite argumenta hæreticorum contra Trinitatem, con-

Conclusio  
& summa  
Concionis  
Vbi Eccle-  
sia sit.

1. Nota.

- tra Verbi incarnationem, contra dei paræ intemeratam virginitatem, contra veram in SS. Eucharistiæ mysterio corporis Christi præsentiam. Præstenditur quidem authoritas diuinarum literarum, dum hæ Catholicæ assertiones impugnantur: reuera autem nil aliud, quam brutis sensibus, & proteruis obstinatisq; capitibus quæritur præsidium. Cur Lutheranus credit panem in Eucharistia remanere? Cur Calvinianus inde funditus tollit Christum? quia nec sensus, nec intellectus eorum capit omnipotentiam Dei, valentis & volentis accidentia sine subiecto seruare, & vnum corpus statuere in pluribus locis: quia perfida temeritas mentis oculos excecavit; vnde sol veritatis nequicquam aspicitur. Habetis præterea, Catholicam veram esse Ecclesiam; quia in ea sola nullum schisma inuenitis, sed vnum spiritum, vnā Fidem, vnum baptismum, vt
2. monuit Apostolus: quia ad eam infidelitas
3. non habet accessum: quia hic sophismatibus
4. & technis mendacio suffusus nullus locus.
5. Quia hic è sacrarum literarum testimonio, creditur esse in terra diuinarum rerum certissimum interpretem, cui grex Christianus in tot ambagibus difficultatum sententiam ferretur citra periculum erroris, dicto sit audiens. Id enim nos docent omnium ætatum exempla. Quid vultis amplius? initia, media, & extrema tempora in hanc veritatem conspirant, nusquam grex Dominicus tali Præsidente,
- tali vo-

tali voluntatis diuinæ promulgatore orbus fuit. Habemus statum veteris Ecclesiæ habemus nouæ, & Christi promissâ confirmantis, tales præfides & magistros Ecclesiæ sponsa suæ nūquam defuturos. Cui laus in æternum.

## SECVNDA PARS.

**O** Stendimus, auxiliante Deo, & vestris auribus fauentibus, in prima huius concionis & Euangelij parte, nempe legatione D. Ioannis, debere esse & fuisse ab exordio mundi aliquem semper, ad quem in rebus fidei recurrendum esset, quiq; eas sine vilo errore decidere posset, & per quem, vt vno verbo dicam, Deus hominibus veritatem suam manifestaret. Sequitur Christi Domini responsio: è qua eodem iuuante Domino, inuestigabimus signa, ex quibus cognoscat quilibet, quisnam sit ille nostra tempestate, vel olim fuerit diuinorum oraculorum certus interpres. Res quidem hæc in se finissima est: & pluribus locis à nobis (si ita Domino fuerit visum) tractabitur. In præsentia verò vnicum solum considerabimus euident & illustre signum, quod præcipue propositum thema nobis ponit ob oculos.

Promde videbimus in primis quænam sit ista nota, & quam vetus ac stabilis: deinde quanti sit momenti: postremo vbinam reperitur, & quomodo Ecclesiam certò indiget.

Et primùm quidem tanquam pro funda-

L 5

mento

Propositio  
tripartita.

r.

*Vide Do-*  
*minic: 4.*

*Aduent.*

*Conc: 2.*

*Per lega-*  
*tos suos a-*  
*git nobi-*  
*scū Deus.*

*Rom: 10.*

*15.*

*Missos vel*  
*per homi-*  
*nes ordi-*  
*nariē,*

mento præmittendum nobis esset, quot & quibus modis nobis loquatur Deus in Ecclesia sua. Verum quia id plusculum temporis requireret, nos verò in priore parte prolixiores fuimus; hoc in aliud tempus reiecto, duo breuissimè & necessariò præmittimus. Alterum est, quòd per neminem Deus nobis loquitur, nisi per eum, quem tanquam nuntium suum ad nos hoc nomine mittit. Hoc enim & ratio docet; quia correlatiua sunt legatus & legatio; relatiua autem, vt est receptum axioma, sunt simul natura, & scripturae auctoritas. Sic enim Paulus; *Quomodo verò prædicabunt nisi mittantur?* Loquitur autem de veris & à Deo missis prædicatoribus. Quot enim sunt surreptitij, hoc præsertim nostro deplorando seculo, qui prædicant, licet non mittantur? quot impostores qui sibi Deum in secreto loquentum sacrilego mendacio fingunt? quot mulierculæ, quæ nonnunquam visiones se videre asserunt, & tam se quàm alios malè credulos sæpè dementant? De iis, inquam, & de signis, quibus certa visio ab illusoria discernenda sit, erit nobis aliquando sermo longior & accuratus instituendus. Iam verò de iis tantum agimus, per quos nobis in Ecclesia mentis suæ arcana manifestat Deus. Alterum est quod præmitto; Deum ad homines duplici ratione suos expedire Legatos: aliquando enim mittit ad nos nuntios suos homines, per alios homines: eaq; missio vsitata est & ordinaria.

ordinaria. Quandoq; eos destinat per seipsum immediate: quod est rarum admodum & extraordinarium. Vtramq; expressisse mihi videtur Apostolus paucis verbis, imò & tertiam addidisse improbam, illegitimam & peruersam. Verba Apostoli sunt: *Paulus Apostolus nō ab hominibus, neq; per homines, sed per Iesum Christū & Deum Patrem.* Triplex hic notatur missio. Prima non à Deo, sed *ab hominibus*, id est à solis hominibus, sine Deo. Talis est omnium hæreticorum & pseudo-prophetarum, de quibus conqueritur Deus apud Hieremiam: *Non mittebam Prophetas, & ipsi currebant: non loquebar ad eos, & ipsi prophetabant.* Altera missio est, nō quidem præcisè ab hominibus, vt fuit prior; est enim à Deo, verū tamē *per homines*. Hanc secundo loco posuit Paulus, & pulchrè distinxit à priore, vt patet legenti. Et hæc missio bona est & ordinaria. Postrema verò est optima sed extraordinaria: *Per Iesum Christum & Deum Patrem*, quæ fit immediate à Deo: quam in se deriuat Apostolus, quantum ad prædicationē Euangelij. Nam quantum ad Episcopatum, per homines illum habuisse ostendam aliàs.

Noster igitur sermo erit, & in hac & in duabus sequentibus Dominicis, de hac postrema legatione, quam Deus ad homines, ne errent in fide, per seipsum immediate expedit. Inuestigabimus autem signa euidentissima, quibus velut Regiis insignibus vel diplomatis authenticis Deus huiusmodi nuntios ornat;

Vel immediate à se  
ex ordi-  
natione.

Gal: 1. 1.

Hier: 23.  
21.

De extra-  
ordinaria  
legatione  
hic agi.



Cuius si-  
gnum pri-  
mum mi-  
racula.

*Isa: 41. 23.*

II.  
MIRACV-  
LA.

Signū cele-  
berrimu in  
quauis le-  
ge. Quod  
probat. 1.  
Ex lege  
naturz.

*Gen: 2. 24*

*Mat: 19. 5.*

*Gen: 4. 26*

nat; vt per has veniunt ventis & symbola fideles eos clare cognoscat, ne vnquam a pseudo-prophetis decipiantur. Prima itaq; vestis qua eos vestit, & primum sigillum, quod literis quas vocant fidei, illis datis appendit, sunt M I R A C V L A. Absq; his enim, nullum vnquam eius ordinis nuntium a se proficisci Dominus permittit. Miraculi nomine autem hic accipio, non solum facta, quæ omnem naturæ ordinē excedunt, verumetiam dicta atque adeo prophetias, quæ non nisi Dei ipsius virtute suggeri & sciri possunt: promde apud Prophetam legimus. *Annuntiate quæ ventura sunt in futurum, & sciemus quia Dicitis vos.* Hoc miraculorum signum tam antiquum est; vt cum ipso mundo ortum habuerit, adoleuerit quæ nō nisi cum ipsius interitu finem suū habiturum.

Merito igitur signum miraculorum a nobis primum ponitur, quia ab ipso Deo in capite cuiusvis legationis & legis est collocatū; merito celeberrimum dicitur, quia per omnes ætates increbuit & celebratum est. Ostendit id omnis antiquitas e sacris eloquiis petita. Ab initio primæ legis, quæ fuit naturæ, primus fuit Adam omnium parentum ipse Parens, ideoq; Doctor & Magister omnium posterorum. Hunc fuisse Prophetam, & illa verba: *Quapropter relinquet homo patrem suum & matrem suam, & adheret uxori suæ, et erunt duo in carne vnâ*, in iuncta Dei pronuntiasse, Christus Dominus testatur. *Adami nepos Enos iste cæpit in-*

*pit innuocare nomen Domini*, tanquam à Deo missus, ad declarandum & augendum cultum ipsius. Cui omnes obediebant. Quartus ab eo fuit *Enoch*, de quo scribitur: *Ambulavitq; cum Deo, & non apparuit, quia talis erat Deus.* Magnū miraculū. Enoch pronepos fuit Noe propheta. *Gen: 5. 24. Gen: 5. 29.* tes eximius, cui qui obedierunt, salvati sunt; qui verò contempserunt, omnes aquis diluvij perierunt. Post diluvium secuti sunt Abraham, Isaac, Iacob, Ioseph, Patriarchæ: qui omnes Prophetæ fuerunt Dei altissimi, quia & Deus loquebatur cum eis, & ipsi divina oracula & promissa alios edocebant, vsq; ad Moysen. Quo tempore intermedio licet non extet tam clarè, per quos & Deus loquutus sit ad populum, & miracula patravit: tamen quia neq; legitur contrarium; ex dictis iudicare possumus, nec tunc defuisse aliquem a Deo missum addita illi gratia, vel prophetia, vel miraculorum.

Princeps alterius legis quæ scripta nuncupatur, fuit Moyses magnus Prophetæ, ab ipso Deo immediatè ad populum illum missus: qui sciens regulam hanc infallibilem, videlicet nemini qui se missum a Deo assereret, credendum esse, nisi faciat miracula, sic alloquitur Deum; *Non credent mihi, neq; audient vocem meam, sed dicent, non apparuit tibi Dominus.* Quid ad hæc Deus? Portentis virgæ versa in colubrum, & iterum restituta; manus factæ leprosæ & rursus sanata, munit eum & addit; *Si non cre-*

*non crediderint tibi, nec audierint sermones signi prioris, credent verbo signi sequentis.* Ac si diceret: Scio non credituros, quia nec tenentur credere, nisi signa facias; habe ergo quæ tibi fidem concilient prodigia. Quæ postmodum per Moysen quo pacto multiplicata fuerint coram Pharaone in Ægypto, & populo Israëlítico in deserto; legis è libris illius quatuor. Verùm ignoro an omnes id annotaueritis quonam modo hanc regulam & signum seu indicium veri Prophetæ muniuerit Deus; Audite igitur quid dicat per eundem Moysen: *Quòd si tacita cogitatione responderis, quomodo possum intelligere verbum quod Dominus non est loquutus? Hoc habeas signum: Quod in nomine Domini Prophetæ ille prædixerit, & non euenierit, hoc Dominus non est loquutus: sed per tumorem animi sui Prophetæ consuxit, & idcirco non timebis eum.* Ex hac euidentissima diuina regula multa habemus. Primum, quærenda esse signa vel prophetiam ab eo, qui se dicit missum immediate à Deo. Secundum, si fefellerit semel, ampliùs non esse audiendum. Tertio, habemus originem pseudo-prophetarum, quæ non est alia quàm superbia & tumor animi illorum. Postremò edocemur non esse timendum talem, sed occidendum. Nam ibidem Deus edicit vt *interficiatur.*

5. Regula  
diuina nota-  
tanda.

Deut: 18.

21.

4. Exēplis  
varijs gene-  
ris in illa  
legē.

Hanc à se regulam ita Deus in illo testamēto seruauit exactè; vt omnes qui ab illo extraordinariè missi fuerant, siue prophetiis, siue mira-

mira-

miraculis, siue utroq; fuerint insignes. Ideoq; propter diuinas reuelationes, quarum erant conscii, Videntes dicti sunt. Erant autem in eo genere insignes non solum viri, sed & feminae, non inferioris tantum ordinis homines, sed & Reges: & omnia quae praedixerunt opere expleta sunt; nisi talia fuissent, quae mortalibus ad terrorem proposita, postmodum placato Deo, mutata fuerant. Recenseamus quosdam hac ratione à Deo missos. Sit prima *Deborah* prophetissa, quae praedixit & victoriam, *Baraco*, & *Sisuram principem exercitus Iabin* Regis inimici Israël à saemina mactandum: quorum utrumq; euenit. *Deborah* autem iudicabat populum in illo tempore, tanquam à Deo missa, ut dubia occurrentia nomine ipsius dissolueret. Sequitur *Anna*, quae & *Samuelem*, *1. Reg: 1. c. 2. cap.* precibus à Deo impetrauit, & edidit tantum prophetiis plenum. Ipse verò *Samuel* *1. Reg: 3. c. 6.* eius filius, ad restaurandam gentem illam afflictam, & in fide auita confirmandam, à Deo immediatè missus, quid non vidit? quid non praedixit? quomodo Reges creauit, & exau- *Ecc: 45. 23.* thoratos punit, & post mortem etiam prophetauit? Succedunt ei *cunei Prophetarum*: de *1. Reg: 16. 13.* inde *Dauid* quem *Samuel* in regem vniuit, cuius filius fuit *Salomon*: uterq; & rex & Pro- *1. Reg: 28. 14.* pheta, mysteriorum diuinorum peritissimi, in eis praecinendis & celebrandis penè infiniti: quae partim sunt expleta in Christo, in reiectis Iudaeis, in receptis gentibus, in dilatata vera religio-

religione per totum orbem: parum post futuris temporibus, eorum veritatem comprobabit eventus. Reliquos Prophetas & à Deo

1. *Reg: 12. 1.* verè missos legatos quis enumerabit? *Nathan,*

2. *Reg: 11.* *Ahiam, virum Dei de Iuda.* (non enim proditur nomen) *Eliam Thesbitem, & Eliseum* maximos

30.  
3. *Reg: 13. 1.* Prophetas, *Michaam & alios.* Horum aliqui suas prædictiones integris voluminibus complexi sunt. Aliqui præterea mira, naturæ ordinem & vim excedentia, parrarunt. Alius manum regiam impiè contra se extentam arefecit & restituit, aram idolis dicatam discedit.

3. *Reg: 13. 4.* Elias tribus & amplius annis cælum clausit ne plueret: ignem euocavit è cælo, qui aqua perfusam immolatitiam carnem absumpsit, &

3. *Reg: 17. 1.*  
*Luc: 4. 25.*  
3. *Reg: 19.*  
38. his quinquagenos satellites flammis è cælo demissis puniuit, ad extremum ipse curru igneo e mortaliū conspectu sublatus est. Eliseus

4. *Reg: 1. 10*  
4. *Reg: 4.*  
Etc. guttis aliquot olei vasa plurima impleuit: leprosos, ne viles quidem sinauit: ferrum è fundo fluminis eduxit: eiusdem vitæ functi cada-

4. *Reg: 20.*  
7. ver mortuum, vitæ reddidit. *Isaias* Regi vitæ spatium ad quindecim annos protraxit, solisq; cursum decem retro gradibus egit. Alius in-

*Deut: 4.*  
*Eccl: 5. 1 & 2*  
*cap.* erat potestis futura prædicendi, somnia interpretandi, ora leonum claudendi, in ventre piscis hymnos decantandi. Neque tamen hisce

*Iona 2.* limitibus circumscripta esse Prophetiæ miracula. Plura fuisse, quam quæ sunt literis consignata, nemo fidelis dubitabit. Iam ad Nouum testamentum veniamus.



Caput & author legis gratiæ, est Christus Dominus, idem quæ verus homo, à Patre, salutis nostræ assertor in mundum missus. De quo Moyses: *Prophetam de gente tua & de fratribus tuis sicut me suscitabit tibi Dominus Deus tuus, ipsam audies.* Quæ verus Deus, ipse quoq; alios immediatè mittit, & ne in minimo regulam hanc violaret, & ipse miracula facit, & quoscunque mittit, eadem signa illis attribuit. De ipso igitur tanquam Messia, audite Evangelium, & admiramini diuinam prouidentiam. Arbitror enim nihil evidentius aut potentius ad nostrum propositum, hoc factò Ioannis, & responsione Christi cogitari posse. Res ita se habuit. Misit ad IESVM IOANNES vt pareret Mosi, qui præceperat dicens: *Ipsam audies.* misit autem e VINCVLIS DVOS DE DISCIPVLIS SVIS. Causam recensui. Iam legationem de questione omnium grauissima audi. ait enim Christo: *TU ES QVI VENTVRVS ES, AN ALIVM EXPECTAMVS?* Quid ad hæc Christus? Non vtiq; allegat: Benè hoc notum esse Ioanni, qui se luculentè adhuc in vtero clausus, & postea dum cæli aperti sunt longè luculentius agnouit, digitoq; monstrauit dicēs: *Ecce agnus Dei, ecce qui tollit peccata mundi.* Re- uerteretur itaq; nuntij, & ab eo testimonium veritatis acciperent. Neq; vt alias dicenti mulieri Samaritanæ; *Scio quia Messias venit, qui dicitur Christus,* apertè se prodidit; Ego sum qui loquor tecum. Nihil inquam horum discipulis

sequitur  
lex gratiæ.

Deut: 18.  
11.

et. Probatue  
signum mi  
raculorum  
illustri e-  
xemplo in  
Euangelio  
hodierno.

Ioan: 1. 29

Ioan: 4. 28

*Ioan: 8.**Luc: 7.*

Ioannis responderet; sed quasi aliud agens (id enim nonnunquam in more habuit, ut videlicet in historia de muliere in adulterio deprehensa) incipit xros sanare, cecos illuminare, leprosos mundare: & tandem respondens

IESVS AIT ILLIS: EVNTES RENVTIATE IOANNI, QVAE AVDISTIS ET VIDISTIS, COECI VIDENT. &c. Posset alicui videri, nec vnicum hic verbum ad propositam quaestionem dici. Verum diligentius consideranti, omnia non solum verba, sed & facta, ita sunt ad rem, ut nihil magis. Depromit enim Christus Dominus omnium quae haberi possunt potentissimum argumentum, ad ostendendum se esse illum QVI VENTVRVS erat, miracula scilicet coram illis edita, ad comprobandum se esse Messiam, ut hac ratione aut crederent, aut coram Deo, Angelis eius, & Ioanne, nullam infidelitatis suae excusationem praeendere possent. Nam si respondisset Christus, Ego sum; Poterant idem quod alij allegare; Tu de teipso testimonium perhibes, testimonium

*Ioan: 8. 13*

tuum non est verum: poterant non credere, sicut neq; Ioannis praëptoris sui gravissimo testimonio credere voluerunt. At miraculis necessario eos oportuit assentiri, nisi obstinate & impudenter increduli haberi voluissent.

6. Ipsius  
Christi te-  
stimonio.

*Ioan: 15. 24*

Quo crimine infidelitatis disertis verbis alicubi Christus damnat Phariseos inquiens: Si opera non fecissem in eis, quae nemo alius fecit, peccatum non haberent. Nam ut est de aliis peccatis, qui-

bus ple-

bus pleni erant; ab infidelitate certè fuissent excusati, si miracula Christus, qui se à Deo Patre missum asserbat, non fecisset. Quare? quia lege diuina, per Moysen lata, cautum erat: *Deut: 18.* nemini sine hoc miraculorum testimonio, qui se Dei nuntium immediatum affirmaret, credi debere. Huic legi adeò se lubens Christus subiecit, quòd nec sibi aliter credi voluerit, nec iis qui postea profecti sunt ab eo vulgandi Euangelij causa. Nullum enim milit vnquam quem hoc priuilegio non muniuisset. De duodecim Apostolis D. Lucas ait: *Cō-*

7. Exēplis  
missorum  
à Christo.

*Luc: 9. 1.* *uocatus autem duodecim Apostolis dedit eis virtutem & potestatem super omnia demonia, & ut languores curarent. Et misit illos predicare regnum Dei, & sanare infirmos.* Deinde misit alios septuaginta *Luc: 10. 1.*

duos, cum eadem potestate curandi infirmos, & annuntiandi Regnum Dei. Denique ipsa etiam exequutio describitur, cū dicitur: *Illi Mar: 16.* *autem profecti predicauerunt vbique Domino coope-* *20.* *rante & sermonem confirmante sequentibus signis.*

Quibus signis? Quis ea recensabit. Si magna Veteris, maiora equidem sunt Noui testamen-

ti. Ex quibus Paulus, & ipse à Christo IESU *Gal: 1. 1.* *immediatè ut audisset missus, alios à dæmone* *Act: 16. 8.* *vnico verbo liberatus, alios longè absens dæmo-* *1. Cor: 5. 5.* *ni tradit in potestatem: in tertium cælum rap-* *2. Cor: 12.* *pitur, vbi arcana quæ non licet loqui, audit:* *2.* *orans & psallens per noctem portas carcerum* *Act: 16.* *effringit, cathenas & compedes soluit; verbo* *25.* *Magum excæcat. Princeps Apostolorum Pe-* *Act: 13. 25.*

*Acto: 3. 7.* trus, claudum à natiuitate pedum agilitate im-  
*Acto: 5. 5.* pertit, Sapphiram cum marito verbo extin-  
*Mar: 6. 13* guit. Alij iussu Christi oleo omnes infirmita-  
*Joan: in* tes sanant; visiones stupendas in vulgus enūti-  
*Apocal.* ant: Imò quod nec ipse Filius Dei fecisse legi-  
*Act: 19. 12* tur; *Pauli sudaria vel semicinctia*, & Petri sola *um-*  
*Act: 5. 15.* *bra* omnes infirmos sanat & demones eiicit.  
 Quare? vt esset extra controversiā, & orbi toti  
 constaret, eos ab ipso Christo Deo ad manife-  
 standam & prædicandam veritatē missos fuisse.

3. Rationi-  
 bus è scri-  
 ptura pro  
 necessita-  
 te miracu-  
 lorum.

1. Ex his igitur euidenter colligitur, quanti  
 momenti ad cōfirmandam fidem semper fue-  
 rint miracula, ac in posterum vsq; ad consum-  
 mationem seculi sint futura: adeò vt per an-  
 tonomasiā vocentur testimonia Dei, & à  
*Mat: 5. 1.* Christo præferantur aliis omnibus testimoniis.  
*Hebr: 2. 4.* 2. Quid excellentius Ioanne Baptista, Prius  
 QUAM PROPHETA? & tamen non est tan-  
 ti eius de Christo Messia testificatio, quanti vis  
*Joan: 5. 33.* miraculorum. ipso Christo teste: Vos, inquit  
 Dominus Iudæis, *misistis ad Ioannem & testimo-*  
*Joan: 5. 33.* *nium perhibuit veritati. Ego autem habeo testmoni-*  
*Joan: 5. 33.* *um maius Ioanne. Opera enim que dedit Pater vt*  
*Joan: 5. 33.* *perficiam, ea ipsa opera que ego facio testimonium*  
*Joan: 5. 33.* *perhibent de me, quia Pater misit me.* Tanti præte-  
 rea valoris sunt miracula ad confirmandam  
 missionem verè à Deo factam; vt ipso Christo  
 iudice fuissent excusati Iudæi ab infidelitatis  
 crimine, si ea non fecisset Dominus. Tanti ad  
 extremum, vt & Propheta & Apostoli, hoc  
 quasi maximè solido argumento vsi fuerint,  
 ad de-

NOTA.

*Joan: 5. 24*

ad demonstrandum se esse missos à Deo. Hinc Helias inquit: *Si homo Dei sum, descendat ignis de* 4. Reg: 1.  
10.  
*caelo, & deuoret te & quinquaginta tuos;* quod statum factum est. Hinc D. Petrus sanato claudio Act: 3. 16.  
plusquam quadragenario, Iudæis repletis *stu-*  
*pore & extasi* respondet, se hoc opere testari vo-  
luisse, & quod a Deo esset missus immediatè,  
& quod verè prædicaret Christū surrexisse à  
mortuis. Ac si diceret: Scitis vos, *virī Israëlite,*  
Deum quando quempiam per se mittit, ad ve-  
ram suorum nuntiorum, missionem confir-  
mandam, semper vti miraculis. Cū igitur  
videatis, *non nostrā virtute aut potestate, sed in fide*  
*nominis eius,* id est ad confirmandam fidem illi-  
us, quem vos crucifixistis, solius Dei virtute,  
nos rem inauditam perfecisse: vtiq; debetis iis,  
quæ vobis veraciter de resurrectione & aliis  
mysteriis Christi Domini annuntiamus, fidē  
adhibere. *Pœnitimini igitur & conuertimini, vt* 1. Cor: 15.  
6.  
*deleantur peccata vestra.* Hinc deniq; D. Pau-  
lus inquit: *Existimo nihil me minus fecisse a magnis* 2. Cor: 13.  
2.  
*Apostolis.* Et postea vrget: *An experimentum que-*  
*ritis eius, qui in me loquitur Christus?* Quasi dicat;  
cū alia multa, tum illud miraculum recens,  
quo vnum ex vobis, licet absens, tradiderim  
sathanae *in interitum carnis,* sufficiat vobis ad 1. Cor: 15.  
ostendendum me esse missum à Deo: plura  
non querite.

Illustis igitur & verè è sacris literis deprom- III. PVNC.  
Vbi reperitur signū  
miraculo-  
pta est hæc nota; certa & infallibilis tessera,  
qua Deus Optimus Maximus quemlibet à se



immediatè missum, munit adornatq; nota inquam Miraculorum; tam antiqua, quàm antiquus est mundus; tam celebris, vt nulla ætas ea caruerit: tam necessaria, vt quicumque sine ea se à Deo missum iactaret; non solùm audiendus non esset, verum etiā è medio tollendus iussu Domini. Iam verò perpendendum & inuestigandum erit nobis, & vbinam reperiatur, & quomodo inde Ecclesia Christi cognosci possit. Non clarere miraculis hæresarchas nostri temporis, Lutherum, Zuinglium, Caluinum, Gentilem, Seruetum, Suencfeldium, & quicumq; sunt eorum circumuenti fraudibus, tam clarum est; vt probatione non egeat: cùm ipsi non solùm id fateantur; sed etiam defendant & contendant, se ad facienda miracula obligatos nō esse: tum quòd is quem præ manibus in Euangelio habemus, IOANNES, nil horum fecerit, licet ab ipso Deo immediatè fuerit missus: tum quòd ipsi reformatores tantùm sint Ecclesiæ, & antiquam instaurent fidem; vt meritò ad noua mira edenda non teneantur. Verùm animaduertite quæso vicissim eorum cœcitatē & malitiā. Quæ enim maior vel excogitari potest cœcitas, quam adeò insignem lucernam eiusq; lumen non videre? Ioannes Baptista Christo teste, fuit *lucerna ardens & lucens*, in quam tamen hæretici impingunt. Ita Ioanni præstò fuerunt miracula; vt bene quidam dixerit illum purum fuisse miraculum. Miraculose

Deut: 18.

Non apud  
hæreticos.Obiiciunt  
Ioannem.Arguitur  
eorum cœcitas.

Joā: 5. 35.

Ioſe conceptus, miraculoſe in vtero matris exultans, miraculoſe in lucem editus, matre prophetante, patre muto ventura loquente. Mirabiliter inter agreſtes & ſegreges feras educatus, & cum hominibus verſans: deniq; poſt martyrium miraculis decoratus. *Malitia Et malitia* verò quanta eſt iſtorum hominum, qui nec Prophetæ, nec Domino Prophetarum parcūt? Zacharias pater Ioānis illum *Propheta altiffimi; Luc: 1.76.* Dominus Prophetarū *PLVS QVAM PROPHE- TAM* nominat. O Euangelici, itane creditis *Euangelio?*

Dicetis ſcriptum eſſe, quia *Ioannes quidem ſignum fecit nullum.* Addam ego quid amplius, ne ſolius vulgi Iudaici authoritate minus firma nitamini, quod idem D. Ioannes (vt poſt octiduum planius audietis) interrogatus à Sacerdotibus & Levitis, *Propheta es tu?* *Et imprudentia. Ioan: 10. 41* Reſpondit: Non. Arguetiſne ó hæretici, vel Zachariam, qui illum Prophetam altiffimi aſſerit, vel ipſum etiam Filium Dei, qui *PLVS QVAM PROPHE- TAM* vocat, mendacij, eò quòd ipſe Ioannes, id de ſe neget? Sed enim omnia ſunt iſta vera, ſi ſanè intelligantur. Non fuit Ioannes Prophetata ſalis, qualem ſibi imaginabantur obliqua mente Iudai: fuit Prophetata, imò *PLVS QVAM PROPHE- TAM*, quia ſumma myſteria pandebat, quia Meſſiam vulgo latentē digito monſtrabat, quia ſua prædicebat. Nō fecit miraculum vllum Ioannes tale, qualia Chriſtus infinita patrauit; non reſtituit

cæcis visum, claudis gressum, leprosis sanitatem, surdis auditum, vitam mortuis, quod fecisse Christum audis in Euangelio. Nil inquam horum fecit Ioannes: verum tamen & ipsius ortus & progressus vitæ insignis, & prophetia eius utiq; signum illustre fuit. Prophetiam enim inter signa ponit Deus, sic loquens Moysi; *Et hoc habebis signum quod misit te: Cum eduxeris populum meum de Aegypto, immolabis Deo super montem istum.* Quid hic est aliud præter prophetiam? & tamen signum vocatur à Deo. Ioannem vero prophetasse toties ostendimus. Addam & aliud ex eodem loco, in quo turpiter hallucinati sunt hæretici. Pergunt enim

*Dent: 18.*

*22.*

*Exo: 3. 12.*

*Ioā: 10. 41*

Iudæi dicere: *Omnia autem quæcumque dixit Ioannes de hoc, (id est de Christo) vera erant.* Prophetavit igitur Ioannes, & quod prophetavit eventum comprobatum esse, tui testes, & hæretici, asserunt. Quid adhuc obturas aures incredula?

Reforma-  
tionem al-  
legantes,  
cæci sunt.

Sed & alterum illud hæreticorum effugium, iisdem eos contaminat nauis, cæcitatibus, mendacijs, impudentiæ. Cæci sunt, quia non vident prophetas illos, quos plurimos recensuimus, non authores, sed reformatores tantum fuisse Ecclesiæ, ac interpretes voluntatis & legis diuinæ. Cum ergo ipsi hæretici se quoq; reformatores Ecclesiæ Christi, & veros, latentium scripturæ sensuum, interpretes vocent, signa & miracula, vel prophetias saltem edant, necesse est, ut omnes reliqui fecerunt. Nam alias apertissimè ostendunt, se non  
nullos

missos à Deo, sed pseudo-prophetas esse. Mendaces  
 daces sunt, quia mendacium est nimis crassum,  
 eos antiquam docere fidem, quam quotidie  
 nouam pro arbitrio comminiscuntur. Est ve- Sophistæ  
 rò etiam malitiosa & sophistica responsio,  
 quia suo modo mutant statum causæ & qua-  
 stionis. Nos enim hactenus adductis testimo-  
 niis probauimus, viros immediatè à Deo mis-  
 sos, vel prophetia, vel aliis prodigiis fuisse cõ-  
 spicuos: illi verò se nescio quorum reforma-  
 torum ambitioso titulo colorant, vt incantis  
 illudant. Atqui nonnè gloriationes vestras Impuden-  
 impudentes, quòd à Deo missi sitis legimus tes.  
 in scripturis vestris? Nonnè audimus passim à  
 ministris, hæc vel his similia? ego ab ipso Deo  
 missus sum, vt veritatem annuntiem, mini-  
 ster Christi sum; ad prædicandum purum pu-  
 tum Euangelium Spiritus sanctus me misit  
 & adimpleuit. Nonnè in illa verba iidem erū-  
 punt? [Mea doctrina non est mea sed Christi]  
 Hæc expositio est Spiritus sancti. Quænam  
 ista est impudens iactantia? Si tales estis, si à  
 nemine præterquam ab ipso Deo p̄dere vul-  
 tis: astruite dictis fidem, proferte legitimum  
 pro missione vestra instrumentum: Videat or-  
 bis, cuius autoritate fulti prorepsistis ad do-  
 cendum. Quod si non facitis: per legem di-  
 uinam exterminemini, & pereat de terra me-  
 moria vestri. Vos verò qui ab illis decepti  
 estis, resipiscimini obsecro, ne cum perdi-  
 tis pereatis.

Impostores

*De Luther-  
ro Staphi-  
lus in A-  
polog: con-  
tra Smide-  
linum.  
De Calui-  
no Bolfc-  
ius in Si-  
tis ipsius,  
cap: 13.*

Pseudo-  
prophetæ.

Pressit hæc olim argumentatio Lutherum: & coëgit, vt & ipse daemones ab obsessis fugare tentaret: sed quam formidoloso euentu, testis oculatus prodidit. Coëgit & Caluinum, vt subornaret hominem viuum, qui se pro mortuo gereret, & sargere iussus, resuscitati præberet speciem. Sed puit fraus, impostore verè extincto. Neque Prophetiarum se voluit expertem videri Luther. Vnam celebrem, & olim, dum inter illos degerem, in circulis & triuiis decantatam, ridiculam & deliram Lutheri de interitu Papæ vaticinationem accipe. Num quid in ea fidei? Iam & ipse scædus Luther putere desuit, & hæresis eius ab aliis hæresibus veluti vermibus ex ea scatentibus corrofa, nil nisi putre cadaueri iacet: Papæ autem & Romanæ Ecclesiæ autoritas ita enitet; vt vix vnquam clarior fuerit. Quod enim in Germania, Gallia, Polonia, & alibi illi decessit, id in nouo orbe multiplici fœnore restitutum sciunt & hæretici, tabescuntq; inuidia. Nunquam enim adeò vber ad Romani Pontificis iurisdictionem facta est accessio; quando tot numerosi populi in Indus, America, Peru, Mexico, Brasilia, in Iapone, in insulis Philippinis, & aliis infinitis, apud Chinas deniq; sub eius ditionem concesserunt. Nouit Christi benignitas suum & Vicarij sui honorem promouere, ex idololatriis pios Christianos formando: quando sathan ex pijs olim populis, impios effecit apostatas. sed de mendacissi-



ducissimi Arioli vanissima gloriatioe satis.

Hæc verò dilatatio Catholicæ Romanæ religionis (vt ad alteram antithesis propositæ partem veniamus) euident est Diuinæ erga eam prouidentia argumentum, & simul non vulgare miraculum. Quis enim tam longè diffitas & feras gentes sub iugum Christianū humana ope misisset? Et quia instituti mei est, scripturam vigere tantum, non ero prolixus in aliis recensendis: tria tantum in vniuersum, & duo particularia & domestica miracula, notatu sanè digna afferam. Primum est, viguisse omni ætate & vigere hucusq; in Romana Ecclesia omnis generis signa, miracula, prophetias, & similia testimonia Dei, per eos etiam præstita, qui exhibere illa minimè sunt obligati: quandoquidem non immediate à Deo, sed per homines mittebantur, quales prodigiorum testificatione non egent. Alterum quod meo iudicio maius est, adeò in Ecclesia Romana miracula viguisse, & increbuisse; vt mihi persuadeam, nullum esse fidei Catholicæ articulum, tam primo aspectu exiguum, qui peculiariter non fuerit miraculis illustratus & confirmatus. Tertiò insuper, in eo benignitas summa Saluatoris nostri Iesu apparuit, quòd ea miracula multò ante præmiserit confirmantia dogma quodpiam, quam hæreses illud oppugnare cœperit: multoq; ante parauerit antidotū, quàm se venenata doctrina effunderet.

Ostenduntur vera miracula in Ecclesia Romana, & diuina erga eam cura singulatis.

Tria Nota.

1.

2.

3.

Domestica miracula.

exem-

J. De re-  
ditibus Ec-  
clesiasticis

exempla. S. Stanislaus Episcopus Cracouiens: virum nobilem Petrauinum, triennio antè vita functum, è sepulchro suscitauit, & duxit per multa passuum millia ad Tribunal Regiũ, vt pro eodem Episcopo, calumniis Principis & hæredum suorum oppresso, sententiam diceret, & testificaretur, quod ei pagũ suum, pro Ecclesiæ Cracouiensis redditibus pleno iure accepta pecunia addixisset. Non magni momenti prima fronte causã videretur fuisse tantum miraculi. Sed qui diuino suo intuitu ventura prospicit; præuidit vtiq; post quadringentos circiter annos onturam hæresim Hussi, quæ assereret illicite & contra legem Christi ab Ecclesiasticis bona temporalia possideri. Itaq; in Concilio Constantiensi inter cætera arma, quibus Hussica impietas iugulata est, exemplum S. Stanislai fuit. Sed & alia fidei Catholicæ capita, eo miraculo sunt confirmata, nempe sacrificium Missæ, S. Trinitatis mysterium, ieiunia, supplicationes, & alij pij ritus, è quibus nunc petulantes hæretici festiuos captant risus, quos tamen D. Stanislaus ad tantam rem audendam vt adiumenta adhibuit. Purgatorium quoq; clarè assertum, in quo se fuisse suscitatus falsus est, & orationes ac sacrificia petiit à Præside.

g. De Eu-  
charistia.

Præterea Posnaniæ ante ducentos annos hostia sacrata impiis Iudæis vendita, & ab iis puncta, scissa, lacerata, dum vberem emitteret sanguinem: nec tamen siue ferro, siue alio quouis

quouis modo, à gente peccatrice semine nequam, *isa: 1. 4.*  
 comminui obtinué posset: tandem in locum  
 palustrem suburbanum ab eis proiecta est:  
 ubi cum variis luminum ac aliorum prodigi-  
 orum indiciis inuenta fuisset; permouit pium  
 Polonia Regem Casimirum, ut in eodem lo-  
 co magnis impensis exsiccato, amplissimum  
 templum extruendum curaret: quod cum  
 eximia omnium deuotione frequentatur, ip-  
 saq; inuenta sacrae hostiae vestigia hucusq; vi-  
 sentur, neq; deest gratia curationum. Huius  
 verò miraculi, quæ alia causa fuit magis in  
 promptu, quàm diuinæ prouidentiae suavis  
 dispositio? Ut populus Polonus haberet præ-  
 sidium contra perfidas opiniones, quæ nostra  
 tempestate has peruaferunt oras, quòd in ho-  
 stia consecrata solum sit corpus, non autem  
 sanguis Christi: quòd vsus Eucharistiae sub v-  
 na specie sit illicitus: quòd in hoc sacro my-  
 sterio non contineatur verum corpus Christi;  
 quorum primus Hus; alterum cum Husso Lu-  
 therus; tertium Zuinglius cum Caluino, sug-  
 gerente malo dæmone, euomuerunt. Quæ  
 omnia vel hoc illustri miraculo, ut luce meri-  
 diana tetra caligo dissoluuntur. Ipsi etenim Ec-  
 clesiae parietes monumentum rei gestæ sem-  
 pitemum, clamant, conuincuntq; rebelles  
 Deo & Ecclesiae. Grata modò & memor sis  
 æternum tanti beneficij Polonia, nec atten-  
 de blasphemias Nouatorum voces. qui eiusce-  
 modi ostenta diuinitus facta, præstigiis quan-  
 doq;

Blasphem  
 heretici,  
 more Pha-  
 risæorum.

doq; solent adscribere, quandoq; ea conficta mentiuntur. Neq; enim secus egerunt olim scribæ, aut alio loco diuina Christi opera habuerunt, cum audiret ab illis: *In Beelzebub principe demoniorum eicit demonia.*

Dati in re-  
probam  
sensum.

Rom. 1. 28

1. Quia bla-  
sphe-  
mant.

2. Fidẽ ve-  
ram per-  
uertunt.

NOTA.

O quanta vos, qui talia contra Catholicam veritatem creditis, manet condemnatio! reuertimini, obsecro, vnde excidistis, & nolite veritati obdurare aurem vestram. Si ministri vestri ab impia dicacitate non sibi temperant, quia dati sunt *in reprobam sensum* propter suam pertinaciam: Vos qui ab iis seducti estis, ne tam profundo inuoluimini malo. Videte enim, obsecro, quàm reprobè & impiè, primùm miracula diuina dæmoni adscribuntur. & quid hoc blasphemum magis? Deinde quàm stultè historiis non creditur, quæ confutant hæresim, quæ Romanæ Ecclesiæ vetustatem luce clariùs arguunt: & creditur aliis, quæ pronouitate Lutherana facere videntur. Miraculis, quæ Annales nostri pandunt, statim plenis buccis reclamatur, vt Papistica cõmentata reiciuntur. At contra si quid in eadem pagina de rebus gestis superiorum temporum annotetur, quod obesse posset doctrinæ Catholicæ, id auide arripitur, intrepidè creditur, magnis clamoribus pro concionibus vulgo recitatur. Quis tam absurdam, & totum fidei ordinem penitus euertentem, obstinationem non demirabitur? Fidei natura est inniti veritati: illi verò contrà volunt, veritas fidem vel

perfi-

perfidiam, potius eorum, comitatur, cui quicquid placet, verum indicatur; quicquid displicet, ut falsum reicitur. Numquid hoc ex malefano capite, & volūtate à vero penitus auersa non procedit? Tertiò, impiè & per ex-<sup>i. Dum Ec-</sup> tremam cœcitatē Ecclesia veritatis luce splen-<sup>clesiam il-</sup> dens non agnoscitur, synagoga verò tenebris<sup>lustrem nō</sup> mendaciorum oblita, pro Ecclesia acceptatur. Nam ex dictis sole meridiano clariùs est, ubi-  
nam sit & ubi non sit Dei Ecclesia. Deus enim in veteri testamento, & dictis & factis testatus est, se nullum missurum sine miraculis. Dei filius in nouo idem & ipse præstitit, & à se missos miraculis insigniuit. Spiritus sanctus in Actis Apostolorum, hac eadem nota præsentiam suam astruit. Vnde Agabus numine plenus de Paulo prophetat: *Hæc dicit Spiritus sanctus, virum cuius est zona hæc, sic alligabunt in Ierusalem Iudei.* quod & factum est. At hæretici clamantes se à Deo Patre, à Filio, à Spiritu sancto missos esse, nullū tamen tam grandis assertionis vnquam dedere specimen, nullum argumentum. Contra verò in Ecclesia Catholica etiam illi qui constrikti non erant ad faciendā miracula, quia non gloriabantur se immediatè a Deo missos esse; nihilominus ea dederunt, & futura prædixerunt. Et tamen cœcatis oculis & mentis & conscientiæ, meras imposturas loquentibus creditur: viris Apostolicis diuina syngrapha insignitis, fides non adhibetur? Quid est, oro, cœcutire & in-  
sanum



sanum esse, si hoc est videre & ratione uti? Ostendant ex totis Bibliis, imò etiam ex probatis historiis, vel vnum ex eis, quos Ecclesia tanquã ab ipso Deo missos recepit, miracula nō fecisse. Ostendant è suis vel vnũ ea fecisse. Quod cùm eis factu procliuè non sit; quis malus genius eos inuasit, vt è tam apertis errorum laqueis nolint expedire caput?

4. Dū semper agunt Sophistas.

Sed inquirunt, & Antichristum facturum miracula. Non esse igitur hoc diuinæ missionis signum euident. Primum affirmo, vos semper esse similes vobis sophistas, mutantes statum causæ. Nam duo hic separatim quaruntur: Vnum, an qui mittuntur à Deo, signa edere teneantur: alterum, an si ea fecerint, illicò sit illis fides adhibenda. Nos primum tota hac secunda concionis parte probauimus: de secundo nondum egimus. vos verò utrūq; confunditis, & vt primum quo vrgemini declinetis, secundum veteratoricè intruditis. Affirmo secundò: vel potius sacra litera clarissimè affirmant, eum qui dicit se à Deo missum, & non sibi conciliat miraculis fidem, pro pseudo-propheta habendum esse. Vnde necessariò sequitur, vestros antesignanos tales esse. Nam si prophetare ausus est Lutherus, & quod prophetauit non euenit, si se à Deo pro reformatore Ecclesiæ destinatum asseruit, & nullis eam assertionem ostentis confirmatis equidem edicto diuino non solum non erat audiendus, sed etiam vt sacrilegus puniendus fuit.

fuit. Tertium est, quod pro certo haberi debet, si nobis constaret illum, qui mirabilium rerū est effector, verè signa illa facere virtute diuina, deberemus illi credere, sicut credimus Ecclesiæ, quia certò scimus veris eam clarere miraculis. Verùm quia discernere inter vera falsaque miracula non est cuiusuis: proinde ne nos etiam priuati decipiamur, dedit præter miracula, & aliam notam Deus summè misericors, qua veluti per lydium lapidem, ipsorum quoq; miraculorum veritas exploretur. Quæ verò sit ista nota, quodq; vsus illius non nisi in Ecclesia Catholica vigeat, post octiduum, dicemus.

Interea quæ dicta sunt, vno verbo concludo. Si quis à Deo se missum esse asserit, signis & miraculis id confirmet. alioquin mendax est, & minister diaboli certissimus. Sed etsi mirabilia operari videatur; necdum statim est illi fides adhibenda: adhuc enim aliud euidentius argumentum ab eo poscendum, est, quo planum fiat miracula eius esse verè diuina opera, non sathanæ illudentis vafra-  
 menta. Quod si tali probatione destitutus fuerit; & ipse non secus ac magus & impostor est reiciendus. Hanc liquidam & indubitatam veritatem, ista tota & sequenti de Fide concione confirmandam, vt ij quoq; aspiciant, quibus liuor & pertinacia metis oculos suffudit, precor te Deum omnipotentem trinum & vnum, qui es æterna veritas. A M E N.

**Conclusio**  
 & scopus  
 dictorum.

N

CON-

Dominica II. Aduentus,  
**CONCIO TERTIA.**  
**Spes.**

**A** simili,  
 quomodo  
 Ecclesia à  
 Spiritu S.  
 regatur.



*Luc: 12.*

49.

*Act: 2. 3.*

*Mat: 28.*

20.

**I**deò etiam  
 minuta  
 sanctè ordi  
 nat.

**U**t apparet  
 in his Do-  
 minicis  
 Aduentus.

Vemadmodum ferrum, licèt origi-  
 ne & natura sua terreum sit & frigi-  
 dum, in igne tamen ita candescit &  
 flammescit totum, vt etiam alia contactu suo  
 inflamment & exurat: ita prorsus Ecclesia Chri-  
 sti, quamuis ex hominibus constet, qui tum  
 ex natura sua, tum è peccato frigidi sunt in re-  
 bus diuinis: nihilominus succensa igne illo,  
 quem Seruator noster pollicitus fuerat, & in  
 die Pentecostes misit, atq; in dies mittit, mit-  
 tetq; vsq; ad consumationem seculi, iuxta ve-  
 rissima promissa sua: hoc inquam igne suc-  
 censa, rebus iis quas ad excitandum teporem  
 nostrũ adhibet, externis quasi vilioribus flam-  
 meum hunc vigorem impertit. Exemplum  
 præbent nobis ceremoniæ, quæ oculis corpo-  
 ris nostri obiciuntur, etiam ex, quæ nec adeò  
 in speciem magnæ apparent: nec ad spiritum  
 magnoperè pertinere videntur, vt sunt diebus  
 Dominicis ita per annum ordinatis certa E-  
 uangelia & Epistolas assignare. Nihilominus  
 tamen etiam ex hac accurata dispositione die-  
 rum, non parum ignis & caloris diuini se in  
 animos nostros insinuat. Ecce quatuor sunt  
 Dominicæ ante natalem Christi, quibus me-  
 moriam aduentus eius recolit, nec sine ratio-  
 ne tot non plures, quia totidem Aduentus  
 Domi-

Domini Iesv, reperiuntur in scriptura. Primus In quibus  
fuit inter nos, id est inter homines per carnem Christi qua  
assumptam à verbo diuino : alter in nos, per druplex Ad  
inhabitantem gratiam Spiritus sancti : tertius uentus re-  
ad nos, vel potius noster ad illum in discessu colitur.  
animæ nostræ à corpore : quartus ad iudican-  
dū viuos & mortuos. De primo sic Propheta :  
*Posthæc in terris visus est, & cum hominibus conuer-* Bar: 3. 38.  
*satus est.* De secundo ipse Saluator: *Et ad eum ve-* Ion: 1. 4. 23  
*niamus, & mansionē apud eum faciemus.* De tertio  
Apostolus: *Statutum est hominibus semel mori, post* Heb: 9. 27.  
*hoc autē iudicium.* Cuius typum quoad vtramq;  
partem, bonorum scilicet & malorum, vide-  
mus expressum in historia de diuite & Laza- Luc: 16. 22  
ro; vti legimus & diuitem statim à morte in  
inferno esse sepultum, & pauperem in sinum  
Abrahæ ab Angelis deportatum, præuio ta-  
men proculdubio vtriusq; examine, ac diui-  
no decreto. De quarto & vltimo Christi ad-  
uentu, multa testimonia allata sunt in prima  
Concione præcedentis Dominicæ, nec est  
cur in præsentia repetantur.

Huius igitur quadruplicis aduentus Chri- Sed ordine  
sti Domini, sponsa eius & mater nostra Eccle- præpostera  
sia sancta in hisce quatuor Dominicis, nobis non sine  
filiis suis iugem & salutarem inculcat me- mysterio.  
moriā, tanquam rei apprimē ad salutem  
necessariæ: ac eundem in finem hæc Euange-  
lia legit, sed ordine inuerso. Ab vltimo enim  
incipit, & in primo finit. Neq; hoc vacat my-  
sterio. Incipit à memoria Aduentus Domini

IESV ad iudicium, tum vt continuaret cœptam materiam Dominica vltima post Pentecosten: tum vt commendaret diligentem huius aduentus memoriam nobis sine perneccariam. Finit autem has quatuor Dominicas recordatione incarnationis Dominicæ, quam sacro illo, quod incipit *Rorate cœli*, & sanctorum Patrum desideriis repetitis apprimè inculcabat; & aggreditur, celebrare sanctissimam Natiuitatem ipsius, vt hic quoque inchoata quodammodo cōtinuetur materia.

*Matth. I. I.*

*D. Hiero:  
lib: 1. in  
Matth.*

sanctum Matthæum, qui initio Euangelij sui describens genealogiam Christi, ideo primo loco posuit David, postea Abrahamum (vt bene notat D. Hieronymus) ordine licèt præpostero, vt continuato Abrahami nomine, commodius generationis Christi series texeretur: ita omnino Ecclesia in Dominica natiuitati Christi proxima; & de præcurfore eius Ioanne, & quomodo per illum omnia plana reddenda essent, id est vno verbo de primo aduentu Christi disserit. Quod verò ad Euangelia attinet, ex his clarum est, primum & vltimum secundum literam vtrique Aduentui competere, alia spiritualiter intelligentur.

**Propositio**  
tripartita  
tria pollicetur.

Quare nos quoq; matrem imitantes, & Euangelium spiritualiter considerantes, de tertio Aduentu qui sit in agone agemus. Quod si quis diuisionem concionis desiderat, hanc in totidem partes partiemur, quot Euangelium in se ha-



se habet; tres omnino. Circa primam, legationem videlicet D. Ioannis, considerabimus, quomodo in rebus aduersis nos gerere debeamus. Ex responsione verò Christi discemus, quomodo spem certam salutis habere possimus. Deniq; ex illa Christi de laude Ioannis oratione, totoq; Euangelio, hauriemus vtile documentum, quomodo nos ad mortem & iudicium, quod eam statim cōsequetur, comparare debeamus. Adsit Christus Dominus, & spem viuam maximè in illa extrema hora, nobis donet, quodq; donauerit, statim coronare dignetur.

Quod octaua abhinc die strictim complēxi sumus; id nunc paulò copiosius nobis explicandum erit; differentia inquam inter spem viuam & mortuam. Id enim & ad continuandum quæ cœpimus, & ad intelligenda quæ dicenda sunt, non parū momenti afferet. Et omīssis variis spei acceptionibus, quæ etiam in ipsa scriptura reperiuntur, vbi aliquando pro timore sumitur, aliquando pro fide, nonnunquam pro hypocritarum vel impiorum præsumptione accipitur. Spes propriè dicta de qua differimus, & vt à fide & aliis siue virtutibus, siue habitibus distinguitur, est quædam expectatio futuræ beatitudinis à Deo dandæ, si nostra accesserint merita. Est autem spes alia mortua (sicut & fides) quæ absq; gratia Dei & adminiculo bonorum operum, hominem inani fiducia erigit. Alia viuā, quæ

Sed prius  
ponitur fū-  
damētum  
de natura  
Spei, nēpā

Quid sit  
Spes.

Quæ sit  
Spes mortua.

Quæ res  
viua.

*Vide D.* charitate diuina informata, bona opera & me-  
*Tho: 1. 2.* rita habet. Mortua verò licet eis careat, spe-  
*9. 62. Ar-* rat tamen & proponit se ea acquiriturum. De  
*tic: 4. &* mortua nescio an vnquam scriptura clarè lo-  
*9. 65. Ar-* quatur: nec immerito, quia non nisi ad eam  
*tic: 4.* quæ propriè virtus est, cum per alios, tum ve-  
 rò per Apostolos hortatur nos Christus Do-  
 minus. De qua sic princeps Apostolorum:

*1. Petr: 13.* *Regenerauit nos in spem vitam.* Qui dum viuæ  
 spei mentionem facit, esse aliam mortuam  
 non obscure insinuat: sicut & fides viua mor-

*Iac: 2. 17.* tuaq; reperitur, teste D. Iacobo. Sed & Pau-  
 lus indicat reperiri aliam haud bonam, quan-

*2. Thef: 2.*  
*16.* *in gratia.* Gratia enim idem est quod charitas,  
 cuius præsentia bonam spem, absentia malam  
 efficit. Sed sunt etiam alij effectus, qui spei  
 insigniuntur nomine, cum tamen à spe pro-  
 priè dicta absint.

Exemplis  
 declaratur  
 quatuor  
 Spei gene-  
 ra.

1. Impro-  
 prium.

2. Peruer-  
 sum.

3. Spei mor-  
 tuz.

Exemplis hæc iucundiora fiant. Sit quispi-  
 am qui dicat se sperare salutem, si in fide &  
 bonis operibus decesserit, is non spei propriè  
 dictæ, sed fidei verum actum exercet. Certa  
 enim fide hæc conditionata creditur. Sit alius  
 sepultus in vitiis, qui neque cogitet se ab illis  
 expedire, & tamen asserat, spem se firmam  
 habere, etiam si ita moriatur, salutem conse-  
 quuturum. Ille non sperat, sed præsumptione,  
 vitio pessimo in Spiritum sanctum delinquit.  
 Sit tertius æquè vitiosus, qui respondeat qui-  
 dem intrepidè se omnino saluatum iri. Cæ-  
 terum

terum non in tali statu, sed proponete se vitæ emendationem atq; pœnitentiam, eaq; ratione sperare vitam æternam. Talis habet veram quidem spem, sed mortuam. Si enim tunc è vita decederet, etiam si hac spe præditus esset, damnaretur nihilominus. Sit deniq; alius qui bonis operibus iugiter intentus, *Sperat in Deo*, *1. Tim. 5. 8* & *insistat obsecrationibus & orationibus nocte & die*, qualem viduam vult esse Apostolus talis spem veram, spemq; viuam habebit. Et hæc est ad quam nos sacræ scripturæ hortantur, quæ teste Apostolo *nos saluos facit*, hæc quæ *non confundit*. *Rō. 8. 24* Et vt scias illum de hac ipsa loqui, rationem *Rom. 5. 2* cur non confundat subiicit dicens; *Quia charitas diffusa est in cordibus nostris per Spiritum sanctum, qui datus est nobis*. Vides quàm clarè expressit, vnde spes vigorem suum accipiat?

Hæc igitur Spes, quomodo & quibus viis ac modis à nobis haberi & retineri possit, docet nos sacrum hodiernæ diei Euangelium: in primis verò bonæ Spei firmamētum, nempe quomodo nos in aduersis gerere debeamus. hanc enim artem si callemus, tutissimū iecimus bonæ Spei fundamentum. Docet autem id exemplo, & exemplo IOANNIS Baptistæ, qui licet esset vir sanctissimus, & innocentissimus, fuit nihilominus in VINCVLIS constitutus. Vnde primam & excellentem haurimus doctrinam, nempe nos si à tribulationibus liberi esse volumus, cauere oportere incautum imo sapè temerarium iudiciū, quod

I. PVNCT.

Quomodo nos in aduersis gerere debeamus.

1. Cauendū valdè temerarium iudiciū.

& frequens, & periculosum esse solet valde. Fit autem, quando, verbi gratia, aliquem aduersum & acerbum quidpiam, siue in facultatibus, siue in corpore, siue in honore perpersum videntes, statim perquirimus, quamnam causæ his cum ærumnis inuoluerint; Solemusq; omnem viuendi rationem ipsius expendere & reuoluere, in qua si inuenimus aliquid, quod siue meritò siue immeritò nobis displicet, confestim hanc afflictionis illius causam esse asserimus, & nonnunquam etiam lætamur. adeoque misero etiam insultamus, longè nos ipsi miseres qui hoc facto grauitè miseram animam nostram vulneramus.

*Rom:2. 1.* Incidimus enim in illud dictum Apostoli: *In quo iudicas alterum, teipsum condemnas.* Magna equidem condemnatio, quia duplex; tum

*Pro:31. 6.* quòd afflicto addamus afflictionem, cui *mærenti siceram & vinum*, id est consolatione propinare iussu Dei debueramus; tum quòd nosmetipsos stultè perimamus. Quamobrem hoc sit primū & pernecessarium, vt hūc pessimum omnium malorum riuum obseremus, & supersedeamus ab hac perniciosa censura, neq; secus erga aliena, quàm erga propria incommoda afficiamur.

a. Sciendū      Secundum est adhibendum remedium, vt  
Deum pi- non solū suspendamus temerarium iudici-  
os afflige- um, sed etiam claudamus pessimos hosce fon-  
te, vt patet tes, è quibus animæ nostræ noxiij riuī scaturi-  
unt. Modum autem docet nos Euanglium,  
cūm

cum testatur IOANNEM IN VINCULIS audiuisse  
opera CHRISTI. En legis, quo obturatur & a-  
uertitur cursus riuus huius, iudicij inquam, per-  
peram in malam partem omnia interpretan-  
tis. *Petra autem est Christus* ipse, cuius si opera  
sedulo audies, periculum euades. Illa, inquam,  
opera arcana, quomodo neq; suis parcat De-  
us. Quis enim sanctior Ioanne, quem Sal-  
uator PLVSQVAM PROPHEETAM vocat, neque  
surrexisse inter natos mulierum illo maiorem  
testis est? Nihilominus vides quomodo à  
Christo tractatur, quomodo affligi permitti-  
tur: in corpore, dum carceri mancipatur: in  
honore, dum tantus Propheta inter maleficos  
censetur. imò vt omnium scelestissimus, in car-  
cere vinculis cōstringitur, & quod longè etiā  
acerbius est, in ipsa cruciatur anima. Quid  
enim putas, quantum dolorem cordis sensit,  
quando vidit charos discipulos suos, nec sibi  
credere, nec verum Messiam recipere velle?  
Sed quid mirum, Iesum id Ioanni fieri permi-  
sisse, cum & Parenti suæ sanctitate Ioanne  
vix antegressæ, & sibi ipsi hac in parte non  
pepercerit? Quid in istis argues? propter quod  
scelus eos tanta passos iudicabis? Propter nul-  
lum, inquis, quia vitij prorsus expertes fuerūt;  
at in eo quem ego iudico, aliter se res habet.  
Quid si erras? Putas defuisse qui Ioanni labem  
alienam impingerent? certè dubitare non po-  
tes: Phariseos id de Christo sensisse, & insulta-  
uisse, quam verè patet? Idem fecisse illos Iobi

*1 Cor: 10. 4*  
In Ioanne  
Baptista,  
quem tri-  
pliciter af-  
fligit.

*Mat: 11. 11*

*In B. Virg.*  
In ipso  
Christo

*Responsio*  
arguitur.

**NOTA**



amicos, cum tot insuper argumentis & probationibus fortè audisti: audias etiam decretum  
*Job 42. 7.* Dei, sic Eliphaz alloquentis: *Iratus est furor meus in te, & in duos amicos tuos, quoniam non estis locuti coram me rectum.* Caue igitur ne tu quoque simile quid ex Deo audias; quot enim mendacia in talibus sæpe animaduertisti? Sed esto deliquerit ille, qui à Deo plectitur: qui scis vel Deum propterea eum punire, vel illi pœnitentiam non egisse? Tu verò hominem sanctum, peccati condemnas. O quàm id frequens! ô quàm periculosum! Vt igitur declines periculum: Audi, & considera opera & iudicia Christi occulta nimis, & ea tacitus venerare, iudiciumq; cohibe sinistrum, ita enim & aliis & tibi parces.

g. Recurre-  
 dum ad se-  
 ipsum &  
 ad Iesum.

NOTA.

4. Non ad  
 inimicos  
 Iesu.

Clauso itaq; fonte improbi de pœna aliena iudicij, ad te ilicò mentis oculos conuerte, & si te quoq; à Deo, morbo, luctu, infamia visitatum animaduerneris, in te exere quod in alios voluisti. Quod enim in alterum impiè hoc in te piè admodum admittes. Hic perquire, & inuestiga, omnes conscientie tue latebras, teq; excute, & compertistot in Deum offensionibus, te iustè hæc pati agnosce, ingemisce, culpam deprecare, emendationem propone. Et vt vno verbo dicam, fac quod hic fecisse Ioannem audis, MITTE AD IESVM. Non ad Ariolos, non ad Strigas. AD IESVM, non ad inimicos IESV. Imitare potius D. Ioannem, quàm illum Regem perditum Ochoziam,

ziam, qui cum cecidisset per cancellos cœ-  
naculi sui, & concussus decumberet misit ad  
Beelzebub nuntios suos, quibus iussu Dei oc-  
currens Elias, inquit: *Nunquid non est Deus in  
Israël? Quamobrem hæc dicit Dominus. De lectulo  
supra quem ascendisti, non descendes, sed morte mo-  
rieris.* En primum impietatis vestræ, ut ne id  
quidem quod desideratis, è voto cedat vobis,  
imò perdati corpus non rarò, animam verò  
semper, preciosiorem utiq; omnibus, quæ in  
mundo sunt corporibus. Pudeat Christianū  
se vocare, & in necessitatibus potiùs ad inimi-  
cum Christi, quàm ad Christum recurrere vel-  
le, detestabili more Idololatrarum. Constat  
igitur mittendum esse ad Iesum. Et quis  
mittendus?

DVO EX DISCIPVLIS tuis. Quinam  
sunt isti? Puto aptè ad nostrum propositum  
intelligi intellectum, & voluntatem nostram.  
Mittis intellectum ad Iesum, quando cogita-  
bis & sēsies nihil tibi aduersi accidere vnquā,  
nisi aut volente aut permittente Iesu. Ideoq;  
nō more canum appetes morsu lapillum quo  
percussus es; parces detractionibus, conuitiis,  
maledictis in eum iaciendis qui te afflixit;  
temperabis ab illo furore infando, qui etiam  
in ipsum Deum incurrit; alioquin in summā  
te conicies inquietudinem, & coronam tibi  
paratam pro patientia, si illam adhibuisses,  
perdes, ipsam denique animam, maledictis  
conficies. Mitte etiam voluntatem tuam ad  
Iesum,

4. Re. 1. 2.

5. Mitten-  
dus ad Ie-  
sum intel-  
lectus, ne  
murmures.

Simile-

Tria inde  
incommo-  
da p. an-  
fima.  
& Mitten-  
da volun-  
tas

Iesum, ipsius videlicet sanctissimæ voluntati, tuam perfectè conformando. Eximium sanè in tribulationibus remedium, & hæc vnica quasi consolatio: Cognoscere Deum sic velle, & id velle, quod ipse vult te velle. Quod si vterque qui mittitur repugnat, dum & intellectus ad inutilia dilabitur, & circa ea discurret; & voluntas cupit alia præter Deum remedia: tu imitare Ioannem, qui hosce discipulos sua sponte ad Iesum, à quo erant alieni, minime ituros solerter expedit: vt illius quidem nomine legatione fungantur, reuera autem sui animi vulnus latens curandum proponat. Idem tu effice, & verba horum discipulorum Ioannis paucis immutatis vsurpa, & dic: **Tu es Domine Iesv qui venturus es,** & me vel ab hac miseria expediturus, vel gratiam tolerandi daturus? **An alium expectamus?** Alium inquam, qui nos ad tuum arbitrium affligat? aut aliud tempus, quo nos hisce malis erepturus? Fiat in omnibus & per omnia voluntas tua Domine: digna homine Christiano resignatio, & præsens in tribulationibus remedium.

Cum debita resignatione.

7. Non nisi propter le-  
tū aliis me-  
diis vtendū

NOTA.

Obiectio-  
nis solutio  
nem.

At inquis, nunquid non debeo humanā etiam quærere subsidia, recursum habere ad medicos, si æger sum, ad alios quorum opera indigeo, si me iuuare possunt? denique fuga, si liber sum & periculum instat, quidni mihi consulam? Non leuis interrogatio & excussione digna. Ad quam respondeo. In his, & qui-  
buluis

bus aliis aduersis, maximè verò in tentationibus ac spiritualibus necessitatibus, & posse & debere te semper ad Iesum, cum illa animi submissione & resignatione recurrere. Proinde si nobis certò constaret, Deum velle, vt in hac vexatione permaneamus, non solùm fugere eam non deberemus, sed etiam si fortè iam effugimus, reueri teneremur. Ita fecit D. Petrus quando Romæ ad carcerem, ex quo iam euaserat, reuersus est, quamprimum intellexit id Christum voluisse, vt D. Ambrosius testatur. Ita coapostolus eius Paulus, cùm ter petiisset liberari à stimulo carnis suæ, quo grauius affligebatur, & audisset à Domino: *Sufficit tibi gratia mea.* postmodum voluntatem suam diuinæ voluntati iam agnitæ submisit. Ita Ioannes Baptista, non pro se orat vt è carcere liberetur, quia sciuit Deum sic voluisse. Verùm quia scire id rarissimè, & nobis vix vnquam contingit, ideò licet ad alia etiam humana media & remedia recurrere. Ita tamen (audi quid dico) vt in illis non nisi ad Iesum recursum habeamus. Ideò si quid est in istis Deo, vel præceptis eius aduersum, caue vsurpes, aut inde vllum petas præsidium. Nam vt illa crassiora errata, recursum ad veneficos, impostores, & similia omittam: neque illud equidem petere à conuiujs, ebrietate, compositionibus, saltatione, & aliis impijs hilaritatibus, doloris aliquod leuamentum Christiani hominis est. Sed sunt etiam alia obscuriora delicta,

*Amb: oras  
in Alexen.  
2. Cor: 12. 7.*

*Voluptatibus nunq;  
vtendum.*

*Similiter  
incantationibus.*

Item cha-  
racteribus.

delicta, & quæ nō tanti, quanti par esset, à quibdam fiunt. Talia sunt characterum vsus & gestatio, benedictiones superstitiosæ, & alia eiusmodi, quorum nec naturalis, nec supernaturalis causa reddi potest.

NOTA.

Quomodo  
medicis v-  
tendum.

Peccata  
suadentib.  
nunquam.

Quid dicam de medicis nonnunquam luxuriosa suadentibus? Absit id ab omnibus Catholicis, tum medicis ut præcipiant, tum agis ut obediant. At inquit, alium non esse modum medendi. Negant id quidam, & verè id mihi persuadeo. Sed esto sanè. Tum temporis igitur sentiendum esset; Deum sic omnino velle, & patiendam hanc a quissimo animo plagam ab eo, quamdiu ipse voluerit, ut multi summa cum laude pietatis id fecerunt, & inter omnes, noster S. Casimirus. Non enim remedia, quæ sunt contra præcepta Dei, licita esse possunt. Tu verò si bonus Christianus es, non nisi ad Deum in necessitatibus recurrere debes. Sed & in medicinis adhibenda est moderatio, qua in re magnos sæpe abusus fieri conspiciamus. Quot enim sunt, qui mulierem illam, quam in Euangelio non lau-

Aliis mo-  
deratè.

LHC: 8. 43.

dari sed perstringi animaduertimus, quæ in medicos erogauerat omnem substantiam suam imitantur? quibus idem sæpius accidit, quod illi feminae, ut nil proficiant, iusta pœna peccati. Cæterum quod in illa manus culpæ habebat, quæ in rei veritate agrotabat: maiorem habet in his, qui imaginatione hæc in parte laborant, & maximam, cum illi sumptus ingentes faciunt, qui



ant, qui minimè deberent. Interim verò pauperes necessariis, vel priuantur, vel etiam spoliantur subsidiis. Quare moderatione hic quoq; vt vbiq; vtendum censerem; præsertim si aucta nimium ægritudine, iam spes non sit salutis. Tunc quod in pharmaca & medicos profusè expendendū, esset initis rationibus in pauperes distribue, tu verò teipsum diuinæ trade voluntati, & ad mortem vt Christianum decet, præpara. Quis scit an non hac ratione citius ab infirmitate etiam corporis libereris? Nam animæ te hac ratione consulturum, ne-  
-o pius dubitauerit. Neq; hæc ideò dixerim, vt humana media spernantur: sed vt illis vtamur citrà nimiam sollicitudinem, neq; simus superflui: hæc enim semper sunt in vitio. Ideo in rebus dubiis, & multò magis in desperatis (quod facile est ratione indagare) licèt repugnet, & media nescio quæ cæca sensualitas inquirat, spes tota in Deum est proicienda. Tum temporis enim quantum humanæ spei decedet, tantum accrescet diuinæ. Cuius signa quædam iam dedimus, sed copiosiora sunt in altera Evangelij parte, quam in Christi nomine iam aggrediamur.

Indesperatis ad elemosynas recurrendu.

Fulchrum  
spei medi-  
um.

Dum octauo abhinc die de spe ageremus, diximus inter alia, nos de salute nostra non fidem diuinam, sed spem habere debere. Ratio huius rei erat præcipua, quia quæ fide Christiana credimus, ea certissima sunt & infallibilia; cum verò salus nostra in dubio sit posita,

II. PARS.

Quomodo  
Spes viuæ  
cognoscenda.

Incertitu-  
do Spei est  
ex natura  
rei.

Certitudo  
aliunde.

posita, in ea fides locum habere nequit, sed tantum spes; quæ cum ex natura sua semper sit cum timore contrarij coniuncta, & Deus naturas rerum non destruat, optimè vtrumq; hoc iungitur etiam in spe diuina. Habet nihilominus & spes suam certitudinem (si enim nulla certitudo rerum sperandarum esset, ut sit in impossibilibus, absurdè profectò sperarentur) tantoq; firmiorem quanto plura & potentiora reperiuntur argumenta, illud quod speramus omnino euenturum. Quæret itaque aliquis vestrum, quænam sint huius certitudinis spei signa & argumenta, id enim scire vehementer plurimi desiderant. Quibus respondeo, pro diuersitate spei, diuersa etiam & varia signa reperiri. Nam ex quadruplici illa spe paulo ante posita, prima, qua speramus vel credimus potius nos saluandos, si secundum Christum vixerimus; nullis signis indiget, quia non est illa, de qua differimus, spes propriè dicta. Neq; secunda, qua speramus nos sine bonis operibus saluandos: hæc enim non spes sed turpis est præsumptio. Tertia spes ut ipsa languida est & mortua: ita & signa habet languida, exigua, mortua planè. Postrema verò spes, bona, vera & viua, habet indicia optima, tantò euidentiora, quanto usu diuturno rerum diuinarum & feruore spiritus mens nostra in Deo magis magisque est radicata & firmata. & habet signa varia: tam diuina quàm humana: tam externa quàm interna. In perfectis verò  
adeo

adeo eximia, vt vix aliquem dubitandi relin-  
quat locum.

Interea nos ea tantum signa viue & sanctæ signa viue  
spei videmus, quæ ex Euangelio hodierno, <sup>Spei.</sup>  
& maxime ex oratione Christi Domini colliguntur. Primo itaque in ignem vera spei ha-  
bet ille argumentum, qui in aduersis & tribu-  
lationibus non sese perit, vt iam edocimus. <sup>In aduer-  
sis patien-  
tia.</sup>

Demde in eius anima miracula illa Christi  
spiritualiter intellecta compeniuntur. Si in-  
quam eoe et videtur, præsertim intellectus, <sup>Intellec-  
tus illu-  
minatio.</sup>

qui antea vel mendacium, vel hæresim appro-  
babat; vel ad diuina capiendâ intelligendâq;  
planè cæcuscibat; postmodum verò omnes  
detestatur errores, diuina autem anipit, & quâ-  
tū in se est perspicit. evidens est indicium

bonæ spei: præsertim si etiam nostri CLAVIDI  
AMBULANT, id est, si accedit claudicantis <sup>Volunta-  
tis in bono  
humitas.</sup>

nostræ voluntatis rectus incessus, illas inquâ,  
quæ iam vult iam non vult bonum, modò de-  
lectatur in præceptis diuinis, modò ruit in ve-  
ritate. Audi quid de hac claudicatione dicat ad  
populum Israëliticum, magnus ille Propheta

Elias: *Vsq; quo claudicatis in cras partes? si Domi-  
nus est Deus, sequimini eum, si autem Baal, sequimini* <sup>3. Reg: 18.  
21.</sup>

illum. Hoc nempe est nōdum ingenium, <sup>Claudica-  
tio spiritu-  
alis.</sup>

dum sumus in domo Dei, dum audimus di-  
uina, placent, afficiuntur: mox domum regres-  
sis nobis facile Deus venter est, facile periuadet  
licentiosa caterua sedulitatis, vt viles cum la-  
pis, vt te accomodes temporis, loco, negotis,

O

perfo-

Pulchra fi-  
gura.  
2. Reg: 5.

personis, & id genus. Hic sunt aptissima illa  
figura expressi, *cæci & claudi odientes animam Da-  
uid*. Et vt non potuit Dauid potiri arce Syon,  
nisi ablatis eis: ita tu nisi funditus tollas ex a-  
nima tua claudicantes hos motus, nunquam  
incola eris illius aula supremæ, vbi *videbitur*  
*Isai: 63. 8. Deus Deorum in Syon*. Quare si vides in te clau-  
dum illum tuum, vel iam ambulare, vel paulò  
stabilius quàm antea figere gressum; si dele-  
ctari veritate, delectari virtutibus, si fastidire  
vitia, si peccatum quoduis fugere magis quàm  
colubrum, excelles est indicium, spem viam  
vel iam in te esse, vel inchoari.

4. Vñs Sa-  
cramento-  
rum.

Gustus con-  
cionum &  
rerum di-  
uinarum.

Quod magis etiam constabit, si **LEPROSI**  
**MUNDANTVR** tui, si quæ antea multum fa-  
stidiebas, veræ pœnitentiæ & cræq; Eucharistiæ  
mysteria sæpius iteres, quibus duobus sacra-  
mentis pessima & fœdissima animæ tuæ lepra  
mundatur, abstergitur, & profligatur; si hæc  
inquam iam placent, plurimum. si præterea  
**IMBECILLI AUDIUNT**, si mens tua cui olim  
nihil erat acerbius, quàm crebras conciones  
& colloquia de rebus spiritualibus & diuinis  
audire, nihil æquè molestum ac sanctissimis  
Missæ sacrificiis (præsertim si non nihil protra-  
hebantur) & aliis occupari deuotionibus; si  
inquam hæc omnia nunc obnixè frequentas,  
audè audis, fideliter audita memoria retines:  
optima sunt signa, optima sanè, spem bonam  
radices in te figere; præsertim si quod in ser-  
mone Christi sequitur **MORTVI RESVRGVNT**, tu

in te per gratiam ipsius Iesu sentis & experiris. tudo ad  
benè ope-  
randum.

Quid enim in te hæcenus ad opus bonum, peragendum mortuum non fuit? quæ potentia spiritus tui, quæ passio animæ, qui sensus corporis, manere suo ritè fungebantur? Iacebant hæc omnia planè mortua; *computrueras* Ioel: 1. 17.

*ut iumentum in stercore tuo.* Nunc autem miracula operante Iesu in anima tua, animaduertis te non solum audire libenter, sed etiam executioni mandare diligenter, omnia iussa & præcepta diuina: sentis illa quæ olim videbantur tibi factu impossibilia, nunc non solum fieri, sed etiam dulcescere in opere tuo: vides deniq; habitus & consuetudines tuas, malas quidem marcescere (utinam etiam pereant) bonas verò in locum illarum succedere. Lau-da Dominum Iesum, exulta in corde tuo; excellentia enim bonæ spei & salutis tuæ in te signa pullulant. Sed vide, ut habcas quod Christus subiungit dicens: **PAUPERES EVANGELIZANTVR.** Caue superbias, caue ne tibi hæc adscribas, & coram aliis de bonis operibus tuis glorieris. Soli enim **PAUPERES**, & in oculis suis abiecti & humiles **EVANGELIZANTVR**, & fructum in Euangelio assignatum recipiunt. Imitare istos Ioannis discipulos, qui taciti discedunt. Itatu premas silentio, si quid tale in te sentis; & ut vincto, eoq; valde notatu digno verbo dicam: Age, ut tacente te, Iesus det testimonium de teipso. Solus enim ille nec falli nec fallere potest: tu utiq; es obnoxius, &

7. Humili-  
tas.



S. Austen.  
125.

valdè. Deniq; sis ex illorum numero, de quibus Saluator vltimo loco dicit: ET BEATVS EST QVI NON FVERIT SCANDALIZATVS IN ME. Qua de re egimus iam copiosè integra concione, ideo hoc solum addo. Noli scandalizari ex communi vita Christi, neq; vt haretici, neque vt Iudæi: qui in eo conueniunt, quòd ad strictioris vitæ normam, qua profectò in vita Christi non defuit, oculos suos claudunt: tu tuos aperi, & pro virili eius imitare vigorem.

*Matth: 21.* Esuriuit ille, ieiunauit, fatigabatur itineribus,  
18.

*Matth: 4. 2.*

*IOAN: 4. 6.*

& infinitas alias molestias pertulit in corpore. Omnia non propter se, sed propter te, idq; volens & alacriter: tu sic similiter, & sic propter illum, omnia ad laudem & honorem ipsius sincerè referendo. Nam & hoc non postremum est bonæ spei argumentum, quando ieiunia, flagella, cilicia, & ceteræ corporis vexationes, vtrò in Christi gratiam (cum discretionetamen) susceptæ, sperare nobis incipiunt.

Quare (vt hanc quoq; concionis partem concludamus) si, quæ dicta sunt, in nobis sentiemus, duplicem fructum referemus. Alterum, certitudinem quæ hic haberi potest maxima, & nos in gratia Dei esse, & veram illam viuamque spem, quæ vt audiuitis sine gratia Dei esse non potest, in nobis vigere. Certitudo autem ista & solatij plena & magna sanè est: ita vt mundanæ spei certitudines, multùm superet: ad certitudinem tamen fidei nò pertingit, propter duo; quæ scire certò nemo

Quanta sit  
spei diuini-  
tatis certitu-  
do.

valet!

valet: tum an ita se omnia in eo habeant, uti sibi videntur: tum an in illis usq; in finem vite sit perseveraturus. Idcirco isthac ignorantia formidinem, formido verò incertitudinem pariat necesse est. At in fide diuina longissimè absunt, & formido contrarij, & quævis incertitudo. Alterum fructum inde referemus, excellentissimam præparationem videlicet, ad tertium illum aduentum Christi Domini, qui fit statim post mortem nostram. Si enim dictis addiderimus, quæ in postrema Euangelij parte, à maximo concionatore Christo edocemur, sanctè obdormiemus, & securi conspectui ipsius præsentabimur.

Quid verò edocet nos Christus Iesus in hac sua admirabili de laudibus Ioannis facta concione? Vno verbo docet nos constantiam; hanc prima, hanc postrema eius verba spirant. Audiamus illa. QUID EXISTIS, inquit, IN DESERTVM VIDERI? ARVNDINEM VENTO AGITATAM? Certè ipse iam locus constantiam redolet; nam inconstantes, non deserta siue eremi siue religionis colunt, sed inde apostatantes, in ciuitates & frequentiam hominum cōmigrant. Dum verò arundinis vento agitata meminit, validè constantiam inculcat. Est enim ut videtis in his verbis ecclipsis (quam vocant) huius sententiæ. Absit ut hoc de Ioanne cogitetis, illum arundine esse leuiorem; non est talis Ioannes, sed est vir fortis & constans. At quousum oro verba sequentia: SED

III. PVNC.

Ad mortē nos præparabimus, i. Dicta obseruando.

2. Constantiam seu perseverantiam addo.

(Explica-  
tur concio  
Christi.)

QVID EXISTIS VIDERE, HOMINEM MOLLIBVS VESTITVM? Dicam quod sentis: Quia leuitas in molli vestitu, leuitatem & inconstantiam animi prodit. Notum id est in fœminis, quæ vt natura sua viris sunt comptiores: ita leuiiores. Vtrumque tamen gratia diuina ordinat, solidatq; faciliè, tam in viris quàm in fœminis. Viri videant, an æquum & honestum sit, mulieres potiùs leues quàm Ioannem & alios viros constantes imitari. Fœminæ verò dent operam, vt virilem in rectè factis animû possideant. Ita vtriusq; bene res è Iesu sententia cedet: sed temporis inopia cogit nos ab hac materia supersedere, camq; ad aliud tempus differre. Duo tamen breuissimè tango. Alterum quod si in vitio non esset vestium molities, nunquam Christus ex contrario Ioannē laudasset. dum igitur laudatur austeritas illa, carpitur. alterum, hæc & similia secundum status rationem intelligenda esse: ideoq; fortè Christus Dominus, eorum qui in domibus regum sunt, mentionem facit, quia talibus aliquid plus hac in parte licet. Quantum verò ne statum excedant suum, hunc nodum alij dissoluant arbitri. nos ad nostra redeamus. Addit itaq; Christus Iesus tertiam interrogationem, SED QVID EXISTIS VIDERE? PROPHETAM? ETIAM DICO VOBIS, ET PLUSQVAM PROPHETAM. A duobus Ioannem vindicauit, inconstantia & deliciis. Nam alter Euangelista eandem describens historiam, deliciarum etiam mentionem fa-

nem facit. Tertium in eo adstruit & inculcat, constantiam in dictis & factis, ideoque **TROPHEAM**, ideo **PLUSQUAM PROPHETAM**, ideo in super etiam prophetatum, ideo **ANGELUM DEI**, ideo talem eum vocat, **QUI PRÆPARABIT VIAM** ipsi Iesū; quæ omnia tantæ fuisse Ioannem constantia in dictis factisque arguunt, ut maior esse non queat. Neque enim propheta vanus, nec plusquam propheta delicatus, nec Angelus Dei leuis, nec præcursor Christi, mendax esse potuit.

Constantiam igitur, & perseverentiam in his quæ antea recensimus, habeamus: vel si hæc quæ in concione sua commendat Christus dividere placet, constantiam, seu perseverantiam & mortificationem, seu temperantiam, addite dilectissimi, & securi latique in agone Iesum expectate. Perseverantia ad animum, mortificatio ad corpus propriè spectat: tamen utrumque utriusque est necessarium. Nam & animus noster mortificatione valde indiget, ne plus aut sapiat aut velit, quam oportet: & earum quæ ad corpus pertinent deliciarum ac molliciei, temperantia ac mortificatio, perseverantia est condienda. Stat enim decretum Spiritus sancti firmum & ratum, quod non co-

3. Nec non  
adiungen-  
do mortifi-  
cationem

ronabitur nisi qui legitime certaverit. Ad certamen igitur charissimi properemus omnes, & ad certamen legitimum. Propterea iustum, quia iustus Dominus, & iustitias dilexit. propterea *1y: 10. 8.* acre, quia aduersarii acerrimi, *Eph: 6 12.* Principes & potestates,

2. Tim. 2. 5  
Epilogus,  
continens  
exhortati-  
onem.

*testates, mundi, rectores tenebrarum harum. pro-*  
*pterea certamen debet esse continuum, & cō-*  
*stans, quia qui perseverabit: scilicet in finem, hic saluus*  
*erit, ait veritas IESVS. O si vobis describere*  
*possem animam in vitiis enutritam, quantus*  
*dum egreditur e corpore premitur angustis,*  
*credo quod ingemiscitis. Sed quia me*  
*quoque monet hora, ne sim longior, aliud no-*  
*bis commotum est expectandum tempus.*  
*Nunc in contrarium me vertam, & potius*  
*quam brevissimè adumbrabo vobis animam*  
*in fide constantem, spe letam, charitate fer-*  
*uentem, & in omnibus ipsis ad extremum ha-*  
*litum perseverantem, quomodo se tota fidu-*  
*cia erigat, cum iam iam & se ad Christum &*  
*Christum ad se aduentantem animaduertit.*  
*Talis enim animæ color & habitus in hac to-*  
*ta concione descriptus est: quæ videlicet alio-*  
*rum quidem demirabatur virtutes, sua verò*  
*vitia intuebatur, & desolebat; quæ lapsus alie-*  
*nos ita commiuentibus oculis intuita est, ut nil*  
*iudicij temerarij & detractionis internè in his*  
*habere rit: quæ in tribulationibus suis non ad*  
*alium quàm ad Iesum recurrere consuevit:*  
*quæ omnia obuenientia æternè illi providen-*  
*tia adscribere solita fuit; quæ velle suum diui-*  
*næ voluntati semper conformare conata est:*  
*quæ salutis iter inoffenso pede percurrere,*  
*lauacro penitentia & aliorum sacramentorū*  
*usu lepram spirituales abstergere, spiritualia*  
*quidè audire, bonos affectus & habitus velut*  
*extin-*

**Et animæ  
 pie in ago-  
 ne descri-  
 ptionem.**

**Et summā  
 dictorum  
 in concio-  
 ne.**



extinctos in se resuscitare: humiliter de seip-  
sa rebusq; suis sentire: non scandalizari, sed  
proficere dietis factisq; Christi: carnem suam  
cum concupiscentiis mortificare: & in his  
omnibus constanter perseverare consuevit.

Talis, inquam, anima, viam, firmam, san-  
ctamq; *spem habebit in novissimis, & spes eius non* *Prov: 24.*  
*peribit, ut ait Sapiens.* *14.* Nam in illo luctamine

extremo, quod tantò erit terribilius, quantò  
minus temporis hostis habet, is qui *insidiatur* *Gen: 3. 16.*

*calcaneo* (teste Deo) id est extremo vitæ nostræ,  
in illa agonia & summo discrimine constituta  
anima mittet ad Iesum duos è suis: intelle-  
ctum videlicet & affectum, assuetos, cum va-  
leret & vigeret, loqui familiariter cum Chri-  
sto, qui dicente ei: *TV ES QVI VENTVRVS ES?*  
placidus & lenis secundum immensam mise-  
ricordiam & fidelissima promissa tua? *AN A-*  
*LIVM EXPECTAMVS?* iudicem videlicet iratum  
& seuerum, propter infinitam multitudinem  
peccatorum meorum ab infantia patratorem,  
quæ nunc omnia oculis mentis meæ obici-  
untur ab aduersario diabolo: & propter quæ  
fateor me millies infernum commeruisse, ni-  
si tua miseratio spem & fiduciam veniæ mihi  
suggerat, bone Iesu? Tum tēporis benignissi-  
mus saluator placidè respondebit dicens: *EVN-*  
*TES RENVTIATE IOANNI*, quod interpretatur  
gratiolo: anima, inquam, in gratia mea con-  
stitutæ: *QVÆ AUDISTIS ET VIDISTIS*, signa &  
prodigia multa in illa à me patrata, (quandò

cæcam illuminaui, claudam ambulare in opere bono feci, leprosam sanguine meo mundaui, surdæ auditum aperui, mortuam deniq; in peccatis, resuscitavi, ac pauperem spiritu feci. RENUNTIATE igitur illi, vt non SCANDALIZETVR IN ME, desperando; sed respiret sperando, & consolationem sumat in verbo illo. Nunquam ego enim sperantem in me, positum in angustia & tribulatione, relinquam sine adiutorio. Et statim conuersus IESVS AD TURBAS, & multitudinem Angelorum qui assistunt ei, dicet, vt obuiam procedant anima illi, quæ non vt arundo de fide in fidem, de vitio in vitium, vento siue prosperitatum siue tribulationum fleëbatur, non deliciis & voluptatibus delectabatur; sed constans in fide, spe & charitate Aduentum Domini præstolabatur, vt eam non iam in sinum Abrahæ: sed ad sinum & complexum ipsius in cælum deferant. O fœlix anima, cui tam propitiis & potens in illo discrimine contigerit auxiliator! O iucunda societas, vtinam eam omnibus nobis videre liceat, per merita tua sanctissime Christe Iesu, qui cum Patre in unitate Spiritu sancti viuis & regnas Deus æternus. AMEN.

## CONCIO QVARTA.

## Charitas.



**S**I quis diligenter consideret causam legationis huius, quam Ioannes Baptista expediuit ad Christum Dominum, præcipuam reperiet fuisse charitatem: quæ cum sit amor intellectualis, gratia diuina informatus, ad tria sese extendit, ad Deum, ad seipsum, ad proximum. Amorem autem sui ipsius, non illum inordinatum, qui & in scriptura malè audit, & infernum ipse ædificat; sed ordinatum, sanctum: ideoq; veram charitatis propaginem intelligo. Huius igitur triplicis amoris vel potiùs charitatis gratia, Ioannes discipulos istos ad IESVM misit. Inprimis quidem propter ipsum Iesum Deum verum, vt honorem eius augeret, vtq; discipulos illi addiceret. Deinde etiam propter suam consolationem, quam ei benigna responsio Christi, & conuersio (vt piè credere fas est) horum discipulorum peperit. Deniq; propter ipsos discipulos, affectata quadam ignorantia laborantes. In primo dilectionem Dei, in altero dilectionem sui ordinatam, in postremo dilectionem proximi exercuit. Et quamuis amor Dei, vt in omnibus piis operibus, ita in hoc facto primum locum obtineat: tamen amor proximi videtur esse præcipua causa, quæ ad expediendam hanc legationem Ioannem

Charitas  
quid, &  
quotuplex

nem impulit. Imo vero, me ego fallor, si totum hoc Euangelium accurate perpendatur, nihil aliud sapit & spirat magis, quam amorem proximi. Ioannes quidem legationem adornans, precipuè vult mederi morbo, quo nuntij sui laborabunt. Christus autem respondens, & horū, & totius illius populi, atq; adeo nostrum omnium vilitatibus consulit.

**PROPOSITIO.**

De amore proximi agendum, & Euangelij per modū historiæ explicandū.

Quare nos quoq; eorum infirmos vestigiis, de dilectione proximi hac agemus conatione, nec vero nostra, sed tantorum Doctorum, quales fuerunt Christus & Ioannes, nec alia nisi quæ in Euangelio continentur, de diligendo proximo præcepta, condiciones, media, eximia sanè & efficacia vobis ob oculos proponemus. Id vero seriem historie secuti, quam duo tantum Euangelista Mathæus & Lucas describunt, agemas, difficultates si quæ adhuc restant dissoluendo, & doctrinas necessarias hauriendo. Tu Christus Iesv, da vt ea quæ dicenda inspirasti, & a me efficaciter dicantur, & a populo illo deuote audita diligenter mandentur executioni.

**Similitudo**

Sicut qui in sole ambulant, etiam si id aliud agendo faciant, fieri natura tamen solet, vt non solum illuminentur; sed & calecant & colorentur: ita eam quis diuinas historias studiosius legit tractatū, licet is hoc tantum cogitet, vt quæ legit, & percipiat bene, & interpretetur vere: tamen si id pie, & cum ea quæ par est & diligentia & deuotione faciat, alios quoq;

quoque lectionis illius in animo experietur effectus. Quis enim ad lucernam lucentem & ardentem, qualis fuit Ioannes Baptista, aut ad *solē autē illi gressu & impetu*, qui est Christus Dominus, accedens, non illuminetur? non calefaciat? non coloretur? Atque utinam id omnes in nobis experiamur: cum in aliis, tum verò in eo de quo agimus, in amore inquam fraterno, nempe ut is per hunc solem in nobis exercetur, ordinetur, augeatur & perficiatur. Finis autem & scopus amoris proximi est, non solum velle, sed etiam pro viribus bonū illius promovere. Facit hoc Ioannes, sed magis Christus, qui & plures iunxit & in pluribus, dum animabus salutem, corporibus incolumitatē, conciliat, nomini & fama alienæ consulit, & honorem auget. Id hæc historia sacra testatur, *quæ ita se habuit:*

Cum Christus IESVS Dominus noster ex voluntate Patris æterni ad quæ missus fuerat, exequens, per Apostolos quidem baptizaret, per se vero & predicaret, & multa miracula faceret; & inter alia stupenda finem viduæ in ciuitate Nain à mortuis excitasset: diuulgata sunt hæc omnia in Iudæa, & Ioanni in carcere VINCVLIS ab Herode constricto *nuntiârunt discipuli eius de omnibus his.* Qui videns zelum illorum haud rectum, eos quidem arguebat, IESVM vere esse Messium illum ab omnibus desideratum, assererat, dicens inter alia, *illum oportet crescere, me autem minui.* Fecit quantum in ipso

*Mat. 5. 35**Sap. 5. 6.**Mat. 4. 2*

Amoris proximi officium est: bonum illius procurare. Hoc verò fit

*Ioan. 4. 2.*

1. Docendo illum quantum potes

*Luc. 7. 18.**Ioan. 2. 20.*



in ipso erat, quod virum & magistrum sanctum decuit, quodque omnes facere decet, præsertim Prælatos, ut instruant curæ suæ commissos, cum in aliis tum in illis quæ ad salutem pertinent. Hoc enim primum est, quod præstare proximo tenemur officium. Nam ut  
*1. Tim: 5.* ait Apostolus: *Qui suorum & maxime domesticorum curam non habet, fidem negavit, & est infidelis deterior.* Quod si faciunt parentes, præceptores, domini, patres & matres familiæ: liberis, discipulis, famulis, familieque suæ, si inquam docenteos, tam ea quæ ad fidem & spem pertinent, videlicet quæ oratione Dominica, Symboloq; fidei continentur, quam quæ executioni mandare debent, qualia sunt decem Præcepta Dei & Ecclesiæ: & non solum docent, sed etiam impediunt peccata ne committantur, commissa verò puniunt: suum explent munus: sin minus, eò quòd aut ipsi ea ignorent, aut nihili adimunt: videant quid Spiritui sancto per os Apostoli comminati respondeant.

*2. Mittēdo ad alium qui eum instruat.*

Respondebit fortè non nemo, se quidem facere quantum fieri potest, sed esse aliquos qui obedire & è sua institutione proficere, vel etiam credere sibi nolunt. Remedium est igitur, ut eiusmodi alterum amoris proximi gradum ascendant cum Ioanne. Is enim videns se nihil proficere, in quibusdam (non in omnibus: nam Andreas discipulus ipsius adhæsit Christo) instruendis, eò quòd fidem sibi adhi-

adhibere nollent; videns etiam breui instare resolutionem corporis sui: ne eos in errore pernicioso post se relinquat; *Convocavit duos de discipulis suis.* procul dubio illos, quos maxime indigere hoc antidoto sciebat, & *misit ad Iesum,* tanquam ad supremum animarum medicum. Hoc ipsum vos facere oportet. Sunt vobis aliqui ex domesticis heretici, schismatici, morbo gravissimo lethalis peccati oppressi, vel lepra malæ conversationis infecti, nec potestis eis opem ferre: mittite illos ad eum, qui id præstare potest, ad Episcopum, ad Parochum, ad viros doctos, ad confessarios: & si ipsi ire recusant, vos urgete, pro potestate, & pro facultate modos usurpate varios, ut eo quo intenditis adducantur. Pulchrum & excellens hoc est exemplar charitatis in Ioanne, audiamus alia.

Ioannes enim, penitus quasi sui oblitus, quo destinat discipulos? num ad Herodem ut se dimittat? vel ad amicos potentes quos non defuisse probabile est, ut sibi liberationem concilient? aut ad Christum, quem sciebat posse etiam ex vinculis arctissimis nutu solo liberare? ut fecit postmodum Apostolis & Petro & Paulo, quidni igitur **PLVSQVAM PROPHETAM**, affinem suum & prodromum eadem gratia impartiret? Quid agis Ioannes? quid indormis causetur? En fuit Herodias, neci quæ inhiat, filiam subornat procacem, quæ lusu & saltu lascivo, sacrum tuum caput à cervice de-

*Ioan: I. 40*

3. Propter  
bonum p-  
ximi, pro-  
prium re-  
linquedo.

Exempla.  
Ioan: Bapt.  
Act: 5. 19.  
Act: 12. 7.

ce de-

ecce demetat, ecce carnifex gladium, quote feri-  
 at acuit; tui igitur curam gere Propheta, qui  
 praeuides hæc: Facitne? Nihil minus fui peni-  
 tus oblitus, discipulorum suorum cura & sol-  
 licitudine abripitur. Hoc enim inter amorem  
 sui inordinatum, & amorem proximi ordina-  
 tum interest, quod ille omnia ad se trahit, hic  
 sui penitus inmemor, alienis commodis in-  
 tentus est. Huius rei suppetunt & alia exem-  
 pla, in utroque testamento, & alibi quam plu-  
 rima. Eleazarus nonaginta annorum senex,  
 vir & doctus & primarius inter Iudæos, cum  
 per simulationem gustata carnis suilla, vine-  
 re posset honoratus; elegit potius crudelissi-  
 mo supplicio vitam finire, quam iuuenes scân-  
 dalizare. Apostolus Paulus cum anathema  
 optasset esse a Christo pro fratribus suis Iudæ-  
 is, pulchram ad hoc propositum sententiam  
 subiunxit: *Non quæ suæ sunt singuli considerantes,  
 sed ea quæ aliorum.* Hoc & præcipue Saluator  
 fecit, cum morti ultro sese obiciens inquit:  
*Si ergo me queritis, finite hos abire.* O quam exi-  
 mum specimen charitatis, iis ad imitandum  
 præcipue datum, qui curam animarum ge-  
 rant, ut possint cum Apostolo dicere: *Ego  
 autem libentissime impendo & superimpedat ipse pro  
 animabus vestris.* Verum quis est hoc tempore  
 qui hoc exemplar re cilingat? & laudabimus eum.  
 Non solum vita non adducitur in dispendiū,  
 sed ne exiguarum quidem facultatū sit iactura,  
 pro quibus extrema inopia laborantibus.

At in-

At inquit, ordinata charitas à se incipit, 4. Ordinatè tamen  
 idè alibi idem Apostolus ait: *non ut aliis sit re-*  
*missio, vobis autem tribulatio.* Rectè id quidem  
 dicitur, sed minus rectè, ut plurimum in pra-  
 xim deducitur. Equidem neq; hic ordinatæ  
 charitatis deest in Ioanne exemplum. Nam  
 imprimis est certum, quòd propter salutem al-  
 terius, nemo debet salutis & animæ suæ detri-  
 mentum pati, teste Christo, cùm inquit: *Quid*  
*enim prodest homini, si mundum vniuersum lucretur,* *Matt: 16,*  
*anime verò suæ detrimentum patiatur? Aut quam da-* *26.*  
*bit homo commutationem pro anima sua? & multò*  
 minus debet eam perdere, siue pro vita, siue  
 pro facultatibus, tam suis, quàm suorū. Quod  
 tamen quoties fit? Nouit Deus, & conscien-  
 tiæ nostræ testes aliquando huius rei erunt.  
 Cæterum pro salute animæ proximi, tenetur  
 quis, præsertim cui id ex officio Pastoralis in-  
 cumbit, non solum facultatum, sed etiam vi-  
 tæ propriæ iacturam pati, si ita res postulat; in  
 quo Ioannem alacerrimè id factitantem imi-  
 rari debemus.

Sed & aliud est amoris proximi documen- 5. Et effica-  
 tum in Ioanne. Non solum enim ordinatè, *citer.*  
 sed etiam efficaciter dirigit suos in viam salu-  
 tis. Nam sciens eos sponte sua ad Christum  
 non ituros, quid facit? Mittit illos nuntios ad  
 Iesum, ut quod voluntariè ipsi facturi non fu-  
 issent, sub ipsius nomine transfigerent. Vide  
 quàm apprimè nos docet modos & vias quæ-  
 rendi, ut ij qui in salute propria incuria labo-  
 rant, ar-

6. Et prudē-  
ter, ac a-  
manter.

rant, ite quadam velut aliud agendo inducā-  
tur, vt obsecundent voluntati recta suadenti-  
um. Est & prudentis suauiterq; vrgentis Præ-  
lati in eodem absoluta effigies: quæ etiam duæ  
sunt pernecessariæ in proximi cura conditio-  
nes. Non solum enim illexit eos ad eundum,  
alias non ituros, sed etiam personam illorum  
infirmam in se suscipit, licet ipse esset firmus  
& conitans. Quod ex verbis legationis mani-  
festum est. AIT ENIM ILLI, nempe per hosce  
internuntios suos, TV ES QVI VENTVRVSES, AN  
ALIVM EXPECTAMVS? Quæ legationis verba

*Tertul:* 8  
*Chrysost:*  
*hom: 17. in*  
*Ioan.*

*Hieron:* 8  
*Hilar:* in  
*hunc lo-*  
*cum.*

non parum. Antiquis Patribus facessuerunt  
negotij, ita vt alij quidem dubitasse Ioannem  
assererent, alij ad sensus mysticos, Patrum in  
lymbo expectantium recurrerent. Veritas est,  
quam & ex antiquis pleriq; tam Græci quàm  
Latini scriptores sacri, & ex modernis omnes,  
quod sciam assenerant: Ioannem Baptistam  
amore salutis discipulorum suorum inflam-  
matum, nil aliud fecisse, quam quod ipse Chri-  
stus fecit toto vitæ suæ tempore, & maximè in  
agone passionis, quando infirmitates nostras  
in se suscepit, & postea, quando duobus eun-  
tibus in Emaus, & in forma peregrini apparui-

*Luc:* 24.  
28.

it, & se sinxit longius ire. Ita plane Ioannes du-  
bitantium discipulorum suscipit in se perso-  
nam, vt & illos dubiis liberaret, & instrueret  
Præsules ad eiusmodi compassionis plenam  
curam animarum. Quod postmodum Paulus

1. Cor: 9. 23

se imitatum esse testatur, dicens: Factus sum in-  
firmis



*firmus infirmus, ut infirmos lucri facerem. Omnibus omnia factus sum, ut omnes facerem saluos. Idemq; nobis etiam factitandum est, si excellentem hanc amoris proximi virtutē habere volumus.*

Neq; verò imprudentiæ est arguendus Io-  
 annes, quasi dum alienę vult mederi, suam in-  
 periculum coniciat animam: offendatq; po-  
 pulum, cui ex hac legatione Ioannis veluti du-  
 bitantis de Christo Messia, facili quoque du-  
 bitandi nasceretur occasio. Seruit enim Ioan-  
 nes Christum Dominum non solum discipu-  
 los suos sanaturum, sed etiam populum ab hac  
 suspitione liberaturum, pro sua infinita sapi-  
 entia. Hæc igitur sapientissima responsa iam  
 videamus. Si enim in præcurfore tam efficax  
 apparuit prudentia, & ordinata in amando  
 proximo charitas: dubio procul eluxit maior  
 in Domino Prophetarum Christo Iesu. Au-  
 dita tenetur Dominus hac legatione Ioannis,  
 non statim respondit: sed *multos curauit à lan-*  
*guoribus, & plagis, & spiritibus malis, & cæcis multis*  
*donauit visum.* Eximiam ac planè diuinam dans  
 nobis diligendi proximi rationem. Dum enim  
 non respondendo, respondet, nobis præstan-  
 tissimum respondendi modum præscribit;  
 quem postmodum etiam verbis nos docuit  
 dilectus discipulus ipsius dicens: *Filioli mei, non*  
*diligamus verbo neque lingua, sed opere & veritate.*  
 Potentissimum sanè genus, diligendi proxi-  
 mum. exempli gratia, petit inops à te eleemo-  
 synam: tu verbis quidem abstines, sed statim

Scrupulus  
 tollitur de  
 scandalo  
 Ioannis.

7. Factis po-  
 tius quàm  
 verbis dili-  
 gere.

Luc: 7. ar.

1. Ioan: 3.  
 18.

Exempla  
 quotidiana.

De eleemo  
syna.De tutela  
pauperum.

sacculo aperto copiose tribuis: queritur vidua, pupillus, pauper, a potentiori oppressi, suam infœlicem sortem; tu aures quidem accõmodas, nec interea multa verba das: sed cùm potens sis, & sermone, & authoritate, statim patrociniũ suscipis oppressorum, aduersarios conuincis & cohibes, imbecillum ex iniusta manu potentis eripis; & hac omnia gratis præstas. Dignum sanè Christiano homine factum & responsum: quale decet egregium Christi Iesu imitatore. Vtinam multi tales reperirentur; quàm floreret Catholica res? quàm validè ora aduersariorum nõ verbis sed factis contunderemus? quàm multos Christo lucraremur? Nec dissimilis esset Christi imitator ille, qui aduertens liberos, ancillas, famulos suos, illicita patrare, linguam à maledicentiis, mendacijs, blasphemijs, oculos, nutus à lasciuijs non cõtinere, aures detractionibus & scurrilitatibus pascere, potare, helluari; verbis quidem parceret, caterùm virgæ & flagris nequaquam: imò si ita res poscit, durioribus talem familiam exciperet verberibus. Optimum & sanè factum Christi Domini exẽplo probatum, qui quasi flagello facto de sumculo, expulit vendentes & ementes ex templo; pauca post factum adiungens verba. Meretur impudens os alapam sonoram: meretur crimen, animaduersionem.

Joan: 2. 15.

2. Contentiones fugiendo.

Aliud quoq; dat nobis Christus Dominus in hoc facto documentum. Cùm enim re ipsa inter-

interrogata dissoluimus, excusationes, contentiones, rixas effugimus. Quod in discipulis Ioannis manifestum apparet. Hi enim miraculis visis, & paucis quibusdam à Iesu auditis, taciti, vt audis, discesserunt; non tacituri, vt arbitror, sed errorem suum aliis, vt fit, erroribus defensori, si Christus Dominus multis verbis opinionem, vel potius infidelitatem eorum arguere voluisset. Idem & tu effugies. Neq; verò hoc postremum est dilectionis proximi mediũ, præcidere contentionis materiã.

Subiungit nihilominus post factum aliquot verba Christus Dominus dum inquit: EVNTES RENVTIATE IOANNI QVÆ AVDISTIS ET VIDISTIS. Præstans admodum & hoc tempore per necessaria doctrina. Remittere ad ordinarium: sed alio tempore contra hæreticos explicanda, nunc hæc pauca sufficiant. Cur remittit? Quod ad literam attinet, duas reor esse causas, & totidem quantã ad spiritum ac doctrinam nostram. Remisit enim eos ad Ioannem, vt is ex visis & auditis, duo illos doceret. Alterum propter quod expedita fuit legatio, IESVM esse Messiam; Propterea sapientissimè Christus Dominus re ipsa format, quã vocant minorem propositionem: maiorem verò & conclusionem Ioanni effingendam relinquit. Faciamus nos Ioannis syllogismum, sic ad discipulos redeuntes loquentis: Nunquid non audiistis quid Ihas de Messia præ-

2. Ad ordinarium remittende

Isa: 35. 6

*auris surdorum patebunt. Tunc sicut ceruix claudus, & aperta erit lingua mutorum?* Sed hæc omnia, imò & plura, vt mihi refertis, & oculis vidistis, & manibus palpastis, & auribus audiuistis, à Iesu peracta. Quomodo ergo illum ipsum esse Messiam dubitabitis? Videtis quàm euidenter argumentetur? quàm efficaciter cō-

10. *Omni-  
bus hono-  
rem prz-  
stando.*

*Rom: 13. 7.*

*Rom: 12.*

10.

NOTA.

Doctrinam  
omnibus  
datam.

cludat? Taceo illud, quomodo omnes instru-  
at de eo, quod postea explicans Apostolus di-  
cit: *Cui honorem, honorem.* Et iterum: *Honore*  
*inuicem præuenientes.* O excellens diligendi pro-  
ximum & exemplum & doctrina! quæ si sola  
obseruaretur, pietas, pax, & vinculum charita-  
tis effloresceret, schismata verò, hæreses, con-  
tentiones, & quoduis malum è vita humana  
tolleretur. Tanti sunt momenti dicta factaq;  
Christi, vt minima, maxima quæq; nobis ob-  
oculos ponant. Docet inferiores ad superiores  
in necessariis recurrere, vt fecit Ioannes ad  
Christum mittendo. Docet superiores subor-  
dinationem seruare, cùm fieri potest, remittē-  
do ad ordinarios, quod fecit Christus ad Ioan-  
nem ipsius discipulos ablegando. Docet sub-  
ditos quomodo doctores suos audire iisq; o-  
bedire teneantur. Docet doctores, quomodo  
eos instruere debeant. Docet denique omnes  
inuicem honorare & reuereri, quod contra  
omnes contentiones, rixas, & quæ hæc con-  
sequuntur, summum est remedium, & sum-  
ma pacis ac tranquillitatis conseruatio.

usqua

Altera causa est, cur eos ad Ioannem remit-  
tat, vt

tat: vt ab eo edoceantur non solum Christum <sup>petitur tri-</sup>  
 esse Messiam: sed etiam Messium debere esse <sup>buendo.</sup>

Deum, cui soli ex autoritate conuenit facere  
 miracula, prout ea Christus faciebat; & cui  
 soli cognite sunt cogitationes humane, prout  
 Christo cognite erant: ideo horum cogitata pe-  
 netrās ad ea respondet. Hoc enim effusa illius  
 in nos bonitatis fuit propriū, tribuere plus quā  
 petebatur. Postulabāt quidam vt daret sanita-  
 tem paralytico; at Christus donauit ei etiam  
 animæ salutem, dicens: *Confide fili, remittuntur* *Matt: 9. 2.*  
*tibi peccata.* Et hoc ipsum penē in omnibus  
 corporis infirmitatibus liquet illum obseruaf-  
 se. Sic ille publicanorum princeps Zachæus, *Luc: 19. 2.*  
 videre Iesum quis esset desiderabat. Ipse ve-  
 rò non solum præbet se illi ad videndum; sed  
 & ad conuersandum, & ad domum eius non  
 inuitatus diuertit, & demum mensæ illius ac-  
 cumbit. Quid verò illi tunc non tribuit, cum  
 ipse testetur salutem domui illi factam fuisse?  
 Idem hic præstat. Docet enim & miraculis  
 respondendo ad cogitata, se esse Deum: vt nos  
 hinc quoq; cum pro virili imitari studeamus,  
 & libenter & alacriter tribuendo proximo no-  
 stro indigenti, plus etiam quā poscit à nobis.

Nihilominus reprehendit etiam hosce Io-  
 annis nuntios Saluator: quia hoc quoque est <sup>12. Nonnū-</sup>  
 amoris proximi officium haud postremum, <sup>quam re-</sup>  
 in iis præsertim qui autoritate pollent. Re- <sup>prehendē-</sup>  
 prehendit autem de duobus, de superbia vide- <sup>do.</sup>  
 licet, & de scandalo, quorum illud, huius fuit  
 P 4 causa.



causa. Cur enim isti scandalizati sunt ex vita communi Christi Domini; nisi quia nō pauperes spiritu, sed elati erant? fingentes sibi Messiam prout illis videbatur commodiūs. Cū enim illum intuerētur, quomodo Phariseis imō Publicanis se adiungebat, & communi cum eis utebatur cibo ac potu, quomodo peccatoribus patebat ad eum accessus, imō seipsum iis ingerebat, scandalizati sunt: tum quod in Ioanne id non videbant, tum quod imaginabantur à Messia id esse alienum, nec

*Mat: 4. 2.* considerabant quomodo *quadraginta diebus & quadraginta noctibus* nihil degustando ieiunabat,

*Ioan: 4. 6.* quomodo *fatigatus ex itinere sic supra fontem sedebat*, nec tamen cibum sumere volebat, quo-

*Luc: 6. 12.* modo *in oratione pernoctabat*; quorum nihil fortè in Ioanne viderant: cū tamen maxima hæc sint vitæ austerioris argumenta. Sed hæc est carpentium natura & consuetudo, ad ea quæ placere possent, cæcos: ad illa verò quæ displicent, linceos gerere oculos. Ideò procedere in amore proximi cupienti, hoc valde fugiendum, illud verò quod Christus fecit, diligenter est, cautè tamen persequendum.

*27.* Sed cautè.

NOTA  
Regulam.

Huius cautelæ in eodem Christi facto suppetit exemplum. Tam sapienter enim suam moderatur reprehensionem, vt & illi qui peccati sibi erant consciij, facilè, & quid dicretur, & ad quos Christi sermo dirigeretur, intelligerent, & tamen aliis vitium proximi nō proderetur. O sapientia Patris! o exemplum appri-

apprimè imitandum! Quod vt commodius fiat, sciendum est, sicut vitiorum, ita vitia reprehendēdi tres esse modos diuersos. Nam aut vitium est publicum, quod palam omnes offendit, & malum præbet exemplum. Et tale publica quoq; dignum est reprehensione. Aut est secretum, & huiusmodi non nisi secretò, & sine arbitris est corripiendum. Aut peccatum medio sese modo habet, nec enim omnibus palam est, nec tamen nonnullos latet; vel certè non desunt qui inde scandalizentur. Tale fuit istud vitium: ideo miro artificio Christus Dominus illi medetur; vt nec qui hoc vitio laborabant proderentur, nec deesset tamen iis, qui scandalizati erant, opportunum remedium. Idem in re simili obseruatu est necessarium: persona non est nominanda, vitium in vniuersali est arguendum, ne noceat alii. At inquis, etiam si nomē alicuius taceam, ipse se prodit, nec ipse solùm agrè fert, sed etiā prorumpit in illa verba: quid me pungis? infamas? & populo spectandū proponis? Nec nota nec inusitata sanè hæc sunt illis, qui cauteriatam habent conscientiam; & quod maiore cōmiseratione dignum est, etiam concionatoribus, apud quos piaculi instar est, nominare personam id impingunt. Quanta imprudentia, ne dicam infania: & medicinam omnem respuere, & seipsum prodere! cū sæpius nec cogitauerit, nec sciuerit de eo concionator. Tu verò quisquis es, nescis cor & linguam cō-

Tria vitiorum & reprehensionum genera.

Murmurantes contra concionatores arguuntur.

NOTA.

Duo in talibus abfurda.

cionatoris esse in manu Dei, qui ea inclinat, prout ipse nouit auditoribus utile esse, etiam si is qui loquitur id ignoret? Sed esto, sciuerit, cogitauerit, perpugerit. Quid inde? cum id amore & tui & aliorum tibi similem, ut vos à vitis abstereret, fecerit; Non vides cuius hac in re imitator est? utiq; cuius ad te legatione fungitur, Christi Iesu; quem sciuisse quid in corde istorum & aliorum scandali lateret, utiq; non negabis; sed & quòd tacitè eos arguat & perstringat negare non poteris. Quòd tu dum vides, da quæso id ipsum concionatori, qui salutis tuæ zelo accensus, te & alios Christo crucifacere hac ratione conatur.

*14. Pauperū  
p̄cipuam  
curam ha-  
bendo.*

Cæterum illud quoq; quòd pauperū Christus mentionem faciat, quid nos facere velie insinuat; videlicet, ut in cura dilectionis proximi, pauperes (ut multi solent) ne fastidiamus, imò iis vel maximè auxilium & opem feramus, quod ipse exemplo ostendit, qui *cum esset diues, propter nos egenus factus est*, ut omnes ditaret, & diuites erudiret, quomodo oporteat pauperes amare, solari, iuuare. Exemplorum tam eorum qui id fecerūt, quàm fructus quos inde inauditos retulerant, copiosus est numerus; nos omissis illis quæ obuia sunt in historiis, reliqua persequamur. Hoc tantum adiungentes, per eos de quibus hic Saluator loquitur, dicens: **PAUPERES EVANGELIZANTUR**: tam pauperes spiritu, id est humiles, quàm pauperes in facultatibus intelligi. In talibus

*Qui paupe-  
res euange-  
lizantur.*

talibus enim ut plurimum veraque paupertas  
concurrit, quod & ratio, & scriptura, & expe-  
rientia monstrat. Imò duo ex Apostolis te-  
stantur. Paulus cum afferit *non multos potentes, 1. Cor: 1. 26*  
*nobiles, sapientes, sed infirmos, ignobiles, contemp-  
tibilis elegisse Deum:* Iacobus verò de re omni-  
bus nota sic exclamat: *Nonne Deus elegit paupe-  
res in hoc mundo?* Amemus igitur maximè pau-  
peres, quos amor noster Iesus, tantopere ada-  
manit, ut quod illis exhibitum fuerit, sibi ex-  
hiberi fuerit contestatus. *Iac: 2. 5.*  
*M. 111: 24-40.*

Sed iam historiam Evangelicam finiamus. 15. Enconia  
Ablegatis itaq; à se nuntiis Christus Domi-  
nus ad Ioannem, in laudem ipsius, & tam in  
illorū qui tunc audiebant, quàm in nostram,  
qui etiam lecturi eramus utilitatem, concio-  
nem ad populum Iudaicum exorsus est. Cur  
post discessum tandem nuntiorum? Ut alia di-  
lectionis proximi nobis documenta traderet,  
non falsa, sed vera, non vana & inania, sed soli-  
da, non quæ mundus immundus, sed quæ  
mundissimus Spiritus docet. Quid enim  
mundus? etiam inter Christianos, etiam in-  
ter eos qui in sortē Domini sunt vocati; quid,  
inquam, non edocet solū, sed perpetuò fa-  
cit? Coràm hominem laudare, tam ea quæ  
sunt fueruntque, quàm quæ nec erant, nec fu-  
tura sunt, in os loqui, prædicare, exaggerare,  
in summa assentatione hypocritam agere; 16. Adula-  
vitium ita Christo abominabile, ut licet Pha-  
risæi pleni essent gravissimis peccatis, nihil ta-  
men fre-

15. Enconia  
præsentium  
declinanda.

16. Adula-  
tionem ve-  
ro & hypo-  
critam pro-  
ligando.

## Dominica II. Aduentus,

inuen frequentius Christus eis obiecerit & in-  
 geminarit, quàm hypocritæ, hypocritæ, di-  
 gito quasi demonstrans, in hac sola omnia in-  
 cluta esse vitia. A qua ut exemplo etiam nos  
 auocaret suo, dum laudat Ioannem, non so-  
 lum ipsum, sed etiam eius discipulos abesse  
 voluit. Quoties hæc ut hæc etiam in re eius  
 insisteremus vestigiis. Haud Christianum imò  
 turpe esse iudicemus, aliquem præsentem lau-  
 dare, turpius ei adulari, turpissimum autem  
 hypocriticè id agere, aliud lingua, aliud cor-  
 de voluendo. At quoties id fit? quoties quem  
 coram laudasti, absentem vituperas, indeque  
 etiam gloriaris? Quo facto & proximum, &  
 te ipsum lædis plurimum. Proximum etenim  
 si infusus est, ex infusio stultum planè reddis,  
 dum putat & vera esse, quæ in seipso non sen-  
 tit, & in elationem erigitur de eo, quod non  
 habet; si sapiens est, molestiam illi & verecun-  
 diam haud leuem infers. Te verò ipsum, in  
 conscientia quidem tua, mendacis, hypocri-  
 si, superbia planè diabolica (dum ex vitis lau-  
 dem queritas) aliisq; flagitiis inficis, apud alios  
 verò te prius honore & veritate. Quis enim  
 aut credat bilingui, aut talem cum laudatorè  
 videat, honoret adulatorem? Fugiamus igitur  
 hoc barathrum, & Christi vestigiis insistendo,  
 præsentem proximum, adulatoricè quidem &  
 hypocriticè nunquam, veraciter autem, non  
 nisi necessitate exigente, parcè & moderatè  
 laudemus.

**Detrimētā;**  
**NOTA.**

Nam



Nam huius etiam rei dedisse nobis exemplum Christum Dominum, nemo inficiabit, qui prima concionis huius verba considerabit. Etenim cum inquit: QUID EXISTIS IN DESERTVM VIDERE? quid aliud facit, quam factum hoc illorum qui aderant, approbat? & dum approbat, laudat? Laudat autem & cautissimè & moderatissimè, vt nobis idem faciendi viam tradat. Non longas orationes, verba multiplicando necere, non adulari, non superbiam, aut inanis gloriæ fastum excitare, non ad aures prurientes, sed ad cor loqui; vt proximus noster, quem laudamus, confirmetur in opere aliquo bono (quod hic Christus fecit) vt inflammetur ad meliora, vt ad difficiliora siue præstanda, siue perferenda incitetur, vt instruat si qua in re errat. Et hoc postremum in tali laudatione principem debet locum obtinere: vt videlicet ipsa necessitas nos ad id faciendum cogat: prout hic, & ex tali occasione ipsum Dominum coegisse videtur. Laudat enim populum Iudaicum, quòd ad videndum Ioannem in desertum exiuerit; & dum laudat, instruit illum in iis, quæ illi deerant, imò in quibus scandalizari poterant.

17. Nonne, quam tamè laudando proximum, sed cautè.

QUID EXISTIS, inquit, IN DESERTVM VIDERE? Nunquid hominem leuem & vt ARVNDINEM VENTO AGITATAM? huc & illuc sese inclinantem, iamque vobis in deserto agnum Dei qui tollit peccata mundi, digito monstrantem, & mox an ipse sit, in carcere dubitantem, &

18. Scandalum cauendo.

Ioan. 1. 29.

dubium

dubium hoc per nuntios suos proferentem? Verum absit, ut id de Ioanne cogitetis, qui nec inconstans esse potest; quippe qui propter constantiam in carcerem coniectus fuerit: nec est ex adulatorum genere, qui id in gratiam meam tum temporis protulisset, nunc verò contrarium vicinus morti diceret. Nam qui assentationibus assuescunt ut plurimum, MOLLIBVS VESTIUNTUR, ET IN DOMIBVS REGVM SVNT. Hunc verò vestitu aspero ex pilis camelorum confecto, inter bestias deserti habitantē conspexistis: ut vel hinc nullo modo tale aliquid de illo suspicari possitis. In summa; explicat Christus Dominus verba illa, quæ paulo ante protulerat dicens: BEATVS EST QVI NON FVERIT SCANDALIZATVS IN ME. Nam non solum scandalizabantur, qui missi fuerunt à Ioanne, propter communem Christi viuendi modum, sed & aliis propter hanc legationem Ioannis, idem euenisse poterat. Id ergo ex mentibus illorum euellit, vnicus animarum curator Iesus, imò etiam ex nostris. Quot enim beneficia putatis hic nobis præstitisse benignissimum Iesum? Tria equidem ego reperio, vos plura & potiora, si sincerè & deuotè pulsaueritis, inuenietis, quando aperietur vobis. Interim hæc accipite. Primum est iam dictum: dum enim illorū curat vulnera, nobis medetur, ne quid simile nobis eueniat. Deinde docet non facile scandalizari, etiam si aliqua scandalosa nobis esse videantur. Postremò instruit & dat

Tria beneficia hic nobis præstita

aliam

aliam amoris proximi regulam excellentem; non solum non scandalizari, sed etiam excusare fratrem, si qua in re lapsus nobis esse videatur. O quam necessaria doctrina! O quam frequenter contrarium fit à nobis! Non solum enim quando aliquid quod displicet fieri videmus, statim in deteriore partem interpretamur, sed etiam interrogati de viuendi ratione alicuius, ita vitia eius enumeramus, ac si incumberet nobis, non nisi mala quæque de fratre loqui; bona verò (quæ profectò sapè non deessent) nec æquis quidem auribus audire, tantum abest ut loqui sustineamus. Quid est hoc? Quis demētavit Christianos, contrarium planè Christo agere? Reuertamur igitur vnde excidimus, ne ab authore naturæ Iesu, lege ipsa naturæ, condemnemur; dum quæ nobis ab aliis fieri nolumus, nos aliis præstamus. Non affectus igitur nostros inordinatos, sed ordinatissimum Christum Iesum Dominum & doctorem nostrum sequamur, qui excusat Ioannem, imò & laudat, quod & nos proximis nostris facere iubet, & suo exemplo instruit.

Vultis scire quomodo? eum ipsum ad turbas loquentem audite: SED QUID EXISTIS VIDERE: PROPHETAM? ETIAM DICO VOBIS ET PLVS QVAM PROPHETAM. Quid sibi hæc volūt? Quatuor argumentis constantiam ipsius probat. Vocat enim eum PROPHETAM; verus autem propheta, falsus & inconstans esse non potest.

Multò

19. Excusando proximum, cuius contrarium fit à nobis.

Quatuor tituli Ioannes à Christo quæ natus, & cur?

## Dominica II. Aduentus,

Multò minus autem talis esse potest, qui est  
 PLUSQVAM PROPHETA, qualis fuit Ioannes du-  
 plici nomine: tum quòd alij Propheta à lon-  
 gè; iste præsentem digito ostendebat Messi-  
 am: tum quod de Ioanne alij Propheta pro-  
 phetarunt. Vocat illum tertio ANGELVM,  
 quòd in carne præter carnem viuens, angelicę  
 vitę esset æmulator, tum propter latum nun-  
 tium à Ioanne allatum, de Messia in hunc  
 mundum optato aduentu. Vocat deniq; Præ-  
 parantem viam: cui? veritati. Verus igitur es-  
 se debuit & constans in veritate, quam semel  
 protulit; me Iesum esse, agnum Dei tollentē  
 peccata mundi. Et eadem de causa, hanc le-  
 gationem expediuit, vt sicut baptismo suo &  
 prædicatione pœnitentię, meo baptismo, &  
 pœnitentię sacramento PRÆPARAVIT VIAM,  
 ita hac legatione eandem præparet mihi, in-  
 discipulis suis, vt possim in æternum regna-  
 re in illis.

26. Et hæc  
 omnia ad  
 Christum  
 referendo.

*Apo: 1. 8.*

Habetis finem Euangelij, ideo finis quoq;  
 concioni est à nobis imponendus. Finis au-  
 tem, est Christus, vt ipse de se testatur di-  
 cens: *Ego sum α & ω, principium & finis*: ad  
 hunc ergo sicuti omnia, ita ea quæ de dilecti-  
 one proximi tota hac concione dicta, & quæ-  
 cunq; ea de re documenta data sunt, tanquam  
 in vltimum finem, sunt sincerè referenda. Et  
 hæc est diligendi proximi vltima & perfectis-  
 sima ratio & norma, sine qua nihil alia valent.  
 Hoc obseruauit Ioannes Baptista, hanc legati-  
 onem

onem ad Christum propter ipsum Deum, & propter augendum honorem ipsius primò & principaliter instituendo. Hoc ipse Christus præstitit, qui aduersariis suis toties testimonium dedit, se in omnibus operibus suis, non suum, sed Patris sui Dei æterni gloriam & honorem quæsiuisse semper. Hoc & in ipso Euangelio videre licet. Nam & ea quæ multa simul in vtilitatem proximi patrauit miracula, & quæcunq; in laudem Ioannis dixit fecitque, ad laudem Dei æterni cum retulisse dubitandum non est.

Quare vt & nos verè filij ipsius simus, & vt Conclusio  
summam  
dictorum  
continens.  
vnde cœpimus etiam terminemus. Cœpimus ab amore proximi, hoc ipso concludamus, & in pauca omnia contrahamus. Bonum proximi nostri, quod Christus & Ioannes ore & exemplo docent, pro virili procuremus omnes. Doceamus illum in necessariis, remittamus ad doctiores, si ipsi earum, quibus ipse indiget rerum, siue ignorantes, siue impotentes sumus; propter vtilitatem maiorem proximi, nostram minorem negligamus. Ordinatè nihilominus prudenterq; id præstandum. opere potius ac factò, quàm verbis & cōmendationibus, imò plus etiam quàm petitur eidem tribuendum. Procul absit nostra ab illo ira & odium, imò & contentiones; cuiuslibet honorem suum relinquamus, imò honore omnes præueniamus. Si tamen nonnunquā opus erit, correctionis non obliuiscamur, sed cautè



## Dominica III. Aduentus,

cautè eam adhibendo, exempla sumamus. Erga pauperes viscera nostra Christi charitate tãquam flammis succensa astuant. Omnes verò, quantum licitè fieri potest, non accusare, sed excusare, non scandalizare, sed bene ex animo promouere, facta aliorum laude digna laudare, rarò, cautè, & necessitate id exigente, curemus; adulari autem, aut hypocritam vel parasitum agere, caueamus. Deniq; ad quod nostri omnis cogitatio reuocanda est, in omnibus his, non nostrum sed Christi Iesu honorem queramus, ac ad illum purè & sincerè omnes conatus, dicta factaq; nostra referamus. Ita enim erimus veri filij Patris nostri qui in cœlis est. Cui omnis laus, honor, gloria, & gratiarum actio debetur, & à nobis, & ab omni creatura, nunc & semper, & per infinita sæcula sæculorum.

A M E N.

---

# DOMINICA III.

## ADVENTVS.

Euangelium Ioannis i.

**I**N illo tempore : Miserunt Iudæi ab Hierosolymis Sacerdotes & Leuitas ad Ioannem, vt interrogarent eum : Tu quis es ? Et confessus est, & non negauit. Et confessus est, quia non sum ego Christus. Et interrogauerunt eum. Quid ergo est,

ergo? Helias es tu? Et dixit: Non sum. Propheta es tu? Et respondit: non. Dixerunt ergo ei: Quis es, ve-  
 responsum demus his qui miserunt nos? Quid dicis  
 de tempore? Ait: Ego vox clamantis in deserto, dirigi-  
 te viam Domini, sicut dixit Isaias Propheta. Et qui  
 missi fuerant, erant ex Phariseis. Et interrogauerunt  
 eum, & dixerunt ei: Quid ergo baptizas, si tu non es  
 Christus, neq; Elias, neq; Propheta? Respondit eis Io-  
 annes, dicens: Ego baptizo in aqua, medius autem  
 vestrum stetit quem vos nescitis. Ipse est qui post me  
 venturus est, qui ante me factus est: Cuius ego non  
 sum dignus, vt solvam eius corrigiam calceamenti.  
 Haec in Bethania facta sunt trans Iordanem, vbi erat  
 Ioannes baptizans.

PARTITIO.

Euangelium hodiernum nil habet de Verbis factisq;  
 Christi Domini, sed solum legationem continet Iudaeo-  
 rum nomine ad Ioannem Baptistam artificiose concen-  
 tratum, in quo si rerum capita magis, quam Verborum  
 spectetur series: commodè illud in tres diuidemus par-  
 tes. Prima continebit legationem ad Ioannem. Secun-  
 da, Ioannis modestissimam responsonem. Tertia, perso-  
 nas & locum annotabit, vbi legatio acta est. Circa qua  
 omnia ita nos conciones nostras, eo quo capimus ordine,  
 prosequemur. In prima, ad nos ipsos deriuabimus illa  
 legationis Verba, TV QVIS ES; atq; ex illis timorem  
 colligere studebimus salutarem. In secunda, ex prima  
 parte, & ex aliis fidem Catholicam confirmabimus, ad-  
 ditis qua ex Euangelio praeterita Dominica huc reiecta  
 sunt. In tertia, totum Euangelium per partes explican-  
 do, spem in nobis erigere conabimur. In postrema, Io-  
 annis Baptista mirando humilitatis exemplo, docebi-  
 mus, quomodo per humilitatem, erga nos charitatem e-  
 mereceret, & nos ipsos in Deo, Deumq; in nobis amare  
 debeamus.

Dominica III. Aduentus,  
**CONCIO PRIMA.**  
 Timor.

*Tu quis es.*

De duplici  
 legatione.

**D**Vas legationes excellentissimas proponit nobis Ecclesia, duabus istis diebus Dominicis: ante octiduum quidem, legationem factam à Ioanne Baptista ad Christum Iesum, hodie verò aliam, expeditam à Principibus & Sacerdotibus, totoque illo augusto senatu Sinedrin dicto, ad ipsum Ioannem Baptistam. Vtriusque magna est maiestas, siue eos qui illas expediunt, siue nuntios, siue ad quos mittuntur spectes: hæc nihilominus in exterioribus, illa in interioribus, & quæ minus patebant populo longè magnificentior fuit. Quod si scopum & negotium quod tractatur consideres; vnum est utroque. Agitur enim de agnoscendo Messia illo, ab omni antiquitate exoptato. At si responsa intuearis; diuersa sunt, imò contraria; nec mirum. Hæc enim fuit ad illum, qui Messias non erat: illa ad eum, qui talis fuit: ideò hic negantem Ioannem, imò pluries negantem & fortissimè audis: illic affirmantem, & non tam auribus, quàm oculis quærentium se Christum ingerentem aspicias. Hodierna legatio in illis tribus verbis: **TU QUIS ES?** consistit tota.

Circa

Circa hæc eadem verba: **TV QVIS ES?** con-  
 cio nostra versabitur. Et primùm quidem vi-  
 debimus, quanti ea sint valoris & dignitatis.  
 Deinde, quàm variis possint applicari, & quo-  
 modo hæc diuersitas etiam in Euangelio no-  
 tetur. Præterea, quonam modo nobis valeant  
 seruire. Postremò, quo cum fructu ea sæpius  
 & diligentius nobiscum expendamus. Da  
 Christe Iesu, vt per hanc cognitionem nostri,  
 ad tui notitiam hic quidem veram, sed in  
 anigmate, illic verò conspicuam & perfectam  
 peruenire valeamus.

Tanta trium istorum monosyllaborum **MEMBR.**  
 verborum est dignitas, vt vix exprimi possit: Verborum  
 tanta equidem, vt D. Augustinus omnes su- **TV QVIS**  
 as ad Deum preces & feruidas meditationes **ES,** digni-  
 tas patet.  
 eò referre videatur, vt hæc verba: **TV QVIS ES?** 1. Ex D. Au-  
 bene & intelligere, & ponderare, & sibi pos- gustino.  
 set applicare. Hinc illa eius ad Deum oratio  
 facta: Nouerim te, nouerim me; nil aliud est  
 quàm praxis horum verborum: **TV QVIS ES?**  
 quo nempe loco te, quo Deum habere, quàm  
 tibi nil, quàm omnia Deo adscribere debeas.  
 Animaduertit etenim vir sanctissimus & do- 2. Quia ex  
 ctissimus, quòd quicquid in mundo, siue bo- eorum con-  
 ni, siue mali sit, inde proueniat. Bonum qui- sideratio-  
 dem, si verba hæc bene & diligenter expendā- ne omnia  
 tur: malum verò, si eorum consideratio negli- bona.  
 gatur. Intuemini etenim, quæso vos, totum  
 hunc mundum, tum illum, qui in maligno  
 est positus, quàm eum, qui per fidem veram,

& condigna fidei opera, Deo suo coniunctus est; & videbitis ita se rem habere. Quid enim, quaeso, tot millia hominum coëgit, vt relictis vrbibus, amœnis sedibus, aulis Principum & Imperatorum, in horridas & vastas se ererent, abderent, & ab hominum consortio remotissimi, sibi tantum & Deo vacantes aspernam vitam viuerent? Nihil aliud certè, quam vt verba hæc, *Tu quis es*, liberè & diligenter ponderare, & ad normam eorum viuere possent; in qua viuendi & meditandi ratione, alij quinquaginta, alij sexaginta, nonnulli etiam cætum integros consumpserunt annos. Quid verò etiam nunc efficit; vt sexus vterq; vitam delicatam, amplas dignitates, copiosos redditus, mundanos honores relinquunt, abiciant, conculcent, & sese in monasteria, in cætus piorum abdant, ac ibi in paupertate, in castitate & continua mortificatione, sub aliorum obedientia, totam ætatem suam transigant? Horum ipsorum verborum, *Tu quis es?* pia & practica consideratio. Si enim quispiam, non eo fine vt cognoscat se & Deum, sed alio quopiam, vel religionem, vel statum Ecclesiasticum est complexus: est cur pœniteat & è velugio mutet intentionem suam. Neq; verò experientia tantum id habemus, verum etiam diuinis testimoniis edocemur. Quales enim putas fuisse illos, de quibus Apostolus inquit:

*Heb. 11. 37. Circuierunt in melotis, in pellibus caprimis, egentes, angustati, afflicti, quibus dignus non erat mundus, in solitu-*



*solitudinibus errantes, in montibus & speluncis, & in cauernis terræ? Non alios equidem, nisi horum verborum: Tu quis es? nocturnos diurnosq; contemplatores. Eiusmodi pia consideratio summæ diuinæ maiestatis & abiectionis propriæ, martyribus in certamine addit robur, confessoribus lucem quandam cœlestem, ad intelligenda sacra myſteria conciliat, in vastiſſimas ſolitudines, montes inaccessos, inſulas remotiſſimas homines, vt vacent Deo abdit, monaſteria & collegia implet, à terrenis auocat, ad cœleſtia trahit: & vt vno verbo dicam, nemo à peccatis reſurgere poteſt, qui ſeriò ſeſe non interrogauerit, Tu quis es? nemo in pietate perſeuerare, ſine iugi eorundem meditatione verborum.*

E diuerſo autem quicunque in varia ſcele. <sup>3. Ex omiſſione cuncta mala pueniunt.</sup>  
rum genera, Deo, Angelis, & hominibus de-  
teſtanda prolapſi ſunt, propter inconsiderati-  
onem & incuriam huius ſaluberrimæ quæſti-  
onis eò deuenerunt. Teſtes huius veritatis  
ipſosmet appello. Ita enim de ſe apud Sapien-  
tem, quando poſt mortem erant aperti oculi  
eorum, inquit: Ergo errauimus a via veritatis, *Sap: 5. 6;*  
& iuſtiæ lumen non luxit nobis. *Laffati ſumus in*  
*via iniquitatis & perditionis, & ambulauimus vias*  
*difficiles, viam autem Domini ignorauimus. Quare*  
*ignoratiſtis? quia ſcire noluiſtis, & verba illa,*  
*Tu quis es? examinare & expendere non eſtis*  
*dignati. Inde oborta eſt animis veſtris tetra*  
*caligo, vt neq; vias veſtras tortuoſas, in quibus*  
*laffati*

lassati estis, cognosceretis, neq; vias Domini planas quas sequi debuistis, intelligere curaretis. Nunc pœnitentiam agitis, & præ angustia spiritus gemitis; sed vbi iam locus non datur pœnitentiæ, ibi frustrâ adhibetur dolor & pœnitudo. Ne igitur id nobis tunc eueniat, dilectissimi, nunc dictorum verborum considerationi operam demus, nunc à nobis quæramus, quinam simus, & quales esse debeamus.

II. MEM-  
BRVM.

Varia ver-  
borum TV  
QVIS ES  
acceptio.

- Neq; verò quisquam mirari debet, nos in alio sensu hæc verba sumere, quàm à Phariseis prolata fuerunt. Hoc potius miremini, etiâ in ipso Evangelio diuersum planeq; contrarium sensum habere. Nam in ore Sacerdotum &
1. Leuitarum, tam sunt præstantia, vt maioris excellentiæ esse non possint: in mēte verò Ioannis, tam sunt abiecta, vt viliora esse non queant. Illi enim his verbis: TV QVIS ES, quærunt, an ipse esset Messias? quo nihil in rerum natura augustius esse vel excogitari potest. Messias enim verus, non solus homo, sed & Deus esse debuit. Ioannes verò ita illa accipit, vt abiectius non possint intelligi, quod ex ipsius responso clarum est. Quid enim vilius potest esse, eo quod non est in rerum natura? At quæ negantur, profectò non sunt, alias falsò negarentur. Itaq; cùm Ioannes non semel, sed iterùm & tertio dicit, NON SVM, NON SVM, NON. apud se velut nihil erat: & in hoc suo, NON, ita sibi complacebat, vt præ eo titulos omnes aspernaretur. Ioannem igitur vt nos quoque imite-

imitemur, verba *Tv Qvis es*, expendamus diligenter, & ita nobis appropriemus, vt ea Ioannes applicauit sibi; si enim in humilitate sancta, ea ad nos deriuauerimus, viuemus: sin elatè & superbè illa ponderabimus, actum est de nobis; peribimus.

Quæro igitur primùm à me ipso, postea à *III. MEM.*  
 quouis mortali ratione prædito: *Tv Qvis es?* *BRVM.*  
 Respondebit: Homo sum. Rectè quidem, quia *Quomodo*  
 ita eum finxit Deus. Sed vide quàm vile prin- *Tv Qvis*  
 cipium. Homo enim ab humo, id est à terra *ES nobis*  
 dicitur, vnde formata est caro nostra; & licet *applicabi-*  
 inferior, tamen pars nostri est, sine qua tales *mus.*  
 non essemus. Quid verò vilius, quàm quod *PRIMO, vt*  
 pedibus substernitur, & conculcatur ab om- *carne cir-*  
 nibus? Talis est humus, talis puluis, qui es tu; *cumferi-*  
 teste illo qui te inde formauit, qui etiam dixit: *mus.*  
*Puluis es & in puluerem reuerteris.* Teste ipsa ex- *Gen: 3. 20*  
 perientia, rerum omnium magistra. In pulue-  
 rem enim conuertimur omnes. Atq; vtinam  
 statim, nulla præuia, multo horridiore, in pu-  
 torem & saniem conuersione. sed secus fit.  
 Videmus enim corpora nostra, quàm fœdè  
 resoluantur & putrescant, quomodo vermi-  
 bus scateant, quomodo è doctorum etiam,  
 sanctorum Patrum sententia, serpentes ex se  
 procreent, antequam in puluerem conuer-  
 tantur; notum id est omnibus, sed non ab  
 omnibus, vt par est, consideratur. Expedit igi-  
 tur vt seriò iterum quæramus à corpore: *Tv*  
*QVID ES?* Tam vile scilicet, tam spurcum,

Qs

tam

tam foetidum, vt nec charissimi quique cognati, parentes, coniuges, praesentiam tuam, quando exangue cadauer iaces, tolerare possint. Quid est hoc?

SECVND-  
DO, vt a-  
more con-  
stamus.

TERTIO,  
vt sumus  
homines  
miseri.

At, inquis, est mihi etiam anima. Est sanè excellens creatura, quia ad imaginem Dei condita, quia spiritalis natura, quia rationis capax, quia immortalis, à qua, quicquid est in te decoris, habes. Sed quaeso, interroga nihilominus hoc tuum ex utroque, id est ex anima & corpore compositum: TV QVI SES? Et si tu non habes in promptu quod dicas; respondebit pro te vir sanctissimus, & in prosperis & in aduersis bene exercitatus. Is in fimo iacens,

*Iob 14. 1.*

Miseriarū  
capita.

1. Quia vi-  
les.

2. Quia in  
peccatis  
concepti.

*Ps: 50. 7.*

te sic describit: *Homo natus de muliere.* vbi ad illud quod ex humo conditus sit homo, satis abiectum principium, addit aliud longè vilius & atrocius; nempe, quòd sit natus de muliere, ideò *in peccato conceptus*, totus infectus, totus miser & miserabilis. Quam miseriam Propheta alter considerans, exclamat dicens: *Ecce enim in iniquitatibus conceptus sum, & in peccato concepit me mater mea.* Quanta hęc calamitas? Tanta quanta est inimicum esse Dei, & mali dæmonis mancipium. Qui bene considerat hęc, intelliget, quantum sit mali ita cōcipi. Subdit Iob; *brevi viuens tempore.* Nova calamitas, quia ante peccatum inaudita; & magna, quia magni sit ab omnibus, & meritò. Quam breui verò tempore viuit homo? Dicet paulò post Iob, & ego dicam, si pri-

si prius sequentia considerauero. Addit etenim, quod homo *repletur multis miseriis*. Etiamné hoc breui, quo uiuit, tempore miser est? Imo verò etiam repletur miseriis, quod non solum os Prophetæ, & propterea Dei, sed etiam experientia loquitur. Et quibus, rogo, repletur miseriis? imò quibus potius non repletur? Certè citius hoc quam illud assequemur enumerare. Quid enim est tota vita hominis ab ortu & conceptione ipsius, vsque ad ultimum halitum, quam continua miseria? ut in catena circulus circulo, nodus nodo adheret, vnde ipsa tota necitur. sic in vita nostra vna miseria, cōtinua serie alteri adglutinatur.

Similitudo

Pulchrè & sæpè D. Augustinus hac de re differit, & probat in nobis non nisi vna miseria alteram profligari, minori maiorem, nec rarò maiori minorem; Ita fames manducatione propellitur, manducatio verò, si miseria non est, cur ab ægrotis fastiditur? imò etiam sani dum pasti sunt, nunquid non affliguntur, si comestio diutius continuatur? Noui, fateor, habitus pessimos helluonum, ut quod à natura pœnam habet, hoc illis volupe videatur. Sed & hi profectò sua non carent miseria, eaque maxima, & verum est etiam in illis, miseriam miseria pelli. Imò quod meritò defleas, & detestère in talibus, dum à se miseriam pellere nituntur, aliam continuò grauiorem sibi conciliant. Hinc illæ voces. *Quis me prohibeat bibere cùm sitiam? Quis me*

5. Imò generat.

NOTA

vetat



verat manducare cū esuriam? dormire cū somno opprimar? At ego quaero, vnde hac sitis tibi? dic, quaeso, quomodo sitis vel sitire potes, qui iam ab horis (vtinam non diebus aut annis) septem vel etiam decem continuo potas, & quo plus hauris, hoc minū te explēs? Sitire me, inquis, scio, sed vnde hac sitis proueniat, planē ignoro, ideoq; & ipse eam demiror. Mirari desine, dicam ego tibi vnde oriatur. Primū quidem venit inde, vnde primæ parenti tuæ prouenit appetitus manducandi cibum veritum, cū ipsa antea tali caruisset desiderio. Deinde ex inueterata consuetudine morbus hic pessimus inualefcit. Multa & mirabilia nouit Sathan Deo permitte in illis efficere, qui se ipsius tradunt voluntati, quales sunt omnes qui peccatis longo vsu assueuerunt. Dæmon igitur est, qui & vt vores, bibas, dormias contra naturam, tibi suadet ac persuadet, & appetitum quem sopire debuisti ipse in te incitat, & ita verum est, te miseria minori longē maiorem in dies quære miseriam, ac ex vna aliam generari. Sed & alia exempla non desunt passim, quomodo vna miseria alteri succedat. In situ certē corporis id nimis est euident. Cū enim sederis aliquantulum, stare lubet; cū steteris, ambulare; cū ambulaueris, vel iterum sedere, vel iacere appetis: sed & in hoc ita defatigaris, vt si diutius tibi præter voluntatem iacendum esset, carceris & maximi tormenti instar ti-

4. Quia dæmonis fraudibus subiecti.

Gen: 3.

7. Quia malis habitibus obnoxij.

star tibi esse videretur. Verum igitur est, quod Propheta inquit, quod *homo repletur multis miseriis*. Et nota verbi emphasim. Nam sicut vas dum impletur quoque liquore, ita eo plenum est, ut nullus sit vasis locus, quo liquor ille non permeat: ita in homine, non solum continuantur miseriae, sed ita insuper illis refertus est, ut nulla sit potentia animae, nullus appetitus, sensus nullus, nulla denique pars corporis, quae propria crearet miseria. Nihilominus nos quasi secum, quasi beati, nihil horum videre, nihil sentire volumus; vel potius nos non sentire fingimus. O miseria! ô calamitas deploranda!

Similitudo

Sequitur tum inquietudo ac mutabilitas: tum cessatio & brevis horum transitus, qui apud prudentes quidem leuamentum esset miseriarum: secus tamen vulgò fit apud nos, qui vitae huic ærumnosae plus æ quo sumus addicti. Ait ergo Iob: *Qui quasi flos egreditur, & conteritur, & fugit velut umbra. Et nunquam in eodem statu permanet.* Iam ridet, paulò post flet; iam latatur, gessit, & prae gaudio exilit, mox contristatur, irascitur, & furit; iam ardet amore, non diu post tabescit odio, & invidia.

Iob. 14. 2.  
8. Quia mutabiles.

Quantæ metamorphoses! & tamen paucae ex multis. Nos verò nihilominus tam cæci sumus, ut nos firmo gradu consistere putemus. Sed non omitamus & breuitatem vitae considerare. Antiqui igitur Philosophi bullae vitam nostram comparabant. Inde prouerbiū, [Homo bulla.] Radiculi certè pueri, qui bullas, vel

9. Quia breuiuivientes tempore. Quod tribus similitudinibus declaratur

Bullæ.

NOTA.

las, vel ex imbre ortas vel à se inflatas, ac per aëra demissas, cum voluptate quadam suspi-  
ciendo insequuntur, & exiliunt latantes. Ri-  
detur & meritò puerilis simplicitas, quia &  
demiratur rem vanissimam, & oblectat se re  
qua perit in iectu oculi. At cur, quæso, nos-  
metipsum, non ridemus potiùs, & stultitiæ nõ  
accusamus vitam nostram intuendo? multò  
profectò breuiorem, & magis vanam quàm  
est ille tumor bullæ. De qua tamen adeò sibi  
passim mortales multùm pollicentur, eamq;  
veluti solidorum gaudiorum materiam habent:  
vt saltare, latari, epulari, gestire, turpiùs etiam  
& leuiùs quam pueri consueuerint. Quanta  
hæc stultitia? Audite & intelligite. Quod  
enim ad breuitatem attinet, certè duratio illa  
bullæ, comparata vitæ nostræ, multò est soli-  
dior, quàm vita humana, quamuis longissima,  
comparata æternitati. Id constat mathemati-  
ca demonstratione. Nam inter centum an-  
nos, & æternitatem, ad quam homo conditus  
est, quæ erit proportio? Nulla equidem. Bre-  
uior igitur est vita nostra quàm bullæ, si finem  
conditoris spectemus. Sed est etiam magis  
vana. Quamuis enim bulla inanitate plena,  
quum sit, & nihil sit aliud quàm parum aquæ  
aëre distentum; tamen multò magis adhuc  
vanus est homo, qui cum sit modicum quid  
glebæ, ita vanitate & typho superbiæ inflatur,  
vt aliis sese præferat, vt omnes contemnat, vt  
maximi se faciat, cum in conspectu Dei &  
Angelo-

Angelorum, qui perperam iudicare nequeunt, sit ipsa bulla longè abiectionior. Te igitur ò bone vir, quàm pueros potiùs demireris, stultitię arguas, rideas vel fleas potiùs, daq; operam, vt ventoso tumore compresso, solidis virtutibus implearis.

Bene itaq; antiqui hominem bullę compararunt : sed melius noster Iob , flori & umbrę. similitudo enim umbrę maiorem adhuc vanitatem hominis arguit, quàm bulla. Cùm certum sit, bullam utiq; aliquid esse, umbram verò non nisi priuationem luminis, ideoq; nihil penitus esse. Flos verò adeò properè marcescens, demonstrat quid typhum, & superbiam mundi vanitatem consequetur. Idcirco cùm addit Iob, *Egreditur & conteritur*: docet quomodo originem vilissimam excipit statim turba miseriarum, mors deniq; per quę conteritur & redigitur in puluerem homo. Vtinam verò post longè acerbissimam contritionem effugiat pœnarum æternarum.

Umbrę.

Floris.

Habetis illud, *TV QVIS ES?* morale & Philosophicum. Descripsi enim vobis hominem, qualem & olim Philosophi, & nunc gentiles agnoscunt, corpore & anima constantem : Non sunt etiam tum corporis tum animę humanę misérias, adeò vt quosdam non latuerit, hominem cum tot miseriis creari non potuisse, quamuis ignorarint, vnde illę proruperint; quod apud nos è diuinis literis vulgò scitur : has nempe originalis esse peccati pœnas. Nunc

**QUARTO**  
Applicabi-  
mus nobis  
**TV QVIS**  
**ES?** vt su-  
mus homi-  
nes Chri-  
stiani, &  
cōtempla-  
bimur.

1. Quod ho-  
mo Christi-  
anus tribus  
cōstet par-  
tibus.

1. Thes: 5.  
23.

Aug: li: 12  
de Genesi  
ad literā,  
cap: 6. &  
sequen.

nas. Nunc describendus est nobis homo Chri-  
stianè & Theologicè, idque verbis Apostoli  
Pauli, qui multo aliter quam Philosophi ho-  
minem partitur, cum valedicens suis Thessa-  
lonicenses hac illis à Deo precatur: *Ipsè au-  
tem Deus pax sanctificet vos per omnia, ut integer  
spiritus vester & anima & corpus, sine querela in ad-  
uentum Domini nostri Iesu Christi seruetur.* Vbi vi-  
deris ad illas duas hominis partes, corpus vide-  
licet & animam, addi tertiam spiritum. quo  
nomine quid intelligat è duobus luminibus  
Ecclesiæ adferam, nonnihil opiniones diuer-  
sas, puto tamen viramq; esse veram & ab Apo-  
stolo intentam. D. Augustinus itaq; per spi-  
ritum intelligit partem animæ nostræ, quæ  
purè est spiritualis, & spiritualia contempla-  
tur, ac mente intuetur. Nam quomodo ho-  
mo in tres diuidatur partes, subtiliter, ut so-  
let, discurrit sapius, maximè verò scribens in  
Genesim, ubi rem exemplis elegantibus illu-  
strat. Duo sufficiant; alterum præcepti dile-  
ctionis proximi, quod dum legitur in charta  
expressum, corporis oculis conspicitur; dum  
in memoria proximus cogitatur, animæ intui-  
tus exercetur: quando verò ipsa dilectio in se  
consideratur, spiritualiter intelligitur. Alter-  
um ternæ visionis, quarum primam corporis  
omnibus notam, alteram spiritus, tertiam in-  
tellectus seu mentis vocat. Inter has postre-  
mas differentia patet, in septem spicis, & in  
Gen: 41. bobus septem, quos Pharaon vidit per quietem  
in ani-



in anima. Ioseph autem vidit mente, quando interpretationem eorū intellexit. Et concludit his verbis: [Tria igitur sunt ista genera visionū, corporale, spiritale, & intellectuale.] Hęc *Augu: 963. sup: cap: 10* August. Nos verò, si D. Paulo conformiter loqui voluerimus dicemus, vt hominis secundū illū tres sunt partes, ita tres erūt visiones, prima corporis, altera animi, in qua similitudines rerum etiam absentium obseruantur; tertia spiritualis, per quam purē spiritualia cognoscuntur. Altera autem expositio est D. Hieronymi, qui propositus aliquot opinionibus sic cōcludit: [ Nos verò in præsenti loco spiritum, qui cum anima & corpore integer conseruatur, non substantiam Spiritus sancti, quæ non potest interire, sed gratiam eius & donationes accipimus, quæ nostra vel virtute, vel vicio, & accendūtur & extinguuntur in nobis.] Per spiritum igitur gratiam, quam nunc passim gratum facientem vocamus, intelligit Hieronymus. Et idem sentit Theophilaëtus Græcus. Et quia hæc opinio & facilior est, & tam D. Pauli, quàm nostro instituto magis quadrare videtur, eam nunc amplectamur, aliam suo tempore explicaturi & applicaturi. Videtur enim Apostolus hic describere non Philosophicum (vt ita dicam) sed Christianū hominem. Ideo hæc definitio, nec Iudæis, nec Gentilibus, nec hæreticis, nec ipsis etiam Catholicis omnibus competit, sed solos pios complectitur. Quales vt sint Thessalonicen-

R

ses, nem-

2. Quod p  
spiritū gra-  
tia intelli-  
gatur.  
Hieron:  
9. 12. ad  
Heldbrā.

ses, nempe vt corpus habeant castum, & animam piam, & vt in gratia Spiritus sancti integri vsque ad mortem, & vsque in aduentum Domini nostri Iesu Christi seruentur, hoc precatur, & illis & nobis omnibus Apostolus.

g. Ided̃ inuestigandū an Spiritus sit in nobis.

Audita itaq; & cognita hac Apostoli descriptione, dico mihi & vobis omnibus: T V Q V I S ES? non solum secundum naturam, sed etiam secundum gratiam diuinam? Dices. Homo sum Christianus. Rectè, & non ad insipientiam tibi, si nomini responderis & vocationi tuæ. Id enim ab ipsa infantia tua consequutus es, vt non solum corpore & anima, sed etiam spiritu constares, qui per baptismū & lauacrū regenerationis datus est tibi. Corpus accepisti à Deo & à parentibus, animam à solo Conditore eius, spiritum & gratiam, ab

Rom: 5. 5.

illo de quo idem Apostolus: *Charitas Dei diffusa est in cordibus nostris per Spiritum sanctum, qui datus est nobis.* quæ cum ita sint, interrogo denuò: T V Q V I S ES? Es ne ille qui olim fuisti, homo verè Christianus? Homo, inquam, constans corpore, anima & spiritu diuino? Hominem te esse natura non dubito; sed de gratia rogo? Q V I D D I C I S D E T E I P S O? Nescio, inquis mihi, id enim me docuisti, nullum scire posse, an sit in gratia. Ita est, docui neminem certitudine fidei id scire posse, posse tamen alia certitudine. Neque de hoc tantopere quæro. Si enim mihi responderis: te sperare quod sis in diuina gratia, cum non  
 sis tibi

fis tibi conscius alicuius lethalis peccati, quod non lachrymis & sacramentis ablueris, & ego vnà tecum sperabo, te esse hominem verè Christianum. Sed hoc interrogo præcipuè, quod scire certò potes, Tu quis es? Esne inimicus Dei? seruus peccati, à quo extricare te, vel non vis, vel differs? Si enim talis es, certò constat te hominem verè Christianum, qualem Apostolus & describit, & desiderat non esse. Sed esse illum, de quo David: *Homo cum in honore esset, non intellexit, comparatus est iumentis insipientibus, & similis factus est illis.* tantoq; infælicius, quantò non iam alieno vitio, de quo principaliter Propheta loquitur, sed tuo proprio peccato, & malo, in hanc miseram & brutam seruitutem incidisti. Similis factus es bestiis, imò multò peior illis & infælicior, humana figura, voluntate & appetitibus belluinis. O utinam id consideres, qui talis es. Similis factus es iumentis insipientibus, quia permittis stultè & insipienter, vt animæ tuæ excellentissimæ, caro vilissimæ, & omnia cum iumentis habens communia, turpiter dominetur. Neq; tamen es bestia, quia ratione præditus es, quia ad imaginem tui authoris conditus, quia immortalis. Es nihilominus infælicior animantibus cæteris, si ad finem vitæ in hoc hæseris malo: quia bestia post interitum non cruciatur, tu in æternum cruciari debes. Quod considerans Christus Dominus, sic de proditore suo loquitur: *Bonum erat ei, si natus*

*Ps. 48. 13.*  
4. Considerandum quomodo homo peior sit bestia.

*Matt. 26.*

R 2

non fu- 26.

*non fuisset homo ille.* Tu ergo quid cogitas hæc audiendo? Quid nî rediſ ad te ipſum, & interno clamore identidem à te poſcis: **Tv QVIS ES?**

5. Quomo-  
do homo  
vigilans  
dormiat.

2pb: 5. 14.

Et vt exactiùs deſcribam tibi ſtatum tuum; Scias te licet vigilantem, graui tamen ſomno oppreſſum iacere; licet viuas, mortuum tamen eſſe; te cùm ſis puluis & vanitas, bellum tamen Deo indixiſſe. Magna certè & vber flendi occaſio, tanta miſeriarum congeries, quibus te premi ſcriptura, ratio, & ipſa experientia clamat. De duobus primis aperte loquitur Apoſtolus, cùm inquit: *Surge qui dormis, & reſurge à mortuis, & illuminabit te Chriſtus.* Quibus ex verbis multa colligimus. Primùm, quod diximus te & viuum & vigilantem eſſe. Quis enim ſomno oppreſſo, aut exanimato loquatur? Deinde te nihilominus & dormire, & mortuum eſſe: id enim clarè teſtatur. Tertiò in tua eſſe poteſtate expergiſci & exurgere: ideo te vt id facias hortatur. Poſtremò, quamuis id ſine Chriſto facere non poſſis, Ieſum tamen ſemper præſtò eſſe. Idcirco etiam promittit, quòd ſi voles *illuminabit te Chriſtus.* Quātus ex vna parte timor & miſeria, ex altera gratia & conſolatio? Vtinam, atque ò vtinam inter iſta medius incedens exurgas, & à Chriſto illumineris. At quoties ſecùs euenit? Clamat Apoſtolus, & nos cum illo eadem repetentes, & quæ Paulus dixit, & quæ in Euangelio audis, nempe, vt conſideres: **Tv QVIS ES?** Sed  
nil eſt.

nil efficitur. Quare? Quia ingenti peccatorum pondere, & graui lethargo oppressi stertimus, ideoq; ad diuina ne oculos quidem eleuare satagimus. Agit sathan nobiscum, quod matres, quando sopiunt infantes. Fasciis enim strictè colligatos, in cunas molles imponunt, agitant, accimunt. Ita omnino *aduersarius noster diabolus circuit*, & adrepiit accepta occasione, quam nos ipsi ei damus, & funibus peccatorum arctè nos circumplectit, & in delicato viuendi genere velut molli pluma collocat nos atq; agitat, modis variis, iam furiis, mox lasciuis, iam odiis & maledicentiis, statim voluptuosis blanditiis, & aliis infinitis. Addit deniq; etiam cantum Syrenum, impias bene sperare iubentium voces, vt tandem in sinu ipsius obdormiamus, sicut Samson in sinu suæ Dalilæ: obliti periculorum, quòd mox ita eruentur oculi nostri, vt amplius diuina non videamus, ac tandem captiua ducantur animæ nostræ ab infernalibus Philistæis. Hinc tu o præco Dei clama, *ne cesses, quasi tuba exaltans vocem tuam*. Vociferare speculator in domo Domini, donec fiant *rauca fauces tue*: age quantum vales, & voce & viribus: in cassum nihilominus abeunt omnia, surdis canitur fabula, nec ad tantum tonitru quisquam expergiscitur.

Non solum enim stertit profundo oppressus somno, sed etiam vt ex Apostolo dixi, mortuus est, quisquis talis est. Videtur quidem sibi viuus incedere, nec vnquam magis vegetus,

6. Quomodo a demone agitur.

NOTA.

1. Pet. 2. 8. Ps. 118. 68

Exempli.

Ind: 16.

Isa: 58. 1.

Ps. 68. 4.

7. Quomodo mortuus sit homo, etiam si viuat,



tus, quàm dum sceleri laxauit trœna. Tum lasciuia, saltu, lusibus, indulgetur: tunc vocibus festiuis, non solùm domus, sed & plateæ per-  
*Cap: 2. 7.* sonant. *Vino pretioso, inquit, & vnguentis nos impleamus, nullam pratum sit, quod non pertransseat luxuria nostra, vbique relinquamus signa lætitiæ. nō nunquam verò etiam furiæ & vindictæ faces misceantur. Sed ô miseram hanc vitam, quoquo magis vinax & vitalis est, eò infœliciorē. Viuit equidem impius animali vita, quia habet animam vegetam in corpore sano. verùm vitæ Christiani hominis minimè profectò viu-  
*8. Confide-* uit, cunctus putidusq; est totus. Quod est *ra quæ sit* enim animæ corpori, hoc est spiritus animæ. *anima a-* Quemadmodum ergo cùm anima corpus de- *nimæ.* serit, corpus in verminosum cadauer conuer- titur, ita imò multò etiam magis, cùm spiri- tus & gratia diuina deserit animam; ita mor-  
**NOTA.** tui, ita putidi efficiuntur, vt minus canis putri-  
*1. Tim: 5.* dus, quàm talis homo fœteat Deo & angelis *7.* eius. Equidem *vidua, quæ est in deliciis,* adeò vi- uit incundè, vt tota vicinia sit testis, quomo- do noctu & interdum hilaritas, cantus, conui- uia, symphonia, saltus in domo eius continu- antur, nec vlla sit cessatio; & tamen nil verius est, quàm quòd ista hilariter viuens, mortua sit, & quidem letho pessimo.*

Vidimus quomodo homo in peccato con-  
*9. Confide-* stitutus etiam si vigilet & viuat, lethalem nihi- *ra quomo-* lominus somnum dormiat: iam admiremur *do homo* eius audaciam, quonam modo cùm sit pulvis *Deo bellū* *inferas.* vilis

vilissimus, bellum tamen inferre non dubitet Deo omnipotentissimo. Ideò iterum iterūq; interrogo : Tu quis es? tam vilis, & tamen adeò proiectè stulteq; audax, vt cum Deo pugnare velis? Apud prophetas legimus de gigantibus, qui accumulatis montibus Deo bellum inferre conati sunt. Quod siue sit fabula, siue allusio, ad illud quod in scriptura legimus de filiis Noë, qui aggressi sunt ædificare *turrim, cuius culmen pertingat ad cælum.* hoc *Gen. 11.* extra difficultatem est, omnes etiam gentiles tantam hominum stultitiam, nunquam satis demirari potuisse. Et tamen quotus quisq; est, qui idem præstans seipsum miretur, & suam stultitiam desseat. & scimus non defuisse etiam nostra ætate, qui non impia lingua modò, sed & manu ipsa id tentarunt. (horrendum etiam auditu scelus) credo imitati Iulianum apostatam, qui percussus lancea, nec sciens à quo (à S. Mercurio martyre constans est assertio) manantem è vulnere sanguinem, cælum versus sparsit, aduersus Christum Deum exclamans: [Vicisti Galilæe] ô detestandum sceleratissimi a fide Catholica apostatę dictum factumq;. Non defuisse igitur, atq; vtinam vel nunc desint, qui manu Deo bellum inferant: certum est, licet pauci fortè fuerint; sed pro dolor, qui id lingua audeant, sunt quàm plurimi. omnes quippe blasphemi, apertum Deo indicunt bellum, cumque instrumento, quo possunt, impetunt. Execrandum & non Chri-

stianum genus hominum. Omnes verò ad vnum qui peccatis mortalibus sunt obnoxij, mente & voluntate idem perficiunt. Nam, quilibet illorum vellet, vel Deum non esse, vel peccata non videre, vel certè nolle punire: quorum quicquid Deo affingeres, Deus non esset Deus, & sic vinceretur ab eis, & sua diuina essentia spoliaretur Deus; quod licèt sit impossibile, ipsi tamen quantum in eis est, voluntate sua hoc efficere nituntur. Et ne putes nil tale in lege gratiæ reperiri: dico inueniri etiam quid peius, quam quod gigantes, quam quod fabricatores turris Babel egerunt. Illi enim tētarunt tantum, neq; quicquam perfecerunt; nos autē si in peccatis sumus, etiam quantum in nobis est, magis crudele quid perficimus. Quo teste? Apostolo: Audi, & contremisce. Is enim postquam inuectus esset in eos, qui post receptum baptismum peccant; recensens ea quæ patrarunt, hoc quoque addit: *Rursum crucifigentes sibi metipsis filium Dei.* Nunquam crederet fortè Christianus qui peccat, eò se venire posse sceleris, vt ipsum Deum crucifigere diceretur, nisi ab Apostolo tam disertè assertum legeret. Et tamen Apostoli quidem grauissima hæc exaggeratio non ignoratur: & nihilominus in sceleribus dies & noctes ducuntur, & filius Dei per summam impietatem ostentui habetur. O scelus! ô deflenda calamitas!

III. Quo.

Dices, ad desperandum me adigis. Nihil minus

minùs. Imò verò ad sperandum. Duo enim contraria fugias velim, ad quæ Sathanæ suafu impelleris? Desperationem & oscitantiam, in cura animæ tuæ; illud grauius, sed hoc peccatum est frequentius. Ideò frequentius etiam pugnandum contra illud, ne sis reus Christi in te crucifixi. Quid ergo, inquis, faciam? Inprimis cogita, quæ mens sit tibi, & quantum odium erga Iudæos, qui Christum Deum cruci affixerunt. Et quæ esset nunc, si idem oculis tuis fieri conspiceres, & eundem animum, idem odium, in te conuerte, ô Catholice mi, ô Christiane, vt liber sis à tanto scelere. Deinde velim vt verba ista: TV QVIS ES? noctu & interdiu consideres. Hæc te à somno excitent, hæc tecum diem inchoent, hæc interdiu tibi quocunq; pergis obuersentur: hæc ad quietem præparent. Nonné id etiam puer didicisti? Examen, inquam, quod ante somnum præmitti solet? Id autem nemo instituit melius, quàm quærendo ex se: TV QVIS ES? Nunc vero instante die solemni Natiuitatis Christi id multò etiam diligentius est transigendum, & ista quæstio variis vrgenda modis: TV QVIS ES? quatenus anima & corpore constas, naturam sortitus es sublimem, ea lege, vt animi imperio, corporis vtaris obsequio. Num hæc ita se habent? neque bruta tui pars rationis moderamen excussit? TV QVIS ES secundum gratiam, è qua fluunt dona spiritualia? Interroga insuper TV QVIS ES secundum

dum munus & functiones tuas, si ad te quid curæ Pastoralis pertinet: quære quomodo te in ea gessisti, quam solerter & cautè mysteria diuina dispensaueris, quorum tibi commissa est administratio: quomodo in verbo & opere, in prædicatione & ædificatione aliorum te habueris: hisq; similia multa. Quod si seculi curis addictus es; interroga: Tu quis es? quis qualisue fuisti hoc trimestri, semestri, aut etiam anno integro, quo à sacra confessione abstinuisti? *Quomodo annus hic exactus est tibi? Nam in comessationibus & ebrietatibus, in cubilibus & impudiciis, in contentione & emulatione, quæ interitum accersunt sempiternum?* Item quomodo sanctus es tuo munere? Si paterfamilias es: quomodo liberos in timore Dei educasti? quomodo præfuiti familiæ? num peccata impediuisti, an secus? num domesticos fidei & morum præceptis imbuedos curasti, an contra, pecudum more viuere eos sinisti? Si filius es, dictone audiens parentibus fuisti? Si famulus es, an tantum *ad oculum seruauisti*, quod vetat Apostolus? an infidus, maledicus, impurus extitisti? Si ciuis vel artifex, num statum tuum in victu & amictu tuo, & maxime vxoris liberorumq; excessisti? an vitas exercuisti? fraudem, emendo vendendoue commisisti? in pondere, in mensura, in falsa moneta, in falsis & deprauatis mercibus, aliquem decepisti? Si iudex, an iudicium perueristi, munerum & fauoris ergo? num pupillum



illum viduūq; afflixisti, vel iustitiam illis administrare, & a potentiorum iniuriis cum posses, eum vindicare neglexisti? Si nobilis, an subditis fueris gravis & vicinis? an sumptus superfluos ad vanam ostentationem feceris? fregerisne fidem datam? Deniq; saluberrima hæc est omnibus inquisitio; ut discurrendo, per decem præcepta, per septem peccata capitula, per præcepta Ecclesiæ: quidquid in se delictorum inuenerint, adnotent: notatum, contritione seria, veraq; & efficaci pœnitentia puniant, & deinceps ut pestem auersentur peccata.

Quid verò è tali horum verborum usu fructus referemus? Ne multis, paucos è dictis accipe. Assequemur cognitionē nostri, quod etiam ab illis qui solo lumine naturali regerantur tanti fiebat; (& meritò) ut inter septē dicta Sapientum, primo haberetur loco, tanquam è cœlo lapsum [Nosce te ipsum.] Deinde agnosceamus nos, non solum ut homines sumus: sed etiam ut Christiani, constantes corpore, anima, & spiritu; præterea videbimus, & quàm è conditione nostra abiecti sumus, & quàm excellentes secundum gratiam diuinam: dummodo non dominantur in nobis carnis putidæ affectiones, sed anima vel spiritus has omnes redigat sub ditionem suam, ut seruos dominus, ancillas hera quæpiam præcellens. Quod si quid secus factum in nobis animaduertimus; id contritione, bono

Fructus in  
de quin-  
decim.

CONCLV  
SIO sum-  
mam con-  
ditionis cō-  
tineat.

propo-

**Dominica III. Aduentus,**

proposito, sancto nostri odio, & confessione, seueris animaduersionibus puniemus, atque ita bellum contra Deum perperam initum deponemus, à mortis lethargo expergesciti, conscientia purgata, gratiam diuinam recuperabimus, & ad vberiora eius dona recipienda nos præparabimus. Tum verò præsidio diuino nixi, faciliùs in officiis & muneribus nostris pergemus: nec à legum diuinarum præscripto latum discedemus vnguem. Quantum & quàm ingens omnium bonorum cumulus, ex accurata trium istorum verborum: **Tu quis es**, consideratione emergit? Fiat igitur nobis oro noctu & interdiu familiaris, hac adeò pia percontatio; laboret, & peregrinetur nobiscum, donec nos post peregrinationem ad patriam illam perducatur æternam, præstante Domino nostro **Iesv Christo**, qui cum Patre in vnitatem Spiritus sancti, viuit & regnat Deus, in secula seculorum. **AMEN.**

---

**CONCIO SECVNDA.**  
**Fides.**

*Miserunt Iudæi ab Hierosolymis Sacerdotes & Leuitas ad Ioannem, ut in-  
terrogarent eum: Tu quis es?*

Sicut



Icut vinum, etiam si natura & pro- A simili  
 pagine sua sit præstantissimum, ac in  
 optimo dolio collocatum, quando  
 tamen propè iam exhaustū, & in fundo feci-  
 bus est commixtum, ingratum quid redolere  
 consuevit: ita hæc quam in Euangelio descri-  
 ptam audiuitis legatio, missa ab illis, & per  
 eos expedita, qui declinabant ad interitum;  
 quamuis boni aliquid in se contineat, non  
 mera tamen, sed fecibus haud leuiter permi-  
 sta erat. Lex etenim antiqua, fuit tanquam v-  
 ter, aut dolium quoddam, bene quidem com-  
 pactum, ac optimo vino diuinorum mysteri-  
 orum plenum: sed antiquanda nihilominus  
 & abdenda erat; quod verbis illis à Iesu Sal-  
 uatore in cruce prolatis, *Consummatum est*, per- Ioan: 19.  
 fectum esse, consensus est veterum, atq; no- 30.  
 uorum Ecclesiæ Patrum. Ecquidem Chri-  
 stus quoq; Dominus, hanc nostram similitu-  
 dinem confirmare videtur, cū *vinum nouum* Mat: 9. 17.  
*in vres veteres* negat esse mittendum. Itaque  
 quia nec dum plenè erat antiquata lex, habuit  
 ista legatio Iudæorum ad Ioannem facta, ali-  
 quid boni quod imitemur: habuit & mali  
 quidpiam quod detestemur. Bona est legatio,  
 & ordo qui in ea seruatur: malum additame-  
 tum, & Prophetæ fidelissimo non obsequens,  
 pertinacia: illud Catholicæ fidei, hoc perfidi-  
 æ hæreticæ conuenit, quod vel in illa quæ-  
 stione sola, de diuersitate baptismi Ioannis &  
 Christi

Christi Domini satis clarè apparet. Catholice enim Ecclesia, quod sciunt omnes, credit, longe diuersa hæc duo fuisse baptisata; quod etiam Ioannes expresse hic testatur. Caluiniana verò hæresis, miscet vtrumque, & pro eodem reputat, idque pertinaciter defendit. Caterùm cum controuersia ista satis iam ab aliis fuerit tractata & hoc loco: accedemus ad aliam, quæ instituto nostro, & materiæ inchoatæ & Euangelio recitato, satis conformis esse videtur.

Cœpimus etenim, vt bene meministis, describere vobis legatum, quem ipse Deus per seipsum vel ad veritatem annuntiandam, vel ad mores reformandos nonnunquam mittit: qui vt à nobis agnosci possit, nouis singularibus eum distinguit, & quali vestibus & insignibus peculiaribus ornat. Declarauimus vnam, sine qua nullum vnquam hoc legationis genus obire permisit: notam, inquam, MIRACULORVM, sequitur alia dictorum factorumque ordinatissima constantia: quam primò describemus: deinde quàm sit excellens & necessaria; tum in quo consistit, indicabimus: postremò, quomodo inde verè à Deo missus, & vera Christi Ecclesia à Sathanae synagoga internosci euidenter possit. Cedant omnia ad laudem nominis tui sanctissimi, & ad utilitatem ac incrementum Ecclesiæ sponsæ tuæ, benignissime IESU.

PROPO-  
SITIO  
quadrimē-  
bris.

I. MEMB.

Paucis abhinc annis incidi in duos illustres viros

viros, de rebus fidei inter se concertâtes, quo-  
rum alter Catholicus conuersus, alter hæreti-  
cus fuit; quem cùm Catholicus vrgeret vehe-  
menter, maximè in memoriam illi redu-  
cendo, quomodo licet singulis annis ce-  
lebrarent ipsi hæreticas Synodos, quibus se o-  
lim, cùm eorum hæretet sectæ, non solum in-  
terfuisse, sed etiam præfuisse asserebat; nun-  
quam tamen quicquam solidum, nunquam  
firmum & stabile potuerint concludere. Tan-  
dem alter in hæc prorupit verba: Equidem,  
ut fatear, & ipse satis mirari nequeo, qui fiat,  
quod in cœtu nostro nunquam quicquam  
ordinati esse possit; Tunc aliquantula mora  
facta: hunc ego intuli syllogismū. (erat enim  
de literis bene meritis) Apostolus inquit: *Quæ Rom: 12.*  
*sunt à Deo ordinata sunt.* At in cœtu vestro, ni-  
hil est ordinatum. Nihil igitur potest ibi esse  
ex Deo. Et cùm ipse primū formam argu-  
menti minus probaret, postea minorem ne-  
gasset; Ego verò & argumentandi modum  
esse bonum demonstrarem; & assumptum ex  
ore ipsius, tot testibus euincerem quot perso-  
næ ibi adessent præsentēs: subieci deniq;. Est  
ergo, cur & conclusionem ut firmam admit-  
tat: quandoquidem deducta est ex vna pro-  
positione, quæ est de fide, ex altera verò ipsi-  
usmet confessione aperta. Est quod suos de-  
testetur, non demiretur ministros, quod nihil  
ordinati aut statuere, aut agere possint; quia  
non ordinis authorem Deum, sed omni cō-  
fusio-



fusionis magistrum sathanam sectantur. Est quod ad Ecclesiam Catholicam accederet, ubi nihil inordinatum, omnia à Deo profecta animaduerneret. Hæc præfari libuit, duplici de causa. Primum, ut studiosis diuinorum dogmatum innuerem, non deesse occasionem in congressibus familiaribus veritatis defendendæ: dummodo ad id egregiè simus comparati, & præcipuè è cōcessis axiomatibus aduersariorum, eosdem solerter conuincere noverimus. Deinde ut ostenderem, quod si omnes aduersarij id concederent, quod hæc illustis persona ultro confessæ fuit, nobis in hac concione non multum superesse posse laborem in eis refutandis. Sed cum contrarium ipsi apud suos iactent, nempe ab illorum partibus stare ordinem (licet eos esse inordinatissimos omnia clament, & ipsi priuatim confiteantur) nobis veritas elucidanda, & omnibus ante mentis oculos statuenda erit.

Cur Deus  
notas has  
dederit.

Cuius veritatis illud sit fundamentum: Deum sapientissimū & misericordem nimis, cum videret fidem nostram diuinam non nisi diuino ipsius testimonio inniti posse, hoc verò testimonium, per nuntios suos homines, nobis hominibus ordinariè dari oportere, nuntios verò à se missos duplices esse; alios quidem ordinarios (de quibus alias) alios extraordinarios; ne sub illorum specie qui occultiores sunt, à pseudo-prophetis sathanæq; ministris decipiamur, voluisse certa signa & notas

illis

illis dare, nobisq; id manifestare: quæ quidem nota, si in eo qui se à Deo missum asserit, non reperientur, eū nec audiendum, nec timendū, nec recipiendum, sed fugiendum & mactandum esse. Primum signorum istorum (vt diximus & ostendimus) sunt MIRACULA. Quæ quidem nota, quamuis sit evidens signum Ecclesiæ Christi; ac proinde quia in Catholica Ecclesia vera sunt miracula, veram etiam Ecclesiam ibi reperiri necessum sit: tamen quia ego, aut mei similes plurimi, facile possumus decipi, volentes nec discernere valentes quanam sint vera, quæ falsa, arteq; & præstigiis demonis efficta miracula, ne in conscientiis nostris perplexi essemus, voluit piissimus Deus, pro immensa misericordia & providentia sua, aliam eiusmodi nuntio notam imprimere, & altera veste eum insignire; qua si careret, etiamsi primam habere videretur, omnino ei obediendum non esset: Hanc verò notam, appello verbo conformi, tam huic quam Dominicæ superioris Evangelio **CONSTANTIAM ORDINATAM, siue ORDINEM FIRMVM ET CONSTANTEM.** Hac nota si quis caruerit, etiamsi mirabilia faciat, tamen cum Magis Ægyptiis, cum Apollonio Tyanæo, qui in principio nascentis Ecclesiæ se portentis ostentavit; & cum Antichristo, qui in fine mundi seducet multos, aliisque impostoribus explo-  
dendus erit.

Prima nota MIRA-  
CVLO-  
RVM sufficiens est ex se, sed nobis alia est necessaria.

Ideò addita est illi altera, nempe

**CONSTANTIA  
ORDINATA,  
seu ORDO  
CONSTANS.**

Exod: 7.  
Vide Bar-  
ron: Tō: 1.  
2. Thef: 2. 9  
Apo: 13. 13

Quod si quæras cur hanc notam secundo loco

nota secū-  
do loco  
posita sit.

Quæ inter  
hanc & pri-  
orem disce-  
rentia.

*Deut: 18.*

Cui nō in-  
terrogatur

loco posuerimus, vel quæ sit inter istam & il-  
lam differentia? Dico, posita esse primo loco  
miracula, quia ab his ita est inchoandum exa-  
men, vt, si in eo qui se à Deo missum asserit  
non reperiuntur, vltcrius non sit procedendū,  
sed simpliciter est pro pseudo-propheta talis  
habendus. Quod si aduerint, siue falsa, siue  
vera prodigia & signa, tunc hæc altera proba-  
tio adhibenda erit. Regula enim quæ certō  
de his notis teneri debeat, hæc est; vt si quis  
prima caruerit, nō audiendus, sed iubēte Deo  
mactādus sit; quod si mirabilia fecerit, vel ali-  
quid, quod euenerit, prædixerit: audiri tam diu  
poterit, quādiu illis quæ antea reuelata & cre-  
dita fuerunt, dissentanea non docuerit. Qui-  
primum verō quidpiam iis, quæ fide absoluta  
credenda sunt, contrarium dixerit, statim iste  
etiam à fidelibus pro pseudo-propheta habē-  
dus erit, quia caret hac secunda nota, id est  
CONSTANTIA ORDINATA: quam, ne te procul  
ablegem, en habes non obscurē in Euange-  
lio hodierno insinuatam. Cur enim MISERVNT  
IYDAEI AD IOANNEM, INTERROGANTES EVM,  
TV QVIS ES? nisi vt intelligerent an nota hæc  
fuerit præditus? cuius eliciendę causa, tot qua-  
stiones proponunt, tot dubia mouent, vt om-  
ni modo expiscantur, an CONSTANTIAM in di-  
ctis factisq; suis, eamq; ORDINATAM ritu alio-  
rum Prophetarum à Deo immediatē misso-  
rum habeat. Non interrogant autem illum de  
miraculis, quia hæc non defuisse bene noue-  
rant.

rant. Sciebant enim quomodo pater eius Zacharias, qui fuit vnus ex illis, atq; adeò primarius, sacerdos videlicet de vice Abia, propter incredulitate de ortu Ioannis obmutuerit; quomodo in natiuitate, vel circumcissione ipsius, iterum loquendi vsum receperit; quomodo & alia miracula circa illum facta fuerint, quæ super omnia montana Iudeæ diuulgabantur, omnesque dicebant: *Quis putas puer iste erit? Etenim manus Domini erat cum illo.* Hoc ergo cum vidissent Pharisei isti, quod nostri hæretici videre nolunt, primum signum à Ioanne non requirunt, quia nimis clarum fuit: sed ad inuestigandum alterum sese conuertunt.

Hoc enim signum, seu nota CONSTANTIÆ, summæ est authoritatis, dignitatis, & necessitatis; & propterea inde vel maximè, vt audiui-  
 tis Christus Deus Ioannem commendauit, coram omni populo. Talis enim est, vt licet alia pro voluntatis diuinæ arbitrio in legatis eius desiderentur; hæc sola in omni missione, siue illa fiat immediatè à Deo, siue mediatè per homines, hæc inquam semper necessario debeat adesse. Talis deniq; , vt licet primam & postremam (de qua Deo dante Dominica sequente agemus) possent hæretici & pseudo-propheta prætere, & ita incautos decipere, hanc tamen eimentiri nullo modo possint.

Audite iam de hac nota clarissima, tam in veteri quàm in nouo testamento testimonia, & laudate immensam bonitatem & providen-

Ioânes de  
miraculis.

Luc: 1. 5.

Luc: 1. 66.

II. MEMB.  
Demônstratur quantè hæc nota sit.

1. Authoritatis.  
2. Dignitatis.

3. Necessitatis.

Et probatur hæc Nota.

1. Testimonio Dei  
Mosen.

tiam diuinam. In veteri igitur testamento idem Moyses, qui primam de MIRACVLIS dedit, hanc quoq; alteram CONSTANTIAE, sic de-  
*Dent: 13. 1* scribit: *Si fuerint in medio tu prophetae, aut qui somnia uelisse se dicat, & predixerit signum atque portentum, & euenerit quod locutus est. (Nota verba.) & dixerit tibi: Eamus & sequamur Deos alienos, quos ignoras, & seruiamus eis: non audies uerba prophetae illius. Datq; rationem dignam, ut ponderetur: Quia tentat uos Dominus Deus tuus, ut palam fiat, utrum diligatis eum an non.* Quod uero agendum cum illo? Respondet: *Propheta autem ille, aut fictor somniorum, interficietur.* Hunc diuinum canonem, qui diuina providentia sancitus est, si & olim Iudaei seruassent, & nunc Christiani; neque illi in tam spurcas idololatrias, neque isti in immanes haereses, incidissent unquam. Inde enim habemus, primo  
*Unde habemus tria.*  
 1. non sufficere miracula, ut fides adhibeatur illis, qui ea faciunt; hoc enim id loci uerbum, *non audies*, significat, id est, non obediens illi. Nam auditu percipere utiq; debuit, quid diceret: Deinde quid amplius requirat Deus ab iis, quos ipse mittit, nempe ut constantes & ordinati sint, non discrepantes ab iis, quae alij Prophetæ aut missi à Deo antea dixerunt & docuerunt: quod si cum illis non conuenerint, præcipit ut inter pseudo-prophetas censeatur. Tales uero erant, qui persuadere conabantur, ut populus sequeretur Deos alienos, quos egregie haeretici omnes imitantur. Audimus præ-  
 cerea.



terea admirandam sanè causam, cur id permit-  
tat fieri Deus; nempe vt tentet nos Dominus  
Deus noster, vt palam fiat, vtrum diligamus  
eum, an non. Impossibile est enim, vt quis a-  
met Deum, qui putat Deum mentiri; putat  
autem eum mentiri, qui illi non credit; non  
credit autem Deo, qui inconstantem in dictis  
suis, eum existimat; hoc autem facit, qui fidem  
adhibet illi doctrinæ, quæ contraria est ei ve-  
ritati, quam antea absolutè Deus reuelauit; in-  
deque à primo ad vltimum euincitur, eos qui  
talibus credunt, non diligere Deum.

Deinde hoc ipsum probatur ex omni anti-  
quitate, de quo paulò pòst. At inquirunt hæ-  
retici: nos eadem docemus, quæ antea reue-  
lauit Deus. Sed hoc tam est verum, quam si  
quis assereret, solem in media nocte lucere;  
quod fufius demonstrabitur suo tempore,  
nunc hoc argumentum sufficiat. Si eadem  
docetis, cur vos ab aliis segregatis? cur noua  
conuenticula facitis? cur Ecclesiam Christi  
vnicam scinditis? & ita dissecatis eam, vt non  
solum vos Lutherani à Romana Ecclesia, sed  
etiam Calviniani à vobis, qui aliquando ma-  
gistri eorum fuistis, & ab his Gentilistæ, &  
Seruetiani, quos Geneva primùm extulit, &  
in suo gremio Calviniano educauit, longè dis-  
sentiant. Et tamen omnes clamant se eadem  
cum antiquis & docere, & credere. O impo-  
sturas! ô tenebras lucem turpiter mentientes!

Caterùm ostendamus id ipsum ex Nouo te-

2. Probatur  
hæc nota.  
Ex omni  
antiquita-  
te (vide in  
III. parte)  
& soluitur  
obiectio.

3. Ex facto  
Christi,

4. Ex hac  
legatione.

5. Ex Apo-  
stolo Paulo  
vbi nota  
quomodo  
capiantur  
hæretici.

Gal: 1. 8.

NOTA.

6. Similitu-  
dine id de-  
claratur.

stamento. Et primum ex facto Christi, qui dum ad Ioannem remittit discipulos ipsius, ordinem approbat. Deinde ex hac legatione, ut iam demonstrauius. Postremo ex illo celebri, quem tam frequenter, sed frivole contra Catholicam Ecclesiam citare solent huius temporis hæretici, loco Apostoli: *Si licet nos aut Angelus de cælo euangelizet vobis, præterquam quod euangelizauimus vobis, anathema sit.* Ac si dicat, etiam si nos, qui multa miracula fecimus, aut Angelus iisdem insignis, contrarium dicat illis, quæ antea sunt vobis Christi nomine & annuntiata & comprobata; non audiatur, sed anathema sit. CONSTANTIA etenim ORDINATA est in rebus diuinis, ideò quod semel dixit Deus, nunquam amplius mutabitur. Quanta ergo est oro & obsecro dementia, quanta cecitas iis fidem adhibere, qui missos se à Deo gloriantes, neque miracula prophetiæ suæ veras edunt, neque cum maioribus suis vlllo modo consentiunt, cum utrumque à Deo expressè requiratur? Fecit autem id Deus, non secus ac princeps quispiam prudens, volens cōsultum subditis suis, ne ab aliquo tanquam à se misso deciperentur, qui non solum prohiberet, ne cuiquam crederent, qui diplomata ipsius manu subscripta & sigillo munita non adferret; sed insuper sciens, tam in characteris, quam in sigilli imitatione fraudem & fictionem euenire posse; iuberet subditis, ut etiam si illa omnia quis ostenderet, nihilominus examinaretur ad-

tur adhuc, an conueniret cum illis, quæ in secreto Rex subditis concedidit, promittens se nullum ad illos missurum, cui eadem non dixisset. Ita sapientissimus Rex regum, & Dominus dominantium, arcta cura nos, vt pupil- lam oculi sui vndiq; communiens, illis, quos nomine suo ad nos mittit, non solum diploma sigillo suo munita, quæ sunt miracula, attribuit: sed etiam multa mysteria sponsæ suæ concedidit, ad quæ tanquam ad lydium lapidem, probarentur, quicunq; se à Deo mis- sos assererent: & si quidem cum illis non con- uenirent, reicerentur: sin conuenirent, reci- perentur. Dedit itaq; primam notam miracu- lorum factu difficilium, ne à tanta impostu- rum multitudine deciperemur: si enim etiam sine miraculorum testimonio tam multi illis credunt: quid fieret si miracula adhibere obli- gati non essent? dedit alteram notam, ne fal- sis pro veris miraculis falleremur, & sic salus nostra periclitaretur. Verè bonus, & salutis nostræ cupidus.

7. Ratione  
idem dilu-  
cidatur.

Sed iam demonstremus, quibusnā in rebus hæc nota CONSTANTIÆ ORDINATÆ, siue ordi- nis firmi, consistat. Consistit autem in mul- tis, nos tria tangemus. Primò & præcipuè in eo quod iam diximus, nempe vt conueniat cum illis qui eum præcesserunt, siue Prophe- tis, siue Prophetarum & Apostolorum suc- cessoribus, id est tam cum illis quos prius à Deo immediatè missos certò nobis constat,

III. MEM.  
B R V M.  
Tres con-  
ditiones  
notæ huius  
ponit.  
1. Vt eadē  
dicantur  
quæ aīj do-  
cuerunt.

Hanc habu-  
it tota an-  
tiquitas.

quàm cum iis qui ordinariè per homines mit-  
tuntur, & à Deo id gratiæ & priuilegij acce-  
perunt, vt in declarandis rebus fidei, in expo-  
nenda sacra scriptura, in statuendis illis quæ ad  
benè & Christianè viuendum pertinent, labi  
& errare non possint. Cum his igitur vt con-  
ueniat is, qui posterioribus temporibus se à  
Deo missum asserit, necesse est, nisi pro pseu-  
do Apostolo & pro falso propheta haberi ve-  
lit & debeat. Quapropter hanc doctrinæ con-  
cordiam, tam Veteris testamenti Prophetæ,  
quàm Noui obseruarunt omnes, hanc viri A-  
postolici, hanc tota per vniversum orbem, om-  
nibus temporibus diffusa Ecclesia, & sciuit  
& retinuit semper. Nunquam enim à Deo  
missi, siue Elias, siue Elizeus, siue quiuis anti-  
quissimorum prophetarum, contrarium quid  
docuit, vel Mosi, vel Aaroni, eiusq; successo-  
ribus, si quid vnquam ex officij sui munere, &  
quali ex cathedra decreuerunt; sed neq; con-  
tradixerunt illis, qui in lege naturæ Prophetæ  
viguerūt, quales erant, Abraham, Isaac, Iacob,  
Patriarchæ: Melchisedech, & alij assistentia  
Spiritus sancti ornati. Pariratione alij deinceps  
missi, nunquam prædictis alijsuè simili-  
bus contradixerant, nempe Isaias, Ieremias,  
Izechiel, Daniel. Sed neq; ordinariè & à Deo  
missi, quando ritè suo fangebantur manere.  
Unde dic de Osea, Ioel, Amos, Abdia, & reli-  
quis Prophetis minoribus. Ac vt vno verbo  
dicam, de omnibus à minimo vsque ad ma-  
ximum

ximum Veteris testamenti Prophetis, imò & de Ioanne Baptista præcurfore, deq; ipso Iesu Christo Domino nostro Salvatore, de Apostolis, de septuaginta discipulis, & Prophetis Noui testamenti (qualis fuit Agabus & filia Philippi) & de aliis, quocunq; nomine censeantur, omninò idem est intelligendum, videlicet illos tam ordinariè quàm extraordinariè à Deo missos, in rebus, quæ ad fidem absolutam pertinent, nunquam cuiquam prædecessorum suorum legitimorum, contradixisse docendo. Hæc tantùm inter hanc totam numerosam diuinorum legatorũ seriem est differentia, quòd antiqui venturũ Messiam prædicebant, & Ioannes eundem digito ostendebat, Christus verò Dominus seipsum esse probabat. Apostoli autem & eorum successores rem feliciter iam confectam esse, & cursum vitæ absoluisse Christum testabantur. Torquent se hic, & nescio quæ non commenta confingunt aduersarij, contra hanc veritatis antiquitatem: sed incassum abeunt omnia. Veritas enim impugnari potest, expugnari non potest.

Sed antequam ad eorum criminationes cõfutandas veniamus, prius reliqua, in quibus CONSTANTIA HÆC ORDINATA consistat, prosequamur, vt simul & probemus omnia vera, & reprobemus falsa. Primum itaq; iam diximus, nempe cõsistere hanc constantiã in eo, vt qui mittitur, ordinem à Deo datũ seruet, & nun-

Hanc Ioannes Bapt.

Hanc ipse Christus Dominus.

Act. 10.

Hanc Prophetæ noui Testamēti.

Hanc deniq; omnes obseruauerunt.

Differentia tamen inter omnes istos.



2. Cōditio  
est, vt sibi  
ipsis con-  
sent. Probatur  
ex omni  
antiquita-  
te.

Maximè  
ex Hiere-  
mia.

*Ier: 27. 12.*

Item ex E-  
uang: præ-  
ter: Dom.

quam alias siue extraordinariè siue ordinariè à Deo missis, contrarium dicat. Secundum est, vt non solum cū antiquis, sed etiā secum ipse cōsentiāt, neq; pugnantiā doceat, in illis quæ infallibilia sunt, & absq; conditione dicuntur; quæ verò conditione adiuncta quodammodo restringuntur, eadem constantia sunt proferenda, quamdiu conditio data id permittet. Hoc cū in aliis Prophetis, tum verò in Hieremia est conspicuum, qui toties à populo, à Principibus, à Rege, ab ipsis pseudo-prophetis interrogatus, tentatus, incarcerationis, vehemēterq; afflictus, nunquam eo adduci potuit, vt mutaret sententiam & prophetiam suam de expugnanda & capienda ab hostibus ciuitate Hierosolymitana, de exurendo templo, quod illis maximè absurdum videbatur, de abduciendo populo in captiuitatem, & his similibus. Apponebat nihilominus conditionem, quia res non erat ex se immutabilis, sed pendens ex voluntate & conuersione humana, vt si à cladibus illis liberi esse vellent, duo facerent: alterum vt ad Deum patrum suorum conuerterentur seriò; alterum, vt traderent sese in manus Regis Babylonis: quod quia eis perdurum visum fuit, idcirco sicut facere id recusarunt, ita veritatem prophetiæ experiri debuerunt. Et hæc ipsa, sicut & prior C O N S T A N T I Æ conditio apparet, ex utroq; Euangelio. In illo enim nihil aliud vult efficere Christus concione sua habita ad populum Iuda-

Judaicum, quàm vt inconstantia labem à Ioanne repelleret, ac ostenderet Ioannem minime sibi contrarium esse. In hodierno verò si omnia dicta, interrogata, & responsa horum SACERDOTVM, LEVITARVM, PHARISAEORVM excusseritis, nihil aliud in illis inuenietis, quàm captiones quasdam, si fortè possent Ioannem, vel in primo, vel in hoc secundo inconstantia genere notare, & accusare; nempe vt aliquid, vel prædecessoribus suis, vel sibi ipsi contrarium diceret. sed frustra iacitur rete ante oculos pennatorum, maximiq; Prophetæ: ideò percontatores confusi discedunt ad eos, à quibus erant missi.

Tertiò, hæc ORDINATA CONSTANTIA seu ordo stabilis, consistit in eo, vt cuiuslibet suus honos relinquatur, & subordinatio, quam vocat, diligenter seruetur. Huius rei & in Euangelio, & in aliis scripturis, & in historiis multa & illustria sunt exempla. Hoc observauit tam Ioannes, quàm ipse Christus Dominus in Euangelio quod ante octiduum lectum audiuitis. Ioannes quidem mittens discipulos suos ad Iesum, vt ad supremum iudicem & doctorem; Christus verò remittens eos ad Ioannem, pro vberiori ex visis & auditis illorum instructione, tanquam ad ordinarium ipsorum præceptorem & superiorē. In hoc Euangelio idem omnino videmus: Iudæi enim videntes quæ fiebant à Ioanne, recurrerunt ad suos superiores; qui quidem MISERVNT, non quosuis ex plebe,

Et ex hoc ipso.

Provi. 17.

3. Vt subordinatiōe seruent.

Hoc probatur.

1. Ex Ioanne Bapt.

2. Ex Christo Domino.

3. Ex Iudæis in Euangelio.

plebe, non imperitum vulgus, ad quos hæc disceptationes minimè spectant, sed SACERDOTES ET LEVITAS, quibus id ex officio incumberebat: AD IOANNEM, virum qui iam eximia sanctitate, & prodigiis coruscabat, VT INTERROGARENT EVM, TV QVIS ES? Esne ille quem summo desiderio expectamus, Messias, necne? Vides pulchram seriem & ordinem prælatorum in causa religiosa vigilantium, populi verò ad imperia capienda parati & intenti!

4. Ex facto  
Iosue. Et hoc ipsum obseruatum videmus, aliàs tam in Veteri, quàm in Nouo testamento.
- Ios: 22. 10. Exempla sunt. In veteri Iosue & qui cum eo erant, qui cùm audissent Rubenitas & Gaditas ædificasse iuxta Iordinem altare infinitæ magnitudinis, veriti ne hoc esset signum defectionis & schismatis, Miserunt ad illos in terram Galaad Phinees, filium Eleazari sacerdotem, & decem principes cum eo, vt perquireret quidnam hoc rei esset? Vides quomodo nō per plebem res transacta est, sed per Principes & Sacerdotem maximum? Idem fit in Nouo, vbi legimus propter quæstionem, an necessaria sit Christianis circumcisio, facta seditione non minima. Statuerunt, vt ascenderent Paulus & Barnabas, & quidam alii ex diis, ad Apostolos & presbyteros in Hierusalem s. per hac quæstione. Vides & quales hic mittuntur, & nomine quorum mittuntur, & quorum deniq; sententiis ea difficultas deciditur? Et idē huculque seruatur in Ecclesia, quod Democratica

cratica hæreticorum confusio ignorat: de quo plura alias. At inquis: Non remittit Ioannes hæc nuntios ad eorum superiores. Certè nūquam probabis, non remisisse illos, imò contrarium colligitur. Nam licèt non audiantur hæc verba illa, qualia habentur in responsione Christi; *Euntes renuntiate* Hierosolymitanis; tamen ut illic, ita & hic certum est rediisse nuntios, ad eos à quibus erant missi: aiunt enim & urgent Ioannem hoc maximè nomine; *Ut responsum demus his, qui nos miserunt.* Quod si isti qui hos miserunt, in iudicio suo de Messia errant, non est mirum, quia ut in exordio diximus, vinum hoc iam cum fecibus mixtum fuit. Redolebat itaq; hæc legatio, optimum vinum, in eo quod dictum est; suberat nihilominus quid sæculentum, in aliis additamentis, in pertinacia, temeritateq; iudicij, de quo tamen omnino non constat. Vnde mirari oportet eos, qui se Evangelicos ambitiose vocant, & nihil probare iactitant, nisi quod in Evangelio sit assertum, tam audacter asserere, & istos non esse remissos Hierosolymam, ad superiores suos, & Hierosolymitanos illos male de Ioanne iudicasse, cum neutrum apud ullum Evangelistam clarè reperiatur. Sed hæc est illorum effrons gloriatio, millies confutanda; toto cælo dissentire ab Evangelio, & tamen Evangelicos se esse mentiri.

Verum nos alia huius rei exempla prosequamur: quorum celeberrima sunt, quæ in

Obiectio  
soluitur.

Mat. II. 4.

6. 7. 8.  
Ex Paulo,  
in quo vi-  
vno

demus ter  
id obser-  
uandum.

2. Cor: 12.

2.

Act: 9. 7.

Gal: 1. 18.

Gal: 2. 2.

9. Ex Bar-  
naba.

Act: 13. 1.

10. Ex Cor-  
nelio.

Act: 10. 2.

vno D. Paulo expressi videmus. Hunc enim quumuis raptum vsque ad tertium celum, vbi audiuit arcana verba, quæ non licet homini loqui; nihilominus ter ad homines remissum, esse legimus, fortè vt exaltationi vsq; ad tertium celum, terna in terra humiliatio respondeat. Ita nimirum Deus accuratè est ordinatus in rebus suis, atq; adeò omnis ordinis amator. Sit nomen eius benedictum in secula. Primò igitur remissus est Paulus ad *Ananiam*, ex Christi mandato: *Surge & ingredere ciuitatem, & dicetur ibi quid te oporteat facere.* Itanè Christi magisterio perfectus euadere non potuit, sed ad hominem missus est vt perficeretur? Secundo venit *Hierosolymam* videre *Petrũ*, vt ipse fateatur. Et quare? Respondet: *Ascendi autem secundam reuelationem, &c. Ne fortè in vacuum currerem aut euerrissem.* Tertiò remissus est ad Ecclesiã quæ erit *Antiochiæ*, ad *Prophetas & Doctores* qui erant ibi, quos sic alloquitur Spiritus sanctus: *Segregate mihi Saulum & Barnabam in opus, ad quod assumpsi eos.* Illi verò quid fecerunt? Id videlicet, *Ieiunantes & orantes, imponentesq; eis manus dimiserunt illos.* Eodem modo *Cornelius centurio religiosus & timens Deum*, ab Angelo, vel potius a Christo per Angelum Petri institutioni seruatur. Admiranda sanè & laudanda cuncta bonitas, quæ nobis tam expressa sui ordinis vestigia reliquit. Quid enim? nunquid aut Angelus Cornelium res fidei edocere, aut Christus tum Ioannis discipulos, tum Paulum



Paulum quid eum oporteret facere, instruere, aut Spiritus sanctus Paulum & Barnabā mittere quò vellet, non potuit, sine humano ministerio? poterant equidem. Cur ergo ad præfectos Sacrorum eos ablegant? vt ORDINEM CONSTANTEM in Ecclesia seruent, & nos seruare doceant; vt ostendant re & facto ipso, *Que à Deo sunt, ordinata esse.* Ideò tam discipuli Io- *Rom: 13. 5* annis, quàm Paulus à Christo mittuntur ad *Gal: 2. 2.* suos superiores, vt subordinatio commendetur. Ideò Paulus secundū reuelationem ascendit ad Petrum, tanquam ad eum cui Christus *Ioā: 21. 16* ter cōmisit oues, & regimen Ecclesiæ suæ; ne in vanum curreret aut cucurrisset, si cum Petro & iis quibus ministerium Apostolatus cōmissum erat, non contulisset Euangelium: quia hoc quoque in tertio cœlo didicerat, ordinem seruandum esse. Ideò idem Paulus & Barnabas à Spiritu sancto ad Prophetas & Doctores, hoc est ad Episcopos qui ibi erant re- *Act: 13.* mittuntur, vt eos in Episcopos consecrarent, ritumq; & ordinem Ecclesiæ seruarent, quod impositis illis manibus fecerunt.

Ista sunt igitur tria capita inter alia, in quibus consistit hæc ordinata constantia, siue OR- *Obiectio- num hære- tico- rum tria capita* DO CONSTANS. Ordo est, quia omnes à summo ad imum, eleganti serie sibi mutuò iuncti sunt: constantia est, quia ita cœptum est ab initio mundi, & perdurabit ad finem: Verū- tamen aduersarij omnis ordinis adeoq; Ecclesiæ, & Dei, contra ordinem à diuina sapientia inue-

v. Cōtra pri-  
mam con-  
ditionem.

Haretici  
Sophista.

innectum, inordinata & insipida inueniunt argumenta; quorum sophismata in totidem capita (vt tria tribus respondeant) reduci possunt. Primum est, antiquos Prophetas non semper cum prioribus, & multò minus cum Pontificibus sui temporis conuenisse: quin imò illos saepe grauissimorum scelerum arguisse. Hæc dicunt aduersarij magna contentione, sed nullum penitus errori suo afferunt patrocinium. Nam quòd aliquādo summi Pontifices fuerunt reprehensi à Prophetis, id factum est propter scelera illorum, quibus, quāquam è cathedra Moïsis, sanam doctrinam proferrentur, erant obnoxij. Sed enim hoc modo argumentando haretici, solitis vtuntur fallaciis, & more suo statum causæ peruertunt. Non est inter nos cōtrouersia, an illi per quos Deus hominibus loquitur, non possint esse scelerati moribus, cū id vtrò concedatur: sed an iste homo vitæ licentiosæ, modò sit verus Pontifex, vnquam quicquam falsi, siue in rebus fidei, siue in moribus determinauerit, & seruandum fidelibus præceperit? De hoc videlicet quæstio cū sit; ostēdant haretici vel vnico exemplo liquidè ex scriptura prolato, cui soli iactant se niti, summos Pontifices, etiam veteris testamenti, falsò quid sanxisse, aut contradictionem aliquam inter Prophetas extitisse. Obmutescunt ad hanc petitionem. Nisi fortè Hieremiæ contrarium fuisse Aggreum dicant, eò quòd ille demolitionem, hic in-  
staura-

staurationem, templi Hierosolymitani prophetauerit. In quo crassam illam fallaciã ignorationis Elenchi committent. Conciliatempora, & conciliabis scripturam vulgò dicitur. Tales sunt apud illos, quas imperita plebi pro demonstrationibus vendunt, insulsæ cauillationes.

Alterum huiusmodi nugamentorum caput est, cùm asserunt Prophetas etiam sibiipsis nonnunquam contrarios fuisse. Ad quod abundè refutandum, satis est illa distinctio alias tradita assertionum diuinarum; quasdam absolutè reuelatas esse, quæ æternæ veritatis cõsentur: quædã verò adiecta quapiã moderatone & cõditione positæ sunt. Primæ illæ, sunt veluti linea rectissima, quæ omnẽ curuitatem improbarũ opinionum indicant, nec vnquam mutantur. Huiusmodi sunt Catholicæ assertiones de SS. Trinitate, de humana natura à Christo verè assumpta, de B. Virginis perpetua integritate; de præsentia corporis Christi in Eucharistia, de vñ eius sub vnica specie, de purgatorio, & alia, quæ hæretici, primùm in dubium vocant, postea definiunt esse falsa. Quæ verò futura à Prophetis prædicuntur, & simul ex voluntate pendent humana, quæ ea impedire potest, ea mutari possunt, & de factò sæpius mutantur. Itaq; sicut conditionatè efferuntur, (siue conditio sit expressa, siue subintelligatur) ita conditionatè tantùm sunt credenda, nisi accedat vel iuramentum, vel

2. Caput ob  
iectionum,  
contra se-  
cundã con-  
ditionem.

Dõ: 1. Ad:  
Cõ: 2. 58 7-

alia efficacis diuinę voluntatis testificatio, quę nos certos reddat, veritatem illam esse primi generis. Tale olim fuit illud, Christum Messiam ex semine Abrahamę & Davidis nasciturũ, quod quamuis mutari posse videretur propter ingentem vim scelerum, qua stirps illa tãto se beneficio ferẽ indignam reddiderat; nihilominus tamen addito diuino iureiurando fixum erat. Abrahamo quidem dicente

*Ge: 22. 16.* Deo, *per memetipsum iuravi: Benedicentur in semine tuo omnes gentes terre.* Davidi verò: *Semel iuravi in sancto meo, si David mentiar semen eius in eternum manebit.* Illud videlicet semen, quod interpretans Apostolus inquit: *Non dicit, & seminibus, quasi in multis, sed quasi in vno. Et semini tuo, qui est Christus.* Huius generis est illud etiam, Christum venturum ad iudicandum viuos & mortuos; quod ne quis putaret aliqua ex causa immutandum, additum est iusiurandum, vt alias vidimus. Reliqua verò quę non pauca sunt in scriptura asserta conditonate, vt dictum est, intelligi & credi debent. Tales sunt prophetiæ, tum quę comminationes continent, quibus plenę sunt diuinę literę; tum etiam quę priuilegia quædam tribuunt, quę tamen propter peccata, vel ad tempus restricta, vel funditus sublata sunt. Eiusmodi erat illud de quo sic Deus ad Heli, loquens loquutus sum, vt domus tua, & domus patris tui ministraret in conspectu meo vsq; in sempiternum. Nunc autem dicit Dominus: Absit hoc a me. Ex in talibus

*Ge: 22. 16.*

*Pf: 88. 36.*

*Gal: 3. 16.*

*Dñ: 1. Ad.*

*Con: 4.*

*1. Reg: 3.*

*30.*

bus

bus propheta non solum ab alijs sed etiam à seipsis dissidebant; vt vidimus in Elia & Isaia, 1. Reg: 2. 30. & nunc aliquando discrepant, pro ratione locorum, temporum, personarum. Non enim grauiatur Dominus mutare comminatoriam sententiam, si quis peccatus mutauerit per pœnitentiam acta vitæ mala; neq; promissis suis amplissimis dignum esse iudicat eum, qui in cæpta bonitate non persistit. Discernere autem quæ sunt primi, vel secundi generis diuina illa axiomata, quando iuramentum annexum non habent, pertinet ad illos iudices, quos necessarîo in Christi Ecclesia reperiri oportere antea probauimus. Hæc igitur est fides Catholica firma firmiter, conditionata sub moderamine credere. At perfidia hæretica (vt alias diximus) modo planè contrario, salutem quæ ubiq; in scriptura cum conditione promittitur, fide indubia credere iubet: ea verò quæ æternæ sunt veritatis in dubium vocat. In quibus primus nostri temporis hæresiarcha Lutherus ita hallucinatus est, vt iam assereret esse purgatorium, iam negaret; nunc admitteret vñum vñius speciei, nunc sub æterna damnatione prohiberet; iam bona opera extolleret, mox in optimè etiam factis, peccatum committi diceret, & his similia multa.

*Vide Cō-  
chleum in  
septicips  
Luthero.*

Postremum ineptiarum hæreticarum caput, quod postremam nota huius partem oppugnat, textum est e maximorū virorum, tum Prophetarum Veteris testamenti, tum ipsius

3. Caput ob-  
iectionū,  
Cōtra ter-  
tiam cōdis-  
tionem.



Responde-  
tur.

Mat: 23. 2.

Duo repre-  
hendebat  
Christus in  
Pharisæis.

præcursoris Ioannis Baptiste, & maximè Christi Domini, nec non Apostolorum exemplis: qui omnes cum essent à Deo immediatè missi, nunquam ad ordinarios referebant se: quinimo Principibus Sacerdotum, Pharisæis & similibus contrarium & docebant, & faciebant. Cæterum tam sunt hæc vera, quam cætera quæ comminiscuntur hæretici, pro sua vitata fingendi licentia. De prophetis veteris testamenti, & de Ioanne, iam diximus: neq; contrariū vnquam ab aduersariis probari poterit. Non remittebant quidem populum subiectum ad suos superiores: vt in viuendi ratione illos imitaretur, si ij erāt deprauatis moribus: sed quòd prohibuerint ne ordinariis obediret, nunquam auditum est. Luculenta est illa Saluatoris oratio: qua si perioribus ordinariis auctoritatem asserit dicens: *Super cathedram Moysi sederunt Scribæ & Pharisei. Omnia ergo quæcunq; dixerint vobis, seruare & facite, secundum opera verò eorum nolite facere.* Quid dici potuit clarius, & nostro instituto magis accommodatum? Correxisse Christum fateor priuatos Pharisaorum in legibus Moisaicis interpretandis errores & opiniones. Cæterum nunquam ostendent aduersarij eum, aut contra legem Moysi quicquam fecisse (quàm strictissimè in omnibus obseruabat) aut traditiones aut decreta superiorum, quæ erant alienius momenti, aliquando violasse. Et quidem quæ in Pharisæis reprehendebat Christus Dominus, duo

nus, duo erant præcipuè. Alterum quod hy-  
 pocritica vtentes, maiora limis transilirent o-  
 culis, & nugas quasdam pro magno crimine  
 haberent: talia erant illotis manibus mandu-  
 care, infirmis curandis sabbatho operam dare: *Matt: 15.*  
 & his similia, quæ constituisse aliquo solido  
 pontificum decreto, nunquam probabunt.  
 Ideò dicit eis Dominus: *Duces cæci excolantes* *Heretici*  
*culicem, camelum autem glutientes.* Quos egre- *Phariseorū*  
 giè heretici imitantur, qui minutiora quæ- *imitatores*  
 dam magni facientes, maxima omittunt. Ita *Matt: 23.*  
 Anabaptistæ excolant culicem, dum in bap- *24.*  
 tismo requirunt necessariò in aquam immer-  
 sionem, & glutunt camelum, horrèdas in san-  
 ctissimam Trinitatem, in cuius nomine bap-  
 tisma perficitur, ructâtes blasphemias, & ipsum  
 baptisma parui facientes. Ita Calvinistæ co-  
 lant culicem, non permittendo vt Eucharistia  
 sumatur nisi stando, vel secundum alios sedē-  
 do (ideo ægrotis iacentibus in lecto non eam  
 porrigunt) & glutunt camelum, negantes ibi  
 esse verum corpus Christi. Sic Lutherani co-  
 lant culicem, vsum vtriusque speciei necessa-  
 rium esse asserentes, & glutunt camelum ex-  
 tra vsum esse corpus Christi, contra euiden-  
 tem verborum Christi vim negantes. Alte-  
 rum fuit, in quo Christus arguebat Iudæos,  
 quia illum pro Messia non recipiebant, con-  
 tra aperta diuina oracula & traditiones illorū,  
 quæ eis ignotæ non erant. Denique etiam si  
 tum temporis Iudæi in aliquo etiam ordinatè  
 T 3 factō

facto decreto errassent (de quo alias nobis disserendum erit) quid mirum? quandoquidem & ipsi, & lex eorum ad occasum vergebat? Et hac de causa Apostoli, & legis antiquæ ceremonias non obseruabant, & ad ordinarios Iudaorum amplius non recurrebant, quia legem illam abrogatam esse iam sciebant, ut à Prophetis prædictum fuit. Proinde hinc potius contrarium ostenditur, ut mox videbimus.

**III. MEM-**

**BRVM.**

Quomodo  
ex dictis co-  
gnoscendi  
tum falsi  
prophetæ.

Quare ut ad vltimū, quod proposuimus, veniam, ex dictis duo habemus. Alterum quod principaliter in hac concione deducere volui Lutherum, Calvinum, & omnes hæreticos, non esse à Deo missos, licet de hoc mendaciter glorientur, cum non solum miracula non faciant, sed etiam **CONSTANTIA ORDINATA** careant. Quod in Luthero nimis est apertum: In Caluino quoque licet versipellis & in scribendo lubricus fuerit, satis tamen est euident.

Tū Eccle-  
sia Dei &  
synagoga  
Sathanæ.

Alterum quomodo hinc Ecclesia Christi & synagoga Sathanæ agnosci possit. Signū namque Ecclesiæ est **ORDO CONSTANS**. Hoc tota scripturarum autoritas, hoc res ipsa testatur.

*Rom: 13. 1.*

*Col: 2. 5*

Fundamen-

tum **OR-**

**DO CON-**

**STANS.**

Audiamus Paulum dicentem: *Quæ sunt à Deo ordinata sunt.* Et alibi. *Et si corpore absens sum, sed spiritu vobiscum sum gaudens & videns ordinem vestrum, & firmamentum eius quæ in Christo est fidei vestre.* Vides quantopere extollat ordinem, ita ut illum *firmamentum fidei*, esse asserat? Quid vel clarius vel augustius dici poterat? Hic vero ordo, hoc firmamentum, siue **ORDO FIR-**

**M**VS & inuariabilis ubinam vigeat, an in Romana Ecclesia, an apud illos qui se ab illa segregarunt, facile est ex omnibus illis conditionibus & dictis colligere. Inprimis enim ordinis est constantis, ordinatè & conformiter loqui iis, qui antea præcesserunt & à Deo missi locuti sunt. Hoc vt diligentissimè in Romana Ecclesia seruetur, sub anathematis pœna D. Pauli exemplo cautum est. Quid aduersarij? Num quæ Lutherus de præsentia Christi in Eucharistia docuit, & de fide esse dixit, ea Carolstadio & Zuinglio, alijsq; vt vera solidaq; visa sunt? Minimè. An quæ Zuinglius, Calvinus, & alij docuerunt, Deum esse in personis trinum, in essentia vnum, Verbum carnem assumpsisse, Christum ex Virgine natum esse, ista discipuli eorum Gentilis, Seruetus nō repudiarent, irriserunt, exploserunt? Omnium sanè hæc erat viperina rabies, vt magistrorum suorum scita lacerarent, cōuellerent, nouis verò figmentis à se excogitatis, nominis celebritatem sibi quærerent. Ita quod stupendum est planè, vt plebs etiam cum vrgetur, autoritate eorum, quorum fidem sectatur, statim respondeat: Quid mihi cum Luthero? quid cum Caluino? Quanta inordinatio, vbi neque cum prophetis & parentibus suis vulgus vult conuenire; sed quisq; sibi præses, magister & omnia, quisq; dicit se scripturam sequi, id est caput suum, quod ita scripturam interpretatur, vt placet.

Signū Ecclesie & synagoge.

NOTA.

- a. Signum.** Deinde ad ordinem constantem valde spectat, ut quis nunquam secum dissentiat in rebus fidei. Id omnino Romana Ecclesia obseruauit semper. At hæretici non solum ipsi suos articulos fidei toties reuocarunt, sed etiam ad tantam dementiam deuenerunt, ut audiant discipuli præceptorum, & patriarcharum suorum scripta emendare. Sunt in manibus nostris opera Lutheri, vel ipso adhuc viuentis, vel paulo post ab hæreticis edita, sunt alia, non ita pridem ab illius infausta posthuma prole typis impressa. Deus bone, quot loca in eis notarunt stigmatibus? quot mutilarunt? Nec iniuria, puduit enim eos inuerecundi Epicurei & Cynici doctoris: cuius doctrina sal erat quoddam infatuatum, non reprimendis, sed irritandis carnis putoribus aptum. Nonne
- Jer: 2. 12.** exclamare hic possum cum Propheta? *Obstupescite cæli super hoc*, & super tanta cæcitate. Quis vnquam audiuit Prophetam & Ecclesiæ reformatorem corrigi oportere? Certè si nulla esset alia in Lutherana secta absurditas, impossibile esset ob hanc solam me fieri Lutheranum. Præterea ordinis est subordinationem conseruare. Hæc in Ecclesia Romana cum sit exactissima, apud hæreticos non est quod queratur: siquidem in rebus fidei ministri referunt se ad plebem, & submitunt se iudicio eius, contra omnem naturæ & scripturæ ordinem. Acutuli quidem sibi videntur prædicantes, quando pro concionibus clamant;
- Neq;



Neq; nobis credite, imò verba nostra cum scriptura conferte, & si videritis non esse conformia, doctrinam reiicite. Et tamen si discipuli vrgentur, ad se iubent recurrere. Ostuporem, quis tam insulsam circulationem ferre potest? Ministri prouocant ad plebem, & plebs ad ministros: & omnes sunt animicida, vt verbo Lutheri, prophetæ illorum vtar. Sed pergamus vltcrius. Quidquid est imitatu di- 4. Signum.  
gnum in hac legatione, id in Ecclesia obseruatur. Exurgit Propheta, res ad subsellia Ecclesiastica deferuntur, vt factum esse in Luthero & cæteris, cum delirare cœperunt. Hic enim est ordinatæ disciplinæ veræ ritus, ab omni antiquitate seruatus. Nil hæretica confusione inordinatius: plebs ministros creat, confirmat, indicat, exauthoratos deponit. Ministri prophanum vulgus appellant, vt arbitrum controuersiarum fidei. Nihilominus tamen si quid Marte suo possunt, immutant, innouant, & addunt quæ placent: conuicti verò, in pertinacia sua perseverant, sicut isti Iudaici legati. Nec mirum, iam enim hauriebant è sece obstinatæ pertinaciæ, quam nostratibus hæreticis testamento legarunt. Postremò, sicut 5. Signum.  
olim in Ecclesia Dei semper obediebatur superioribus donec implerentur prophetiæ de cessatione legis veteris. Ita nunc à fidelibus obeditur prælatis, quibus à Christo dictum est: *Ecce ego vobiscum sum omnibus diebus, vsque ad* Matt: 28.  
*consummationem seculi.* quod dum hæretici fa- 20.

cere recusant, non in Ecclesia Christi ordinata: sed in rebelli synagoga Sathanæ, se esse re ipsa, euidenter demonstrant.

Apostrophe ad Germanos.

Quæ cum ita se habeant, ad te, ô Germania in qua palæstram & sedem tam absurda hæreses primû sibi inuenerût, mea cōuertitur oratio. Quis te gentem nobilissimam, & tam in politicis, quam in aliis rebus ordinatissimam dementauit? vt relicto maiorum tuorum in rebus fidei præstantissimo & constantissimo ordine adhæresceres Apostatæ: tum ab auita fide: tum à religiosa professione, bis profugo? Qui passa es, vt te gentem tot centuriis annorum Catholicæ religionis, & imperiorum maximorum laude florentissimam, spurcissimi hominis impietas, & deordinatio obfuscaret?

*Gal: 3. 1.* Quis, inquam cû Apostolo, *vos fascinat no obedire veritati, ante quorum oculos Iesus Christus proscriptus est.* proscriptus sanè in ceremoniis, in imaginibus, in sacrificiis, in Sacramentis, in omni deniq; fide & pietate, quæ apud vos olim viguerunt. Reuertere igitur (prout sentim facis) vaga filia ad matrem tuam Romanam Ecclesiam, quæ te per Apostolicos viros à se missos, miraculis & Angelicæ vitæ puritate clarissimos, olim Christo genuerat. Reuertere à confusione Babylonica, ad illam congregationem, in qua omnia honestè & secundum ordinem

*1. Cor: 14. 40.* sunt. Reuertere Sunamitis, reuertere, vt intueamur

*Cār: 6. 12.* te, iisdem quibus olim fidei, & morum splendoribus coruscantem. Præstante Domino nostro Iesu Christo. Cui laus & imperium in æternum. A M E N.

# CONCIO TERTIA.

Spes.

**A**udiuistis de quadruplici Christi Iesu Domini nostri, quem hoc sacro Aduentus tempore mater sancta recolit Ecclesia, Aduentu. Videlicet, inter nos, in nos, ad nos, & obuiam nobis. De duplici actum est, ordine quidem præpostero, sed necessario immutato; expectatis tertium: neque ego abnuo, sed maiorem huius rei tractandæ commoditatem expecto, quam sequens concio de charitate largietur; ad illam igitur me refero. Interim spem nostram fulciamus, sed non sine adminiculo gratiæ Dei, qui omnia bona operatur in nobis, quanquam non sine nobis: *Dei enim sumus adiutores*, ait Apostolus. 1. Cor: 3. 9.

Ad hoc propositum subseruit nobis lectum Euangelium, quod antequam verbatim, vel membratim totum explico, primò præmittam, quæ fuerit huius, quam audiistis, ad Ioannem expeditæ legationis occasio. Sis adiutor noster Christus Iesus, ut ad tuam gloriam maiorem collaborantes Euangelio, in tam opere pio non fatigemur.

Duplex ut arbitror huius, quam in Euangelio descriptam audiuistis, legationis fuit causa & occasio: altera præceptum diuinum: altera prophetiæ expletæ. Præceptum diuinum fuit, ut si quis Propheta in medio illorū  
exur-

P R O P O :

Euangelii tractabitur cum doctrinis.

Occasio legationis duplex.  
1. Præceptum diuinum.

exurgeret, qualem & audiebant, & videbant Ioannem esse, ab iis probaretur. Nec solum præceptum dederat illis hac de re Dominus, *Deut: 17. & 18. cap:* sed etiam modum & seriem, quæ examinari deberet præscripserat ab ipso legis antiquæ exordio. Prophetiæ verò de aduentu Messie, iam vel omnino completæ, vel breui implendæ erant. Completum fuit illud celeberrimū Iacob Patriarchæ vaticinium: *Non auferetur Gē: 49. 10. sceptrum de Iuda, & dux de semore eius, donec veniat qui mittendus est: & ipse erit expectatio gentium.* Herodes enim persecutor Christi & occisor infantum, non solum non fuit ex stirpe Iuda, sed neq; ex Iudæorum progenie; Idumæus enim erat, vt historiæ testantur, & tantus dictæ tribus Iuda inimicus, vt præter multos alios, etiam vxorem suam, quæ fuit ex eadem tribu, & filium quam ex ea genuerat, occiderit; occidit quoq; plerosq; ex celeberrimo illo Senatu Sinedrin dicto: qui septuaginta illorū *Exo: 18. 1. iudicum, quos Moses iussu Dei constituerat, Num: 11. 16. locum tenebat, & magna ex parte ex tribu Iuda deligebantur.* Ad tempora verò Herodis perdurauit *sceptrum de Iuda, & dux de semore eius:* tum in Machabæis, & eorum successoribus, principatum inter Iudæos multis annis gerentibus, tum in dicto Senatu, summæ apud Iudæos authoritatis, & potestatis. Nam licet Machabæi essent ex tribu Leui, vxores tamen habebant ex tribu Iuda, quia duæ istæ tribus, Regia videlicet, & sacerdotalis, licitè miscebantur,

bantur, vt patet ex Iosabeth filia Ioram Regis  
Iudæ, quæ fuit vxor summi sacerdotis Ioiadæ,  
& ex alijs. Proinde faltem ex linea muliebri  
non defecerat fceptrum de Iuda, vsque ad He-  
rodem. Hæc igitur propheta insignis, iam fi-  
nem acceperat. Alia verò propheta maximi  
etiam momenti, iam iam erat in exitu; illa sci-  
licet Ieremię de captiuitate feptuaginta anno-  
rum: de qua sollicitus olim Daniel Propheta,  
*cepit rogare & deprecari in ieiunijs sacco & cinere*  
*Deum*, vt hoc myſterium ſibi reuelaretur. De-  
claratumq; eſt ei, intelligi de aduentu Meſſiæ,  
qui poſt tot hebdomadas annorum apparere,  
& mori debuit, quod & euenit ad amuſſim.  
In hoc enim erant quodammodo nobis feli-  
ciores Iudæi, quòd non ſolùm ſigna euiden-  
tia, verùm etiam annos computatos habue-  
rint, ad primum aduentum Chriſti: nos verò  
ita ſecundi ipſius Aduentus annorum defini-  
ta ſpatia latent, vt ipſe etiam Chriſtus ſe tem-  
pus illud ignorare dixerit; quia ita illud ſciuit,  
vt nullo modo, cuiquam manifeſtare debue-  
rit. Videntes itaq; & illam Iacobi iam ceſſaſſe,  
& hanc Ieremię Danieliſq; prophetiam euen-  
tui proximam (quam & ſortita eſt in paſſione  
Chriſti Domini.)

2. Par: 22.

11.

4. Reg: 11.

1.

De ſeptua-  
ginta heb-  
domadib.

Ier: 15. 11.

Eccl: 29. 10.

Dan: 9. 3

Mat: 13. 35

MISERVNT IVDÆI AB HIEROSOLYMIS, Vnde expe-  
vbi ſummorum Pontificum, & illius nomi- dita hæc  
natiffimi Concilij erat ſedes. MISERVNT au- legatio.  
tem non quofuis homines, ſed SACERDOTES  
ET LEVITAS. Ita enim decebat, vt quaſtionem  
de re

Quintiſ.



de re maximi momēti, in qua religionis summa agebatur, seculares deferrent ad superiores Ecclesiasticos. illi verò pro dignitate expedirent nuntios idoneos, siue solos Sacerdotes & Leuitas, vt hic factum videmus: siue etiam adiunctis illis Primoribus populi, vt tempore

*Ios. 22. 10.* Iosue decem adiuncti erant Phineæ sacerdoti. Idem Iudæi etiam nunc obseruarunt, memores videlicet mandati diuini, per Prophe-

*Mal. 2. 7.* tam promulgati, quòd *libra sacerdotis custodiens scientiam, & legem requirunt ex ore eius, quia Angelus Domini exercituum est.* Cùm ergo sacerdos

Doctrina  
morales.

1 In dubiis  
ad sacerdo-  
tes recur-  
rendum.

angelus, id est nuntius sit Dei, eius opera in exploranda veritate vtendum est? Quod vtinam nunc Christiani ad vnguem ita imitari vellent, vt hoc & charum est Deo, & salutis pernecessarium. Si enim id fieret, non equidem tot & in rebus fidei scētas, & in rebus ad conscientiam pertinentibus, difficultates nodosq; , & ad peccandum tam multas apertas fenestras videremus. Quotus enim quisque nunc in hoc genere difficultatum ad Sacerdotes peritos recurrit? Ideo tot pactiones inique, tot contractus iniusti fiunt inter mercatores, & nobiles tot vsuræ passim: atque vtinam ab istis sint liberi vel illi qui in sortem Domini vocati sunt. Sciunt & intelligunt, qui sunt affines his lapsibus, quamuis nonnunquam dedignentur intelligere sua pericula: quia volunt peccare: & ne amittant commodū temporale, perdunt æternum in coelis, & peccatū

2. Ignoran-  
tia affeda-  
ta fugienda.

dupli.

duplicant. Talibus enim competit illud: *No-*  
*luit intelligere vt bene ageret.* Et addit Propheta  
*rationem: Iniquitatem meditatus est in cubili suo, a-*  
*stutit omni via non bonæ, malitiam autem non odit.*  
 Graphicè videtur mihi descripsisse huiusmo-  
 di homines. Meditantur, imò & loquuntur  
 iniquitatem, dum inter alia à Sacerdotibus &  
 Doctoribus, scrupulos tantùm generari non  
 necessarios, conscientias intricari; deniq; de  
 rebus quarum experientiam non habent, præ-  
 posterum ferri iudicium quærendo dictitant.  
 Quasi verò nemo verum, & iustum de vitiis  
 iudicium dare possit, nisi qui vitiosus vel sit,  
 vel fuerit. At si hæc ratio pondus haberet, eti-  
 am Dei & Christi ipsius, qui nullum vnquam  
 vitium committere potuit, omne de pecca-  
 tis iudicium vt inane abiciendum esset. O  
 mens humana misera, quæ dum ipsa cæcutit,  
 videntes cæcos esse autumat. Propterea etiam  
 dicitur, quòd *astiterunt omni via non bonæ.* Nam  
 dicat illis aliquis improbus consultor quippi-  
 am, quod commodum redoleat, quod volu-  
 ptatibus eorum, quod vanis honoribus veli-  
 ficetur; & si desunt illi rationes ad id appro-  
 bandum, adferat tantùm aliquot, veranè, an  
 ficta exempla, nil interest: & statim acquie-  
 scent, continuò adstant viæ non bonæ. Quia  
 malitiam non odiuerunt, veritatem autem &  
 eius patronos iam pridem animo detestati  
 sunt & contempserunt. Addunt insuper ex-  
 cusationes in peccatis. Enumerant tot iisdem  
 cooper-

*Psal: 35. 4*

3. Doctor  
item fugil-  
latio.

NOTA

4. Et exco-  
latio.

coopertos flagitiis, etiam è magnatibus. Quasi verò vel multitudo peccantium minuat, & non aggrauet potiùs peccatum, vel tumidos principes, stolidamq; eorum superbiam veretur Altissimus. Audi quid dicat Sapiens: *Potentes potenter tormenta patientur.* Addunt, vt se iustificent, etiam leges malè intellectas, quæ id permittere videntur, & fulminant contra illos, qui vt ipsi aiunt, extra sui officij orbitam in negotia Reipublicæ sese ingerunt. Denique posset quis argutulus obicere hic scriptum esse.

AD EVM, videlicet, ad Ioannem missos esse Sacerdotes & Leuitas. Vos verò, inquiet, contra ad Sacerdotes mitti oportere contenditis. Quid faciemus profanis sacratissimarum legum deformatioribus? qui etiam Ioannis Baptistæ, audebunt affectare prerogatiuam? Sed ne plus sapiant quàm oportet: duo dicemus, vt resipiscant, & viuant. Alterum etiam, Ioannem, tam magnum virum ad Christum suos misisse, vt ante octiduum in Euangelio lectum audiuius. Christum verò reliquisse in terra legatos suos, eosq; ita audiri precepisse, vt qui id præstare recusaret, eum pro ethnico & publicano haberi voluerit. Ex iisdè præterea nuntiis relictis dedisse vnum, quem optimè nominare possum LEGATVM NATVM. Quamprimum enim summus Pontifex per legitimam electionem & consecrationem creatur, statim Deus per illum ita nobis loquitur

5. LEGA-  
TVS N A-  
TVS con-  
sulendus.

Matt: 18.  
17.

quitur, ut dubia nostra tam in rebus fidei, quàm  
 morum absq; vlllo dissoluat errore. Ideo bene  
 legati nati honorifico titulo insigniri, & ad il-  
 lum magnis in rebus, & dubiis, recurri debet  
 à fidelibus. Quod si hæretici non credunt,  
 satis est quod credant quibuscum nunc ago  
 Catholici, prout maiores illorum crediderūt,  
 & quiq; vetustissimi Christiani gentis nostræ.  
 Nunquid, o Poloni mei, non habetis in ve-  
 stris sanctionibus, à summo Pontifice repro-  
 batos articulos non paucos Iuris Magdebur-  
 gensis, quo ciuitates vestræ vtuntur? Habe-  
 tis equidem, & optimè, ea quæ reprobata sunt,  
 reprobata ducitis. Atque vtinam idem in aliis  
 quoque facere velitis, & sacerdotalis oraculi  
 ductum sequeremini: securior certè consci-  
 entia & longè florentior patria nostra esset.

6. Ab illo  
 petèda le-  
 gum con-  
 firmatio.

At hoc est quod obiicitur; perstringiturq;  
 Sacerdotalis quædam velut indiscreta curiosi-  
 tas in negotia Reipub: sese ingerens. Imo ve-  
 rò zelus hic religiosus est, eorum, qui politi-  
 cos, non politicos, sed pseudo-politicos, &  
 Machiauellistas insectantur & stringunt, ne se  
 contra diuina iura commouere possint: Esto  
 malè habeat hæc diligentia malefanos, & de-  
 tractores: attamen quidni eos arguant, quos  
 Deus & Ecclesia, quos omnes pij & lumen  
 naturale, adeoq; ipsi etiam Philosophi Ethni-  
 ci, sola ratione duce insectantur, & è numero  
 bonorum ciuium explodunt? Id equidem  
 satis constat cuius, qui Platonis, Aristotelis,  
 V & alio-

7. pseudo-  
 politici ca-  
 uendi.

& aliorum præstantissimorum ac doctissimorum virorum Ethica & Politica scripta mente vigili reuoluunt. Peterem equidem ab hisce politicis viris sanè non raro doctis, & acutis, in oculis autem suis sapientissimis, vellemq; vt mihi pro sapientia sua responderent: An viro sapienti conueniat, vni vel alteri homuncioni, quorum vitæ ratio & doctrina, si ceteris etiam ethnicis conferatur, ne mediocri laude digna est, ita esse adlectum, vt deferantur innumerabiles viri sanctissimi, qui in toto orbe doctrinæ & pietatis laude summa floruerunt, & ethica & politica (nam politica sine ethica, est vt corpus sine anima, & putridum putridumq; cadauer) multa scriptis suis inferuerit, vt Gregorius Nazianzenus, vt Ambrosius, vt Gregorius magnus, vt alij; hos inquam & in eis iudicium totius Ecclesiæ deferere, & alios Dei cōscientiaq; suæ parum memores sequi, eistné viri sapientis, & recte iudicio vtentis? At ratio, inquis, contrarium suadet. Quæ ratio obsecro? Certè non è morali & vera Philosophia petita, sed è diabolica philotimia (vt eam Cicero vocat) id est ambitione, & honoris appetentia, non amore boni communis, sed insatiabili, siue per fis, siue per nefas dominandi libidine. Nunquid enim Machiauellus versipellis Principem suum Ilylo describēs non tyrannum boni Philosophi Aristotelis ad vinum depinxit? Tyrannum ergo vos ceruicibus Christianis imminentem, non Principem Christianum

§. NOTAN.

Quid sit  
politica sine  
ethica.

2. Diuina  
prouidentia  
laudanda.



anum formatis. O quàm bonus Israël Deus, qui contra venenum, quod aliquando Christiano nomine indignus sophista cruciaturus erat, prauidit etiam antidotum. penè ante bis mille annos. Ante tot enim annos floruit Aristoteles. Est ergo quod diuinæ ipsius bonitati gratias agatis, pro tanta gratia, & Ecclesiam matrem politici status, tam aperta pericula propulsantem audiatis, neq; iis qui vobis Christi, & sponsæ eius nomine veritatem hanc annuntiant, succenseatis aut detrahatis. Nunquid non audistis Deum, per Prophetam dicentem: *Clama ne cesses, quasi tuba exalta vocem tuam, & nuntiata populo meo scelera eorum?* Atqui tuba sunt hæc scelera, quæ & populum, & principes ducesq; populi ruina inuoluunt semper, quomodo igitur taceri debent? Nihil equidem est ab officio & munere nostro alienum, quod vestræ saluti est necessarium. Hæc vniuersæ dicta sufficiant, particularia quandoq; Christo volente, data occasione attingemus.

Quare, vt ad Ioannem redeamus, sicut Ioannes misit suos ad Christum Iesum tunc præsentem, vt ad supremum omnium controuersiarum iudicem, non misit verò illos ad Iudæos, iam deficientes: (Quis enim habens vinum *similitudo* nouum præstantissimum, feces alterius vini appetat? At hoc est illud *vinum nouum* quod Dominus Iesus *in vtres veteres* mittere noluit) *Mat. 9. 17.* Ita tu in rebus dubiis, mitte ad sacerdotes Iesu, qui

su, qui si ita res postulauerit, mittent ad summum sacrorum Antistitem, illum **LEGATVM NATVM**, quem nobis Christus Iesus pater misericordiarum reliquit sui loco, & insuper eius auctoritatem ad consummationem seculi integerrimè duraturam, sacrosancta promissione firmavit.

re. Doctrina, ad pios  
recurrendum.

**NOTA.**

Quod si adeò tibi placet hæc legatio Iudeorum ad Ioannem, etiam hinc poteris doctrinam haurire doctrinam. (& hoc est altissimum quod promissimus) Exempli gratia, est aliquid de tali & tali contractu, an sit usurarius, &c. huiusmodi sanctione, an sit verè, non ad utilitatem politiam conformis: denique de negotio quocunque aut beneficio, an cum aliis Ecclesiasticis prælaturis licitè haberi possit. Etiam si ecclesiasticus sis, considera Ioannem vitam & doctrinam tibi praluceantem. Considera, inquam, alios presbyteros vitam innocentiam præditos, de quibus mala fama etiam mentiri videretur, illustres bonis operibus, vitam verò, & maximè adulationem, quæ in talibus valde excæcat oculos, fugientes. Vide an docti sint, an zelum à Spiritu sancto instinctum habeant. Considera etiam hoc, idque maximè, ut Ioannis nomen pie intellectum illis quadret, quod Hebræum est, & Latinis significat, primum, gratiosum, gratia plenum. Vide igitur num illi, quorum captas consilia vera opinione sint tales, & tu eorum monitis exemplisque probis acquiesce. Denique tu ipse Ioannes esto, da operam per

nam per sacramentorum & bonorum operum  
studium, diuinæ gratiæ possessionem firmam  
tibi compares. Hoc enim si feceris, siq; tales  
confulueris, nec in aliquam commodorum  
tuorum partem, propendebis, sed purè &  
sincerè gloriæ Christi & saluti tuæ inten-  
tus eris: non dubito te agniturum veritatem,  
quam amplecti & exequi studebis. Absit au-  
tem, vt eos qui secus faciunt imiteris. Sunt  
enim quidam, prò dolor, qui tales quærunt  
consiliarios & confessarios, qui eis placentia  
dicant; quorum sententiã omnibus aliis præ-  
ferunt, quamuis non parùm à vero Christiano  
rigore abhorrentem. Et impletur in eis illud  
Saluatoris: *Cæcus autem si cæco ducatum præstet,*

*Cæcitas in  
tollerabi-  
lis.*

*Mat: 18. 26*  
*ambo in foueam cadunt.* Sed diutius in hoc loco  
moralis hæsimus, præter intentionem quidẽ,  
spero tamen non inutiliter. Nunc transeamus  
ad quæstionem, ab his Leuitis Ioanni, nomine  
suo & totius populi Iudaici propositam.  
TV QVIS ES? Non interrogant, cuius ef-  
fct; Bene enim nouerant Ioannem fuisse Eli-  
zabethæ sterilis, & Zachariæ sacerdotis nobi-  
lissimi *de vice Abia* filium: sed quærunt quis ef-  
fct officio, & maximè omnium, an ipse esset  
Messias. Dicit enim alter Euangelista: *Existi-*  
*mauit populo & cogitantibus omnibus in cordibus su-*  
*is de Ioanne, ne forte ipse esset Christus.* Hæc ergo  
omnium suspicio delata ad superiores, impu-  
lit eos vt hanc ad illum expedirent legationẽ.  
Videbant enim, vt dixi, & prophetias iam ex-

*Luc: 1. 5.*

*Luc: 3. 15.*

21. Sanctita-  
ti studen-  
dum.

pletas, & Ioannem magna sanctitatis fama præstantem. En quantum valet vitæ bonæ præfertim austeræ exemplum: plus certè quam centum ratiocinationes & argumenta. Huic igitur studeamus, Dei, proximi, & nostri causa; Deo enim nil gratius, proximo ad edificationem & multos Christo lucrandos nil efficacius, nobis verò nil ad coronam perennem vberius esse potest. Sed videamus quid Ioannes respondeat.

Quinq; Iu-  
dzorum in  
interrogatio-  
nes.

1. An Ioan-  
nes sit Chri-  
stus.

Ioan: 1. 3.

ET CONFESSVS EST ET NON NEGAVIT. Quamuis consueuerit phrasis Hebræa, quod affirmatiuè dixit, negatiuè iterum efferre, vt in eodem capite de Christo Deo dicitur: *Omnia per ipsam facta sunt, & sine ipso factum est nihil.* attamen non caret id mysterio. Non solum enim semel & iterum, sed etiam tertio dicitur.

Luc: 3. 16.

2. An sit  
Elias.

ET CONFESSVS EST QVIA NON SVM EGO CHRISTVS. Magna igitur attentio ex magna contentione excitari debet. Sed cur se negat Christum, cum hac de re interrogatus non fuerit? Volunt quidam fuisse interrogatum, ceterum non necessariò id consequitur. Nam & illi totius populi motus & cogitationes, quæ Ioannem non latuerunt, & tam magnifica legatio, quam hodie vidit, hoc ei tam clarè ob oculos ponebant, vt etiam non requisitus præpropere responsione occurreret. Quid vero ad hac nūtijs?

ET INTERROGAVERVNT EVM, QVID ERGO, ELIAS ES TV? Secundam addunt interrogationem. Causa nota omnibus, cur de Elia interrogant.

Sciebant

Sciebant enim & Eliam non esse mortuum, & Ioannem ipsius præ se ferre habitum, a mentis rationem; denique quod caput esset, non ignorabant quod scripsit Malachias: *Eccc Mis. 4. 5. nuntiam vobis Eliam Prophetam, antequam veniat dies Domini magnus & horribilis.* Sed illud non tantum, duplicem debuisse esse Messiae aduentum, humilem & sublimem, abiectum, & (ut hic dicitur) magnum ac horribilem. Et hæc fuit & est ad hanc horam, causa interitus Iudæorum. Ideirco hinc urgendi sunt, & declarandus est illis ex scriptura iste duplex aduentus, maxime verò primus ille humilis. Nam & Christus idem fecit, cum sedens in asello triumphauit, & Euangelista ex Propheta inde hunc primum aduentum probat. Iudæi vero tantum secundum imaginantur, neque talem qualis erit. Itaque respondet Ioannes Iudæis: *Non sum Elias.* quo responso conuincit hæreticos, qui mixto testimonio Christi malè intellecto, asserunt, & Eliam Thesbitem amplius non venturum, & Ioannem esse Eliam, quod hic ipse negat. Sed dices forte, ut superintendens quidam mihi respondit, dum illum urgerem quodam dicto Pauli, quod ei videbatur contrarium dicto Christi: Quid (inquit) vis tu, ut ego propter Paulum deferam Christum? Ita forte tu dices: vis ut propter Ioannem negantem, deferam Christum asserentem? Tales sunt hæreticorum solutiones, qui Apostolos & Ioannem, imò & Christum ipsum

*Cur Iudæi non conuertantur.*

*Zac. 9. 9.*

*Mat. 21. 5.*

*Quomodo neget Ioannes se esse Eliam.*



(quod faciunt Anabaptistæ) facile inducentur vt deferant, modò somnia capitum suorum defendant. Verùm in hac quæstione non solum Ioannes Christo, sed etiam Christus erit

*Mat: 17. 11* sibi contrarius, qui ab vno eodemq; Euangelista inducitur, nunc asserens iam venisse Eliam, nunc venturum esse & restitutum omnia. Verùm nodum istum ipse Angelus Domini dissoluit, loquens de Ioanne ad Zachariam :

*Luc: 1. 17.* *Ipse præcedet ante illum in spiritu & virtute Elie.* Ioannes igitur in spiritu Elias erat, in persona Elias non erat, vt breuiter & pulchrè D. Gregorius & alij sancti Patres differunt. sed maiorem habet difficultatem quod sequitur.

Quærent  
an Ioannes  
sit Prophe-  
ta.

*Luc: 1. 17.*

*Mat: 11. 9.*

Cur id ne-  
get.

PROPHETA ES TV? interrogant Sacerdotes Ioannem tertio. ET RESPONDIT, NON. At pater talem illum futurum prædixit aiens; *Et tu puer Prophetæ altissimi vocaberis*, & Christus Dominus; *Etiam dico vobis*, videlicet quòd est Prophetæ & plusquam Prophetæ. Sed huius quasi contradictionis duplex datur solutio. Altera, Ioannē ideo negasse se esse Prophetam, quia erat plusquam Prophetæ, è Christi testimonio, quod alias à nobis declaratum est. Altera, Ioannem è mente Iudæorum interrogantium, negasse se esse talem Prophetam, qualem ipsi augurabantur, videlicet vnum ex antiquis Prophetis, præsertim Elisæum, qui perinde olim circa Iordanem versabatur, aut illum Prophetam prædictum à Moysè: *Prophetam de gentibus & de fratribus tuis sicut me suscitabit tibi Dominus*

Quomodo  
sit & nō sit  
Propheta  
Ioannes.

*Deut: 18.*

15.

minus

*minus Deus tuus, ipsum audies.* Et hoc secundum est conformius, tum responso Ioannis, qui nō se attollere plusquam Prophetæ titulo, sed deicere potius voluit in omnibus: tum textui ipso. Nam in interrogatione Iudæorum, PROPHETA ES TV, additur in Græco articulus, illum magni momenti Prophetam eximium insinuans. Quomodo verò Iudæi poterant cogitare Ioannem vel fuisse Eliseum, quem tamen sciebant mortuum, vel illum Prophetam Deuteronomico testimonio promissum, cum non ignorarent, illud de Messia dici (& sic in primam incidissent interrogationem;) Respondeo cum D. Hieronymo, non esse nostrum omnium errorum causas texere. Poterant enim pro libertate opinandi sentire, vel Eliseum resurrexisse, qui etiam post mortem alios suscitabat, vel illum Prophetam in Deut: alium futurum à Messia. Auditis igitur Sacerdotes illi & Levitæ hisce responsis, pertæsi tot negationum Ioannis.

DIXERVNT EI, QVIS ES? affirma aliquid. Et ne curiositatis arguantur, addunt: VT RESPONSVM DEMVS HIS, QVI MISERVNT NOS. QVID DICIS DE TEIPSO? Iam fortius illum interrogationibus urgēt, nec habet textus quicquam literalis difficultatis; iure etenim id à Ioanne exigebant. Sed nos habemus hic non contemnendam ad mores pertinentem considerationem. Rogo enim à vobis, mihi in Christo charissimis, vt ad normam illi aspro-

4. Quis sit tandem.

NOTA.  
Moralem doctrinam

## Dominica III. Aduentus,

Ne super-  
bias ideo-  
que punia-  
ris.Vt Nabu-  
chodonosor.

Dan: 4. 26

phetici solitarij sedentis & tacentis & leuantis  
se super se, ponderetis verba ista, & dicatis in  
corde vestro: QVID DICIS DE TEMPO? quibus  
nam è rebus affectas gloriam, ô anima & lin-  
gua mea, coram Deo, coram hominibus, co-  
ram tempore? Credite mihi, si sincerè, si diligen-  
ter, si animo recto, & vero emendandi propo-  
sito latentes conscientie nostræ recessus scruta-  
toremur, videremus sanè miserabilem com-  
miserationem, & indignam vanitatem inopi-  
amq; nostram: nec facilè nobis nostri igno-  
ratio imponeret. Hæc salutaris consideratio  
omnibus ordinibus, personisq; pernecessaria  
est. Maximè vero illis, qui cum aliis versan-  
tur, & quo plus sunt talibus intenti: eò magis  
propendent ad ruinam. Quoties enim ex ore  
incautorum egreditur illud: Ego, ego? vanæ  
superbiæ indicium. Ego hoc feci, ego istud  
dixi; ego tale consilium dedi. Hinc contem-  
ptus aliorum, amor sui, obliuio Dei, hinc tot  
lapsus linguæ, quibus nostra exaggeramus, a-  
liena deprimimus, hinc adulationes infinitæ,  
& nobis & aliis factæ, hinc gloria, tumor,  
complacentia, piis omnibus, Angelis, & ipsi  
Deo odibiles, quæ omnia æquus ultor DEVS  
grauiter punit, etiam in magnis personis. Na-  
buchodonosor Rex & monarcha maximus,  
in aula Babylonis deambulans cœpit se ma-  
gnificè circumspectando dicere: Nonne hæc est  
Babylon magna quam ego edificavi in domum regni,  
in robore fortitudinis meæ, & in gloria decorus mei?

Quid

Quid ex hac complacentia & gloriatione illi euenit? Subdit Propheta: *Cumq; sermo adhuc esset in ore Regis, vox de caelo ait: Non dicatur Nabuchodonosor Rex; Regnum tuum transiit a te, & ab hominibus euertent te, & cum bestis & feris erit habitatio tua, sicut quasi bos comedas, & septem tempora ambulabuntur super te. Neq; mora; Eadem hora sermo completus est super Nabuchodonosor.*

Obstupescimus inflictam pro re tam parua, ut nobis videtur, tam ingentem pœnam. Rex regno spoliatus, per omnia bestiae similis, per septem annos, non alio cibo quàm fœno tanquam bos cum bestiis vsus. Huic non dissimile, quanquam horrendum magis Christus

Vt dices in  
Euangelio

Dominus narrat de quodam diuite, dicente animæ suæ: *Animam habes multa bona, posita in an-*

Luc: 12. 22

*nos plurimos, requiesce, comede, bibe, epulare.* Hac fuit illius in corde tantum soli Deo nota gloriatione. Quis verò effectus? Subdit Christus;

*Dixit autem illi Deus: Stulte, hac nocte animam tuam repetunt à te, quæ autem paraasti cuius erunt? Nec minus terrificum de Herode rege, qui vestitus*

Vt Herodes.

*veste regia, sedit pro tribunali, & conuocabatur ad eos, Tyrios videlicet, & Sidonios, & immoderatiùs laudes & facta sua ingerebat. Populus autem acclamabat: Dei voces & non hominis. Quid inde? Narrat D. Lucas: Confestim autem percussit eum Angelus Domini eo quod non dedisset honorem Deo, & consumptus a veribus expirauit.*

Act: 12. 24

Audistis loquentes de seipsis? Intellexistis pœnas quibus puniti sunt; qui id inordinate

Quomodo  
a nobis co-

fecer-

tiam peiora  
fiant.

**NOTA.**  
Gloriationes de peccatis.

fecerunt. Quid vobis videtur, de vobismet-  
ipsis? inueniturné tale quid inter nos, vel etiam  
intra nos? Absit, inquires, nam illi reges  
honore priuabant Deum, quod vtique nemo  
nostrum attentat. Quid si ostendero multò  
atrociora etiam, à multis fieri, quàm sunt ista?  
Nunquid nō digna erunt acerrima pœnitentia?  
Conferte enim, quæso, glorationes vestras  
cum glorationibus istorum, facta vestra  
cum factis horum. Esto, Nabuchodonosor &  
Herodes, non dederint honorem Deo, at nos  
insuper nouam ingerimus Deo cōtumeliam.  
Illi gloriabantur de vanitatibus quibusdam;  
nos haud rarò de peccatis, contra Deum commissis.  
Quid horum deterius ac rationi Deoq;  
magis contrarium? An factum negabimus?  
Nimis publicæ & sonore sunt illę voces gloriantium  
de inimicis vindicatis, pulsatis, caesis,  
de circumuentis & fraude deceptis, rerum  
variarum nundinatoribus. Nimis peruulgatā  
& quotidiana est illa iactantia, de conuiuiis,  
comestitionibus, ebrietatibus, de tot ad æquales  
hantibus adactis comitibus, & potu nimio  
ita tractatis, ut vix aliquis fuerit, cuius mens  
aut pes, officio suo fungi potuerit. Quid dicam  
de turpitudine, de lasciuiā, quam solutissimi  
passim potissimum sermonum & glorationum  
suarum materiam habet? O Christiani,  
Christiano dūtaxat nomine dealbati, quia  
plusquam cælum à terra ab hac insigni vita  
veltra abest professione! Quæ maior ignominia  
Christi-



nia Christo, quàm cùm ita vivitur, vt Ethnicos etiam superet malitia? quando neq; ratione ab hac amentia, neq; tot castigationibus tam acerbis, & tantorum regum exemplo denuntiatis, neq; vlla alia re à scelere tanto terremini? Dolebitis & ingemetis aliquando, sed vti nam non serò. Resipiscite nunc potiùs, per salutem vestram vos obsecro, & non ad vestrum interitum, sed ad bonum vsurpet quisq; verba ista. Quid dicam de meipso? Non gloriabor de vitiis vel vanitatibus: sed pudore suffundar de maxima mea in quoduis scelus procluitate, de bonorum operum inopia, de tot admissis malis, quorum conscia mens assiduè me lacerat, neq; tamen ad ea puniendâ, vt deberet assurgit. Hæc facite obsecro, cùm aliàs, tum eundo cubitum quotidie, nec reges in stulta gloriatione, sed Ioannem in humilitatè imitamini, dicentem.

EGO VOX CLAMANTIS IN DESERTO, DIRIGITE VIAM DOMINI, SICVT DICIT ISAIAS PROPHETA. Magnæ & admirandæ doctrinæ: sed circumsepti hac temporis breuitate differemus ad octiduum, vbi eadem ferè verba repetentur. Nunc reliqua videamus.

ET QUI MISSI ERANT, ERANT EX PHARISÆIS. Hucuique vinum, licèt non omnino merum: nunc sequitur sax turbida cum Phariseorum mentione. Isti enim sectarij erant, sicut & Sadducaei, quamuis non tam absurdi, vt isti. Erant enim paulò doctiores, ideo

ET IN-

Iudicium  
fugiendum.

ET INTERROGAVERUNT EVM; secundum quosdam Patres & doctores, bono, secundum alios, malo animo. scilicet quis nouit cor hominis, nisi ipse Deus qui finxit illud? Proinde à talibus abstinendum censeo, ne in temerarium incidamus iudicium. Non dico de hoc facto Phariseorum, sed aliorum fratrum, quorum saepe corda ex coniecturis leuissimis iudicamus. Interrogauerunt ergo Ioannem, quintum iam videlicet:

§. Interrogant eum baptizet.

Mat. 7. 4.

QUID ERGO BAPTIZAS? scilicet nouum quid baptisimus illis videtur, qui non solum seipsum toties lauabant, sed etiam *baptismata calicem, & uiciorum, & arumentorum, & lectorum* seruabāt. Sed fortè ideo nouum, quia homines baptisabat Ioannes, idcirco addunt:

SITV NON ES CHRISTVS, NEQVE ELIAS, NEQVE PROPHETA? unde hoc habuerint, vel Christum baptizaturum, vel Eliam aut Prophetas homines baptizasse, nescio: nec diuinæ literæ produnt. Fortè acceperant id ex traditione & doctrina Rabbiorum suorum, nec falsi sunt in Christo.

RESPONDIT EIS IOANNES, dans differentiam inter suum & Christi baptismum.

Ioan. 3. 26

Differentia inter baptismum Ioannis & Christi, contra Caluinum.

EGO BAPTIZO IN AQUA. Ergo Christus non in aqua baptizare debuit? Imò baptizabat omnino in aqua, ut etiam Ioannis discipuli eo nomine questi sunt. Non negat itaq; Ioannes Christum in aqua baptizaturum, sed negat eundem ipsius & Christi esse baptismum, quod

quod nihilominus asserit, & Euāgelicus Christianus cenferi vult Calvinus, aliq; Quanta impudentia, sed iam satis confutata. Nos in gratiam lectoris, per uisennam aliquot differentias attingemus, inter Christi & Ioannis baptisma. Prima sit, quia Ioannis erat tantum in aqua: Christi *in aqua & Spiritu sancto*, ut ipse Ioannes testatur. Secunda Ioannis fuit in Christum venturum, ut D. Paulus insinuat; Christi, *in nomine Patris, & Filij, & Spiritus sancti*, ut ipse praecepit. Tertia, Ioannis fuit in signum poenitentiae; ideo *Baptismus poenitentiae* ubiq; nuncupatur, quia signum fuit, eos qui illo tingebantur velle facere poenitentiam. Christi verò non item, sed potius *lauacrum regenerationis & renouationis* dicitur: quod dabit & dat gratiam. Quarta, baptismus Ioannis, non dabit remissionem peccatorum, sed tantum preparabat ad eam, ut bene Chrysostomus docet; at Christi dabit, ut Apostolus testatur dicens: *Saluos nos fecit per lauacrum regenerationis*: aduerte particulam *PER*, quia verè per baptismum Christi datur remissio peccatorum, gratia, & salus. Exultet pia mens Catholicorum in verbo isto. Insuper, qui Ioannis Baptismate erant baptizati, iterum baptizantur, iubente Paulo; Christi autem baptisma nunquā repetitum leges. Denique, Ioannis cessauit, Christi perenne est. Audiamus porro Ioannem pergentem.

MEDIVS AVTEM VESTRI STETIT. Non fugit in deser.

desertum vt ego, vobiscum versatur, communem agit vitam, vt vos lucrifaciat & Deo & sibi, quia ipse quoq; est Deus de Deo, sed quia nullo tantæ suæ curæ precio; Ideo sequitur:

Cur Iudæi  
ignorabāt  
Christum.

QVEM VOS NESCITIS. Quare? Quia scire non vultis, quia sole splendente lumina clauditis, quia tenebras peccatorum iudicij & amoris propriij diligitis: propterea quem omni affectu excipere & amare debuistis, contemnitis. O quam pulchræ sunt hic doctrinæ ad correctionem vitæ nostræ, sed ad alia properandum est.

Quomodo  
Christus ante  
Ioannē.

IPSE EST QVI POST ME VENTVRVS EST. Sex videlicet mensibus tantum, quot nempe Iesus post Ioannem conceptus & natus est, vterq; autem anno ætatis suæ trigésimo prædicare cepit, quia hæc ætas muneri tanto fuit idonea. Pergit Ioannes encomiasten Christi Dei agere.

QVI ANTE ME FACTVS EST. non tempore, sed conditione mihi præstans intervallo infinito. Nam si ad tempus id retulisset, nihil magnopere in laudem Christi dixisset. Quot enim sunt iuniores qui senioribus excellunt? Certè ipse Ioannes patri suo multum præeminebat, licet tempore multò ei esset posterior. Volens igitur Ioannes laudibus extollere Christum, testatur tantopere sibi fuisse prælatum, vt dicat:

CVIVS EGO NON SVM DIGNVS, VT SOLVAM EIVS  
CORRIGIAM CALCEAMENTI. minimo se eius  
obsequio indignum iudicat. Magna planè  
humi-

humilitas magni materia sermonis. Postrema sequitur pars Euangelij, in qua describitur nobis ubi hæc acta fuerint.

HÆC IN BETHANIA FACTA SVNT TRANS IORDANEM. Bethania.  
 Video modernis Doctoribus placere, esse vitium scriptorum, & pro Bethania Bethabara esse ponendum, quia ad illud oppidum Ioannes versabatur; nec aliam video apud eos rationem, cur antiquos non sequantur, qui dicunt duas fuisse Bethanias: vnam propè Hierusalem, ubi Lazarus fuit resuscitatus, alteram istam; nisi quia antiqui, inquiunt, afferunt quidem duas fuisse, sed non probant. At meo iudicio non parùm habet probationis, vel nuda maiorum testificatio, & tam in Græco quàm in Syriaco sermone Bethaniæ vox expressa. Imò hic etiam non absq; causa additum videtur, *trans Iordanem*, ad differentiam videlicet alterius Bethaniæ propè Hierusalem. Ideo vel antiquorum opinio sequenda erit, vel præceptoris mei, qui suspicatur [*v. Eman: Sa.*  
 troque nomine locum vocatum.] Nam hoc in scriptura non est insolens, ut D. Hieronymus testatur. *D. Hiero: epist: 17. ad Marcel.* Quia tria ponit vnus loci nomina [Iebus, Salem, & Hierusalem] neq; id abhorret à mysterio. Concluditur Euangelium.

VBI ERAT IOANNES BAPTISANS. Ioan: ex: plo occasio bene agendi querenda.  
 Quia ibi opportunus traiectus per Iordanem, magnum hominum hinc & inde concurrentium suppeditabat numerum. Docuit nos, ut A simili.  
 sicut mercatores ad vendendas merces terrenas &



nas & temporarias aucupantur, & magno redimunt loci commoditatem; ita qui spirituales sempiternasq; merces distrahere cupiunt, vbi maior est hominum concursus, ibidem ad maiora lucra animarum se accingāt. Quod etiam ipse Saluator fecit in ciuitate maritima & populosa Galileæ Capharnaum diutius cōuerſando, propterea Capharnaum vocatur,

*Mat: 9. 1. Ciuitas ſua.*

**CONCL.** Hæc de toto Euangelio dicta ſufficiant, reſtit vt quod in principio promiſimus, in con-  
 Summam habens di-  
 ctorum, &  
 ſpē erigēs.  
 Per ſpem  
 autem dū  
 pugnam.  
*1. Theſſ. 5. 8*

ſtit vt quod in principio promiſimus, in con-  
 cluſione præſtemus; & ex dictis ſpem veram  
 viuamque in nobis excitemus: qua inter alia  
 hoſtibus noſtris eſſe ſuperiores ſolemus. Ita  
 enim inquit Apoſtolus: *Induti loricaſ fidei &*  
*charitatis, & galeam ſpem ſalutis.* In pugna au-  
 tem tria requiruntur. Primò vt hoſtiles nos  
 incurſus non lateant: deinde vt aptis armis cō-  
 tra eos muniamur: poſtremò vt victoriam re-  
 feramus. Iſta tria docent nos hæ tres Euange-  
 lii partes. Hoſtem enim latentem detegit no-  
 bis prudentia; quo pacto ſit reſiſtendum, do-  
 cet pietas & religio; obedientia demum ſum-  
 mam ex eo reportat victoriam. Quæ omnia  
 & ſpem viuam in nobis excitant, & ſpes ſuo  
 modo omnia iſta in ſe complectitur. Prudentia  
 tali in nobis ſe prodet indicio, ſi in rebus  
 tam fidei, quàm morum, neq; affectibus, ne-  
 que iudicio noſtro regamur. Scitum enim,  
 & vt verum, ita mirandum ſanè eſt dictum il-  
 lud: Prudentis eſſe prudentiæ ſuæ minimè fi-  
 dere,

dere. Ideo Sapiens monet: *Ne imitaris prudentie tue.* Proinde ad illos nobis recurrendū erit, qui nec volunt, nec possunt nobiscum astu & deceptione agere. quod beneficium Catholica tantū congregatio agnoscit, habet, amplectitur. Cuius rei duplicem hic fontem aperuimus; alterum inferiorem, qui in recurſu ad viros pios, religiosos, sanctos, doctosq; consistit, qui cū sint eruditi, non facile possunt falli: cū verò sint boni, omnino fallere renunt; alterum altiore, in quo ad superiores, & si opus est ad supremum confugimus Iudicem, cui id privilegij dedit Christus in gratiam dilectæ sponſæ suæ, vt nec possit, nec velit nos in errorem inducere. Hac igitur ratione beneficio prudentiæ, quæ virtus est intellectualis, ideoque cognoscitiua, hostem & eius fraudes optimè deprehendemus. Porro illi resistere adnitetur religio, cuius hîc aliquot habuimus documenta. Primū, vt maioris sit apud nos Catholicæ religionis, quàm pseudo-polyticorū iudicium. Alterum vt diligēter & religiosè perquiramus à nobis, Quid dicis de teipso? Religiosè inquam, non glorioſè; eorum enim qui secūs fecerunt, exempla & pœnas grauissimas sanè audisti; diligenter verò vt nostra omnia tum dicta, tum facta atq; adeò etiam cogitata, ad calculum quotidie reuocemus, & pœnitentia sancta castigemus. Ita videlicet resistemus diabolo & fugiet à nobis; ita caput nostrum optima galea spei

*Prov. 9. 12.*

2. Per religionem illi resistimus.

*Iaco: 4. 7.*

*1. Thes. 5. 8.*

3. Per obedientiam vincimus. salutaris muniemus, unde sequetur optata, cuius typum in fine Euangelij habuimus, victoria. Quid enim BETHANIA sonat, quam domum obedientiæ? Hoc & ipsa Bethabara significat, quæ domum transitus designat. In domo enim transitus, in peregrinatione sumus, dilectissimi mei; Iordanis quidam fluvius, iudicii diuini, rapidissimo non absimilis torrenti, transiendus nobis est; obedientiæ igitur studeamus, obedientiæ operam demus, in domo obedientiæ hæc omnia exequamur, alias frustra labor cedit, nisi ex charitate fluēs accesserit obedientia. Nam teste Sapiente :

**Pro: 21. 38** *Vir obediens loquitur victoriam, quam nobis  
tribuat Christus Iesus Dominus no-  
ster, qui est benedictus in se-  
cula. AMEN.*

CONCIO QVARTA.  
Charitas.

*Medius autem vestrum sletit, quem  
vos nescitis.*

*Gen:1. 27.*

Imago Dei  
in charita-  
te.  
*Gen. 1. 27.*

**A**rbitor equidē illud quod in princi-  
pio Genes. dicitur: *Creavit Deus ho-*  
*minē ad imaginem et similitudinem suam,*  
*ad imaginem Dei creavit illum: imaginem hanc*  
*non solum de anima, quoad naturalia dona,*  
*ut rectē sancti Patres volunt, sed etiam quoad*  
*super-*

supernaturalia, id est, quoad charitatem & gratiam (qua primi nostri parentes in creatione præditi erant, ideoq; vtramq; imaginem in se gerebant) intelligi posse. Imò ni fallor, imago Dei, in charitate, qua soli iusti dotati & ornati sunt, excellentiùs quàm in animæ potentiis, quibus nullus homo carere potest, lucere & effingi videtur. Si enim animus noster respectu corporis tantæ est eminentiæ; quantæ dignitatis erit anima, & quasi vita animi ipsius, eidem animo nostro comparata? Similitudinem hanc & imaginem, vt est in natura humana, alias declarauimus: nunc, quoniam modo eadem in charitate fulgeat, quantum exordij patitur breuitas, paucis accipite. fide Catholica credimus & profitemur Deum præpotentem, si in eo spectes quæ absoluta sunt, vnum, si verò terminos & id quod est respectuum consideres, trinum esse, id est, vnum (vt dicere solemus) in natura & essentia, trinū verò in personis; quæ tamen tres personæ, ita in diuinitate sibi vnitæ sunt, vt vna nec esse sine relatione ad alteram, nec nominari queat. Simili igitur quodammodo ratione, amor diuinus qui in piis reperitur; si naturam eius intuearis, vna virtus est, vnus est, vna gratia, vna

*Charitas Dei diffusa in cordibus nostris: sin verò terminos, ad quos charitas refertur, aspicias, triplex omnino reperietur, Dei, sui ipsius, & proximi, quæ nihilominus ita coherent sibi, vt vnum sine alio esse non possit: & si quid ex*

*Rom: 5. 5.*

illis auferas, charitas tota ruat necesse est. Hæc igitur ratione imago Dei in vna elucet charitate. Itaq; cùm duabus præteritis Dominicis, bina concione, de charitate Dei & proximi egerimus: ordinis ratio postulat, vt de tertia quoq; differamus, nempe de amore sui, secundum Deum rectamq; rationem ordinato. Nā si ordinatus non erit, neque charitas erit, sed plane contrarius charitati, amor ille sui, qui summopere est fugiendus. Vtrumq; tangi videmus in themate proposito. Cùm enim Iohannes Baptista de Christo inquit: **MEDIVS AVTEM VESTRVM STETIT.** Inprimis illū amorem sui bonum, & sedē ipsius in nobis insinuat. Cùm verò addit: **QVEM VOS NESCITIS;** alterum amorem sui improbum subindicat. Non alia enim de causa Iudæi Christum nesciuerunt, nisi quia hoc impotenti sui amore pleni erant.

**PROPOS:**

Quadrime-  
bris.

Quare ne in nobis idem, quod absit, figat radices, & vt tertium Christi aduentum, qui est in nos explicemus, in hac concione considerabimus. Primò, quis sit amor sui bonus, per quem demoratur in nobis Christus; & quis malus, sedem præparans inimico Christi. Deinde, quænam sit illa velut sedes animi, in qua Christus adeò libenter conquiescit in nobis. Præterea, quomodo hæc sedes sit præparanda, & in quo amor sui bonus maximè consistat. Postremò, quid inde emolumēti in nos derivari possit. Da tu immensa & increata Trinitas vnus Deus, vt hæc ternaria veræ charitatis essen-



essetia per te instauretur & pñciatur in nobis.

Vt quæ proposuimus intelligantur commodius, & instituto nostro quadrent melius, explicanda nobis est inprimis prolata sententia in themate, quoad literalem & spirituales sensum. Et quidem quod ad literalem attinet, is clarus est. Arguit enim Ioānes Iudæos, quod cum Christus Messias, Dei filius assumpta in se natura humana, visibiliter inter eos steterit, ipsi tamē eum nesciant, nec agnoscere velint. Iuxta scēsum verò spirituale, possum⁹ hic quatuor cōbinationes ponderare, in quibus, quot quot Christiano censentur nomine, reperiri necesse est. Primò etenim sunt aliqui in quorum medio stat Christus, id est, sunt in gratia & charitate ipsius, sed hoc ipsi nesciunt. Tales sunt omnes penē pij & iusti Catholici, in quibus quamuis habitet Christus, tamen latere eos tantum suum thesaurum voluit, propter eas quas iam copiose recensuimus causas, & ob recondita iudicia ipsius. Addidi, penē omnes iustos, in hoc reperiri ordine, quia fuerunt, suntq; aliqui secundi ordinis, in quorum medio stat Christus, ipsis hoc scientibus & agnoscentibus. Quod quidem probabiliter sciunt non pauci, (vt in quadam concione discernimus) at paucissimi qui certò id norint, præsertim multo tempore ante mortem. In morte tamen vel paulò ante, reperiuntur etiam nunc aliqui, quibus id pro sua misericordia, quando vult, Deus crebrius manifestat.

## I. MEMB.

Amor sui  
bonus malus  
cuius.

Explicatio  
thematis.

Quatuor  
hominum  
ordines.

## 1. Bonus.

## 2. Melior.

Dō: 2. Ad.

Conc: 3.

**3. Pessimus.** Tertium genus est illorum, in quorum medio non est Christus, ipsi verò putant omnino esse: tales sunt præter hæreticos omnes (quos nunc missos faciamus) non pauci gelidi Catholici, qui dum non sunt sibi conscij blasphemix, homicidij, adulterij, latrocinij, & aliorum grauissimorum scelerum, licet sint pleni detractionum, turpiloquij, ebrietatis, perniciosæ adulationis, & similium, arbitrantur se esse iustos, imò etiam in publicis confessibus, & in conuiuiis eo nomine se iactant dicuntque: *Quid ego peccaui? neminem certè occidi, nihil furatus sum, adulterium non commisi. &c.* Quasi verò hæc sola essent peccata lethalia. Contra tales lamentatur

**Apo: 3. 16.** Deus in Apocalypsi dicens: *Quia tepidus es, & nec frigidus, nec calidus, incipiam te euomere ex ore meo.* Valde odiosus est hic tepor Deo, vt nauseam prouocet. Estq; hoc genus hominum, in pessimo statu; quia morbus qui non agnoscitur, difficulter curatur.

**4. Malus.** Postremum genus est eorum, in quorū medio nec est Christus, nec ipsi id ignorant. Quia in peccato mortali perseverant, neq; sese inde extricare ad penitentiam volunt. Ex his quatuor ordinibus, **Vbi amor sui bonus.** duo priores continent in se amorem sui bonum, per quem sanctificant & vniunt Deo animam suam; & si in eo perseverauerint, in æternum ab eo non diuellentur in Hierusalē cœlesti. **Vbi malus.** Contra verò, quos in vltimis posui classibus, hi amore sui inordinato & pessimo vitiati

vitiati sunt, & æternam fabricant perditionem animæ suæ, si sic permanserint.

Posse autem imò debere reperiri amorem sui bonū clarum est, & in ipso præcepto charitatis, & ex dicto Christi. Quando etenim iubemur diligere proximum sicut nosmetipsos, profectò iubemur & nos diligere. Absit autem vel cogitare, Deum præcepisse amorem proximi inordinatum; Necessariò igitur consequitur, amorem nostri, cuius instar proximū amare debemus, ordinatum ac perinde bonum esse oportere: & hæc est charitas. Charitas enim nihil aliud est, quàm amor ordinatus. Et eundem commendat nobis Christus, cū inquit: *Quid enim prodest homini si mundum vniuersum lucretur, animæ verò suæ detrimentum patiatur? Aut quam dabit homo conutationem pro anima sua?* Amare igitur quilibet debet animā suam, ideoq; & seipsum; atq; ita amare eam tenemur, vt vniuersi potius orbis, quàm animæ detrimentum adeamus. Quod à contrario sensu expressisse mihi videtur Dauid cū inquit: *Qui autem diligit iniquitatem, odit animā suam.* Idcirco qui odio prosequitur iniquitatem, amat necessariò animam suam: amore scilicet ordinato, bono, sancto.

De amore verò sui peruerso, non est quod adferantur testimonia scripturæ sacræ, cū eò tendat vniuersa, vt hunc amorem stirpitus è nostris euellat mentibus & cordibus. Hic enim est fons omnium peccatorum teste Apo-

Esse amorē  
sui bonum  
probat.

1. Ex præce-  
pto diuino  
*Matt: 19.*  
19.

2. Ex dicto  
Christi.  
*Matt: 16.*  
26.

3. Ex Dau-  
de.  
*Pf: 10. 6.*

Esse etiam  
peruersum  
probat.  
1. Ex tota  
scriptura.

2. Ex D. stolo, qui cū dixisset: *Erunt homines scipsos a-*  
 Paulo. *males*, inordinato videlicet amore, recenset  
 Et esse pe- *quid inde mali consequatur, cupidi, elati, superbi,*  
 sinum. *2. Tim: 3. 2 blasphemi, parentibus non obedientes, ingrati, sceler-*  
*sti, &c. Quāta improbitas, vnde talia mala sea-*

Sæpeq; lar- turiunt? Et quod peius est, latet is nonnun-  
 uatum in- quam amor sui malus, & sub specie boni irre-  
 cedere. pit, sicut & amor proximi inordinatus, sub lar-  
 Tam respe- ua charitatis proximi. Bonum est velle con-  
 ctu nostri. seruare corpus suum: at quot sunt qui sub hac  
 specie tradūt sese delicijs, epulis, ebrietatibus,  
 ne quid grauius dicam? Pari ratione sub præ-  
 textu tuendæ dignitatis & honoris ad maio-  
 rem Christi gloriam, quā multi vindictam  
 propriam moluntur, quā multi detractio-  
 ne laborant, æmulantur, detrahunt alijs, re-  
 busq; minimis offenduntur, licet maioribus  
 ipsi alios afficiant iniurijs? quæ tamen sicut  
 non agnoscuntur cū à nobis alijs fiunt, ita  
 cū alijs eas inferunt, nimis morose & impla-  
 cabiliter æstimantur. Et hæc omnia facit a-  
 mor sui inordinatus.

Quā te-  
 spectu pro-  
 ximi dupli-  
 citer.

Quod & in amore proximi vsu venit.  
 Quot enim sunt, qui sub specie boni amo-  
 ris proximi, tot malorum patroni sunt &  
 fautores? & permittendo peccata quæ im-  
 pedire tenentur, & ipsi patrando quæ mini-  
 mē deberent. Hinc illæ voces: proximo con-  
 descendendum esse, & in gratiam eius, ali-  
 quid faciendum. Fas equidem est bona fa-  
 cere: sed nefas est hac veluti larua obtegere sua

errata,

errata, cùm dicat Apostolus : *Si adhuc hominibus placerem, Christi servus non essem.* O quàm id esset nunc necessarium, quando adulatio & hypocrisis inundarunt. Audite quomodo de vtroque amore inordinato idem conqueritur. De sui quidem, cum inquit : *Omnes que sua sunt querunt, non que sunt Iesu Christi.* O Paule, si id iam tum temporis fuit, quando adhuc sanguis Christi nuper effusus feruebat bulliebatq; , & quando primitiæ Spiritus vigeant, quid putas nobiscum agi, qui in fines eorum seculorum devenimus, de quibus dixit Saluator, *quoniam abundavit iniquitas, refrigescet charitas multorum ?* De amore verò proximi inordinato, illud bene accipitur : *Sic stulti estis, ut cum spiritum acceperitis, nunc carne consumemini ?* Sub pretextu enim spiritualis amoris proximi, in carnalem sepius sit prolapsio.

Discernendus igitur est prudenter & caute, diligenter cùm proximi, tum verò sui amor inordinatus. Quam cautelam docet nos ille Psalmi locus : *In circuitu impij ambulant.* Videtur enim similitudinem accepisse David à cane, vel bestia alia catena ad palum alligatis, qui & in circenitu semper ambulant, & quicquid intra sphaeram suam reperiunt, omnia ad se trahunt, lacerant, comminuunt : ita omnes amore inordinato laborantes, quicquid faciunt, loquuntur, cogitant, omnia propter se ipsos faciunt, omnia in suam deriuant utilitatem. Examina te diligenter, qui laboras hoc vitio,

Offenduntur hac ex Apostolo.

Gal: 1. 12.

Phil: 2. 21.

Matt: 24. 12.

Gal: 3. 3.

Quomodo cognoscenda amor inordinatus.

Pf: 11. 2. A simili.



*Cavebis vitio, & ita se rem habere videbis. Cavebis illum per odium sui autem, si tum eorum quæ iam dicta sunt in- & proximi, commodorum ac peccatorum; tum quæ hæc*

*Luc: 14: 25.*

*Non tamē Dei.*

*Aug: lib: 3: Conf: c: 1. & alibi sæpē.*

consequentur pœnarum; tum doctrinæ Christi observatu certè dignissimæ, memor eris. Christus enim auocare nos cupiens ab hac inordinata tam nostri, quàm proximi dilectione, non solum ut fugiamus eam præcipit, sed etiam ut odio nosmetipsos & proximos hoc nomine habeamus, seriò & cum magna comminatione mandat dicens: *Si quis venit ad me, & non odit patrem suum & matrem, adhuc autem & animam suam, non potest meus esse discipulus.* Hæc in praxim reducamus, obsecro, & sancto exardeamus in nos odio. Hoc enim odium, amorem Dei in nobis, & tam nostri quàm proximi veram charitatem procreat. Nam ut dictum est, nunquam amores isti boni à se auxili sunt; vel enim omnes habeas necesse est, vel omnino nullum. Id nihilominus inter Dei & alios amores interesse videtur, quod nunquam in scriptura legatur, nos odio debere habere Deum: at non solum legitur, sed etiam iubetur, odium & sui & proximi, ut discas, quod iam explicuimus, amorem nostri & proximi duplicem reperiri; vnum bonum, qui Charitas dicitur: alterum malum, qui concupiscentia à sanctis Patribus (præsertim verò sancto Augustino) nuncupatur. Qui duo amores licet in nomine conueniant, in re tamen non solum discrepant, sed ita sunt sibi contra-

contrarij, vt vnus alium destruat, si sit vehemens, labefactet verò, si sit modicus. Proinde si est in vobis amor vestri ordinatus, Christus Iesus **MEDIVS VESTRI STETIT.** Sin verò fuerit inordinatus, inimicus ipsius diabolus sedem ibi fixit suam; quod tamen de magna, & quæ cum lethali peccato coniuncta est, inordinatione amoris intellige. Nam si modica erint, non expellet à nobis gratiam Dei, sed feruorem charitatis redundet, tantò magis, quantò maior in amore sui deordinatio fuerit.

Medium autem per quod Christus Dominus velut sedem occupare solet in nobis, duplex videtur reperiri in scriptura, secundum duplicem etiam hominis diuersimodè considerati partitionem. Nam si quod est in homine præcipuum caput videlicet consideres, medium eius erit cerebrum ibidemque intellectus: sin totum corpus spectes, cor medium eius esse fateberis. Istæ igitur sunt duæ sedes Christi in nobis; in intellectu manet per fidem, qua intellectum nostrum illuminat; in corde vero per gratiam, qua cor nostrum per charitatem ad amorem sui, nostri, & proximi, ordinatum inflamat. Nam testatur Apostolus, *Christum habitare per fidem in cordibus nostris.* Et quamuis cordis faciat mentionem propter charitatem, cuius statim meminit, tamen fidem esse in intellectu certum est, ipso etiam D. Paulo consentiente. Et de hac mansione intel-

II. MEMB.

Duplex sedes Christi in nobis,

I. Cerebrum, ubi est per fidem.

Eph: 3. 17.

Heb: 11. 1.

intelligitur, quod hic dicit Ioannes Baptista:  
 QVEM VOS NESCITIS. Nouerant enim Iu-  
 dæi Iesum ex facie, sed nō nouerant per fidem,  
 quia illum pro Messia recipere noluerūt. Ideo  
 alter Ioannes de illis conqueritur, dicens: *In*

*Ioan: 1. 11. propria venit & sui eum non receperunt.* Iudæi vi-  
 delicet, ad quos missus fuit Christus. Et subiū-  
 git: *Quotquot autem receperunt eum, dedit illis po-*

*2. Cor vbi* Ecce quā clare dicitur per fidem recipi Chri-  
*per chari-* stum, proinde sic adesse illum, & manere in  
*tatem.* nobis necesse est. De altera etiam sede tam  
 euidentis est, vt hanc sibi mansiunculam à no-  
 bis concedi postulet Deus, per Sapientem di-

*Prov: 23.* cens: *Præbe siliū cor tuum mihi.* Istæ sunt duæ  
 26. sedes, in quibus Christus Iesus spiritualiter in  
 nobis adest: sed cū hodierno nostro institu-  
 to, secunda maximè seruiat, ideo de hac sola  
 nunc agemus. Inter quam & illam aliam hoc  
 interest, præter alia, quod in corde nunquam  
 sedem suam soleat collocare Christus, nisi &  
 ipse sit amicus noster, & nos vicissim illius.  
 Per charitatem enim id fit, quæ nos gratos Deo  
 reddit: in alia verò sede potest etiā esse inimi-  
 cus. Nam qui solam fidem absq; bonis ope-  
 ribus habet, est quidem in illo Christus, modo  
 iam explicato, ut est & non amicus, & inuitus  
 quodam modo. Per charitatem solam quæ in  
 cordibus nostris diffunditur, manet perquam  
 libenter & beneuolè.

III MEM.  
 BRVM.

Quomodo autem ad hanc Christi in nobis  
 mansio-

mansionem nos disponere oporteat, iam est nobis pertractandum: nec sunt omnia nobis

Amor sui  
bonus.

media percensenda, sed illud tantum, de quo nos acturos proposuimus, nempe de amore sui ordinato: quo si præditi fuerimus, sine du-

bio Iesus in M E D I O N O S T R I figet domici-

Consistit  
maximè in  
humilitate

lium. Videndum est igitur nobis, qua nam

in re amor ille nostri ordinatus consistat? Ad

quod respondeo: Consistere in humilitate,

quam totum Euangelium hodiernum nobis

commendat. Excutite etenim cum alia, quæ

sunt in illo laude digna, tum verò responsa &

verba omnia Ioannis Baptistæ, & inuenietis

nihil ea magis spirare vniuersa, quàm humili-

tatem, quàm sui abiectiōem. Humilitas ita-

que est, vel sola vel præcipua virtus, quæ in

nobis amorem nostri ita ordinat, vt charitas

mera efficiatur. Humilitate præsentē amor

sui diuinus in nobis est, & in corde sedē Chri-

sto certissimam præparat: humilitate absente,

amor nostri adulterinus est, Deo & Angelis

ipsius abominabilis, imò & in corde nostro

diuersorium tartareo dæmoni parat. Humili-

tas igitur est procuranda, superbia verò illi cō-

traria, vt pestis fugienda, si Dominum Iesum

in nobis manentem habere volumus, prout

debemus. Humilitatis verò tot, vt dictum est,

hic argumenta reperiuntur, quot penè verba

Ioannis Baptistæ.

Et primum quidem in tribus prioribus Io- Cuius tres  
annis responsis, tres gradus humilitatis, con- gradus cō-  
trarios

erarij tribus  
superbiæ.

1. Gradus  
superbiæ  
pessimus  
& triplex.

Luciferi.

*Is: 14. 14*

trarios tribus superbiæ, notare licet. Primus etenim omniumq; pessimus superbiæ gradus est, cum aut quod non es, aut plusquam es, aut quod es quidem sed esse non debes, cum graui creatoris tui Dei iniuria tribuis tibi. Ita peccauit Lucifer dicens: *In cælum conscendam, super astra Dei exaltabo solium meum, similis ero altissimo.*

Tribuebat enim sibi, quod esse non potuit. Cui contrario planè processit modo Christus Dominus, vt de illo testatur Apostolus, dicēs:

*Phil: 2. 6. Qui cum in forma Dei esset, non rapinam arbitratus est, esse se equalem Deo, sed semetipsum exinaniuit, formam serui accipiens.*

Lucifer enim, vt vides, cum esset seruus, formam Dei rapere volebat. Christus verò, cum esset Deus, formam suscepit serui. Ideirco hic propter humilitatem ita est exaltatus, vt in nomine Iesu omne genu flectatur, cœlestium, terrestrium, & infernorum: ille verò, propter superbiam ita depressus, vt cum &

*2. Pet: 2. 4. cum sociis Deus rudentibus inferni detractos in tartarum tradiderit cruciandos.*

Nabuchodonosoris.

*Dan: 3. 15.*

ani quem imitari velint. Eodem typho superbiæ rex Nabuchodonosor tumebat, quando elatè loquebatur ad Sidrach, Misach & Abdenago: *Et quis est Deus, qui cripiat vos de manu mea?* Cui, quidnam & quam dextrè sancti iuvenes respondeant, & quomodo superbi regis stultam retundant gloriationem, vide ibidem, imitariq; stude. Hoc vitio & hæretici omnes, & quidam laborant Catholici. Illi quidem cum & notitiam vniuersæ scripturæ, & certitudi-

Hæretico-  
rum.



tudinem salutis superbè sibi arrogant. hi vero quando contra edicta Ecclesiæ lectionem librorum hæreticorum temerè sibi assument, cuius quidem temeritatis ac superbiæ, & hinc per infidelitatem sæpè debitas pœnas luunt, & postmodum gravissimas ac æternas sustinere illos oportebit, nisi resipiscant, quod opto, & ut fiat moneo. Deniq; in hoc superbiæ malo occupati reperiuntur illi, de quibus Propheta: *Et peccatum suum quasi Sodoma predicauerunt, nec absconderunt: vae anime eorum, quoniam reddita sunt eis mala.* De quibus quia multa iam diximus, id tantum addo, ut istud, *vae anime eorum*, ex ore Dei procedens, diligenter considerent, nec non quod sequitur, *quoniam reddita sunt eis mala.* Posset etenim quispiam dicere; nulla videri quæ eos afficiant mala, imò affluere eos lætitia quotidie, cum tripudio epulantes. At crede mihi, vel Deo potius, non absque causa ingeminari vae illud. Ingens equidem malum est, nolle peccatū cognoscere suum; sed multo grauior peccati pœna, de impietate gloriarī. Isti igitur omnes gravissimo superbiæ peccato obstricti tenentur. Illi quidem tribuentes sibi quod non habent, hi verò gloriantes de eo, quod gemitu & lachrymis detestari & à se amoliri deberent.

Omniis verò istis, & repugnat, & simul dat remedium, primum Ioannis responsum, quod ita expressit Evangelista: *ET CONFESSVS EST, ET NON NEGAVIT. ET CONFESSVS EST, QVIA*

Remedia.  
primus ho-  
militatio  
gradus

Y

NON



NON SUM EGO CHRISTVS. Vnde duo obseruatur digna habemus: Alterum, gradū primum humilitatis in eo consistere, vt quod deest boni, nobis non adscribamus, quod verò adest mali, de eo impiè non gloriemur. Illud vides in Ioanne, qui non adscripsit sibi, sed negauit constantissimè, se esse quod non erat. hoc verò (peccatum scilicet) cū adhuc in vtero sanctificatus fuerit, habere nō potuit. At nos, qui multa in nobis esse aduertimus, res tantoperè detestandas, in nobis & aliis persequamur. Alterum consideratione est dignissimum, quanta cum animi & vocis contentione neget id de se Ioannes, vt ter idem repetatur. Verè enim humilitatis signum est, ea quæ honorè sapiunt aut redolent, summooperè fastidire. Quod ita facit Ioannes, & ita agunt homines verè humiles, vt existimemus, nunquam virginem quampiam castissimam & pudicissimam tantoperè erubescere, ac affligi, quando verbum aliquod impudicum ipsius ingeritur auribus; quantoperè commouetur homo verè humilis, dum laudes suas recenseri audit. Vidimus id in quodam nostræ religionis eximiè humili viro.

2. Gradus  
superbiæ.

Num: 12. 7

Aaronis &  
Mariz.

Secundus superbiæ gradus est, quando quis ex eo quod non plenè habet, res tamen suas plus nimio exaggerando, plenam quærit sui laudem & gloriam. Talis fuit illa murmuratione Aaron & Mariæ contra Moysen, cū inquit: *Num per solum Moysen locutus est Dominus, nō-*

ne &

*ne & nobis similiter est locutus? Qui licet Prophe-* *Ex. 12. 20.*  
 ta fuerint (vt de Maria testatur scriptura) lon-  
 gè tamen erant Mose inferiores. Propterea ita  
 sua murmuratione Deum ad iram prouoca-  
 uerunt, vt non solùm declararet, quātò essent  
 inferiores Mose, sed etiam lepra percuteret  
 Mariam, à qua neq; Mosi fratris sui precibus  
 liberari potuit, nisi post dies septem. In hoc *In nobis*  
 gradu reperiuntur, qui de ingenij sui acumi-  
 ne, de doctrinæ excellentia, de prosapie nobi-  
 litate, de fortitudine animi vel corporis, plūs  
 æquo addendo & axaggerando magis, quàm  
 res se in veritate habet, gloriantur. Talibus  
 dat remedium Ioannes in secunda sua respō-  
 sione. Is enim interrogatus: ELIAS ES TV? AIT,  
 NON SVM. In qua non solùm non affingit sibi *Remediū,*  
 plus quàm habuerit, sed etiam negat de se, *alter humi-*  
 quod in aliquo sensu concedere potuit. Ma- *litis gra-*  
 gnum & imitandum moderationis exēplum. *us.*  
 Sed aliud adhuc est eminentius.

Tertius etenim superbiæ gradus est, quan- *3. Gradus*  
 do quis non quidem magis prædicat sua quàm *superbiæ*  
 reuera mereantur; neque esset, sed de iis qui- *inhumæ,*  
 bus caret, aut peccata quapiam iactat sua: ni-  
 hilominus tamen de iis quæ possidet, & ipse  
 gloriatur inordinatè, & alios laudes suas recē-  
 tes audit libenter, sibiq; in suis rebus compla-  
 cet plurimùm. Huius exemplum videtur da-  
 ri in Ezechia rege: qui quamuis non nisi ea *Ezechia*  
 quæ habebat, *cellam aromatum, & argenti, & au-* *Regis.*  
*ri, & odoramentorum, & vnguenti optimi, & omnes* *Isa: 89. 22.*

*apothecas suppellectilis sue, & vniuersa quæ inuenta sunt in thesauris eius, ostenderet nuntiis Regis Babylonix: tamen quia id inordinate faciebat, stimulante vana gloria (vt exponunt S. Patres) missus est ad illum Isaias Propheta, qui prædiceret non solum illa omnia, sed etiam fi-*

**Remediū  
supremus  
humilita-  
tis gradus.**

*lios eius transferendos in Babylonem. Hunc infimum superbiæ gradum, Ioannes dum ter-  
tiò interrogatus: PROPHETA ES TU? RESPONDIT,  
NON. supremo humilitatis gradu reprimat, &  
funditus euerit. Non solum enim non glo-  
riatur de eo quod est, verum etiam negat id de  
se, quod & pater ipsius prophetando, & Chri-  
stus laudando illi concedunt: tantoperè Io-  
annes vanam gloriam fugiebat. Quomodo  
autem id sine mendacio dixerit, alias decla-  
ratum est.*

**In 3. Conc.**

**Differētia  
inter hos  
gradus su-  
perbiæ.**

*Isti sunt tres gradus humilitatis, tribus su-  
perbiæ oppositi, inter quos hæc est differentiā;  
quod primus sit cum peccato mortali coniū-  
ctus (nisi vti alia peccata huiusmodi, aut inad-  
uertentia, aut materiæ leuitate excusetur) alter  
venialem habet offensam, dummodo cum  
gravi proximi contemptu non coniungatur.  
Contemptus enim si grauis aderit, mortale  
peccatum pariet. Quale esse censet ipse Salua-  
tor, cum quis ex superbia iræ coniuncta dicit*

**Mat. 5. 23.**

*fratri suo fatue. Vnde tu cætera huiusmodi,  
imò longè atrociora iudica. Qualia sunt, pro  
dolor, inter Christianos, quando quis proxi-  
mum sicut genere inferiorem, tamen æquæ  
pretio-*

pretioso Christi sanguine redemptum, ablutum & sanctificatum, canino sanguine vel germine cretum, canina planè rabie vocat; quando vt diuitias suas quis iactet, ita alterum deprimat, vt fidem apud vicinos illi deroget; quando alius ita suum extollit, alienum verò ingenium, doctrinam, prudentiam extenuat, vt is inde non mediocri honoris detrimentum patiat. Tales enim gloriationses cum peccato mortali coniunctæ sunt. Postremus verò vanæ gloriæ gradus, semper imperfectionem denotat, vt plurimum autem veniali culpa non caret. His tribus illæ tres humilitatis species opponuntur: excellens primus, cum quis nihil sibi tribuit alienum à se, multò minus autem in peccatis gloriatur: excellentior secundus, quando nihil eximium nec verè nec falsò, de rebus ad se laudemq; suam pertinentibus narrat: excellentissimus verò est tertius, quando omnem ostentatorium sermonem ita fugit, vt si tale quid de se dictum audiuerit, summoperè affligatur & erubescat.

Hæc ex negante Ioannis oratione eximia sanè humilitatis signa haurimus. Ex affirmante verò nihilo leuiora. Nam Ioannes de se loquens, præterit testimonium vnius Prophetæ, imò ipsius Christi, qui illum angelum vocat; & assumit alterius, qui multò parcius de eo loquitur: vt nostrum planè diuersum refutet morem, qui abiecta nostra subticemus, excellentiora plenis buccis prædicamus. Deinde

Alia humilitatis signa.

1. Excellentiora nostra tacere.

Mat: 3. 1.

Mat: 11. 20

Isa: 40. 8.

3. *Vilia a-  
mare.*

4. *Aliena  
magnifica-  
re.*

4. *Neminē  
cōtemnere*

5. *Altiora  
non appe-  
tere.*

voce quid vilius? quæ quàm parum admodum  
existentiæ habeat quis nescit? est enim tonus  
aërem verberans, & mox evanescens. Et verò  
talis est omnis homo; nihilominus intume-  
scit sibiq; applaudit, de diuturnitate vitæ, de  
opum magnitudine, de honorum eminentia,  
cū hæc omnia velocius, intereant, quàm vox  
quæ aërem verberat: Iam verò, quando se &  
baptismum suum deprimat, ut Christum & e-  
ius laudacrum extollat, quid nos docet aliud,  
quàm de rebus nostris humiliter & abiectè,  
de alienis magnificè & cum laude loqui? Quis  
est nunc talis, & laudabimus eum? vel Deus  
potius qui humilia exaltat, alta verò deprimat?  
Præterea cū de Christo dicit: IPSE EST, QUI  
POST ME VENTURUS EST, QUI ANTE ME FACTUS  
EST. id est, mihi prælatum est. Illum affectum  
in nobis damnat, quo seniores solent iuniorū  
contemnere consilia gestaq;. Quod si in an-  
tiquis turpe, quantò erit scēdus, cū iuniores  
seniorum (qui utiq; & prudentia & experien-  
tia excellunt) consiliis non acquiescunt? eaq;  
rident? Omnia hæc ex vno fonte amoris pro-  
prij inordinati erumpunt. idcirco ordinanda  
sunt exemplo Ioannis, ut Christus commoretur  
in medio nostri. Postremò cū inquit Io-  
annes: NON SUM DIGNUS, UT SOLVAM EIUS COR-  
RIGIAM CALCIAMENTI. quantum se submittit?  
Equidem submittit se filio Dei, qui maximus  
est: attamen ipse quoq; non parvus erat, quia  
plusquàm Propheta: Sed tamen vide quàm  
ad abie-



ad abiectum, quo vilius nil esse potest, pedum  
seruitium se abiicit. Qua in re duo trianè ad  
reprimendos altos spiritus & retundendum  
amorem proprium nos docet. Vnum, ne altio-  
ra officia appetamus, prout sapius nobis sub-  
rexit. Quis enim exempli gratia dignum se  
reputabit, vt pro Christo legatione fungatur  
ad populum verba faciendo, cum tantus præ-  
dicator & Propheta abiectissimo munere in-  
dignum se esse censuit? Alterum, vt sincerè,  
non nostrum, sed Christi honorem & glori-  
am quæramus. Postremum, vt Christo in pau-  
peribus, in quibus se esse ipse asserit, vilissima  
etiã prestare obsequia non dedignemur, quod  
fecisse Ioannem dubium non est. Certè illud  
ipsum, quòd tantus vir, & quoad Deum, &  
quoad homines (quia ex magna profapia) vi-  
lissimos & pauperissimos quosq; ad se venti-  
tates, aquis Iordani tingeat & abluebat, hu-  
ius esse generis nemo contentiosè negauerit.

6. Sincerè  
Christi glo-  
riam quæ-  
rere.

7. Pauperi-  
bus seruire

Itaque D. Ioannem dilectissimi imitari pro  
virih satagamus, & mediis quibus ille vsus est,  
ad sublime cæli culmen per humilitatem re-  
quirendam studiosè vtamur. Quam ad rem  
valebit plurimùm sui cognitio, de qua iam di-  
ctum est. Cognitionem verò sui, vt in humi-  
litem sanctam exerceat, iuuabit multum,  
tum rectè facta sua priora nihili facere, ac ad  
anteriora se referre: tum non inferiores, sed  
se superiores diligenter considerare. Illud fe-  
cit Apostolus Paulus, hoc noster Ioannes.

8. Seipsum  
cognosce-  
re.

9. Ad ante-  
riora sese  
extendere.

*Phil: 3. 13.*  
 Duplici si-  
 militudi-  
 ne D. Pau-  
 lus id de-  
 clarat.

Paulus cùm inquit: *Vnum autem quæ quidem retrò sunt obliuiscens, ad ea verò quæ sunt priora extendens meipsum.* Et meritò quidem id fit. Quis enim pugil, aduersarium habens acriter institem, & pedem pede prementem, post tergum respiciet suum? Aut quis currens in agone, nò ea quæ ante se porrecta habet, sed illa, quæ iam emensus est, spacia intuebitur? Nos verò hostem acerbissimum, nulla penè ad quietem concessa mora, habemus aduersum, cum quo continuo in agone contendimus: non igitur retrò, sed antè prospectare debemus, ne aut ab inimico lethalem accipiamus plagam, aut à cursu deficientes, desiderato non perfruamur brauiò. Vix enim dici potest, in via spiritali, ac proinde in sui contemptu proficere volenti, quantum noceat, ea quæ iam retrò sunt opera nostra bona non sine complacentia intueri.

*1. Cor: 9.*  
 25.

*no. Excellē-  
 tes intueri* Ioannes verò Baptista, en quomodo non se inferiores (qui tot erant quot vnquam extiterunt nati mulierum) sed Christum Dominum superiorem intuendo, seipsum humiliat, contemnit, abiicit. Hoc erat cùm aliorum tum eorum qui olim in cremo morabantur sanctorum excellentissimum illud medium, quo ad tantam peruenierunt humilitatem, quam omnes tunc mirabantur, pauci etià credebant, & nunc vix vnus & alter capere possunt, illum, inquam, humilitatis gradum; quo licèt essent sanctissimi, tamen viliores se omnibus,

**NOTA.**  
 Eximiū hu-  
 militatis  
 gradum.

nibus, qui erant in mundo, hominibus arbitrati sunt: imò propter peccata sua, Deum tot plagas orbi terrarum infligere sincerè affirmabant. Notum est hoc alterum in Catharina Senensi, virgine purissima: illius verò tale apud quendam virum spirituale exemplum legimus: Cùm Abbas Zozimus, vir sanctus, occasione quadam, vt fit, peccatorem se esse dixisset, mox ex iis qui tum aderant Sophistis quidam mirari vehementer cœpit, adeoq; Zozimū vrgere, & quasi mendacii arguere, quòd cùm opinione omnium vir esset sanctus, nec non miraculis clarus, ita tamen de se sentiret. At ille nihilominus in eadem perstabat sententia, seq; omnino peccatorem esse ex animo fatebatur, idque certò sibi constare assenerabat, proindeq; rogabat Sophistam, sibi ne ampliùs molestus esse pergeret. Dorotheus interea, qui tum huic altercationi interuenerat, vidēs Zozimum argutiis premi, Sophistam dextrè conuincit, ostendens humilitatem, sicuti alios habitus, sensim, vsuq; longo comparari, ac proinde non facilè rationem reddi posse, cur humilis ita de se sentiat, cùm ex habitu quodam talis de se persuasio animo infederit. Modum porrò quo ad humilitatem peruenitur, idem Dorotheus, in alia quam ibidem recenset historia expressisse videtur. Cùm enim in ciuem Gazensem incidisset, ipseq; non caperet, quòd ita sancti viri se infra omnes peccatores aliquando ponere solerent, sic eum affatus est:

*Dorotheus:  
doctrina  
sensu sermo:  
2. de humi-  
litate.*

*Vnde pro-  
ueniat, nē-  
pè ex sui &  
Dei cogni-  
tione.*

tus est: Dic age, quem nam locum inter tuos ciues Gazenses obtineas? Habeo, inquit, me vt nobilem & principem ciuitatis meæ. Subiunxit Dorotheus: Quid si Cæsaream migres, quo te loco futurum putas? Non alio (inquit ille) quàm quo rustici esse solent. Rursus Dorotheus: Si autem Bizantijs, in curia Cæsaris, quem te esse censebis? Respondit ille: plane vt pauperem & mendicum. Tandem intulit Dorotheus: Ne igitur mirere, si viri sancti se de numero peccatorum grauissimorum esse existimant. Quò enim Deo veræ lucis fonti & origini propiores sunt, eò se abiectiores vilioresq; reputant. Probabat etiam id ipsum exemplis Abraha, Isaia, & Danielis. Quibus & nostrum Baptistam, possumus aggregare. Humilitas enim est, quæ ex ipso illam profunda submissionis indicè expressit vocem, cum toties ingeminans dixit: NON, NON, NON. Ex contemplatione enim maiestatis Christi Domini, in veram sui cognitionem, & profundissimam abiectiõnem venerat, quem vti-  
nam nos quoq; imitari studeamus.

III. MEM-  
BRVM.

Fructus ex  
sui amore  
sancto.

Iac: 4. 6.

Apo: 2. 17.

Neque verò id gratis fecerimus. Ingentia etenim in nos ab eo, qui *humilibus dat gratiam*, manabunt inde præmia; optimæ & planè ineffabiles diuitiæ, deliciæq; spirituales deriuabuntur. Verè ineffabiles. Benè enim illud quod Propheta Noui testamenti, nomini cui-  
dam in calculo candido descripto tribuit, hic applicari potest, quod *nemo sit nisi qui accipit.*

Nullus

Nullus enim in mundo ita deliciis affluit, ut humilis, qui tamen hoc ipsum quod accepit, verbis exprimere nequit. Nonne id in Zosimo illo simplici & Zosimi similibus planè videre licet? Dicamus tamen aliqua humilitatis commoda, & sic finem concioni imponamus. Emolumenta igitur quæ inde hauriuntur, ad duo capita reduci possunt, quæ sub themate proposito nobis considerare licet, ut melius memoriæ hæreant. Si enim hunc sanctum amorem vestri habueritis, bene de vobis dici poterit, quòd Christus **MEDIVS VESTRVM STETIT**. Quod cum fiet, quid non boni cum tam opulento habitatore vobis obueniet? Primum quidem, quia à peccatis liberemur. Quis enim fur in oculis seneri Magistratus furari, aut quæ coniunx marito præsentem fidem thori violare audebit? ita etiam nos præsentis Christi per gratiam consideratione à peccatis facillè abstrahemur. Deinde Christo in medio nostri stante, quæ non bona obuenient nobis? Si ad liberalissimi Regis vel Principis alicuius aduentum lætatur hospes, sciens præsentem illo; magnum sibi lucrorum cumulum non defuturum; quantò magis nos ad aduentum **IESV** lætari oportebit, qui ideo stat in medio nostri, ut tanquam non solum Dominus, sed etiam Pater, omnibus nostris abundanter provideat necessitatibus?

Inde etiam & illud consequemur, ut bene & rectè hoc sanctum tempus Aduentus Domini

1. Sic enim Christus in medio nostri stabit.

2. Vnde à peccato abstrahemur.

3. Omnibus bonis affluemus.

4. Bene hæc festa transigemus.



mini recolamus, & transfigamus. Tertij etenim, vt diximus, Aduentus Domini hodie memoria recolitur, qui est IN NOS. Qui quidem Aduentus tanti est momenti, vt alij sine hoc nil nobis profint: imò obsint plurimùm. Nam si Christi gratia carebimus, & in morte nostra, & in fine seculi terribilem Aduentum Christi experiemur. Incarnati enim & passi Christi merita, non nisi tum optimè nobis cedent, si Dominus propitius & beneuolus medius nostri steterit. At ex eo quod dicitur, QVEM VOS NESCITIS, iuxta spiritualem sensum, id fructus referemus: vt quemadmodum ipse IESVS vult à nobis sciri vel nesciri suam præsentiam; ita nos nesciamus & sciamus illum. Nesciemus eum, præsumptione hæretica infallibilem nobis salutem promittendo; sciemus, spe Catholica illi sincerè fidendo. Nesciemus, ne superbiamus; sciemus, quomodo cum metu & timore salutem nostram nos operari oporteat. Nesciemus per humilitatem, sciemus per charitatem, & per signa illius quæ in nobis elucebunt: nesciemus deniq; rigorem iustitiæ Dei pertimescentes, si nos cum Sanctis & ipso Deo comparabimus; sciemus, si mentem nostram humilitate securissimè erigente attollere studuerimus. Nostis enim iustitiæ symbolum libram esse. Vt ergo in libra, quantò maiora in vna lance pondera ponuntur, tantò magis alteram sursum attolli necesse est; ita in vita nostra, quantò

9. Quæ nesciēda sunt ignorabimus, & quæ sciēda sciemus.

2. Aequilibrio iustitiæ optimè utemur.

quantò plura humilitatis & abiectionis opera reperientur, tanto animus noster cælum verius feretur magis, & Deo appropinquabit.

Quæ cum ita sint, vos ego mihi in Christo dilectissimos, & rogo vt fratres, & moneo vt filios, meq; vnà vobiscum exhortor, vt huic virtuti, sanctæ humilitatis, in qua tota recti amoris nostri natura consistit, quàm diligentissimè insistamus. Fugetur hæretica præsumptio Christiana humilitate: noxia & odiosa Deo tepiditas, feruenti charitate. Exterminetur è nobis inordinatus amor, licito & à Deo præcepto amore nostri. Humilitas eius custos & effectrix est. Hac enim præditi salutare nostri odium concipiemus, & nil perperam ad nostrum commodum deriuare, sed potiùs nos in Christi gratiam & ad proximi ædificationem totos impendere, nec quæ nostra, sed quæ sunt I E S V quærere studebimus. Hac enim ratione domicilium pectoris nostri, in quo libenter I E S V S commoretur & consistat pulchrè adornabimus. Humilitas omnium virtutum propagatrix est. hæc intellectum in obsequium fidei captiuat; hæc spe secunda de bonitate diuina humilibus promissa implet: hæc ordinat in nobis charitatem, frangens altos spiritus, è quibus vitiosus nostri amor, veri diuini amoris vnicus hostis pullulat. Adsit nobis Dominus humilitate duce, tanta bonavt consequamur. Qui viuit & regnat in secula seculorum.

A M E N.

Exhortatio  
summam  
concionis  
contineat.

# DOMINICA III. ADVENTVS.

Euangelium Lucæ 3.

**A**Nno quintodecimo imperij Tyberij Caesaris, procurante Pontio Pilato Iudeam, tetrarcha autem Galilee Herode, Philippo autem fratre eius tetrarcha Ituræ & Trachonitidis regionis, & Lyfania Abilina tetrarcha, sub principibus sacerdotum Anna & Capha, factum est verbum Domini super Ioannem Zacharie filium in deserto. Et venit in omnem regionem Iordanis, prædicans baptismum penitentiae in remissionem peccatorum, sicut scriptum est in libro sermonum Isue Propheta: Vox clamantis in deserto. Parate viam Domini, rectas facite semitas eius. omnis vallis implebitur: & omnis mons & collis humiliabitur. Et erunt praua in directa, & aspera in vias planas. Et videbit omnis caro salutare Dei.

## PARTITIO.

*Dua sunt Euangelij hodierni partes. Prior describit principes tam seculares, quam ecclesiasticos, sub quibus Ioannes Baptista cepit prædicare, itemque tempus & locum annotat. Posterior vero pars, initium concionis Ioannis ob oculos ponit. Imo si bene rem expendamus, reperiemus hic compendiam eorum omnium, quæ idem Ioannes dixit scilicet, & tunc suo fungeretur officio. Venit enim & esset præcursor Christi, & prodromus. Ac proinde debuit manifestare IESVM, & populum ad eum recipere.*

recipiendum preparare. Primum illud prastitis : tum concionibus tum intento digito Christum demonstrandos : hoc vero alterum exequutus est singularibus quibusdam ceremonijs ad Christi sacramenta suscipienda Iudeos disponens. Ne multi, habemus hic finem missionis Ioannis Baptista, habemus media, habemus denique impedi-  
menta, & remedia contra illa. Finis declaratur verbis illis : Et videbit omnis caro salutare Dei. Propterea etenim precessit Ioannes, ut per illum omnis homo & agnosceret Messiam, & eius beneficio saluus fieret. Media autem ad hunc consequendum finem sunt, tum Sacramenta, tum alia dispositiones. Ad Sacramenta Christi Domini ( maxime illa per quae directe datur remissio peccatorum, ut est baptismus & poenitentia ) accommodat Ioannes populum : tum lauacro suo, tum predicatione poenitentiae, ad alias dispositiones hortatur illis verbis : Parate viam Domini, rectas facite semitas eius. Impedimenta vero ponuntur quatuor, & totidem contra illa remedia. Hac de Euangelio. Series vero & concionum nostrarum ordo iste erit. Prima timorem incutiet illis verbis, VOX CLAMANTIS IN DESERTO, idque ex consideratione istorum quatuor, quae impediunt remissionem peccatorum, addito aliquo remedio. Secunda, aliud tollet impedimentum, & e prima Euangelij parte fidem Catholicam confirmabit. Tertia, spem eriget, totum penè Euangelium explicando, indeque doctrinas morales hauriendo. Quarta, charitatem in nobis ( ut & ulte Sapient ) ordinabit, ut & festa proximè futura celebrare & salutare Dei lati videre valeamus.

## CONCIO PRIMA.

### Timor.

*Vox clamantis in deserto.*

Plena

Exordium  
ex incita-  
mentis ti-  
moris.



**P**ena timoris ac formidinis videntur tria illa verba, VOX CLAMANTIS IN DESERTO, ex Propheta in hodierno Euangelio prolata, suntq; velut fulmina & tonitrua ordinata, vt maiora minoribus succedant. Vox enim terrendo est aptissima, quoq; magis intensa & minax fuerit, eo maiorem excitat in audiente metum. Hic verò audimus vocem CLAMANTIS, magna contentione videlicet vociferantis. Et clamantis IN DESERTO, quod terribilissimum est. Nam si in loco aliquo deserto & aua solitudine minima etiam territamenta maxima videntur, vbi echo resonat, & respondentis vox esse creditur, vbi gannitus vulpecula pro rugitu vrsi leonisue reputatur, vbi & caducum folium quod à vento rapitur formidinem aliquando generat. Quid fiet in magnis & veris terroribus, quales hic esse nemo dubitauerit, modò personam, vitam, verba, intensiorem huius vocis, de qua agimus, expendat?

PROPOS:  
Trimembr.

Consideremus itaq; illa, & ponderemus diligenter, vt cum quem & Ioannes, & cuius ipse præcursor fuit Christus Dominus desiderat, fructum referamus. Tria autem in primis intuebimur. Primum: Quid nam hic per vocem intelligatur, quamue sit terribilis. Deinde, cur taliter prolata, & quos maximè percellat vox ista. Postremò: Quid remedij. Da Christe Iesu, vt voce Ioannis perculsi, sanctoque ti-



que timore correpti per apta quæ dantur hîc media, à vinculis peccatorum expediamur.

Per vocem CLAMANTIS IN DESERTO passim I. MEMB.  
 sancti Doctores duo intelligunt: alterum, ip- Duo signi-  
 sum Ioannem Baptistam: alterum, eius prædi- ficat vox  
 cationem. Prima expositio frequens est tam clamantis  
 apud Græcos, quàm apud Latinos Patres. Nec in deserto.  
 immerito sanè. Quemadmodum enim sta- i. Ipsum Io-  
 tuæ alicuius marmoreæ, siue totam simul spe- annem Ba-  
 ctes, siue per partes, caput, brachia, pedes, ali- pistam.  
 aq; eius membra consideres, tam generatim Qui vox to-  
 quam sigillatim, nihil sunt aliud, quàm lapis tus fuit.  
 quidam affabrè effigiatus: Ita si Ioannem Ba- Similitudo  
 ptistam, eiusq; vniuersas & partes, & membra,  
 itemq; genealogiam, & omnia quæ habuit  
 contemplaberis, nihil aliud quàm vocē quan-  
 dam diuinitûs mirabiliter efformatam esse re-  
 peries. Neq; verò qualemcunq; vocem Ioan- Et vox Ver-  
 nem dixeris, sed vocem Verbi illius diuini in- bi.  
 effabilis, & incomprehensibilis, quo *cæli fir-* Psal: 82.6.  
*mati sunt* & mundus totus reformatus. Sicut  
 enim vox priûs auditur, quàm verba penitûs  
 intelligantur: ita Ioannes vox, Christum Ver-  
 bum præcessit, vt nos ad audiendum Iesum  
 excitaret, & ad percipienda mysteria eius præ-  
 pararet. Fuitq; præterea Ioannes non solùm  
 vox, sed etiam vox CLAMANTIS. Altam enim, Et vox cla-  
 contentam nimisq; sonoram vocem protulit mose reso-  
 Ioannes, quæ IN DESERTO primùm; postmodû nans.  
 quando placuit illi, qui in talem eum vocem primum in  
 formauit, VENIT IN OMNEM REGIONEM IORDA- deserto.

nis, & in oppidis Iordani vicinis resonuit, cuius memoriam die hodierna sancta recolit Ecclesia.

*Fosca in oppidis.*

Fingite cogitatione quaeso, & ante oculos mentis vestrae ponite, hominem stirpe nobilissima procreatum, vnicum parentibus suis honestissimis pariterq; sanctissimis, ex ampla domo paterna, ætate planè puerili egressum atq; in eremo inter feras agrestes ad tricessimum ætatis suæ annum latitantem, ibiq; insipidis locustis melleq; sylvestri & aqua tot annis victitantem: tandem postquam FACTVM EST VERBUM DOMINI SUPER eum, iussioq; diuina influit, ex deserto illo, & latebris eremi prodeuntem, & per oppida vicosq; ad ripam Iordanis sitos, clamores ingentes in plateis excitantem. Expendite quaeso, quæ mens populi illius fuerit, tantæ rei nouitate attoniti, & quæ

*Ipsa etiam aspectu.*

nostra esse debet. Vident hominem horrida impexaque cæsarie, vultu macie exeso, barba neglecta, & aut melote, vt alicubi (& fortè de ipso) loquitur Paulus, aut asperrimo ex camelorum pilis confecto, vestitum cilicio, non pretiosa vt hominum vsus & abusus fert, sed zona pellicea succinctum, fortè caprina, cuius ibidem Apostolus meminit. Brachijs præterea tibiisq; nudatis, spectro, quàm humanæ imagini persimilem. Vident, inquam, talem hominem, & audiunt nescio quæ verba detonantem; neque enim principio statim ea satis intelligebant, quinimò eius congressum primo aspe-

*Terribili-  
ter.*

aspectu refugiebāt, insanum quidam & emota mentis fortassis arbitantes. Quid ni enim id credi possit, cū de Christo mansuetissimo & communem vitam agente, hoc ipsum creditum est, & quod mirandum magis, ab amicis & cognatis ipsius? Ita enim Evangelista: *Et cū audissent sui exierunt tenere eum, dicebant enim: Quoniam in furorem versus est.* Idem etiam nunc seruis Christi ab iis, qui se Christianos, imò & Catholicos nominant, euenire cernimus. Quot enim sunt, qui dum quempiam strictioris vitæ studio religionis claustra ingressum, aut ad Ioannis normam, in circulis & publicis congressibus concionantē vident, illicò exclamant dementatum utique, misèrè mente captum esse, melācholia & desperatione adactum id agere. Valde itaq; procliuè creditu est, Ioanni hoc idem accidisse. Verumtamen dum oppidani illi studiosè percunctātur postea quisnam sit ille, & cū demum intelligunt esse magnum illum Ioannem, magno Zachariæ ex Elizabetha sterili natum, in cuius ortu & circumcissione tot miracula facta sunt: attoniti stupere primū, dein quid dicat, attendere, postmodū etiam dictis moueri, eaq; amplecti incipiunt.

Nunquid non patet vobis dilectissimi, quomodo Ioannes sit vox, quomodo perinde, ut è solido marmore statua: ita ille è voce totus quantus est, constat. Clamat in primis incul-  
tum illud, diuinum tamen quid spirās caput,  
Z 2 clamat

Pro stulto  
fortè repu-  
tatur, vt  
Christus.

Mar: 3. 21.

Vt nunc  
serui eius.

Clamat  
Ioannes  
omnibus  
membris,

*Rom: 12.* clamat inquam, *non plus sapere, quàm oportere sapere.* nec ingenio iudicioq; suo proprio, quod sapè temerarium & insolens est, nimium fidere. Clamat reliquum malè vestitum corpus, suadetq; diuitias nō appetere, multò magis rapinas, furta, vsuras & quamuis iniustitiam execrari. Clamat idem squalidum, macieque confectum, ingluuiem, comessationes, omnesq; carnis voluptates & cupedias fugiendas. clamat melotis & zona pellicea, effusum in vestitu luxum, tum in rebus aliis aspernandum. Clamat deniq; totus Ioannes, quippe vir clarissimus, & genere nobilissimus, mansuetudinis, humilitatis, patientiæq; suæ maximæ præclaris exemplis, omnem superbiam & animi elationem, orisq; inanem iactantiam, ac iracundiam, & quæ inde fluunt, detractiōnes, odia, homicidia, procul à nobis amouēs. Benè igitur ipse Ioannes vox dicitur, & Vox CLAMANTIS tam sonore & clamose, vt vox eius primùm per montana, postea per totam Iudæam, deinde per vniversum orbem, ac demum per omnes consequentium seculorum ætates diffusa resonaret. Imò etiam in DESERTO ipso, talia clamoris sui reliquit vestigia, vt postmodum non solum Palestinæ, vbi ille vixit, sed etiam Ægypti, Thebaidis, Nitriæ, Scitiæq; ipsius vasta deserta, & inuiæ solitudines, tot anachoretarum & monachorum implerentur millibus, quibus tam vox Ioannis, quàm ipse Ioannes dux & auctor, ad talem vitam instituendam

*Omnibus  
temporibz.*

*Per totum  
orbem.  
Iterum in  
deserto E-  
remitis.*

tendam fuit. Non enim tam voce & doctrina, quam austerioris vitæ suæ exemplo, docuit eos tale viuendi genus amplecti, quale ipse complexus olim fuerat.

Deniq; ipsum Ioannem vitamq; eius, fuisse vocem timoris, terrorisq; plenam, quis non fatebitur, qui vitam suam, cum ipsius viuendi ratione conferre voluerit? Quis enim secum reputans & expendens, tum peccata sua, quæ ab ipsa patrauit pueritia, tum tenuem aut propè nullam, quam pro illis egit pœnitentiam: tum magnum, quem hucusq; in corporis castigatione, & affectuum suorum compressione habet teporem, & hæc omnia comparans cum perpetua Ioannis innocentia, cum admirabili eius austeritate, cum corporis stupenda planè per tot annos afflictatione, cum feruore deniq; ipsius tam in his omnibus, quam in officij sui exequutione, quis inquam facta tali collatione animo non perhorrescat, metuq; ac formidine non concutiatur? fuit itaq; ipse Ioannes vox, & vox CLAMANTIS, primùm quidem IN DESERTO, postmodùm verò, & nunc quoq; per totum orbem, & vox terribilis, timorisq; plena.

Deniq; omnibus hominibus.

Neq; verò Ioannes Baptista vox tantùm ipse fuit, exemplo suo docens omnes, sed etiam in vocem oris prorupit, sanè terribilem illam, nempe, PARATE VIAM DOMINI, & quæ sequuntur. Sed vox ista videtur potius Isaie Prophetæ, hæc de illo prædicentis, imò alia

2. Vox significat prædicationem.



**Eamque a-**  
**crem.**

**Luc: 3. 7.**

*Dicebat ergo ad turbas que exhibant vt baptizaretur ab ipso: Gemmina viperarum, quis ostendit vobis sugere a ventura ira? Terribile concionis principium, vt scias id eo illum venisse, vt per timorem, ad amorem Christi populum prępararet. Subdit plura: Iam securis ad radicem arborum posita est. Omnis ergo arbor nūc faciens fructum bonum, exci-*

**Infernum**  
**mittantē.**

*detur & lignem mittetur. Tremenda planē verba. Quid verò fiet, o Ioannes illi arbori, quę penitus cōtra bonis fructibus, profert lōgē pessimam? nihil dicit. Nobis id cogitandum relinquunt. Vtinam verò cogitemus etiam atque etiam, & benē summam hanc rei indignitatem expendamus, ne malē postea iudicemur.*

**Matt: 7. 2.**

*Quia cuius mensura mensi fueris, remetietur vobis, dicit Saluator Iesus. Si ergo malē iudicabis, & tibi in hoc iudicio fanere fueris deprehensus, malē iudicaberis postmodū, non ex parte Dei, cuius iudicia semper recta & iusta, sed ex parte tui, quia pro malis ē rigido iudicio mala recipies. Addit pręterea Ioannes de Christo loquens: Cuius ventilabrum in manu eius, & purgabit aream suam, & cōgregabit triticum in horreum suum. paleas autem comburet igni inextinguibili. Quod notatur his verbis, comburet igni inextinguibili, nonnē infernus? Quid autem, est quod magis huius seculi amatores offendit quā*

quàm inferni commemoratio? quid à concionibus audiendis nonnullos areet, quàm tales minæ, de gehennæ flammis intentatæ?

Nostis etenim illas querelas vestras contra concionatores, quòd semper increpant, semper minantur, semper pœnas inferni ob peccata communia, vltiq; iam recepta, exaggerant, vt vix ferendi sint, & amplius adeundi. Semper enim (vt phrasi vestra vtar) inferno nos destinant. Certè non sum mihi conscius, me aliquando vos genimina viperarum appellasse, quod tamen hic à Ioanne fieri tam significanter videtis, imò ipse quoq; Christus idem præstitit dicens: *Progenies viperarum, quomodo potest bona loqui cum sitis mali?* Verùm in posterum tantis authoribus, quid ni infidem vos aliquando verbis perstringamus? At inquires: Christiani sumus, ideoq; fas non est tam acerbis nos compellare insectariq; verbis. Equidem si Christiano nomini parem vitam institueretis, piaculum esset ita vos compellare: At si præter Christianum vocabulum vix aliud in vobis extet, quod Christianum verè sit, quid de agnomine succensetis? Constat enim & mihi, & aliis ipsa experientia magistra, neminem in eiusmodi verbo offendi, nisi quem ipsa intus redarguit conscientia. Vitium ergò suum, non nos accuset, vel emendet potius, quisquis est huiusmodi.

Quod verò ad infernum attinet, mittimus vos eo, mente saltem & cogitatione, terrorem

Christiani  
nō ferūt a-  
cres adre-  
nitiones.

Iniquè sa-  
nè.

Matth: 23.  
34.

Quia digni  
sunt talibus.

Quia insecti-  
num cogit  
tare bonū.

afferendo, ne eo præcipientes ruatis; primum in anima, deinde etiam in corpore voluptuose nimis licentioseq; viuendo. Terremus vos, non vt è templo inconsultò vos proripiat, sed vt pœnitentiam amplexi, liberi sitis ab illo, quem tantopere fastiditis, vt nec nominari eum velitis igne inextinguibili. Cur non v-

*Joan: 18.*

*25.*

Quia min  
signum a-  
moris.

*Ps: 10. 6.*

NOTA.  
Patet id ex  
scriptura.

surpem hic illud Christi? *Si malè locutus sum, testi-  
monium perhibe de malo: si autem bene, quid me ce-  
dis?* Lingua videlicet acri. Cur veritatem nō  
agnoscis & complecteris? Quid si probauero  
quod non plus vos amamus, quàm ipsi vos  
iplos? idq; testimonio Dei, & per seipsum &  
per lumen naturale id confirmantis? Sic enim  
ipse per Psalmistam: *Qui autem diligit iniquita-  
tem, odit animam suam:* ac proinde contraria,  
sed necessaria consequitione, qui amat ani-  
mam, odit iniquitatem: hoc nostrum, il-  
lud verò vestrum est opus. Nos etenim quia  
odio prosequimur iniquitatem, vt ea de me-  
dio tollatur, rogamus, monemus, minas in-  
tentamus, sicut facit scriptura, sicut Ioannes  
Baptista, sicut ipse Christus: idcirco amamus  
animas vestras. Vos verò secus, quando ita  
diligitis iniquitatem, altas in vobis agentem  
radices, vt eam nulla vi, nullis denunciatis ter-  
roribus è vobis exterminari patiamini; nonnè  
teste Spiritu sancto, odistis animas vestras?  
Magis igitur nos, quàm vos ipsi vos amamus.

Patet & ra-  
tione cui-  
denti.

Quod hac quoq; ratione fit planum. Peto  
enim, cur non sustinetis commemorari mi-  
nas in-

nas inferni? Certè non alia de causa, nisi quia displicet vobis gehenna, quia nolletis perpeti ignes inextinguibiles, hoc verò & nos cupimus ardentissimè: ac proinde vos urgemus, ut caveatis peccata, quæ in infernum certissimò præcipitant: vos verò tantum abest, ut ea declinetis, ut etiam molestè feratis, si quis à scelere vos absterrendo, simul à præcipitio reuocet horrendo: & multo ante, ne in illud incanti ruatis denuntiet, moneat, si quis denique modum vitandi tradit. Rectè namque tam salutariibus consiliariis succenseatis; ipsi iudicate. Sed & illud expendite quæso, quisnam magis Item alia. animam amet vestram, num vos qui inferni mentionem ferre non vultis, & ultro citroque per lethalia peccata, velut amentes in gehennam ruitis: an nos, qui idcirco, toties ignis inextinguibilis flammam ingeminamus, ut vos per terrorem ab eo liberemus. Quare si isti, quorum fit mentio in Evangelio, licet asperè increpati à Ioanne, amore potius quam alio affectu erant moti erga illum, nec fugiebant, sed ut audis, exhibant ut baptizarentur ab ipso, profectò vos qui Christiani estis, idem præstare debetis iis, qui si non pari fervore cum Ioanne, non dispari tamen animo salutem vestram desiderant, amantque.

Arbitror rectè vos iam intellexisse, quid II. MEM.  
hæc VOX CLAMANTIS IN DESERTO sibi velit. BRVM.  
At cur tam asperè prolata? ut REMISSIONEM Vox ista a-  
PECCATORVM omnibus conciliaret, & vel ma- cris adfert  
remissionē  
ximè peccati.

Et tollit  
impedi-  
menta.  
Notanda  
similitudo

ximè amoueret impedimenta, quæ efficiunt, vt neq; remissionem hanc peccatorum obtineamus, neq; ad Regnum cælorum, quod est nobis in votis, perueniamus. Hæc verò impedimenta sunt quatuor, quæ appositè allegorica quadam oratione notantur, sumpta ab iis, qui Regi, vel Imperatori ad se cum pompa venienti vias complanant. Itaq; vt ibi montes & colles, aliq; loca abrupta adæquantur, valles verò & fossæ implentur, lapides & omnis asperitas viarum in gratiam Principis multorum comitatu venientis aufertur, denique obliqua & tortuosa itinera recta fiunt: idem Christianæ turbæ otius agendum est, imitatione quadam, vt Regem regum dignè suscipere, & SALVTARE DEI videre possit. Id tamen inter hos, & illos, est differentia. Nam qui terreno regi vias parant, quicquid efficiunt, id Marte proprio & impensa consequuntur: qui verò Regi cælorum iter ad se adornant, animi dumtaxat conatum, desideria pia, ac voluntatem promptam satis est vt tanto Regi offerant, qui pro sua omnipotentia vires suppeditabit, auxilia præbebit, gratiam largietur vberissimam, vt non solum vtrò ac spontè, sed etiam cupidè, libenterq; omnia apparentur. O nunquam satis laudanda bonitas, & meritò ab omnibus ardentissimis votis optanda, illiq; collaborandum!

Quatuor  
impedimē

Proptereiusmodi itaq; quatuor itineris spiritualis impedimenta, præsertim si magna fuerint,



erint, etiam nunc fieri solet, quòd nunquam, <sup>ta remiss:</sup>  
vel si nò tanta fuerint, difficilimè perueniatur <sup>peccatorũ.</sup>  
ad videndum SALVTARE DEI. Itaq; sic perie-  
runt omnes Iudæi, Messiam non recipientes:  
ita cadunt in interitum omnes hæretici, eun-  
dem agnitum per schismata repudiantes: ita  
corruunt omnes impij Catholici, non fide,  
sed operibus Christum abnegantes.

Est autem, saluo meliori iudicio, prædicto-  
rum quatuor impedimentorum hæc intelli-  
gentia. Per valles, vitia carnis, & eorum illece-  
bræ fomentaque: (Nam sine Cerere & Bac-  
cho friget Venus) per montes & colles, su-  
perbia, & illius affectæ, ira, inuidia, ambitio,  
aliaq; eiusmodi: per praua & obliqua, hære-  
ses, schismata, hisq; similia, tortuosa, & praua  
dogmata: per aspera, diuitiæ, avaritia, cum  
omnibus sibi cognatis vitiis intelliguntur.

Nec immeritò, in libidinosum etenim, & e- <sup>1. Carnali-</sup>  
briosum ventricolam, omnes sordes brutarũ <sup>tas.</sup>  
voluptatum, quasi in vallem profundam &  
patentem defluunt. Superbiæ tumor optimè <sup>2. Superbia</sup>  
montium iugis & collibus comparatur. Cer-  
tè de primo superbię authore Lucifero ita scri-  
bitur: *Sedebo in monte testamenti.* & quis sit iste <sup>Isa: 14. 18.</sup>  
mons, paulò post indicatur: *Ascendam super al-  
titudinem nubium, similis ero altissimo.* mons igitur  
superbia est, è quo præcepit idem affecta-  
tor summæ sedis datus est. Sed & illud quo- <sup>3. Prauitas.</sup>  
modo per incurua & obliqua, hæreses & aliæ.  
prauæ doctrinæ notentur, expositione non <sup>4. Avaritia,</sup>  
indiget:



*Matth: 13.*

32.

indiget: quòd per aspera, diuitias & auaritiam intelligamus, facit hoc Saluatoris autoritas; qui diuitias & nimias de rebus temporalibus curas, spinis comparat. Quid verò magis est asperum quàm spinæ? quæ licet nonnulla florum candidorum gratia commendantur, mirum tamen in modum pungunt, & sauciant suis aculeis, illos qui eas tractant. Neq; secus diuitiæ, molles illæ quidem sunt, si externam earum faciem spectes: at aculeis plenæ, si affectum erga illas consideres, quem quicumq; inordinatum erga eas habuerint, miserabili modo cruentati & extincti sunt ab eis.

**Declaratur**  
ista, **PRI-**  
**MVM** vali-  
lis luxuriæ.  
1. Apud Iu-  
dæos.

*Luc: 14.*

20.

Apud hæ-  
reticos.

Hæc igitur quatuor obstacula remissionis peccatorum Ioannes hic tangit: postea verò ipse etiam Christus crebrò notauit, propter eadem Iudæos vberem à Deo oblatam gratiam repudiare solitos: Præsertim in illa parabola de inuitatis ad cœnam magnâ; vbi cum alia tum præcipuè vorago illa sædalibidinis notata est: cui Iudæi cum suis repudiis, & pluralitate vxorum, immeriti erant. Itaq; dicunt absq; vlla excusatione: *Vxorem duxi, & ideo nō possum venire.* O quàm id nunc est frequens! Inprimis apud hæreticos, qui sacilegas nuptias cum personis Deo dicatis approbant, & cōnubia execranda, thorum immaculatum vocant; qui nolente vxore, ancillam venire iubent; qui vxori deceptæ, incestum cum fratre mariti permittunt. Et quid apud prophetam execrandum Lutherum, in antiquis eius li-  
bris hu-

Apud Ca-  
tholicos.

bris huiusmodi non legimus? Nam in posterio-  
rioribus editionibus, discipuli procacissimam  
hanc dicacitatem paululum correxerunt. Pro  
dolor, pro stultitia. Deinde tum apud eos-  
dem, tum apud impios Catholicos, quanti,  
quam miserabiles lapsus in hanc voraginem?  
Adulteria, stupra, incestus, fornicationes, mol-  
lities, & alia nominatu horrenda. Tum eti-  
am quæ ad ista disponunt (licet per se etiam  
turpissima sint peccata) comestiones, ebri-  
etates, verba turpia, quæ ignem habent, quæ  
omnia pro iocis reputantur, etiam ab iis, qui  
sanguine Christi sunt abluti. O Christiani vix  
eo etiam nomine digni: quid cogitatis cum  
in illis volutamini? Cogitate saltem quod ex  
ore Ioannis audiuistis, de securi ad radicem  
apposita, cuius vno ictu primum anima, po-  
stea etiam corpus, quod tam delicatè nutritis,  
in ignem mittetur inextinguibilem. O quam  
crudeles estis in corpus vestrum, cum illud  
tanto opere inordinatè amatis.

Alterum, ne videatur SALVTARE DEI Chri-  
stus Iesus (& si videtur per fidem, ne apprehē-  
datur per charitatem) impedimentum, sunt  
montes & colles; superbia videlicet, ambitio,  
honoris inordinata cupiditas, & his similia:  
Appter quæ Iudæos repudiassē Christū ipse aper-  
tè testatur, dicens: *Quomodo vos potestis credere, Ioā. 5. 44.*  
*qui gloriam ab inuicem accipitis, & gloriam quæ à so-*  
*lo Deo est non queritis?* Vides quàm significanter  
id asserat, nequaquam id eos posse? Et profe-  
ctò ita

SECUN-  
DUM.

Montes su-  
perbiz.

In Iudæa.

In hæreticis.

In Catholicis.

Luc: 8.8.

TERTIVM

Praua dogmata.

Simile.

Etò ita ferem habere, quotidie conspiciamus cum lachrymis. Quot enim sunt inter hæreticos, conuicti planè in intellectu, Catholicam fidem esse veram; & tamen, ne gloriam amittant, quam ab inuicem accipiunt, Deo dare gloriam denegant? Quot inter Catholicos, qui ne contemnantur (vt illi aiunt) epulas & ebrietates continuant; turpia, ne inurbani videantur, loquuntur; famæ aliorum detrahunt, de peccatis perpetratis gloriantur? Alij verò, propter nescio quam vimbram honoris momentanei, furunt planè iracûdia, anguntur, excruciantur, ac proinde vindictas, mortes, caedes, & quid non moliuntur, ipsum etiam Acheronta mouentes? Alij totam suam gloriam & honorem, thraſonicè in auis & proavis ponunt. Quibus optimè quadrat illud Ioannis: *Ne capeitis dicere, patrem habemus Abraham.* Quid enim prodest tibi decus maiorum, cùm tu vitius sis coopertus? quid fides illorum, cùm tu sis perfidus & periurus? quid prodest quòd illi sanctissimè in Catholica professione vita acta, nunc in gloria vident Christum SALVTARE DEI, cùm tu maculosus, infamis, ad infernum, properas? Hem vide quid agas, imitare, non iacta insolenter maiorum virtutes.

Tertium obstaculum videndi Iesum, sunt PRAVA videlicet itinera, id est dogmata. Nihil magis absurdum, quàm cùm quis volens obuiam ire alicui ab oriente, verbi gratia, ad-

uentan-

uentanti, iter arripiat occidentem. versus:  
 quis non rideat præposteram istius mentem?  
 Tales fuerunt Iudæi, quos arguens Christus  
 inquit: *Quare vos transgredimini mandatum Dei* Matt. 19.  
*propter traditionem vestram?* Vrgent hæretici hæc 3.  
 verba contra Ecclesiam Catholicam, non mi-  
 nus imperitè, quàm impudenter. Sed de hoc  
 alias. Nunc sufficiant illæ, in quas paulò ante  
 incidi, eorum traditiones, de sacrilegis & in-  
 cessuosis nuptiis, quæ sicut legi Christi planè  
 cōtrariæ sunt, ita euidenter demonstrât, quàm  
 distorta, curua, prauaq; sint illorum dogmata  
 omnia, in quibus à vera Ecclesia dissentiunt,  
 per quæ tamen suis affeclis conspectum SALV-  
 TARIS DEI promittūt; sed non magis isti quàm  
 illi quos paulò ante depinximus, ab eius deli-  
 deratissimo conspectu arcebuntur.

Huc spectant qui Magicis præstigiis, & su- Viperæ & zettæ & Machueliani.  
 perstitiosis precationum formulis occupan-  
 tur. Neq; verò multùm ab illis absunt nostri  
 pseudo-polytici. Nam prauæ certè sunt viæ il-  
 lorum, qui sub specie politix, vitia admittūt:  
 qui scelera laruis virtutum vestiunt: cælum  
 terræ, spiritum carni, id est, statum Ecclesiasti-  
 cum seculari subiiciunt: qui ordinem, totum  
 diuinum, imò & naturalem, funditus euer-  
 tunt. Omnibus igitur istis singulari ratione,  
 quòd competat illud Ioannis: *Progenies viperarum*,  
 obscurum non est. Sicut enim viperæ  
 nascendi more impatientes, vêtre matris cor-  
 roso exiliunt: ita primùm hæretici ingenij  
 quadam

NOTA.

quadam immatura festinatione noua dogmata parturiunt, non sine conuulsione & discissione vteri, id est vnionis sanctæ Ecclesiæ, in qua contineri & quiescere debebant: Quod & pseudo-polytici in Respublicas, quibus se maximè consulere dicunt, designant; neq; animaduertit hoc genus hominum miserabile idem sibi exitium ab aliis parari, viperino planè ritu. Nam & inter hæreticos posterius enata hæresis priorem enecat: & in pseudo-politica, quod vitio & malis artibus coaluit, vitio quoq; & scelerata aliorum factione ac subdolis machinationibus corruiat, necesse est. Cæterùm dum hæc dicimus, ij quos oratio nostra tangit, ringuntur fortassis contra nos, & strident dentibus suis. Sed *verbum Dei non est alligatum*, ait Apostolus: moderentur ipsi affectibus suis, missas faciant improbas artes, è quibus crescere & nomen sibi propagare in animo constitutum habent, nos quoq; stylum multò libentiùs occupabimus in aliis.

**Q V A R-  
T V M-  
Asperitas  
auaritiæ.  
Declara-  
tur id expe-  
rientia.**

Ex facto lu-  
dz prodii-  
toris.

Postremum viarum impedimentum est, asperitas nimia, quæ pedes cruentat, & deficere facit currentem in via. Tales sunt spinæ diuitiarum, quæ & asperè per furta, rapinas, vsuras, aliaq; auaritiæ instrumenta, cum summa aliorum iniuria, & animæ perniciæ colliguntur; & asperius cum metu & angore asseruantur, & asperrimè cum animi amaritudine, aut expenduntur, aut in morte deferuntur. Numquid non ita se res habet? Testis est Iudas proditor,

ditor, qui quod impiè collegerat, cum amaritudine proiciens, infami supplicio rependit. Testes, ut ait D. Lucas, *Pharisæi qui erant auari, Luc: 16. 14* & deridebant Christum, contra hoc vitium Et Pharisæorum. differenter, & non dubiè dissecabantur in cordibus suis. Hos imitantur raptores bonorum Ecclesiasticorum propter traditiones suas hæretici, hos pseudo-politici, decimas non soluentes: hos nonnulli Catholici, & cum illis alij focij furum: affinitatem cum hoc vitio habentes. Quibus maximè competit illa Ioannis parabola de Christo ventilabrum in manu gestante, ac arcem suam purgante, paleas verò igni inextinguibili tradente. Mirabilis facta Christi miranda facta. nè est Iesus sapientia diuina, apud quem argentum, aurum, lapides pretiosi, prædia, ciuitates, prouinciæ, regna, & alia, quæ hic tantum habere pondus videntur, ita sunt lenia, ut paleæ instar ventilentur, & in ignem mittantur, & ardeant cum suis possessoribus, qui illis inordinatè afficiuntur. Contra verò quæ hic pro rebus leuissimis computantur, ut paupertas, ut abiectio, ut humilitas, ut patientia in tribulationibus, hisq; similia, si propter Christum vltro tolerantur: maximi sunt apud eum ponderis, ita ut tanquam granum optimum in horrea & thesaurum recondantur æternum. Tu vide quid eligas.

Intellexistis ut arbitror, quæ nam sint re- Obiectio  
missionis peccatorum gratiaq; diuinæ con- retorquetur.  
quendæ impedimenta, & quam acriter Ioan-  
nes Ba-



annes Baptista ea infectatus fuerit. Sed dicet fortasse aliquis vestrum : Hæc omnia iam per Christi aduentum sublata esse, id enim disertè prædixit Propheta. Ita sanè fecit amantissimus & benignissimus Iesus, quātum in se fuit, vt omnia ista obstacula tollerentur. Verūm quid nos hæc iuuant, quandoquidem omnia ista denuo restauramus ? per nos denuo montes erecti turgent, valles & abyssi profundissimè hiant, viæ Christi, prauæ & asperatæ redduntur, idq; eo vel maximè tempore, quo deceret potissimè ea omnia explanari & corrigi.

## NOTA.

Quomodo  
se mundus  
ad festa præ  
parat.

Audite & intelligite. Instant festa solennia Natiuitatis Christi, secundum carnem. Quæ est animorum vestrorum ad ea præparatio ? Alij magna cura, esculenta & poculenta comparant. Alij sumptuosas vestes pro se, pro liberis, pro vxoribus adornant, vnde & seipso planè exhauriunt, & rem familiarem perdunt omnem, præsertim artifices, & tenuioris conditionis ciues, dum vxorum suarum importunis cedunt precibus, aliis muliebri ambitione cedere nolentium, & ornatus vicinarum insolentes æmulantium. O vtinam ita virtutes intueri velint alienas & æmulari : sicut vanitates aspiciunt auidè & consecretantur. Cæterum de virtutibus nil eis pensi est, in luxu, & vitiis, nulli secundæ esse volunt. Quo fit, vt nunquam rem faciant, aut ad opes perueniant vel mediocres, tantum abest, vt quid è fidei manuum labore, Christi pauperibus destinatum ser-

tum seruent. Quid dicam de intolerabili abusu, quo festis peruigiliis in multam noctem & ad vsq; ipsam diem sanctissimam labor producit, vt aliorum luxui satis fiat? Quid de aliis qui noctem illam, qua Saluator mundi apparuit, in alearum lusu consumunt, & fortunam dementi quadam superstitione experiri statuunt? O nefas! ô cæcitas! Quem sequimini ô Christiani? Christumné, & sponsam eius matrem nostram Ecclesiam: an capitalem illorû & vestrum hostem, dæmonem inquam infernalem, contraria omnia interim agentem? Clamat Christus & eius internuntij: Demolimini montes superbix, colles elationis & aquate, implete valles lachrymis, ieiuniis, & aliis corporis mortificationibus, sint PRAVA superstitionum, IN DIRECTA bonorum operum, & sanctarum intentionum; sint ASPERA spinosarum diuitiarum IN VIAS PLANAS, per largas elemosynas, per copiosa misericordix opera. Dignissimus clamor, cui pareatur. Sed facilius alius ex aduerso, pro dolor auditur, quem ingeminat princeps tenebrarum, qui per festa Natalitia, ad Bacchica ita præparat & dirigit homines, vt continuet seriem dominatus sui; nec ad momentum à seruitute sua liberos eos dimittat, ad quos redimendos Saluator in forma serui venit. Itaque paratur illi non segniter, luxus, pompa, ingluuies, & cætera vitia carnis frequentantur. Nos interea surdis fabulam canimus, & mytheria diuina, præsentem

eius gratiam magna concione proponimus. Monemus, vociferamur adesse præ foribus Deum, qui si non in forma humili, magna significatione pietatis excipiat; aliquando tremendus iudex, seuerissima de contēptoribus suis legumq; suarum, sumpturus est supplicia.

## III. MEMB.

R E M E.  
D I A duo.  
1. Meditatio  
terribilis.

*Pf. 105. 37.*

*4. Reg. 23.*  
*10.*

*Matth. 5.*  
*14.*

Quid ergò faciemus dicetis? Utinam id sincerè & cum proposito veræ emendationis percontemini. Ego verò duo vobis suggeram. Primum est dictis non absimile, & auditu terribile, conqueritur alicubi Propheta horrendum quid de populo illo Deo ingrato, sic dicens: *Immolauerunt filios suos & filias suas demonibus.* Quæ summa impietas, quemadmodum admitti soleret, attendite. Ad murum ciuitatis Hierusalem, in loco & nemore amœnissimo, Gehennon dicto (vnde à Christo Domino infernus Gehenna nuncupatur) id est in valle Ennon, erecta fuit statua ænea, concava ad concipiendum ignem apta, habens manus aliquantulum extensas, & ita sinuatas, vt infantes à parentibus idolis immolandi, intra eas includi possint. Qui cum vlnis illius ex-cratae statuæ excepti fuissent, tum igne intracandem statuam excitato pueri excruciabantur, & inter illas manus hærentes lentè consumeabantur. Quàm dira isthæc fuerit crudelitas, qui tum clamores, fletus & planctus puerorum, vobis cogitandum relinquo. Assidebat cum aliis infinitis huic dirissimo spectaculo parentes puerorum. Interim verò sacerdotes  
idolo-

idolorum, tympanorum & aliorum crepita-  
culorum valido sono, ciulatum infantilem  
retundere & obruere solebant, ne vel ea com-  
ploratione miserabili, viscera paterna ad com-  
passionem commota, à tam immuni sacrile-  
gaq; cæde abhorrerent: à quo etiam tympano-  
rū strepitu, locus ille *Tophet*, id est tympanū, à *Ier: 7. 31.*  
Prophetis vocatur, quo nomine etiā *Iſaias in- E: 10. 6.*  
fernū vocitat. Hęc erat illius quod *Dauid tan- Iſa: 30. 32.*  
topere exaggerat detestādi facti ratio. Vos ve-  
rò quid fratres mei? nunquid spectaculo hoc  
inuiso, & plusquā bestiali crudelitate, nō mo-  
nemini? Credo nullum reperiri cuius viscera  
commota non fuerint super infantibus tan-  
topere afflictis, qui non excanduerit in paren-  
tes tam crudeliter infanos. Vertite igitur iam  
obsecro hoc orationis exemplum in vos. Ad-  
stringitur aliquis vestrum peccato mortali: sci-  
at terribilius & immunius se enecari, quā hi  
in complexu statuæ candentis infantuli ene-  
cti sunt, ipsumq; crudeliorem in se esse quā  
isti execrandi fuerint parentes. Illi enim fili-  
os & filias suas immolabant idolo *Moloch*,  
nō utiq; æternū illis flammis torquendos: tu  
Christiane propriā animam, à qua totū tuum  
esse & vivere pēdet, postea verò etiam corpus  
offers diabolo in aū ignibus torrenda. O si  
aperirentur oculi & aures tuæ, ut videre &  
attendere possis, quanta cum indignitate &  
ferocia raptetur, stringatur, vratur anima tua,  
dum serua est peccati. Si gemitus eius mise-  
rabiles

rabiles per speciem tibi possent obici, quos edit quando præda facta est tartareo carnifici. Sed ais? nil tam immane vnquam sensi, nullū alicuius doloris vestigium in anima sum expertus, peccem licet toties. Id quidem ideo fit, quia obruis clamorem animæ miserabilis eiulantis, & obruis eodem ritu, quo isti impij cultores Moloch. Turbatur anima tua toties, pungit conscientia, & lancinat cor stimulis quibusdam penetrantibus, de perpetrato peccato; totus inquietudine & dolore velut subiectis facibus vreris. Tu verò quid? validam hanc cōscientiæ arguentis vocem, obruis inani strepitu. Iubes instrui epulas, adornari mensas, impleri scyphos, accerli socios potentes ad exhauriendum. Accedit symphonia, choreæ, cæteræq; lasciuia & sopiendi animi artes, quibus clamor conscientiæ ingemiscantis retunditur, & anima oblita sui, futili latitia velut ebria, desinit intueri & timere tam euidentia pericula sua. Et hoc est esse crudeliorem impiis illis parentibus, filios in gratiam damonis ad carnificinam offerentibus: Hoc est extremæ calamitatis genus, conscientiæ quæ promille testibus esse tibi debet, vocem non attendere. Quid ergo inquis faciam? Excute ex animo diram hanc, quam in te exerces crudelitatem, & ama vnicè animam tuam.

a. Poenitentia  
cuius  
vis eximia.

Et hoc est primum quod suggero, addo secundum, scilicet vocem CLAMANTIS IN DESERTO. At quænam illa vox? nempe illa:

*Pœnitentia*



*Pœnitentiam agite.* De qua multa essent dicen- *Mat. 3. 21*  
da; sed interim nec pauca, propter temporis  
angustias licet. Cùm tamen pœnitentia tan-  
tæ sit virtutis, vt ipsa sola omnia impedimenta  
auferat, sola iter & IESV ad nos, & nobis ad  
illum planissimum reddit. Pœnitentia omnes  
etiam profundissimas valles obruit, & lachry-  
mis implet. Mirum dictu, & essau difficile,  
quàm suaves, quàm acceptæ sint curiæ cœle-  
sti Regi; immortalis nostræ lachrymæ, quam-  
quæ alacriter per has aquas currit. Pœnitentia,  
montes & colles per contentionem conquas-  
sat, & solo æquat. Pœnitentia PRAVA facit IN  
DIRECTA per confessionem, vbi & à Deo & à  
Confessario, quomodo sint viæ distortæ diri-  
genda, peccator edocetur. Pœnitentia deniq;  
ASPERA facit plana, per satisfactionem, & di-  
gnos fructus pœnitentiæ, per ieiunia, per ele-  
mosynas, per orationes. Hanc igitur ample-  
ctamur dilectissimi, vt id, quod eam sequitur,  
Regnum cœlorum appropinquet nobis per  
IESV Christi merita, qui cum Patre in vnitate  
Spiritus sancti, viuit & regnat Deus in  
secula seculorum. AMEN.

## CONCIO SECVNDA.

### Fides.

*Anno quintodecimo imperij Tyberij  
Cæsaris. &c.*

Aa 4

Ternit

Tres vestes  
quibus Tri-  
nitas nun-  
tios suos  
ornat,



Ernis insignibus, & quasi notis quibusdam, distinguere & exornare consuevit Deus omnipotens eos, quos & nomine suo, & per seipsum immediate ad instruendos alios in gratiam sponsæ suæ Ecclesiæ mittit legatos. Vestit enim & ornat eos Miraculis, Constantia, & vitæ Sanctimonia. Offert se hanc ad rem comprobendam Ioannes Baptista, quem his instructum insignibus esse à Deo missum, nemo negauerit; adiunt peropportunè Euangelia, quæ de illis tribus istis continuis diebus Dominicis ab Ecclesiâ leguntur. Nos duo Christo iuante absoluiimus, ibidemq; duo talis missionis insignia spiritualia exhibuimus; restat hodiernum, tertiam notam nobis ob oculos ponens, imò omnes tres, sed de postrema præcipuè est nobis agendum. Verùm antequam id aggrediamur, explicandi sunt nobis modi, quibus diuina bonitas veritates suas, quæ nostrum superant intellectum, nobis manifestat. Id enim & promissimus aliquando nos esse facturos, & tam ad ea quæ dicta sunt in hac materia, quàm ad illa quæ dicenda restant, multùm momenti habet, neq; à textu Euangelico abhorret.

PROPOS.  
Quadri-  
membis.

Quare in concione ista quatuor hæc considerabimus. Primum, quomodo & quot modis (in communi disserendo) nobis, dum in hoc mundo sumus, loquatur Dominus Deus. Deinde, quoniam modo in particulari suam nobis

nobis declaret veritatem & voluntatem, per eos, quos ipse per se ad nos mittit, & quomodo tales sine errore cognoscere possimus. Præterea, quomodo ista in Evangelio hodierno reperiantur. Postremo, qua ratione tum ex his, tum ex aliis quæ nobis hoc Evangelium porrigit, inprimis pseudo-propheta, deinde tam Ecclesia vera Christi Domini, quam synagoga sathana inuestigari & cognosci possit. Tu Christe Iesu Domine & Saluator noster benigne, tribue, vt ea quæ à te dicuntur, rectè cognoscamus, ne decipiamur, & quæ cognouerimus, opere perficiamus, ne gratia tua vnquam excidamus.

Certum, & ex antea dictis cognitum est vobis, Fidem nostram, qua Catholici sumus, tam excellentem & diuinam esse, vt non nisi soli diuinæ innitatur authoritati, ac proinde necessarium esse, vt nobis de veritate & voluntate diuina constet, alias enim turpiter & noxiè errabimus. Constare autem hoc non potest, nisi nobis dicatur Deum id locutum esse, & à tali dicatur, qui nos decipere non possit. Cum enim talis deceptio sit omnium, quæ in mundo esse possunt, periculosissima, (nam agitur de salute animæ, qua nihil pretiosius) Dei benignitas in rebus tantoperè necessariis deesse non potuit, prout neq; defuit vnquam ab ipso mundi exordio, neq; deerit vsq; ad consummationem seculi. Habuit enim, habetq; semper aliquem, vel aliquos in mundo, qui suo

I. M. E. M.

B R V M

Deus dupliciter loquitur nobis.

Matth: 28.

10.

nomine veritatem ad salutem necessariam nobis absq; errore manifestare valent.

1. Intrinsicè.

1er: 31. 33.  
Heb: 10. 16

1. Io: 2. 27.

2. Cor: 11.

14.

Vbi tamen

deceptio

esse potest.

Col: 2. 8.

**N O T A**

Obiectio

heretico-

rum quæ

solvitur.

Tum per

indignitiam.

2. Pet: 2. 21

Tum per di-  
functionē.

Sed inquis: Scriptum est & in veteri & in nouo Testamento de nobis qui in lege gratiæ viuimus: *Dabo legem meam in visceribus eorum, & in corde eorum scribam eam.* idcirco præter legem istam, aliud nihil est nobis necessarium, præsertim cum alter Apostolus testetur, quod *uñctio eius doceat nos de omnibus.* Respondeo: rur- sus scriptum esse, quod *ipse sathanas transfigurat se in Angelum lucis, & pseudo-apostoli in Apostolos Christi.* Et iterum monet Apostolus: *Videte ne quis vos decipiat,* monetq; illos qui legem scriptam in visceribus & vñctionem illam habebant; ad fideles enim scribit; & tamen testatur quod decipi poterāt. Imò quosdam deceptos fuisse asserit, & lamentatur princeps Apostolorum dicens: *Melius erat illis non agnoscere viam iustitiæ, quàm post agnitionem retrorsum conuerti.* Vbi ergo fuit illa vñctio, qua hæretici tantopere nituntur, vt propter eam non possent se errare autument? Ecce illi, quos D. Petrus reprehendit, & fideles aliquando erāt, ideoq; hanc legem ac vñctionem in corde habebant, & tamen decepti sunt. O cæcitas illorum hominum, qui vno aliquo scripturæ loco malè intellecto, ita & suos, & suorum excæcant oculos, vt nulla alia, quantumuis clarissima, scripturæ testimonia velint aspicerē: vtinam vel ipsa magistra omnium experientia illis oculos aperiat. Fatemur equidem  
nos Ca-

nos Catholici legem Dei esse scriptam in cordibus & in visceribus nostris, fatemur & nos vñctionem diuinam habere, & ita fatemur, vt sciamus, & certa credamus fide, nusquam alibi quàm in animabus illis quæ subsunt Ecclesiæ Catholicæ, hanc legem, & istam vñctionem reperiri: sed & hoc fatemur, hanc legem scriptam in cordibus nostris, hanc vñctionē docere nos, vt nostro non filamus iudicio, quod errare potest; vt caueamus nobis, ne *cir-* 2. Cor. 2. 11.  
*cumueniamur à Sathana*, qui nos decipere potest, 2. Loquitur nobis Deus extollere.  
 vt confugiamus ad illos, quos Christus Iesus nobis sui loco reliquit, idq; in omni scriptura testatum esse voluit, ne erremus. O bonitas! ô diuina tua prouidentia Christe Iesu, summis laudibus perpetuò à nobis extollenda! *Il-*  
*luminare*, quæso, *his qui in tenebris & in vmbra mor-* Luc. 1. 79.  
*tus sedent*, & isthæc non vident, vt veritatem tuam, & sole meridiano splendidiorem & summoperè necessariam, tandem aspiciant.

Tantoperè autem hæc, quam præ manibus habemus, veritas est hominibus necessaria, vt ex ea omnes aliæ pendeant. Et qui ea careat, indensis planè tenebris verferur, vt vicissim, qui hanc habeat, in errore esse non possit. Non enim idem hic euenit, quod in aliis Catholica religionis veritatibus, vt de vna aliqua rectè sentiamus, de alia iudicium erroneum habeamus. Nam potest quis, exempli gratia, credere Trinitatem, & tamen errare circa Eucharistiam, prout errant Sacramentarij: Sic qui  
 credis

Scire id  
 summe est  
 necessita-  
 tia.



credit in Eucharistia esse verum corpus Christi, potest in infinitis aliis decipi, sicut decipiuntur Lutherani. At qui hanc veritatem & corde credit, & ore sincerè profitetur, omnibus aliis veritatibus, quas Deus reuelauit, fidem adhibet firmissimam, quia omnes aliæ

PROPOSI-  
TIO Cartho-  
lica NO-  
TANDA.

in hac inuoluuntur. Veritas autem ista hæc est: Ad id, ne quis in rebus fidei erret, præter vnctionē diuinam, & legem scriptam in cordibus nostris, requiri testimonium extrinsecum illorum, per quos Deus & veritates suas nobis manifestat, & internam illam locutionem ne euanescat corroborat. Manifestat autem

Deum ex-  
ternè loqui  
variis mo-  
dis  
Probatur  
ex Euange-  
lio.

has veritates Deus nobis modis variis: Ecce in Euangelio habes vnum expressum, cum dicitur: **HAEC VERBUM DOMINI SUPER IOANNEM ZACHARIÆ FILIUM.** Per Ioannem enim loquebatur Deus, & populo illi suas veritates extrinsecus per vocem eius manifestabat.

Item ex D.  
Paulo.

De variis autem modis, quibus Deus extrinsecè ad nos loquitur, extat D. Pauli eximium testimonium quod ipse non solum diuinè (vt cætera omnia) sed etiam præfago protulit animo, vt clarissimam hinc habeamus lucem, contra errores & illorum inuectores pseudo-euangelistas. Non solum enim describit modos varios, quibus nobis diuina bonitas per suos, quos ad nos mittit nuntios loquitur, sed & causas cur id faciat exprimit, & quā diu id sit duraturum, definit, & cautelam con-

tra sedu-



tra seductores apponit. Et quidem modos ad  
 quinque capita re lucit, quos loquēs de Chri-  
 sto iam in cœlis triumphante, hisce expressit  
 verbis: *Et ipse dedit quosdam quidem Apostolos*, *Eph: 4.11.*  
*quosdam autem Prophetas, alios verò Euangelistas,*  
*alios autem Pastores & Doctores.* Istis modis, &  
 per has personas loquitur nobis Christus Do-  
 minus in Ecclesia, quam audire nos præcepit,  
 sub interminatione pœnæ aternæ, quæ ethni-  
 cis & publicanis debetur. *Matth: 18.*  
 Horum autē quin- *17.*  
 capitum, quædam quidem singulos, quædam  
 verò etiam plures loquendi modos in se con-  
 tinent. Primum locum obtinent Apostoli,  
 per quos tripliciter nobis loquitur Deus. Pri-  
 mō per scripta eorum, qui illa ediderunt: se-  
 cundō per traditiones, quas nobis de manu  
 in manum tradiderunt: & tertio per successo-  
 res, quos reliquerunt. Scripta illorum quæ ve-  
 ra & canonica sūt, ex approbatione Ecclesiæ  
 scimus. Traditiones ex veris historiis, certis  
 authoribus, & viris sanctis omnium tempo-  
 rum & ætatum, nouimus. Successores verò,  
 in summis Pontificibus agnoscimus. Isti sunt  
 tres modi, vnico quasi verbo à D Paulo notati.

Secundum locum dat D. Paulus Prophetis, *2. Per Pro-*  
 quales in veteri testamento infiniti, quales in *phetas.*  
 nouo *Agabus & filia Philippi, Euangelistæ,* *Act: 21.8.*  
 quales multi alij, de quibus prophetauit Ioël (& *Es 10.*  
 exposuit D. Petrus, de nouo testamento id in- *Ioel: 2.28.*  
 telligi) dicens: *Et erit in nouissimis diebus (dicit* *Act: 2.17.*  
*Dominus) effundam de spiritu meo, super omnem*  
*carnem,*

Qui ponit  
 quinque mo-  
 dos.

1. Per Apo-  
 stolos tripli-  
 citer loqui-  
 tur nobis  
 Deus.

*carne, & prophetabunt filij vestri & filie vestre.*

Audis Prophetas Spiritu sancto loqui? audiendus est ergo Deus, per illos nobis veritates suas manifestans. Et nota, filiarum, id est faminarum, factam mentionem, contra hæreticos, qui soli tantum scripturæ credendum esse asserunt, in qua tamen ne iota vnum scriptum à femina reperiēs (saltem de nouo testamento nullum dubium) vnde euidenter concluditur, non per solam tantum scripturam, loqui nobis Deum. Prophetas igitur admittit Ecclesia sexus vtriusq;: sed bene probatos, quia

3. Per Euā-  
gelistas.

id maximè requiritur. Tertium caput complectitur Euangelistas, quod probatione non indiget, cum ab omnibus recipiatur: Sed valde indiget approbatione Ecclesiæ, cum in eo, quæ sint verè scripta Euangelistarum, tum ve-

4. Per Pa-  
stores du-  
pliciter.

rò qui sit sensus illorum. Quartum caput continet Pastores, per quos dupliciter nobis Deus loquitur. Vno modo per pastores ritè in cōcilio congregatos (ad pastores enim solos ibi definitiua pertinet sententiā.) Altero per Pastorem pastorum, cui non solum dictum est; Pa-

Ioan : 21.  
15.

*see oues meas*, sed etiam, *Pasce agnos meos*: duces videlicet gregum, & patres ouium. O singularem diuinam providentiam: qua exorituris necessitatibus, præsens prouidit & preparauit remedium! Nam in repentinis calibus ex toto orbe congregare pastores, quanta esset difficultas? Postremo, ab Apostolo Doctores nominantur, per quos etiam peculiari ratione

5. Per Do-  
ctores.

nobis

nobis loquitur Deus. Quando enim omnes, vel penè omnes doctores omnium aetatum per vniuersum orbem, diuersis licèt locis & temporibus scribentes, idem dicunt, idè sapiunt, eodem modo aliquem sacrarum literarum locum interpretantur; signum est diuinam esse illam veritatem.

Hæc est suauis diuina dispositio, hæc Christi gratia, quam sola Christi Ecclesia agnoscit, recipit, eaq; vtitur. In hac loquitur nobis Deus, non solum intimè per legem in cordibus nostris scriptam, & vnctionem, quæ facit vt omnibus diuinis veritatibus, quæ omnem etiam intellectum superant, assentiamur: sed etiam loquitur nobis externè, omnibus illis quos explicuimus modis, ne decipiamur à satana, qui, vt suggerat nobis falsa dogmata, *transfigurat se in Angelum lucis*, vera illa esse metiès. Et quauis inter istas varias Dei locutiones non parua sit differentia, tum in eo quod aliæ sint ordinariæ, quas expedit per nuntios, quas per manus hominum ordinariè ad nos mittit; aliæ verò extraordinariæ, de quibus in istis concionibus præcipuè egimus, & in hac Christo duce finiemus: tum in illo quòd aliæ sunt Dei locutiones, quæ requirunt vt ab aliis iudicentur: aliæ quæ de omnibus iudicant, & ipsæ à nemine iudicantur: de his tamen, si Deo placuerit, erit locus aliàs pluribus agendi: nunc delibare tantum aliqua satis sit, tum vt meliùs dicta dicendaq; intelligantur, tum

Quæ omnia in Catholica Ecclesia reperiuntur.

2. Cor: 11.

Est tamen inter hæc differentia

1.

2.

vt Ca.

vt Catholici nostri consolationem habeant, & diuinæ misericordiæ quas possunt maximas agant habeantq; gratias, quòd in tam firma petra pedes eorum collocarit; tum vt illi, qui ab impostoribus seducti sunt, videntes hæc, agnoscant errores suos, & fraudes demonis sanè stupendas, quæ cùm aliàs, tum hic apparent.

Ab hæreticis verò omnia hæc eueruntur  
NOTA.

Audite, obsecro, & intelligite admirandū, & omninò stupendum quiddam, quomodo Sathan per ministros suos, tam crassa mendacia, & tam apertas imposturas, Christi Sacramentis initiatis persuadere potuerit? Nam vt omnem veritatem è medio tolleret, omnes istos loquendi modos, quibus nos Deus instruit, funditus miro artificio euerit. Ecclesiam enim quæ ex omnibus istis constat, inuisibilem fecit, ne quis illo antidoto, *Dic Ecclesie*, quod nobis Christus contra pseudo-apostolos vnicum reliquit, vt possit. Quomodo enim ego dicam Ecclesie cùm eam non videam, nec sciam cui dicere debeam? Hoc astute iacto fundamento; Traditiones Apostolicas, inuenta hominum esse dixit, à Deo prohibita: cùm tamen non hominum sint inuenta, sed Christi vberes gratiæ. Historias, vnde ista habemus, etiam antiquissimas, etiam à viris sanctissimis conscriptas, mendacia esse asseruit. Ideoq; ministri eius ab etymologia Germanicæ, quod mendacium significat, Ligendas eas vocant. Idem ministri  
diaboli

*Matt: 18.*  
17.

diaboli Prophetas noui Testamenti irrident: Miracula quæ fiunt in Ecclesia, in malum dæmonem authorem referunt, vt veros Phariseorum filios agnoscas, qui eadem calumnia Christum Dominum affecerunt: Pastores impollos nuncupant: Summum verò Pontificem, Christi Vicarium, per summam impudentiam Antichristum vocant: Concilia repudiant. Pastoribus omnibus ignorantiam, & errores infinitos impingunt. Consuetudines ab omni antiquitate receptas, superstitiones & abusus esse vociferantur. Deniq; omnes vias, & modos, ad cognoscendam diuinam veritatem nobis in hac peregrinatione relictos, repudiant, & abiciunt.

Nam quod scripturam sacram se recipere dicunt; hoc non eo faciunt, vt illius auctoritate moueantur, & proprium sensum ei subiiciant, sed vt suorum capitum commenta pro scriptura incautis vendant. Proinde quicquid illis in sacra displicet scriptura, reiciunt, etiam libros integros Canonicos, (imò aliqui eorum totam scripturam repudiant, vt Enthusiasta) quicquid verò eis placet, id versionibus & glossematis à communi Ecclesiæ & Patrum sensu alienis peruertunt, quibus ita fidem adhiberi à suis volunt, ac si ab ipsis Euangelistis & Apostolis profecta fuissent. Quid hac impostura malitiosius? dolosius? perniciosius? Ad vos igitur me iterum conuerto, qui à talibus decepti estis, vosq; per viscera misericordie Dei

Matt: 12.

24

Quid hæretici de Scriptura sentiant.

diæ Dei obsecro, excutite hanc Ministrorum tyrannidem planè inauditam; abstergite densam ab oculis vestris caliginem, ut viam veritatis tandem agnoscatis. Quomodo enim illam apud eos & per eos agnoscere poteritis, cum ij omne lumen & omnes modos, quibus Deus veritates suas nobis manifestat, vobis eripuerint? Eripite vos vicissim de medio illorum animas vestras, & reuertimini ad matrem vestram, sponsam Christi, columnam veritatis, splendorem luminis diuini & veram scripturæ interpretem. Sed iam satis superq; (si propositum nostrum in hac concione spectes) de quinq; illis D. Pauli capitibus, continentibus modos, quibus Deus suæ sponsæ loqui solet, diximus; nunc reliqua, quæ promissimus, prosequamur, vel perstringam⁹ potius.

*Cur Deus  
tam variè  
nobis lo-  
quatur.*

1. Ratio D.  
Pauli.

*Eph. 4. 12.*

2. Eiusdem

3. Eiusdem.

*Responsio  
hæretico-  
rum.*

Recensitis igitur Apostolus modis, quibus nos Deus instruit, subiicit causas, & quidem tres primùm, postea autem quartam, eamque præcipuam, propter quas id Christus fieri voluit. Prima est: *ad confirmationem sanctorum*, quod nimirum in eo consummatio sanctorum & ordo Ecclesiæ consistat. Secunda *in opus ministerij*, quia hoc ministerium prædicationis verbi diuini requirit. Idcirco qui ista non habent, non Christi, sed sathanæ sunt ministri, teste Apostolo. Tertia *in edificationem corporis Christi*, ita enim corpus mysticum Christi exigit, quod sine his saluum & sanum subsistere non potest. Verùm obuiant hæretici (quod & sus,



& futurum D. Paulus prauidit, & nos quoti-  
die audimus) ista omnia fuisse tantum in pri-  
mitiua Ecclesia, quando hæc scribebantur, nūc  
vero non reperiri, quia necessaria non sunt.

Egregium sanè acumen! Tunc inquit erant  
necessaria, quādo recens effusus sanguis Chri-  
sti adhuc bulliebat; quando primitiæ spiritus  
etiam visibiliter dabantur, nūc autem in tan-  
ta frigiditate & impostorum multitudine nō  
requiruntur. Quis vel tenuissimi iudicij hæc

absurda non aduertat? At bene habet, quod  
huic obiectioni opportunè occurrit Paulus,  
tempus durationis describens, & asserens du-  
ratura hæc: *Donec occurramus omnes in vnitatem fi-*

*dei & agnitionis filij Dei.* hoc est, donec per fidē  
veram, vnam, viuam, qua omnes in Ecclesia  
coniuncti sumus, & filium Dei agnoscimus,  
perueniamus ad finem, & *crescamus in vinum*  
*perfectum, in mensuram ætatis plenitudinis Christi:*

quod demum post consummationem seculi  
futurum est. tūc enim & viri perfecti erimus,

& in eadem mensura gr̃atis plenitudinis Chri-  
sti, parui & magni, senes & iuuenes, viri & fœ-

mina, omnes resurgemus, id est *vsq; ad consum-*

*mationem seculi*, prout alibi Christus Iesus pro-  
misit, se cum suis istis & aliis modis futurum.

Postremò D. Paulus, summæ huius & diui-  
næ Christi gratiæ, adfert postremam eamque

præcipuam causam, & cautelam per necessari-  
am, cum antea semper, tum vero hoc nostro  
seculo. Exprimit autem illam his verbis: *Vt*

Stupida &

Apostolo  
contraria  
qui temp-  
durationis  
describit.

Vide D.  
Hier: Epi-  
stola 27.  
ad Eustoch:  
cap: 12.

Matth: 28  
20.

4. Et præci-  
pua ratio  
D. Pauli,

*iam non simus paruuli fluctuantes, & circumferamur  
omni vento doctrinae in nequitia hominum, in astutia  
ad circumuentionem erroris.* Id verò hūc nostris  
calamitosis temporibus, nō calamo & com-  
mentariis declarandum, sed oculis vſurpandū,  
& fletu gemituq; proſequentiū eſt. Tam enim  
hoc eſt euidentius in hērenica, vt neſciam quid-  
nam aliud ſit ſanctis q̄ ſis & experientia eu-  
dentiū. Qui videram qui cum illis verſami-  
ni id non videt? quā ſunt paruuli, nec ſcien-  
tes quid illorum miniſtri etiam circa prima fi-  
dei elementa ſentiant, quā porrō fluctuan-  
tes? Vnde enim illa verba eorum quæ ſapē au-  
ditis; Neſcio quid iam amplius credam. Nec  
nō illa alia, quæ etiam in ſcriptis habent: Non-  
dum à noſtris concludum eſt, quidnam hac in  
parte ſit ſentiendum. Videtis item quā leui-  
ter circumferantur omni vento doctrinae; ho-  
die eſt Ruſſus ſchiſmaticus, cras ſit Lutheranus,  
poſt annum flante vento doctrinae Calumnia-  
nae, ellicitur Sacramentarius, tandem ad per-  
fectionem quaſi peruenit, & ſit Anabaptiſta,  
apud quos tot diuerſas doctrinas reperies,  
quot capita. O aſtutiam diabolicam! O cir-  
cumuentionem miniſtrorum eius! O tene-  
braſtam craſſas, vt palpari poſſint! Vtinam  
aliquando tandē agnoſcantur & diſcutiantur.

**II. MEMB.**  
De miſſio-  
ne quæ ſit  
à ſolo Deo  
cur hic a-  
gatur.

Hoc igitur de variis De ad nos locutioni-  
bus poſito fundamento, patet nos ab ea quæ  
extraordinariē à ſolo Deo ſit legatione, pero-  
portunē has noſtras conciones inchoaſſe. Pri-  
mū

mum quidem, quia hac sola (quam tamen ad-  
 uersarij à veris Prophetis arcent) ipsi haeretici  
 incautos praesertim in principio deceperunt,  
 quinetiam nunc multi adficiunt, dum men-  
 tiuntur se tanquam reformatores Ecclesiae à  
 Deo missos esse. Deinde quia aliarum legati-  
 onum explicatio, longiorem tractatum exigat.  
 Postremo & praecipue, quia nostri, ut scitis, est  
 instituti ab Euangelio quantum fieri potest,  
 sermonem non auertere. Nam & illa quae  
 paulo altius & copiosius dicta sunt, eò tendunt  
 omnia. Cum igitur Ioannes Baptista (de quo  
 ut diximus tria illa sibi vicina agunt Euange-  
 lia) à Deo ipso immediatè tanquam *propheta*,  
 quin *plusquam propheta* missus fuerit; in eo de-  
 cuit hanc missionem declarari, in quo euidè-  
 tissima illius apparent vestigia. Diximus enim  
 iam, Deum sapientissimum tria signa reliquis-  
 se Ecclesiae suae, per quae cognosci possit is, qui  
 sic ab eo mittitur. Tribus etenim illum notis  
 insigniuit, tria illi legationis quasi testimonia  
 attribuit: Primum miraculorum patratiōe;  
 secundum constantiam ordinatam (in dictis  
 factisq;) siue ordinem constantem; tertium,  
 vitae sanctimoniam: In quibus vestigium san-  
 ctissimae Trinitatis mirificè mihi videtur re-  
 splendere. Nam in miraculis enitet omni-  
 potentia, quae Patri adscribitur: in ordine, splē-  
 det sapientia, quae peculiari ratione Filio attri-  
 buitur; in sanctitate verò eminent ipsa sanctifi-  
 catio. Sanctificatione autem Spiritus sanctus  
 denotatur.

1. Causa.

2.

3.

Tres illius  
notae.Vestigium  
Trinitatis  
in ijs.

De tertia  
nota id est  
de Sancti-  
tate iam  
tractandū.

De duabus primis notis bina concione, binis istis præteritis Dominicis egimus, de tertia hodie est nobis tractandum. Vbi primū notandū est. Nō pari passu ista tria pcedere, quod antea insinuatū, nunc paulō fusiū est explicādum. Nam in missione quidē ordinaria, ac proinde in locutione Dei, quæ fit per tales, id est ordinarios Ecclesiæ prælatos, vnica tantū nota est necessaria; secunda videlicet, quæ est ordo constans seu ordinata constantia (quamuis etiam his loco primæ notæ aliud quiddam est necessarium, de quo suo loco, si Christo placuerit, agemus.) In hac verò extraordinaria missione, duo quidem priora Dei ineffabili misericordia requiruntur: videlicet Miracula, ne decipiamur à malis; & ordinata constantia, ne circumueniamur à Magis, seu impostoribus. Tertia autem nota addita est, propter ornatum. Sicut enim quædam vestes ornatus magis & decoris, quàm necessitatis causa quærentur, & comparantur ab hominibus: Ita de iis notis, & quasi togis Dei legatorum est sentiendum. Ita tamen, vt (quod non obiter dictum velim) nullum vnquam tam in veteri quàm in nouo Testamento, ad confortandam, vel vt hæretici dicunt, ad reformandam Ecclesiam, miserit Deus, cui non plus aliquid sanctitatis in vita attribuerit, siue respectu aliorum, siue respectu sui ipsius, si cum eo, qui antea fuit, conferas. Nota autem quod dixi, ad confortandam Ecclesiam, ne fortè (quod

De qua nota  
proposi-  
tionem.

Occupatio  
obiectionis

nonra-

non rarò mihi accidit) hæretici aut peruertât,  
aut mala fide recitent verba mea, omittendo  
aliqua ex illis, in quibus vis maxima consistit,  
hæc; ratione suos decipiendo. Ideo addidi,  
(quod repeto tertio) Deū non omnibus, quos  
aliquo alio fine siue mittit, siue venire permit-  
tit; sed illis tantum, quos ad confortandam,  
vel reformandam Ecclesiam destinat, hæc san-  
ctitatis vestem attribuere. Non ergo mihi  
obiicias, non modò in veteri testamento fuisse  
Prophetas, qui Dei nomine loquebantur,  
nec tamen sanctitatis laude excelebant, vt fu-  
it scelestus *Balaam*; vt ille qui alterum prophe- *Num: 22.*  
tam decepit, vt & alij; sed etiam in nouo eius- *3. Reg: 13.*  
modi futuros afferuisse Christum, nempe qui *18.*  
in illa die dicturi sint: *Domine, nonne in nomine* *Matt: 7. 28*  
*tuo prophetauimus, & in nomine tuo demonia eieci-*  
*mus, & in nomine tuo virtutes multas fecimus?* & ta-  
men respondebitur illis: *Discedite à me qui ope-*  
*ramini iniquitatē.* Nam isti omnes, & iis similes,  
non ad reformandam Ecclesiā missi erant, sed  
aut prohibiti fuerunt, ne malū inferrēt Eccle-  
siæ Dei, vt *Balaam*; aut ex suo capite, Deo id no-  
lente, prophetabant, vt ille in libris Regum;  
aut gratia gratis data abutebantur, vt isti in E-  
uangelio. At quicumq; aut ad fidem roboran-  
dam, aut ad mores peruersos corrigendos, à  
Deo immediatè missi fuerunt, tales omnes  
præter miracula & constantiam ordinatam,  
etiam sanctitatis laudem afferebant. Sancti- *Quid San-*  
tatem autem constituo, & in interioribus, de *ctitas.*  
**Bb 4** quibus

quibus nobis ex scriptura constat, & in exterioribus; nempe quod vel anteriorem vitam præ aliis, aut præ illa quam ipsi antea egerunt, complexi fuerint, vel iubente permittentē Deo, administrandis mortificationes & cruciatus patienter sustinuerint.

Probat  
iam propo-  
sitio.

2. Ex lege  
naturæ,  
exemplo

Noë.

Gen: 6. 9.

Chrys: ho:  
25. in Ge-  
nes.

Itaq; hanc propositionem sic positam, & expositam iam demonstramus, ex veteri & nouo Testamento. Et in lege quidem naturæ pauca suppetunt exempla: neq; plura requiruntur. Non infringitur enim inductio, nisi contrarium demonstraretur exemplis euidentibus, quorum ne vnum producant hæretici. Nos autem in toto sacro volumine plura reperiemus. Habemus enim imprimis in illa lege Patriarcham Noë, qui primus videtur missus ad restaurandum mundum pereuntē, & Ecclesiam conseruandum, in tanta impietate & morum corruptela. Huic ergo Noë tale dat testimonium scriptura: *Noë vir iustus atq; perfectus fuit in generationibus suis, cum Deo ambulauit.* Eximium sanè sanctitatis ipsius encomium. Qui quanta ab impiis illis, quos à flagitiis ad meliorem frugem reuocare identidē conabatur, per centum annos quibus arcam fabricauit, passus fuerit, quis vel cogitatione assequetur? Sed & habitare cum tot bestiis in vna nauī, quantæ fuerit miseræ, considerent præsertim delicatuli. Notauit hoc Chrysostomus, qui excellentem Noë fidem, cum incredibili patientia & constantia prædicat. Habe-  
mus



mus præterea Abrahamum, qui declinante, Abrahams  
 imo ardente iam mundo in idololatria, à Deo  
 ad conservandam augendamq; fidelium Ec-  
 clesiam excitatus, quanta sanctitatis laude flo-  
 ruerit, tota ipsius historia testatur. Is enim di-  
 centi Domino: *Egredere de terra tua & de co-*  
*gnatione tua, & de domo patris tui:* incunctanter  
 morem gessit in re suis difficili. Is incertis se-  
 dibus ad Dei nutum sub tabernaculis degens  
 hac atq; illac vagatus est: is deniq; magnum  
 illud heroicæ virtutis & antehac inaudita o-  
 bedientiæ argumentum dedit, quando filium  
 suum ad Dei imperium immolare aggressus  
 est; vt alia omitam, quæ & in rebus prosperis  
 gessit, & in aduersis propter Deum pertulit.

Gen: 12.1.

Gen: 22.10.

Habemus & ipsum Moſen, qui ad consolan-  
 dam Ecclesiam fidelium tum temporis affli-  
 ctam missus, magna sanctitatis & innocentie  
 sue dedit specimina, quæ enumerat Paulus.  
 Postmodum verò ad instruendam illam & le-  
 gem ei dandam à Deo delectus, quid non bo-  
 ni fecit; quid non mali pertulit, à gente illa du-  
 ræ ceruicis, ac refractaria, Deoq; & ipsi rebell?

2. Ex lege  
scripta ex  
plo Moysis

Heb: 11.24

Qui quidem tam sanctus fuit, vt scriptura de  
 eo dicat: *Erat vir iustissimus supra omnes homines*  
*qui morabantur in terra.* tanta insuper charitate  
 erga homines ardebat, vt propter fratrum sa-  
 lutem dixerit Deo: *aut dimittis eis hanc noxam,*  
*aut si non facis, dele me de libro tuo quem scripsisti.*

Num: 12.3

Exod: 32.

32.

Quid referam alios, qui ad reformandam &  
 restaurandam Ecclesiam missi à Deo fuerunt?

- Eli2* *Elias* certè ad retinendam in Israel veram religionem, quæ vix non iam eo loci perierat, à Deo missus, magna passim sanctitatis edidit documenta: corpus duriter habuit, pedes huc & illuc vagatus est, ad mortem à *Iezabel* regina quæsitus, à *paupere vidua utcumq;* (vt ipse ait, id est misere) sustentatus est: per quadraginta dies ambulans, nihil toto illo tempore gustauit, quale ieiunium etiam *Moses* bis tollerauerat: deniq; tanquam tericulum aliquod mortaliũ, vel *Satyrus* (vt hæreticorum verbo utar) talis tantusq; vir pilosus & *zona pellicea ac-*  
*cinctus remibus* ambulabat. Iam *Isaias* cum esset vir & disertissimus, & nobilissimus, nihilominus vt insanus, *nudus, & discalceatus*, iussu Dei, quoquo versus discurrebat. *Jeremias* præter carceres, famem, sordes, lacum, & alia quæ propter Deum & restorationem Ecclesię sustinuit, incessu Lymphatico similis, primùm ligneis, postea ferreis cathenis onustus. *Ezechielis* *Ezechiel* dormiuit in latere sinistro trecentis & nonaginta diebus, & in latere dextro quadraginta diebus, & comedit panem, quem vel aures horreant, nedum palatum. Verba scripturæ sunt: *Ecce dedi tibi sinum bouum pro stercoribus humanis: & facies panem tuum in eo.* Ita tractat tibi dilectos Deus. Quid horum simile habuit Lutherus? qui suam prædicationem à vita licentiosa exorsus est; & non multo post ab incestis & sacrilegis nuptiis, oppiparis epulis quotidie se ingurgitabat, & graues mero crateres

## Fides.

393.

erateres enacuabat, prout & scripta discipulorum eius testantur, & ij qui Lutheri conuiuia sæpius erant, & cum filiabus eius, patre incunde inspectante, lasciuas duxerunt choreas, mihi retulerunt. Quid Calvinus? à quo delicatissimum quendam panem saccharitem, panem Caluini nuncupari audiui. Postremus Prophetarum, quos maiores vocant, fuit Daniel, qui adhuc puer asperè corpus afflictat ieiunio, quod postea illi familiare fuit, sacco induitur, orat, leonibus obicitur, & alia facit, & patitur propter Deum, quæ alias audire sole-tis. Quid dicam de Prophetis minoribus? Oseas vir præcipuus præcipiente Deo ducit mulierem fornicariam, cum quanto rubore facilè cogitare potestis. Amos Propheta frequenter plagis, teste D. Hieronymo afficitur. Ionas non sine magna afflictione delituit tri-duo in ventre cetis, sed multo maiorem mole-stiam sensit, quando non euenit quod prædi-xerat, vt testatur ipse. Abacuc capillis in Ba-bylonem ab Angelo est portatus. Denique qui vult Catalogum afflictionum huiusmodi virorum videre, legat D. Paulum graphicè & emphaticè illum recitantem.

*Aurifer  
in collo-  
quis men-  
sulis  
Luth.*

*Danielis  
Dan: 1. 12.  
Ibid: 10.  
12.*

*Osez &c.  
Osea 1. 2.*

*Ion: 2. 1.  
Cap: 4. 1.*

*Dan: 14.  
33.*

*Heb: 11. 37.*

Sequitur noster Ioannes Baptista, & hodie-rum Euangelium, in quo non hanc solam sanctitatis notam, sed & alias duas, si bene cõsideraueris, expressam inuenies. Miraculis il-lum dotatum fuisse alias ostendimus. Certe quod hic dicitur; **FACTVM EST VERBUM DO-**

**III. MEM-  
BRVM**  
Idem pro-  
batur ex  
Euangelio  
de Ioanne  
Baptista.  
Miracula

MINI

MINI SUPER IOANNEM ZACHARIAE FILIVM.  
Et iterum; SICUT SCRIPTVM EST IN LIBRO SER-  
MONVM ISAIE PROPHETA: clarè demonstrat, &  
Ioanni, & circa Ioannem immacula non defu-  
isse. Cùm enim & veteris & novi Testamen-  
ti testificatione asseritur illum à Deo missum,

**Constantia**

quid desideramus amplius? Altera vestis con-  
stantie ordinata, seu ordinis constantis, copi-  
osè est demonstrata in Ioanne præterita die  
Dominica. In hoc verò Euangelio, cū dicitur:

ANNO QVINTODECIMO IMPERII TYBERII. &c.  
& postea; FACTVM EST VEREVN DOMINI SV-  
PER IOANNEM: duo ad ordinem spectantia in-  
sinuantur. Primum, illum non ante trigésimū  
ætatis suæ annum prædicare cœpisse, quia id  
ordo illius temporis requirebat, quem etiam  
ipse Christus Dominus tenuit. Secundum,

**Sanctitas.**

quia non prius id aggressus est, quàm missus  
fuisse à Spiritu sancto. Postrema verò sancti-  
tatis nota denotatur illo verbo, IN DESERTO.  
Deserti enim locus non parùm hanc ad rem  
confert. Magnum enim sanctitatis argumen-

**Vitæ auste-  
ritas.**

tum est, vitæ austeritas; & ita magnum, vt  
plebs hac penè sola eam metiri consueverit.  
Desertum verò multùm ad austeritatem vale-  
re, & res ipsa loquitur: & cùm Ioannes, tum  
ipse Christus exemplo suo testantur. Ioannes  
enim toto serè vitæ suæ tempore, Christus ve-  
ro saltem quadraginta diebus in deserto vixit,  
& postea non semel in eo pernoctauit. Dein-  
de Ioannis vestitus, vt alij insinuant Euange-

**Vestitus.**

listæ,

<sup>1</sup> *Lista*, fuit, vel vestis ciliicina ex pilis camello-  
rum confecta, vel melota ex camelli exuviis:  
Zona verò pellicea vilis, caprina fortè: nec  
quicquam plus ad vestitum addunt. *Vicius*  
autem erant locustæ, insipidissimum cibi ge-  
nus, quod ad victum pauperum, vt credere  
fas est, concessit Deus, & mel sylvestre suba-  
marum. Tale fortè, quale aliquando in pratis  
vidimus, gustauimusque etiam in his nostris  
partibus. Potus non facit mentionem scriptu-  
ra, facit Ecclesia; cùm cantat, [ cui latex hau-  
stum, &c. ] sanè talibus ferculis, talis potus ra-  
tio comperebat.

*Vicius.**Leuii. 11. 41*

Hæc in Ioanne tertiæ vestis, id est sanctita-  
tis externæ quam hic maxime consideramus,  
non tam signa, quàm demonstrationes cen-  
feri possunt. Quæ ita exosa habent pseudo-  
euangelici, vt Dei & Euangelij obliti e diame-  
tro, de Ioanne contrarium asserant. Videlicet  
Ioannem Baptistam nō in deserto, neq; enim  
aiunt fera fuit) sed in oppidis propè desertum,  
præcipuè verò in domo paterna honesta & co-  
piosa mansisse. Veste vsum esse scutulata, seu  
vndulata, quam vocant, qua nunc vtuntur  
Cardinales; zonæ quod sciam non faciunt  
mentionem, quia videbant etiam subtilissi-  
mum mendacium in ea locum habere non  
posse. Victum homini assignant caneros, vel  
ostreas, delicatissimum cibi genus, & mel ex-  
cellens. Istorum enim, inquit, in illis op-  
pidis circa Iordanem fuit copia. Mirari hic  
meri-

*Quid de  
hoc sentiāt  
hæretici.*

merito quis posset, cur non ita præclare com-  
 pto & ornato, ac deliciis affluent, sociam tha-  
 lami addiderint, sed ad mentiendum satis est  
 adhuc temporis. Quis scit an iam aliquis Mi-  
 nistrorum, calamum hanc ad rem non stringat?  
 Certè si ei vxorem addidissent, perfectum il-  
 lum Lutheranorum Ministrum fecissent. Illis  
 enim vxor tam necessaria est ad prædicandum  
 Euangelium, quàm cibus vel aer ad vitam:  
 quod etiam nostris Russis vsitatum est. Noui  
 quendam doctum alioqui & pium iuuenem,  
 quem ideò ad sacerdotium promouere, & vt  
 illi vocant Popum creare noluerunt, quod du-  
 cere vxorem recusant. O stuporem incredi-  
 bilem, castitatem & continentiam remouere  
 à sacerdotio, quam primi sacerdotes nouæ le-  
 gis, Christus videlicet ipse & Apostoli colue-  
 runt, quinetiam successores Apostolorum, ca-  
 stam duxisse vitam, constat ex historiis & con-  
 ciliis. Turbantur quidam Catholici tam cras-  
 sa & insulsa mendacia ab hæreticis conscripta  
 audientes. At lætandum fortè esse potius &  
 optandum, vt quàm plurima talia edant, vt  
 eorum affecta, cum nolunt euidentibus con-  
 uinci nostrorum demonstrationibus, saltem  
 apertis suorum redarguantur mendaciis, & ad  
 agnoscendam veritatem impellantur.

Fructus ex  
 mendaciis  
 hæreticorum

Postremo  
 probatur  
 ex nouo  
 Testamento  
 Exemplo.

Sed iam reliqua noui Testamenti persequa-  
 mur, vt plena sit nostræ propositionis ex totis  
 Bibliis probatio. Neque arbitror multum hic  
 esse laborandum, cum res nimis sit in aperto,  
 videli-



videlicet tam ipsi auctori noui Testamenti Christo Domino, quam iis qui ab eo missi sunt immediatè, notà sanctitatis & vitæ austerioris, etiam in exterioribus non defuisse Ipse inquam Christus Iesus, antequam sua legatione fungi incipiat, in deserto manet quadraginta diebus, & quadraginta noctibus, totisque illis ieiunat nihil gustando Inde ubi prædicandi munus aggressus est, nulli prorsus parci labori, omnia respuens commoda. Nam *factus ex itinere, sedebat sic supra fontem, sitiens & esuriens, & tamen allatum cibum ab Apostolis degustare noluit, salutem animarum intentus totus. Idem pernoctat in orationibus.* De vestimentorum porro ipsius vilitate, etsi tam clara testimonia scripturæ non habemus, ut obstruatur os aduersariorum perpetuò clamantium: Nego, Nego: facile tamen id ex scriptura colligi potest. Certè cum dicitur mulier peccatrix pedes ipsius lachrymis rigasse, satis arguit eum nudis pedibus incedere solitum. Habemus igitur in Christo illa omnia tria, ad quæ externæ sanctitatis signa alia reducuntur: nempe ieiunium, orationem & eleemosynā. Nam licet ita esset egenus & pauper (quod ipsum est aliud sanctitatis indicium, & mirificè ab Apostolo exaggeratur) ut non haberet ubi caput suum reclinaret, licet etiam viueret ex iis, quæ pij viri & matronæ illi subministrabant; nihilominus tamen ex sua illa tenui stipe aliquid, pauperrimus ipse pauperibus impertiebat.

Christi Domini.

Matt: 4. 1.

Ioan: 4. 6.

Luc: 6. 12.

Luc: 7. 37.

1. Cor: 8. 9.

Luc: 9. 58.

Luc: 8. 30.

Ioan: 13.

29.

Magi.

Discipulo-  
rum eius.*Matt: 12: 1**Matt: 19:*

27.

*2. Cor: 11.*

23.

Pauli.

Timothei.

*1. Tim: 5.*

23.

Hæretica  
sanctitas.

III. MEM.

BRVM.

Magistro non abſimiles ſuere diſcipuli, quorum inopiam & exiguum victum, illud ſatis arguit, quòd aliquando ipſo etiam Chriſto præſente, neque panem durum ad ſanem ſedandam habuerint, ſed excuſſo ex ſpicis ſegetum obuiarum granis, frumento crudo eſuriem ſedare debuerint. Idem Apoſtoli toti eſteſtantur ſe omnia ſua propter Chriſtum, reliquiſſe; quod quanta fuerit ſanctitatis argumentum, præmiũ à Chriſto promiſſum demonſtrat. Quanta verò poſtea propter Chriſtum & Euangelium, vel paſſi fuerint, vel ſanctitatis ſigna ediderint, nimis clarũ eſt. Vnus D. Paulus longum harum rerum quæ ſibi contigerunt catalogum contexuit. Timotheus etiam licet non fuerit à Chriſto immediatè miſſus, tamen à viro ſuæ valetudini neceſſario abſtinuit. Conſerant hæc omnia hæretici cum vita tum Miniſtrorum ſuorum, tum Antelignanorum ipſorum, & aperiant tandem aliquando oculos, videantq; illorum ſanctitatis ſigna præcipua eſſe illa: Honèſtè cum vxore viuere, quod faciunt etiam Iudæi: Deo dicatas virgines ex monaſterio educere, & facile ſibi nuptiis copulare, quod bene norunt etiam Tartari. Maioribus ſuis nolle obtemperare, ſanctos contemnere, & infinita huiusmodi facinora, quæ peſſimus & improbiſſimus quiſq; ſe feciſſe erubeſcat, patrare.

Quare cum ex vniuerſa pateat ſcriptura; nullum vnquam miſſum eſſe à Deo immediatè ad

tè ad restaurandam reformandamue Ecclesi-  
 am, cui vitæ sanctitas promissionis symbolo  
 attributa non fuerit: haud difficile illa duo  
 nobis colligere licebit: Alterum quod prin-  
 cipaliter intendimus, nempe hæreticorum  
 Coryphæos, non à Deo ad reformandam Ec-  
 clesiam missos, sed à damone ad eam destru-  
 endam obtrusos esse: alterum obiter & quasi  
 aliud agendo, ubi nam sit vera in terris Christi  
 Ecclesia. Primum tam clarum est, ut nihil su-  
 præ. Si enim pro pseudo-prophetis sunt ha-  
 bendi, qui dicentes se à Deo missos, vel vna  
 tantum ex illis tribus notis carent, cum om-  
 nes habere teneantur, ut ex vniuersa scriptura  
 demonstrauiamus, quales & quàm manifesti  
 pseudo-prophetæ erunt, qui nullam illarum  
 habent? Nam quamuis certum sit nullum  
 pseudo-prophetam posse veraciter ullam ista-  
 rum trium notarum habere; nec enim vera  
 miracula edere, nec cum antiquis conuenire,  
 nec veræ sanctitatis particeps esse quisquam  
 eorum poterit vnquam; fictè tamen & in spe-  
 ciem primam, & postremam notam potest  
 quispiam præ se ferre, imò verò ipso facto qui-  
 dam ostentarunt, & Antichristus primam ia-  
 ctabit. Nam falsa patrarunt miracula, Simon  
 Magus, Apollonius ille Tyanaus (quo nescio  
 an quis alius plus damni intulerit Ecclesiæ  
 Christi) & alij. Nec defuerunt etiam olim  
 hæretici vitæ sanctitatem & austeritatem si-  
 mulantes, ut Manichæi, ut flentes, ut flagel-  
 lantes, & his similes.

Duo ex di-  
 ctis colliguntur.

Primum,  
 nostros hæ-  
 reticos su-  
 premos es-  
 se Pseudo-  
 prophetas.

1. Quia o-  
 mnibus tri-  
 bus notis  
 carent.

2. Quia nec  
 apparenter  
 ullam ha-  
 bent.

*Vide Baro:  
 tom: 1. An-  
 nal: sapè.*

3. Quia in-  
super con-  
trarium in  
eis visitur.

*Lutherus  
de formu-  
la Missæ.*

At in hæreticis nostri temporis, cum nihil tale etiam simulatè, & in specie appareat, in-  
super contrarium manifestè cernatur, quanti-  
impostores censendi erunt? Nam Lutherus,  
Calvinus, & huius farinae alij, non solùm ni-  
hil patrarunt mirabile, sed contrarium planè,  
vt antea diximus. Nam & Lutherus dum ten-  
tat demonem eicere, ipse à demone ita vexa-  
tus fuit, vt vix effugeret, quod testatur Staphi-  
lus, qui tragædiæ interfuit; & Calvinus volēs  
fictè mortuum resuscitare, verè illum occidit;  
neq; in nostra Polonia talium imposturarum  
desunt exempla. Deinde non solùm non con-  
ueniunt hæretici cum antiquis, sed nec secum  
ipsi. Imo eò res dementiae deuenerit, vt pri-  
mus author illorum Lutherus testatus fuerit,  
si Concilium constitueret vsum Eucharistiæ  
sub vtraq; specie, se [in despectum tam Con-  
cilij quàm statuti sui, velle, aut vtra tantùm,  
aut neutra, & nequaquam vtraq; potiri.] Quid  
dici potuit magis diabolicum? diabolo enim  
maximè est proprium, nolle pacem & vni-  
onem. Postremò, sanctitatis, humilitatis, & car-  
nis mortificationis, in quibus tertia nota con-  
sistit, non solùm nulla apud eos sunt vestigia,  
sed sunt horrendæ contra hæc omnia blasphem-  
iæ. Nam votum virginittis, aut castitatis,  
stultitia ab eis nuncupatur. Mortificatio car-  
nis, carnificina dicitur; delectus ciborum, &  
ieiunia, doctrinæ demoniorum appellantur;  
orationes & cantus Ecclesiastici, nocturni &  
diur-

diurni, murmuraciones, hypocrifes, boatus nominantur: Omnia deniq; carnis domandæ exercitia irrisa, profligata, diris sunt ab eis deuota, & verbis & factis, quod exemplo vnius Lutheri satis probatur. O quanta erit condemnatio eorum qui talibus credunt? Omnium profectò acerbissimè diris in inferis cruciati- bus mulètabuntur, ni resipiscant. Siquidem alij hæretici apparentia aliqua decepti fuerunt, isti autem apertis oculis cadunt, & vltro sese in baratrum præcipitant; sed ad alterum tran- scamus.

Multa sunt & euidentia Ecclesiæ Christi hic argumenta, summam eorum accipite, quæ nouem capita continet. Reducemus autem illa ad contextum Euangelij hodierni. Pri- mū est in primis verbis, ANNO DECIMO QVIN- to, &c. Vbi vides duplicis status mentionem, secularis & Ecclesiastici, quos hæretici & fra- tres eorum Machiauellistæ, vel confundunt, vel euertunt. Secundum in verbis, F A C T V M EST V E R B V M D O M I N I, &c. ex quibus multa ha- bemus, & imprimis expressum alium modum quo nos Deus alloquitur, scilicet per Prophe- tas. Apud nos igitur erit Ecclesia, qui illum recipimus, apud illos verò non, qui præter in- ternam locutionem & scripturam, nihil volūt agnoscere. Tertium signum habemus, quia non solum hunc, sed etiam omnes alios mo- dos recēditos ab Apostolo, nos amplectimur, illi repudiant, vt vidimus. Ergo apud nos est

Secundo,  
colligimus  
9. notas Ec-  
clesiæ.

1. Duplex  
status Ec-  
clesiæ.

2. Diuina  
missio.

3. Varij mo-  
di loquen-  
di Dei.

4. Perduratio.

5. Miracula.

6. Ordo.

7. Sanctitas

sia, nam de Ecclesia illa dixerat Apostolus, ubi tot sunt signa Ecclesiæ, quot ibi locutionum modi; sed nos breuitatis causa in vnum argumentum constringimus omnia. Quantum ex eodem Apostolo, qui testatur hæc mansura usq; ad consummationem sæculi, & dat causam, ne fluctuemus. Hoc nos credimus. Illi contra, & cessasse ista aiunt, & firmos se esse in fide asserunt, licet experientia doceat vix quicquam in mundo esse fide illorum infirmos. Sed iam pressius loquamur. Quinto itaq; habemus ex iisdem verbis, & ex illis, sicut scriptum est, &c. Primam illam notam mirandi diuini, nempe miracula. Hæc sunt per dei nam gratiam, certissima & copiosissima apud nos, apud illos verò, ne vestigium eorum. Sexto quoq; hinc aliam notam colligimus, ordinis videlicet constantis, qui viget in Ecclesia Romana, apud illos planè exulat. Romana igitur Ecclesia, erit Ecclesia Christi: illorum verò, congregatio sathanæ. Septimo in illis verbis IN DESERTO. Tertia nota sanctitatis insinuatur, quæ splendet apud nos, apud illos verò conuulsiis laceratur. Esse verò & hanc & omnes tres notas in Catholica Ecclesia, vel ex solis fundatoribus religionum patet. Qui quoniam à Deo excitati erant, ut opem ferrent Ecclesiæ, siue in hæreses, siue in malos mores, propter impiorum multitudinem labenti, ideo ista tria omnes habuerunt. Ut in oriente, Antonius, Hilarion, Basilus, & alij. In occidentem, Be-



te, Benedictus, Bernardus, Dominicus, Franciscus, noster quoq; B. Ignatius, & similes, qui & per se, & per ordinem suum, toti mundo opem tulerunt. Omnia autem ista eos habuisse, constat ex historiis probatissimis, prophetias multas, miracula infinita, constantiam ordinatam, talem, ut non solum nihil assererent contrarium maioribus suis, in iis quæ ad fidem & bonos mores pertinent: sed etiam qui propinquiore fuerunt, à sede Apostolica confirmationem expetierunt & obtinuerunt, ordinem Ecclesiæ Dei confirmantes. Quanta verò sanctitatis & austeritatis, alij plus, alij minus pro ratione vocationis fuerint, docebunt lectæ eorum historiæ. Quibus si non credunt hæretici, ipsæ tamen non ideo sunt falsæ, credent aliquando vel inuiti, sed suo magno malo, nisi nunc volentes credant. Octauum Ecclesiæ Christi signum est tantò clarius, quantò magis aduersarios ex illorū axiomatico premit. Scitis illud semper esse in ore hæreticorum, hos esse in Ecclesia, qui Euangelio credunt, indeq; Euangelici dici volunt. Ego verò id libenter accipio, & aio nos Papistas (ut vestro utar verbo) Euangelio credere, vos verò minimè. Quod tum ex aliis mille scripturæ locis, tum ex hoc solo aliquot constat argumentis. Nos enim credimus Ioannem Baptistam habitasse IN DESERTO, quia id dicit scriptura: vos asseritis in oppidis, & domo paterna eum mansisse, cuius ne vestigium est in scriptura.

S. Euangelicum esse.

Nos igitur sumus Euangelici & in Ecclesia. Et videte quæso, quàm ineptè id dicant hæretici. Nonnè hic audis, ET VENIT IN OMNEM REGIONEM IORDANIS? Quomodo ergo eò venit, id est ad oppida prope Iordanem, quando quidem antea ibi habitauit? Credimus præterea Ioannem non mollibus, sed pilis camolorum & zona pellicea vestitum fuisse, quia illud Christus Dominus, hoc Euangelistæ, de illo asserunt; nem cibum illius fuisse locustas insipidas, & mel syluestre, vt scriptura ait: Hæretici verò vestiunt illum veste vndulata, satis delicata, cibant verò cancris delicatissimis, & melle excellentissimo. Non illi igitur, qui verbis Euangelij non credunt, sed torquēt ea prout placet; sed nos, qui ea vti sonant intelligimus, Euangelici, ideoq; etiam ipsorum iudicio in vera Ecclesia erimus. Quod etiam patet ex iis, quæ ex D. Paulo attulimus, de modis, quibus nos alloquitur Christus, & de tempore, & de causa, quæ omnia nos sicut verba sonant, intelligimus, ipsi verò penè nihil eorum credunt. Postremò verba illa, PRÆDICANS BAPTISMVM POENITENTIÆ, eximium nobis tribuunt signum, apud nos esse veram Ecclesiā, vbi (quod fecit Ioannes & ipse Christus) pœnitentia eiusq; fructus maximè prædicantur: apud illos verò non esse, vbi pœnitentia enervatur, fructus verò eius ridentur. Sed hoc indiget integra cōcione, ideo insinuasse sit satis.

p. Prædicatio pœnitentiz.

Conclusio

Nunc finem concioni imponens, auditores me-

res meos omnes, tam Catholicos quàm cæ-  
 ros quoslibet rogo plurimum, vt hæc quæ di-  
 cta sunt terna concione, semper in promptu  
 habeant, & bene probent illos, qui dicunt se  
 à Deo missos esse ad reformandam Ecclesiam,  
 quorum infinitus est numerus. Talem ergo  
 ante omnia, iube vel prophetare, vel miracu-  
 la aliqua facere: si recusauerit, certissimus est  
 impollor, nec audiendus quidem, sed statim  
 explodendus. Quod si (vt scripturæ verbis vtar)  
*predixerit signum atque portentum, & euenierit quod* *Deut. 18. 22*  
*locutus est*, audiri poterit, quid dicat; sed duo  
 interim alia consideranda, nempe quid dicat,  
 & quomodo viuat. Nam si dicit quidpiam  
 contrarium iis, quæ pro articulis fidei susce-  
 pta & credita sunt, non audiatur amplius, sed  
 arceatur. Similiter si in vita ipsius nihil appa-  
 ret sanctitatis & sanctioris vitæ, explodatur.  
 Evidenter enim ex tota scriptura probatum, &  
 demonstratum est, omnia ista tria requirere  
 Deum, & concedere illis quos ad reforman-  
 dam, vel consolandam Ecclesiam suam, ipse  
 solus per se mittit. Et hæc sit Catholicis maxi-  
 ma consolatio, quia & ista & alia veræ Ecclesie  
 signa, hic manifestè vident. aliis verò sit ad cō-  
 uersionem incitatio, quos per viscera miseri-  
 cordiæ Dei rogo, & per salutem animarum su-  
 arum obtestor, vt tandem veritatē agnoscant, *Et exhorta-  
tionem.*  
 vt conuertantur & viuant, vt reuertantur ab  
 iis, qui omnes penè modos, quibus nobis lo-  
 quitur Deus, reiiciunt, ad illos qui omnes re-  
 ci-  
 C c 4 ci-  
 piunt,

cipiunt. Conuertimini inquam, conuertimini a falsis, vel nullis, ad vera & copiosi miracula, quæ sunt in Ecclesia, à confusione plerumquæ Babylonica, ad constantiam & ordinem diuinum: ab iis qui sacrilegam vitam aperebant, ad eos qui sanctissimam laudant, & plerumque sectantur ab his, qui se Euangelicos dicunt, & non sunt, ad illos qui verè sunt tales licet hoc nomine non glorientur. Et vt vno verbo omnia concludam. Reuertimini à mendacio & impostura, ad veritatem & omnem sinceritatem, vt amplectamur vos tanquam fratres dilectissimos, vna fide & eadem charitate nobis coniunctos & compaginos. Per illam summam & supremam charitatem, quæ Deus ipse est trinus in personis, vnus in essentia; cui laus, honor, & gloria, & gratiarum actio sit, per infinita secula seculorum. AMEN.

## CONCIO TERTIA.

### Spes.

Aduentus  
Christi ad  
nos excel-  
lentissimo.



Vperest nobis quartus, si Euangelio-  
rum ordinem sequemur, primus ve-  
rò si rei naturam consideremus, IESV  
Christi Domini nostri aduentus, à Deo ad-  
huc in Paradiso in remedium præuaricationis  
primorum parentum promissus, à Patriarchis,  
Princi-

Principibus & Regibus olim figuris quàm plurimis designatus, à Prophetis summis desideris expetitus, à suis, id est impiis Iudæis, non agnitus, sed repudiatus, à fidelibus verò obuiis, vt dicitur, vlnis susceptus, ac magnificatus. Aduentus, inquam, Saluatoris nostri ad nos, per naturam nostram ex nobis in vtero virginis assumptam & diuinitati vnitam. Excellentissimus sanè, ac fons & origo totius boni nostri. Hinc enim omnia Sacramenta profluunt, hinc omnes gratiæ derivantur, hinc vniuersa bona opera nostra, vim & meritum suum accipiunt, hinc ad alios aduentus vigor omnis emanat. Ex aduentu enim filij Dei ad nos per incarnationem; & ille aduentus qui fit per Spiritum sanctum inhabitantem in nobis; & alter, quem post vltimum agonem iusti experiuntur, ac deniq; ille quem in consummatione seculi pij expectant, sequitur. Ad quem explicandum offert se nobis hodiernũ Euangelium. quod si diligenter consideraerimus, inueniemus omnia, vel penè omnia ad Domini primum aduentum pertinentia. Adest enim aduentus huius præcursor, adest author & consummator, adest celebritas eius, adsunt viæ, quibus authori eius obuiam procedere possimus, adest & modus eundem recipiendi, & vtilitates ex eius ad nos ingressu promanantes. quæ omnia rectè considerata & expensa hoc efficient, vt & spiritualiter ad nos Christum Dominum venturum sperare,

& vltimos eiusdem duos aduentus securi expectare possimus.

**PROPOS :**  
Euang: explicabitur  
cum doctrinis.

Hæc igitur tractanda, & inuestiganda in hac concione nobis erunt, non tamen eo quæ proposuimus ordine, verum textui inhærendo, vt & litera, & si quæ circa illam sunt dubia, ab omnibus intelligantur, & doctrinæ quas Deus concesserit adferantur, ac denique circa finem, & quæ sunt insinuata declarentur, & spes nostra in nobis erigatur. Da Christe Iesu, vt ita hunc tuum primum aduentum meditemur, vt postremum cum viua spe expectemus, atq; aduentantem læti excipiamus.

**Quâtope-**  
**re Deus a-**  
**niet ordi-**  
**nem.**

Inuentor & fabricator boni ordinis Deus, ita semper & in omnibus adamauit ordinem, vt nihil vnquam contra illum agere voluerit; imò quæ ordinatè constituta fuerunt, ea ipse obseruari voluit. Quod cum in aliis infinitis, tum verò in eo apparet, quod neq; filium suum vnicum, neq; præcursores eius Ioannem ante trigessimum ætatis illorum annum permiserit prædicationis fungi officio, quia id apud Iudeos in more positum fuit. Vt igitur demonstraret noster Euangelista, Ioannem iam sufficientem ad id ætatem habuisse. Ait:

**Trigesimo**  
**anno Ioan:**  
**cœpit præ-**  
**dicare.**

**ANNO QUINTODECIMO IMPERII TYBERII CÆ-**  
**SARIS.** Constat enim Ioannem Baptistam anno quadragesimo secundo imperij Augusti Cæsaris natum, à quo tempore si annos numeros ad hunc, quem audis decimum quintum Tyberij, inuenies Ioannem trigessimum annum, vel iam



vel iam expleuisse, vel saltem inchoasse. Vnde  
verò Iudæi id habuerint, vt nullus ante trige-  
simum annum apud illos Doctoris munere  
funderetur vel prophetaret; colligunt quidam  
ex libro Paralipo: quod tamen cū ibi adeò  
clare non dicatur, credendum est, vel ex diui-  
na traditione, vel ex maiorum suorum insti-  
tutione id illos habuisse, & vtrūq; Catholi-  
cam fidem quæ & traditiones obseruat, & pia  
maiorum instituta veneratur mirabiliter con-  
firmat, perfidiam verò hæreticorum labefa-  
ctat. Natus autem fuit Ioannes, vt bene no-  
stis, sex mensibus ante Christum, idcirco to-  
tidem etiam mensibus Christi prædicationem  
præcessit. Posito itaq; Imperatore, ponit dein-  
de etiam Prætorem D. Lucas dicens:

Vnde id  
Iudæis.

*1. Par. 23.  
2.*

PROCVRANTE PONTIO PILATO IYDAEAM,  
sub quo etiam Christum Dominum passum  
esse nostis, quod contigit post quatuor ferè  
annos ab eo tempore, quo hæc quæ in Euan-  
gelio recensentur, acta fuerunt. Nam tres tan-  
tū menses ad id deerant. Neq; verò D. Lu-  
cas his contentus fuit, sed addit insuper.

TETRARCHA AUTEM GALILEAE HERODE.  
Illo videlicet, qui Christum Dominum veste  
alba indutum irrisit. Dicitur autem tetrarcha,  
quasi quartæ partis Princeps, non quòd ita se-  
res tunc haberet, sed quia titulus iste, qui olim  
ortum habuit ex diuisione alicuius regni, vel  
principatus, in quatuor partes, postmodum  
Principibus, imò & Regibus dabatur, vt ex  
autho-

Tetrarcha  
quid.  
*Luc. 23. 1.*

authoribus patet. Illius igitur qui infantes occidit Herodis regnum, in tres vt nimum partes diuisum fuit, quarum duas duo ipsius sui obtinebant. Ideo additur:

PHILIPPO AVTEM FRATRE EIVS TETRARCHA ITYREAE ET TRACHONITIDIS REGIONIS. Tertiam verò alter quidam obtinuit, qui quisnam fuerit, præter nomen certò non constat. Nam D. Lucas nominat illum dicens:

ET LISANIA ABILINAE TETRARCHA. An verò in plures etiam Tetrarchias, seu partes, diuisum fuerit hoc regnum, parum refert nos scire. Illud autem aliquanto magis nostra interest, quod non solum Principes seculares, sed etiam spirituales diuisi erant. Nam sequitur:

Quid sibi  
velint hi  
duo Pontifices?

SVB PRINCIPIBUS SACERDOTVM ANNA ET CAIPHA. Non dicitur hoc ideò, quòd vterq; esset eodẽ anno summus Pontifex, hoc enim nunquam factum legimus (nisi velimus dicere alterum fuisse absolute summum pontificem, alterum verò præfuisse magno illi consilio Synedrin dicto) sed ideò vterq; nominatur, quod essent annui & fortè alternatim pontificatum exercebant, propterea hic primo loco ponitur Annas, quia fuit Pontifex anni illius sicut Caiphas quando crucifixus est Christus ad enim si annus vterque computes, ordo exigebat. Annuum autem gerere pontificatum erat præter consuetudinem legis veteris, vt apparet ex libris Mosi.

Ioã: 11. 49

Num: 35.

28.

Hæc circa declarationem textus occurrant.

bant. Neq; verò sine causa tot nomina & dis-  
sectiones ab Euangelista ponuntur. Fecit enim  
hic tribus inter alias de causis. Prima est lite-  
ralis. Voluit enim plenam fidem facere de  
predicatione Ioannis, & aduentu Messiae in  
hunc mundum, idcirco omnes enumerat prin-  
cipes, sub quibus ad fieri coeptum est. Altera  
est allegorica. Recensentur enim gentiles do-  
minantes Iudaeis, ut scias adfuisse tempus quan-  
to fides vera & verus Dei cultus à Iudaeis ad  
gentiles transferri debuit, ut etiam in hoc ap-  
paret illud quod dixit Apostolus: *Non prius*  
*quod spiritale est, sed quod animale, deinde quod spi-*  
*ritale*. Prius itaq; gentiles Iudaeis sunt praelati  
in temporalibus, postmodum in spirituali-  
bus. Tertia ratio est moralis. Habemus enim  
hic pulchram doctrinam politicam ad confir-  
mationem illius quod dicitur: Concordia res  
paruas crescere, discordia verò maximas etiam  
dilabi. Quod non solum in eadem domo, in  
eadem vel diuersis familiis, in congregationi-  
bus, in ciuitatibus, sed etiam in regnis, impe-  
riis, monarchiis, fieri videmus.

Proferamus tria exempla earum saltem mo-  
narchiarum, quarum in primo libro Macha-  
bæorum fit mentio, quibuscum tum tempo-  
ris Iudaei amicitia & foedere iungebantur. Pri-  
mum est Macedonum, qui vniti sub Alexan-  
dro Magno Rege suo, domini facti sunt vni-  
uersæ terræ. Post mortem vero illius multis mo-  
dis disiecti, mala in orbem inuexerunt pluri-  
ma, pro-

Cur tot  
personarum  
nominen-  
tur.

1. Ratio li-  
teralis.

2. Allego-  
rica.

1. Cor: 15.  
46.

3. Moralis  
notanda.

Discordia  
& inordi-  
natio per-  
dit regna.  
Exempla.  
1. Macedo-  
num.

1. *Mact. 1. 9* ma, prout scriptura clarè testatur dicens: *Et*

1. *Mact. 1. 2.* *imposuerunt omnes sibi diademata, & multiplicata*

2. *Lacedæ-* *sunt mala in terra.* Alterum Spartiatarum seu La-

moniorū.

cedæmoniorum, quibuscum Iudæi pacta inibant, quia tum temporis adhuc florebant propter vnionem & concordiam; Postmodum verò dilapsi sunt maximè propter Ephoros, id est inspectores (notate agnomen illorum qui inspiciunt, ne quid libertas detrimenti patiatur, imò vt augeatur quotidie) ad quos ab ipsis etiam Regibus dabatur appellatio. Sicut itaq; prædictæ Monarchiæ concordia ordinata creuerant, ita discordia inordinata perierunt. Tertia

3. *Roma-*  
*norum.*

4. *Mact. 8.*

Respublica erat Romanorum, cum quibus itidem Iudæi inibāt amicitias, qui quidē dum essent concordēs, mirum in modum fines Imperij protulerūt suos. Exorta autem discordia inter Marium & Sillam, inter Sertorium & Catilinam, inter Pompeium & Iulium Cæsarem tribunis plebis Rēpub. turbantibus, splendorem illum & potentiam amiserunt. Verū isti gentiles fuerunt.

4. *Iudzo-*  
*ram.*

Quid verò dicemus de Rēpub. quam ipse Deus peculiariter gubernauit? Quæ quomodo ex vno Abrahamo orta, amore & concordia primū in multa centena millia creuerit, postea verò etiam regna externa occupauerit, clarum est ex sacris voluminibus: sed neque illud obsecrum, quomodo Iudæi discordia primū inter se diliecti, deinde variis & crudelibus tyrannis à Deo in seruitutem traditi fuerint.

Exem-

Exemplorum pleni sunt libri Iudicum & Regum. Et nota non quamuis discordiam seruituti Iudæorum causam dedisse, sed illam præcipuè, quæ ex dissensione in religione & negotio fidei oriebatur. Ideò quando ad Deum eiusq; cultum redibant, ac in vera fide cõcordes erant, submittebat illis identidem Deus saluatores, *Aod, Gedeon, Iephth, Samsonem, &* alios. Et hoc ipsum videre licet in regibus Iudæorum, qui vniti cum Deo per fidem veram, & cum subditis per concordiam, non solùm, ea quæ Deus illis assignauerat, sed etiam multa alia regna occupauerunt, & sub iugum miserunt. At posteaquam propter idololatriam à Salomone excitata dissensio inter Roboam regem Iuda filium Salomonis, & Ieroboam subditum eius facta est, non solùm Regna quæ possederant amiserunt, sed etiam ipsi inter se diuisi fuerunt in duas partes, quarum vna decem tribus, altera duas tantùm complectebatur: ac tandem quæ priùs peccauit, & tam à Deo suo quàm à viris piis (qui ibi non deerāt) discesserat, priùs in captiuitatem abducta est, quam tamen, & alia duarum tribuum Iudæ & Benjamin eandem ob causam in seruitutem est subsecuta, donec sic volente & miserante Deo, primùm à Cyro quinquaginta millia in Iudæam remissa, postea à Dario Cyri victore omnes libertate donati, multi in patrias sedes remearunt, & tam ciuitatem quàm templum Hierosolymitanum restaurarunt.

NOTA.  
Causam interitus esse  
dissensionem  
in religione.

Dei benignitas.

Historia Iudæorum.

2. Reg. 11.

4. Reg. 17.

4. Reg. 24.

Quæ

Quæ quidem restaurata, defenderunt Machabæi ex paruis, sed concordibus principibus orti, vsque ad hoc penè tempus, quod audis in Euangelio. Nam quamuis iam antea diffusionibus laboraretur, & ad externos etiam deueniret regimen, tamen tantam dissectionem, quantam hic descriptam vides, puto antea non fuisse. Audis enim nominari quinque principes seculares, & duos Ecclesiasticos. Adde & illud magnæ confusionis signum, quod tum temporis propter tyrannidem secularibus Ecclesiastici subdebantur, & ab illis summum Pontificatum emebant. Et hoc ipsum etiam notare licet in libris Iudicum & Regum, ubi quando Reges summis Sacerdotibus coniuncti, & ut decuit subiecti erant, bene omnia cedebant: at verò postquam Reges dominari cœperunt Sacerdotibus, demùm relictis veris, impios idololatrias sibi formare cœperunt; totum in præcepit. Electionis humus & consecrationis pseudo-sacerdotum habemus expressam effigiem in primo Rege Israelis idololatra Hieroboam, de quo scribitur, quod *fecit de nouissimis populi sacerdotes excelsorum; quicumque volebat implebat manum suam & fiebat sacerdos.* Viua planè imago consecrationis ministrorum, hoc nostro tempore, de quo alias: nunc cœpta prosequamur, vel concludamus potius. Hæc igitur discordia & dissectionio, quam notatam vides in Euangelio, fuit initium interitus Iudæorum, qui post quadraginta

NOTA  
pseudo-politiam.

Et consecrationem  
Ministrorum

3. Reg: 13  
33.



ginta & quatuor circiter annos subsecutus est, quando ipsi inter se primum digladiari, deinde maximè ab iis, qui se zelotas, id est vindices libertatis vocabant, oppressi, tandem detrectantes Romani Caesaris imperium, & rebelles Romanis facti, cum discordiæ ac perfidiæ suæ, tum reiecti, imò crucifixi Messiae meritis dederunt pœnas.

Ex his copiosius quàm cogitaram tractatis, multa nobis suppetunt dicenda contra tria genera hominum. Tres etenim gradus hic videre nobis licuit dissensionum, & boni ordinis turbatorum. Primus & supremus est, qui schismata & dissensiones in rebus fidei nutrientes, omnem diuinum euertunt ordinem. Cum enim tales Deo dicenti, & mysteria, ac veritates suas nobis per Ecclesiam reuelati nō credant; quid non turbant cum ipsum authorem ordinis turbent? In hoc gradu & fuerunt olim infiniti quos notauimus ex veteri Testamento, qui à Deo ad idola peruertebantur, & non desunt in nouo Testamento, & maximè nostro tempore omnes hæretici.

Alter est illorum, qui statum ordinatum Ecclesiæ, id est subordinationem magistratus ciuilis, ad Ecclesiasticum, & quod consequens est, Rempub: Christianam miscent. Quales sunt præter hæreticos, qui se politicos specioso nomine vocant; licet longè absint ab eo. Afferunt quidem tales se non solum non turbare, sed, etiam stabilire ordinem Rempub.

Tres gradus  
dissensionum.

1. Supremus  
hæreticorum.

2. Pseudo-  
politicorum.

verum nihil minus faciunt: quod vel inde patet. Quomodo enim omnia bene & ordinatè ad finem Reipub: dirigent, qui finem & scopum rectum politix aut ignorat, aut ignorare se simulant? Certè præesse & dominari quoquo modo, sine per fas, sine per nefas, nescio an ullus etiam insulforum Philosophorum finem politix statuerit, qualem apud hos si bene perspicies, esse animaduertes. Mulo autem sine constituto, quid mirum pessima media ad hunc finem consequendum ab eis constitui? Hinc statuum sequitur perturbatio, hinc in Repub: non honesti sed utilis prima habetur ratio, hinc verarum virtutum explosio, fictarum & hypocrisis inundatio. Hæc cine sunt Reipub: bene constitutæ signa & indicia?

3. Quorumdam Catholicorum.

Postremum perturbatorum boni ordinis genus, ac minimus quidem, sed tamen pessimus dissensionum gradus in Repub. (nam de his maximè loquimur; quamuis possint hæc omnia suo modo, & domui, & familiæ, & ciuitati, ex quibus postea Respub: constat, applicari) est; quando priuata commoda publicæ authoritati, dignitati, & vtilitati præferuntur. O quàm id perniciosum! ô quàm frequens, non solum apud omnes prædictos, tam hæreticos, quam Machiauellistas, sed etiam apud Catholicos! nostis, videtis, palpatis. Quid ex his omnibus sperandum vel timendum potius? Quid, quæso, aliud, quàm quod timere

Quantum hoc malum.

soles cū vides domum aliquam fatiscētem, Similitudo  
 parietes à suis angulis semotos, trabes suis re-  
 pagulis excidisse, omnia deniq; mota & con-  
 uulsa; quid, inquam, contuendo tale ædifici-  
 um cogitas? nil certè aliud, quàm breui rui-  
 nam subsequuturam. Idem hic time, & suc-  
 curre si potes.

At quomodo, inquis, opem feram talibus? Remedi-  
tria.  
 Difficile sanè; quia malum & multos & haud  
 infimæ fortis homines vt plurimum comple-  
 ctitur. Tria accipe remedia ab Evangelio nō  
 aliena; Sacerdos oret, & moneat; is cuius in-  
 terest, & potest, mala impediat, & quantum  
 potest, arceat; Omnes verò, ne sint ex turbu-  
 lentorum numero, caueant: vt verò Christo  
 Domino viam in se præparent, dent operam:  
 ita enim eueniet quiddam Paradoxon quidē, PARADO-  
XON.  
 sed Christianum, ideoq; verissimum. Videli- Quo peius  
eo melius.  
 cet quanto peius erit, tantò melius quid sub-  
 sequetur. Scit enim optimus Deus in pericu- Exempla.  
 lous & desperatis casibus opem ferre, tum ob  
 liberalitatem suam, tum ob dispositionem  
 nostram. Ita pessimum fuit peccatum primo-  
 rum parētum; at optima inde emanauit pro-  
 missio Dei de Verbi incarnatione. Turpissi-  
 ma erat idololatria Achaz; sed pulcherrima il-  
 li facta promissio: *Eccē virgo concipiet & pariet* 1. Adz.  
Gen: 3. 15.  
*filium*, quam hoc sacro Aduentus tempore in 2. Achaz.  
4. Re: 16. 2  
Isa: 7. 14.  
 vestris Ecclesiis quotidie iteratis. Mala item 3. Captiui-  
tas Iudæo-  
rum.  
 captiuitas Israelis, ex qua tamen id boni con-  
 sequebatur, quòd Iudæi vt plurimum in capti-  
 uitate

4. Ex Euā-  
gelio.

5. Disper-  
sionis Iu-  
dzorum.

6. Cessatio-  
nis veteris  
legis.  
Similitudo

Iq̃a 19-30.

uitate vnum Deum colebant, quem in liber-  
tate repudiabant, vt patet ex Tobia, Ester, E-  
zechiele, & Daniele, ac aliis Prophetis. Ecce  
in Euangelio mala, quam audis, dissectio; at  
optimus supra modum primū præcursoris,  
deinde ipsius Messiae aduentus. Pari ratione  
molesta fuit Iudæis per totum orbem disper-  
sio, sed iucunda religionis Christianæ vbique  
disseminatio, tum per Apostolos virosq; Apo-  
stolicos: tum per infideles Iudæos, qui libros  
Prophetarum id prædicentes per totum orbē  
circumferunt. Similiter ingrata fuit Iudæis,  
at gratissima nobis gentibus, veteris legis ces-  
satio. Sicut enim rupto aggere alicuius pisci-  
næ piscibus refertæ, vnus quidem damnum  
patitur, at in multos utilitas deriuatur, dum  
fluuij & aquæ aliq̃ piscibus inde decidentibus  
implentur: ita rupto veteri Testamento, & cō-  
summata per consummatorem nostrū Iesum,  
quando dixit, *Consummatum est*, antiqua legē  
in omnes gentes, nationes, populos, infinita  
manauit utilitas per publicationem legis no-  
uæ, quæ est lex gratiæ. Quare id ipsum nobis  
de Deo nostro misericordie persuadeamus, &  
speremus fore, vt si cum ipso per rectam fidem,  
per bonam conuersationem, per vsum sacra-  
mentorum cōiungemur, etiam si cæteris quē-  
uis obuenerint mala & calamitates; nobis  
tamen benè ex bonitate eius res sit cessura.  
Sed de ijs quomodo nos in aduersis gerere, &  
spem in Deum excitare, & patriæ opem ferre  
debea-

debeamus, nunc satis iam videamus quid boni in tanto malo dissensionum a Deo factum & ab Evangelista descriptum sit.

FACTVM EST VERBUM DOMINI, ait Evangelista, phrasi nota in scripturis & omnibus prophetis admodum vlitata, qua exprimitur missio & iussio Dei: vt is de quo id dicitur, annūtiat verbum ipsius. Quod tamen, vt dictum est, ante annum trigesium non fiebat; Et idem tempus ab Ecclesia seruatur in Episcopis, quorum proprium est concionari, vt non nisi trigesimo anno consecrentur: Sacerdotibus verò tempus hoc contrahitur aliquantulum. Sed hac contractio quibusdam non sufficit, qui quamuis & ætate & perfectione sint immaturi, nimis tamen maturi videri, & haberi volunt. Ideò tempora anticipant, & ad sacros ordines ante tempus properant. Quæ causa obsecro? Nunquid nos perfectiores sumus & antiquis sanctis, & ipso Ioanne Baptista, imò Christo Deo, qui trigesium expectarunt annum? Absit, inquis, hoc vel cogitare; sed quia ætas breuior, & necessitas Ecclesiæ magna id postulat. Fateor necessitati aliquid esse dandum, cum debitis tamen cautelis, & ne volentes alios iuuare, nos ipsos præcipitemus, illud de ætate nescio quam excusationem habeat. Certè & Ioannes, & Christus Dominus breuissimo prædicarūt tempore, & tamen quantos fructus ediderunt? Quid si aliquando nos ipsi vitam nobis abbreviamus?

Contra immaturiores ad sacerdotium

Sed videamus, ad quem factum sit hoc verbum Domini.

Qualis esse  
debeat  
predicator

SVPER IOANNEM ZACHARIÆ FILIVM. Magnam equidem nomina Hebræa vim habent in scriptura, præsertim si à Deo vel mutantur (vt Abrahami, Saræ, Petri) vel imponantur, vt huic & ipsi Iesu. Duo ista sic exponuntur: Ioannes designat pium, misericordem, gratiosum; Zacharias verò memoriam Domini sui: quo etymo duplici edocemur; vt si volumus, vt fiat verbum Domini ad nos, & fructum faciat, satagamus vt simus pii erga Dominum, misericordes in proximum; gratiosi, id est gratia Dei præditi in nobis, & filij memoriarum Domini nostri, id est in lege Dei nostri meditantes die ac nocte, cum illo beato viro Dauidico. O beatus qui ita sese ad prædicandum præparauerit vt Ioannes.

psal: 1. 2.

Deserti  
quadru-  
plex utili-  
tas.

IN DESERTO. Ecce ad hæc modus commodus sanè & efficax, desertum inquam, quod pro ratione vocationis facias tibi necesse est, saltem domi tuæ aliquo temporis spatio, te metipsum à negotiis, & ipsorum strepitu segregando, Deoq; vacando, vt & memoriam Domini tui per contemplationem recolas, & voluntatem tuam, ad pietatem ac amorē Dei excites, & vberem gratiam ipsius recipias, & mortificationi carnis assuescas, quam toto vitæ tuæ tempore continues, prout Ioannes fecit. O quam diuturnum hac in parte exercitium, ac vt ita dicam tyrocinium, vir hic in  
vtero



vero sanctificatus habuit. In nobis vero sæpè in peccatis enutritis pauci strictioris vitæ anni, longi & plurimi videntur. Facienda idcirco sunt bona fundamenta, ut bene succedat quod sequitur.

ET VENIT IN OMNEM REGIONEM IORDANIS. id est, exposuit se utilitati proximi, contulit se ad lucrandas Christo animas. A Iordane autem incipit, ut etiam locus ipse incitaret ad id homines, propter quod Ioannes venerat. Venerat autem.

PRÆDICANS BAPTISMUM PŒNITENTIÆ. Iordanis  
designat  
Sacramen-  
ta.  
Quod facit omnibus qui excogitari possunt modis, nullam circumstantiam omitendo. Non solum voce, clamore, victu, vestitu, cæremonia baptismi, tempore congruo, sed etiam loco ipso: tum deserti, quod ad hoc erat aptissimum: tum Iordanis, quem fluvium Iudicii interpretantur. Quod autem maius ad pœnitentiam incitamentum, quàm Iudicii diuini intenta consideratio? fuit autem Iordanis omnium Iudææ fluviorum celeberrimus, ex duobus profluens fontibus, quorum alter Ior, alter Dan vocabatur; per hunc Iordanem olim populus Israeliticus, & Elias cum Elizeo Ios: 3. 16. sicco pede transuerunt (vel potius per alve- 4. Reg: 2. tum Iordanis exsiccati.) Naaman verò Syrus, se- 4. Reg: 5. pties in eo lotus à lepra mundatus est. Quæ omnia mirabilia sanè, huius prædicationis Ioannis Baptistæ typum gesserunt, magis verò illius, quod & prædicatione & cæremoniis suis

Baptismi  
& pœnitentia.  
1.

Ioannes commendabat, Sacramentum videlicet Baptismi & Pœnitentia. Baptismi laucrum adumbravit Naaman, septies in Iordane baptizatus; Pœnitentiam, reliqui omnes & ipsum fluminis nomen. Ut enim Naaman, vel nulla, vel exigua cum molestia lotus mundatur à lepra, alii non sine labore & defatigatione pedestres alueum lati fluminis transeunt: ita in Baptismo modica cum detestatione antea acta vitæ: at in Pœnitentia cum ingenti dolore & contritione, remissio peccatorum obtinetur. Item, Naaman Syrus tale in Iordane accipit beneficium, ut dicat scriptura: *Et restituta est caro eius sicut caro pueri parvuli, & mundatus est.* de aliis verò nihil tale legitur, ut scias in Baptismo quidem, non solum omnium peccatorum etiam originalis, sed etiam totius culpæ & pœnæ, plenam dari remissionem: in Pœnitentiæ vero sacramento non idem fit. Quapropter ab Apostolo Baptismus quidem *laurum regenerationis* vocatur, sed Pœnitentiam, *tristitiam & vindictam*, operari asseritur. Vindicta verò, & tristitia, oriuntur ex consideratione, tum maiestatis diuinæ, & beneficiorum quæ ab illo accepimus, tum vilitatis & ingratitude nostræ, qui in eum peccauimus. Et isti sunt duo illi fontes, ex quibus Iordanis, hoc est fluminis iudicii, emanat. Dum enim ego iudicia diuina expendo, & tum turpitudinem delictorum meorum, tum magnitudinem bonitatis diuinæ intueor, indequæ quoddam

Tit: 3. 5.

2. Cor: 7. 11

Quæ con-  
milio vera.

Figura.

tam

tam beneficium parentem offenderim, tristitia  
 am & animum vindictæ mei ipsius concipio,  
 tum temporis veram de peccatis contritionē  
 (in qua pœnitentia consistit) habeo, indeque  
 fluentia lachrymarum effundo, quod fecit il-  
 le qui dixit: *Exitus aquarum deduxerunt oculi mei,* *Psal: 118.*  
*quia non custodierunt legem tuam.* Et alibi: *Laua-* *136.*  
*bo per singulas noctes lectum meum, lachrymis meis* *Exemplū*  
*stratum meum rigabo.* Hæc est eximia dispositio, *Dauidis.* *Psal: 6. 7.*  
 vt consequamur quod Ioannes prædicauit.  
 Prædicauit autem baptismum pœnitentiæ.

IN REMISSIONEM PECCATORVM. Quam ta- *Absolutio*  
 men non dabat Ioannes; quia potestatem ta- *in noua lo-*  
 lem non acceperat, prout acceperunt postea *ge.*  
 Apostoli, & eorum successores, quando à  
 Christo audiuerunt: *Accipite Spiritum sanctum,* *Ioan: 20.*  
*quorum remisistis peccata, remittuntur eis.* Magna *23.*  
 equidem consolatio nostra, magna gratia di-  
 uina, quòd homo cuiuslibet vestrum similis, ter-  
 renus sicut & vos, peccator sicut vos, & fortè  
 maior quàm vos, condonare vobis authorita-  
 te diuina possit delicta vestra. Accedite igitur  
 incunctanter; nam quod de Christo Paulus  
 ait, hic quoque locum habet: *Habemus enim qui* *Heb: 5. 2.*  
*condolere possit iis qui ignorant & errant, quoniam*  
*& ipse circumdatus est infirmitate.* imò & peccato:  
 (de Sacerdotibus loquor.) ne fortè tantò mi-  
 nus sis excusabilis, si non feceris, quantò ma-  
 ius tibi Christus præstitit beneficium quod  
 repudias. beneficium, inquam, quo etiam is  
 caruit, de quo Propheta prophetarunt, nem-

pe Ioannes Baptista. Adfertur autem prophetia cū dicitur:

SICUT SCRIPTUM EST IN LIBRO SERMONVM ISAIAE PROPHETAE de Ioanne Baptista: videlicet illum & vt præcursorem Messie venturum, & Messiam prædicaturum. Ideo subdit:

**Cur in tē-** VOX CLAMANTIS IN DESERTO. Et in oppidis  
**plo nō præ-** vicinis deserto. Ibi enim Ioannes prædicabat,  
**dicat Ioan.** quia templum Hierosolymitanum ipsi Christo seruabatur, prout prædixerat Propheta di-

**Qualis vox**  
**Ioannis.**

*Mat. 3. 1.*

**cens:** *Et statim veniet ad templum suum dominator quem vos queritis, & angelus testamenti, quem vos vultis.* Qualis autem vox fuerit Ioannes, diximus tota penè concione; nempe quicquid in illo fuit, id totum vocem fuisse, cor quidem non videbatur, sed tamen erumpebat & loquebatur ore, gestu, victu, vestitu, extra, & intra. Fuitq; vox ista in se humilis, in Prophetis sublimis, Christo amabilis, nobis verò valdè utilis: ac promde audiamus illum quid dicat.

**Viz præ-**  
**cepta, semitæ**  
**consilia.**

**PARATE VIAM DOMINI, RECTAS FACITE SEMITAS EIVS,** inquit; Scio non paucos nullam inter vias & semitas differentiam statuere & asserere, his idem dictum esse expressioris significationis causa, quod non est infrequens in scriptura, & in Psalmis frequentissimum. Verū non video quid obftet, cur in verbis à Spiritu sancto prolatis minùs liceat mysteria quarere, præsertim quæ Catholicam confirmant veritatem, qualia sunt ista. Ideò quidam per VIAM præcepta diuina decalogi, per SEMI-

TAS CON-

TAS consilia Christi intelligunt: quod si non intenderunt Propheta & Ioannes (verum quis nouit sensum illorum) veritati certè consentaneum est. Illis enim duobus modis obuiam Christo proceditur, & in hac duo genera quotquot sunt pij Christiani diuiduntur. Alij enim solis præceptis diuinis, quasi lata quadam via contenti, ea obseruando viam Domino suo in se præparant: alij insuper strictius viuendi genus, nimirum consilia Christi complexi, quasi semitas eius rectas faciunt. De viis intelligitur quod dicit Christus: *Si vis ad vitam ingredi, serua mandata.* de semitis verò eiusdem ad eundem adolescentem: *Si vis perfectus esse, vade vende quæ habes & da pauperibus, & habebis thesaurum in cælo, & veni sequere me.* Ad vias illud Christi Domini pertinet: *Dico vobis, nisi poenitentiam habueritis, omnes similiter peribitis.* Ad semitas verò: *Quodcumq; supererogaueris, ego cum rediero reddam tibi.* Viæ sunt latiores non quidem ratione viarum, quibus vanitatibus huius mundi dediti gradiuntur, de quibus dicitur: *spatiosa via est quæ ducit ad perditionem.* Et additur: *arcta via est quæ ducit ad vitam;* sed respectu consiliorum & semitarum, quas multò pauciores ingrediuntur.

Viæ bonæ sunt, sed semitæ meliores, tum quia strictiores, fortius enim carnem refrenant: tum quia breuiores, citius enim ad metam & terminum perducunt: tum quia nitidiores, sordibus enim & illecebris mundi carèt: tum deniq;

In hæc duo omnes pij diuiduntur.

Mat. 19.

17.

Ibid. 21.

Luc. 13. 3.

Luc. 10. 35

Vix duplices.

Mat. 7. 13.

Semitæ meliores quatuor de causis.

Teste Chri-  
sto Domi-  
no & D.  
Paulo.

deniq; quia maioris meriti quod vltro, & non compulsi præcepto, eas ineamus; propterea audiuiſſi dictum à Christo: *quodcumq; superero- gaueris, reddam tibi*. Vtrumq; pulchrè expreſſit Apoſtolus in eodem loco dicens: *Qui matrimonio iungit virginem ſuam* (ecce via non quòd præcipiatur matrimoniũ omnibus, ſed quòd qui in illo viuunt, communem viam tantũ præceptorum ſequantur, *benè facit*; & *qui non iungit*, (ecce ſemita) *melius facit*. Exempli non deſunt, ſed ſufficiat vnum in Euangelio hodierno. Nam PARAVIT VIAM DOMINI Zacharias pater Ioannis, qui in matrimonio piè vixit: at ipſe Ioannes ſecit RECTAS SEMITAS EIVS, qui virginitatem coluit.

1. Cor: 7. 38

Idem pa-  
ter in Euā-  
gelio.

Cur via pa-  
randæ, ſe-  
mitæ verò  
rectifican-  
dæ.

Neq; verò abſque cauſa præcipit Deus vias quidem parandas, ſemitas verò rectas facien- das; ſed vt reor inter alias hac quoq; de cauſa, quia cùm ſemita hæc ſpiritalis, id quod ſecus eſt in ſemitis aſpectabilibus, viam quoque complectatur (Nam qui conſilia Chriſti ſequitur, præcepta priùs obſervare tenetur) eue- nit, vt quantò in perfectiori ſtatu quis eſt con- ſtitutus; tantò faciliùs ex ſuggeſtione dæmo- nis diſtortas vias ſuas faciat, aut prauitate in- tentionis, aut purè, & ſincerè, id quod facit, ad laudem Chriſti non referendo, aut cupidita- te inanis gloriæ. Idcirco monet Ioannes, vel potiùs Deus per illum, & per Iſaiam, vt vias quidem paremus, fideliter præcepta eius ob- ſervantes; ſemitas autem rectas faciamus, bo-  
nam



nam intentionem & Dei solius honorem præ oculis semper habentes. Quare cum omnes fideles in hos duos status diuidantur, optimè Ioannes & vias docet esse parandas, & semitas rectificandas.

At, inquis, vetus est illud dictum: Propter semitam viam non esse relinquendam, cum sæpius in semitis erretur. Verùm istud pro- uerbiū hic locum non habet, tum quòd vt diximus, semitæ istæ viam etiam in se inclu- dant: tum quòd bene id dicatur, quando se- mita alicui externo est incognita: at incolis quis persuadeat potiùs longam viam, quàm semitam breuiorem esse amplectendam? Ita se res hic habet. Iam enim semitæ consilio- rum Christi, per gratiam ipsius vestigiis attrite sunt plurimorum. Non est igitur quod time- as ne deuias. Imò contrarium nunc euenire solet, nempè in via, & errari faciliùs propter multas vias deuias, & difficiliùs progressum fieri, propter socios in vnum coeuntes & iter retardantes. Verùm videamus iam, quomodo sint viæ istæ parandæ & semitæ dirigendæ. Id enim docetur in sequentibus, cum dicitur:

OMNIS VALLIS IMPLEBITVR. Quid per ista quatuor significetur diximus alias, ideò hic dicta tantum perstringemus, & quæ Deus cõ- cesserit addemus. Quorum hoc sit primum. Ista quatuor, nempè vallis impletio, montis humiliatio, prauorum directio, & asperorum complanatio, fieri tum à Deo, tum à Christo

Obiectio  
de v is sol-  
uitur.

1.

2.

3.

Vallis im-  
pletio quo  
modo fiat.

Domi-

## Dominica III. Aduentus,

Domino, tum à nobis, tum etiam ab ipso Ioanne suo modo. Deniq; in istis quatuor notantur varij fructus, seu effectus primi istius Aduentus Saluatoris nostri. Videtis quanta bona in paucis verbis includantur? Hæc est diuina gratia & scripturæ profunditas. Intueamur illa quantum per tempus licebit, reliqua verò ad aliam concionem reiciamus. VALLIS itaq; luxuriæ & omnis carnalitatis im-

**A Deo.** PLEBITVR, imò impletur. Tum à Deo nos ad pœnitentiam monente, incitante, adiuuante multis & variis modis, prosperis rebus, & aduersis, afflictionibus, & cōsolationibus, amore, & timore, & aliis infinitis. *Quis enim in-*

**A Christo.** numerabilia enumerabit? Tum à Christo Domino, qui nobis merita sua communicat, sacramenta largitur, & in iis vberes gratias tri-

**A nobis.** buit. Tum etiam à nobis, quod fit quando per cessationem à peccatis, per dolorem de illis, per lachrymas, & aliis modis ad gratiam Dei percipiendam nos disponimus. Et hoc est

**A Ioanne.** quod sibi clamor Ioannis voluit, maximè enim id intendebat, vt nos disponeremus ad aduentum Messix, & remedia tum vniuersalia tū particularia nobis suggerit. Vniuersalia quidem, & ipsam pœnitentiam, & exemplum suum, quæ ad omnia valent. Particulare verò remedium contra vallem luxuriæ, illud esse potest, quod dicit: *Facite ergo fructus dignos pœnitentiæ.* Primus enim & præcipuus fructus est pœnitentiæ, carnem à petulantia refrenare. Sequitur secundum.

ET

ET OMNIS MONS ET COLLIS HUMILIABITUR.

Montis hu  
miliatio  
quomodo  
fiat.

Contra superbiam enim humiliationem vni-  
cum esse remedium, nemo est qui non videat,  
ex illo legis naturalis Philosophiæq; placito:  
Contraria contrariis curantur. Humiliatur  
autem mons & collis, tum à Deo, tum à Io-  
anne, tum à nobismetipsis. A Deo quidem,  
& exhortante & incitante, & humiliationem  
procurante; idq; modis variis, in corpore, in  
anima, in bonis externis & in honore. Nam  
permittit nonnunquam aliquem dedecore af-  
fici, & grotare, molestias pati, damnum susti-  
nere. Quid ita? ut mens humilietur, ut collis  
deprimatur, ut superbia quæ in illo latet, vel  
aliud quidpiam vitij explodatur. O ingens  
gratia! O immensum beneficium! quod ta-  
men à paucis pro beneficio reputatur. Talis  
nihilominus fuit David, qui quonam modo  
& à rege Saul, & à filio suo Absolone afflictus  
& humiliatus fuerit, scitis: quanti autem be-  
neficii loco id habuerit, vel ille Psalmi versi-  
culus: *Bonum mihi quia humiliasti me*, nobis ob  
oculos ponit. Et addit causam, seu fructum,  
*ut discam iustificationes tuas*. Verè enim in humi-  
litate iustitia nostra consistit. A Ioanne verò  
mons humiliatur, cum aliis tum verò illis ver-  
bis: *Et ne cœperitis dicere, patrem habemus Abra-*  
*ham*. Dico enim vobis, quia potens est Deus de lapi-  
dibus istis suscitare filios Abraham. Hic enim præ-  
cipuum superbiæ fontem tangit, ut vides, nè-  
pe gloriationem de prosapia & generis nobi-

A Deo  
NOTA

*Psal. 113. 78*

A Ioanne.

*Luc. 3. 8*

litate,

*Dan: 4. 29*

litate, de auorum & maiorum suorum imaginibus, quam gloriationem vt plurimum contemptus proximi sequitur, res Deo odibilis, imò nonnunquam contemptus ipsius Dei, vt non ita pridem de Nabuchodonosor audiui-  
 stis. Vbi etiam notare potestis, quantum illi contulerit humiliatio à Deo immissa, quando septem annis *sanctum vt bos comedit*, tantum contulit, vt per eam Deum cognouerit, & cognitum laud meritis, magnificauerit & glorificauerit, vt ibidē in eius decreto expressum habes.

A nobis  
 quod pro-  
 curandū.

1. *Causa.*

Verum tu si sapias, non expecta donec id Deus faciat, sed teipsum humilia in conspectu eius, & ipse montem superbiæ tuæ depone, tribus de causis. Primò, quia non semper, nec omnibus talem gratiam humiliationis Deus præstat. Quot enim erant Reges & Monarchæ, & infiniti alii homines, quibus nihil tale contigit: ideoq; ad meliorem frugem nunquam rediēre? Idem, ne tibi eueniat, time, & remedium adhibe. Deinde propterea, q

2.  
 3. *Reg: 21.*  
 27.

ia grauis est manus Domini; quod sciens Achab maluit ipse se humiliare, quàm diuinam humiliationem expectare. Id verò quàm benè illi cesserit, vide, & imitare, sed constantius quàm Achab: qui acceptam tunc gratiam (vt D. Augustinus sentit) postea impietate & idololatria sua eam amisit. Postremò, quia multò plus meriti & vtilitatis nobis obuenire solet, ex vltro assumpta, quàm aliunde immissa, & patienter tolerata humiliatione. sed pergamus.

*D: Augu:*  
*hom: 58. de*  
*temp.*

3.

Per a quo  
modo diri-  
gantur.

ET ERUNT PRAVA IN DIRECTA, inquit Ioānes. Factum est id per Christū in toto orbe, quando aduentu suo, & omnes gentilium idololatrias sustulit, & sectas Iudaorū profligauit. Quam ad rem peculiariter disponit Ioannes illis verbis: *Dirigite viam Domino.* secundum iam datam maximam de contrariis, per contraria curandis. Nulla enim melior est prauī & obliqui emendatio, quam illud dirigere, & rectis conformare. A nobis verò id fit, quando ea quæ habemus, siue in rebus fidei, siue in vita comuni, praua & tortuosa dogmata, submissione intellectus nostri, sub obsequium veræ fidei & sanctæ obedientia subiicimus. Postremum est.

ET ASPERA IN VIAS PLANAS. Hoc fit, quando dirigitur iniuste possessa, non solum iuste restituantur dominis suis, sed etiam ex iis quæ bene sunt acquisita, vberes dantur eleemosynæ. Id suadet Daniel regi Nabuchodonosor, antequam fœnum ut bos manducaret. Id suadet ipse Christus Phariseis dicens: *Date eleemosynā* & ecce omnia munda sunt vobis. Id suadet & Ioannes cum inquit: *Qui habet duas tunicas det nō habenti.* Quod si illi non persuaserunt Iudæis & gentilibus infidelibus, persuadeant nobis fidelibus & Christianis. Ita enim sequetur quod dicitur:

Aspera  
quomodo  
plana fiāt.

Dan: 4.  
24.  
Luc: 11.  
41.  
Luc: 3. 11.

ET VIDEBIT OMNIS CARO SALVTARE DEI. Eximij sanè & vberissimi fructus, sed non sunt hoc breui quod restat, tempore, coarctandi.

Ec

Ideò

Ideò & isti & alij, qui ex superioribus colliguntur, ad aliam referendi sunt concionem.

Nunc verò vt vnde cœpimus siniamus, duo ex dictis & Euangelio sunt facienda. Declarandus est hic primus aduentus Domini

**Aduentus  
Christi ad  
nos descri-  
bitur.**

Iesu, & spes in Deum erigenda. Primum habebimus, si ad capita illic posita, quàm breuissimè respondebimus. Quarimus, cuiusnam die hodierna aduentus memoriam geramus?

**Summa di-  
ctorum.**

Clarum est, primum nos recolere, què quantoperè antiqui Patres desiderarunt verba illa, *Rorate cœli desuper, &c.* à quibus sacrum hodiernum inchoamus, testantur. Initium verò huic aduentui dedit, annuntiatio Angelica, quam habemus in Offertorio. Quis verò alius huius aduentus fuit præcursor, præter Ioannem Baptistam, de quo est totum Euangelium? Author verò nonnè Christus Iesus, filius Dei & filius virginis, quem hic Ioannes vocat, partim **D O M I N U M**, diuinitatem eius agnoscens, partim **SALVTARE DEI**, humanitatem ipsius denotans? Apparuit autem mundo per natiuitatē, cuius post aliquot dies memoriam & festa peragemus. Perfecit verò aduentum hunc suum prædicatione, miraculis, vitæ sanctimonia, morte deniq; acerbissima, vnde gratiæ fluunt copiosissimæ, quibus valles implentur, colles humiliantur, praua diriguntur, & aspera plana fiunt. Procedamus igitur illi obuiam, omnes quidem per vias, quidam vero etiam per semitas, illas parando, has



do, has rectas faciendo. Receptio autem quomodo fit? Dando operam, ut vallis vitiosa & inexplibilis cupiditatis nostrę impleatur, mōs superbię deprimatur, praua tum dogmata, tum intentiones rectificentur; aspera quoque auaritię largis eleemosynis plana reddantur. Vnde fructus varii emanabūt, de quibꝰ postea.

Nunc ad rem nostram vnum hauriamus, spem videlicet viuam, quam habebimus, si dicta obseruauerimus, & in iis perseuerauerimus, tunc enim eueniet quod Sapiens inquit:

*Habebo spem in nouissimo, & prestolatio tua non auferetur.* Quod si etiam ad extrema peruenierimus, nec quicquam horum in nobis senserimus; ne sic quidem desperemus, prout quidam crudeles in se & in Deum iniurię faciunt. Absit id ab omnibus nobis, quin tantō fortius spem nostram promissis & meritis Christi excitabimꝰ, quantō magis cetera nobis deesse videbimus. Memores latronis in cruce pendētis, & modicum illud quod illi supererat temporis, eximie & fructuose collocantis. Sicut enim certum est, neminem sine bonis operibus saluari posse: ita est indubium latronem illum eximia opera, illo breui, quo adhuc vixit tempore habuisse, & omnes Christiano homine dignas virtutes exercuisse: idem & tu facies cum firmo proposito, te, si superuixeris aliam quā sectatus fuisti, vitę rationem iuturum. Clamabis itaq; cum illo sancto latrone: Ego quidem o Domine IESV, iuste patior,

Spes quomodo inde erigenda.

Pro: 23. 18

Remediū contra desperationē

Luc: 23. 41

iusteq; nisi accedat misericordia tua, in æternum condemnabor, nam digna factis recipiam, sed tamen tu benigne, qui nunquam desis sperantes in te, hac hora, & hoc momento: *Domine memento mei*, qui iam resides in regno tuo. Ipse verò faciet tibi, quod fecit illi pro infinita sua misericordia, si ea quæ in illo fuerunt, in te quoq; reperientur virtutes.

Aliud contra negligentes.

1. Cor: 3.  
15.

Ceterum hæc non ideo dicuntur, vt qui sani sunt, poenitentiam in illam horam differat suam, prout multi facere consueverunt; sed ideo hæc referuntur, vt quamprimum conuertaris ad Dominum, considerans, & in quâvis angustia talis in illa die esse consuevit, & quod multò acerbius est, quàm id sit damnosum periculiq; plenum. Damnosum est, quia etiam si quis salutem sic obtineat, tamen teste Apostolo: *Detrimentum patitur, ipse autem saluus erit, sic tamen quasi per ignem.* Ignem inquam Purgatorij, qui vt sancti dicunt, longè est crudelior hoc nostro igne. Periculosum est ergò valde, quia multos spes talis sefellit. Quot enim sunt millia imò myriades in inferis, qui talem spem habuerunt? Sis tu igitur alieno periculo cautus, in re omnium grauissima, & iam iam coniungere Deo, neque permittas te vnquam ab eius gratia abstrahi & separari: ita enim illud paradoxon locum in te habebit, quod quantò erit peius, tanto tibi erit melius, quia aderitis, qui in extremis facit mirabilia, & in desperatis calibus maxime suis opitulatur, vt

tur, vt fecit Dauidi, vt Susannæ, vt aliis; idem  
 tibi succurret tantò salicis, quantò non iam  
 de vita hac misera, sed de æterna res agetur.  
 Quum & tibi, & mihi, & omnibus nobis tri-  
 buat idem Christus Iesus Dominus noster,  
 qui cum Patre in vnitæte Spiritus sancti  
 viuunt & regnat Deus, in secula  
 seculorum. AMEN.

## CONCIO QVARTA.

## Charitas.

*Videbit omnis caro salutare Dei.*

**D**E amore diuino concione ista actu-  
 ri, ad honorem IESV Christi Domi-  
 ni nostri, qui *propter nimiam charita-*  
*tem suam qua dilexit nos*, quinq; grauissima vul-  
 nera in ara crucis pro salute nostra sustinere  
 dignatus est: totidem Euangelij hodierni ver-  
 ba, quæ hoc ipsum SALVTARE DEI nobis ob-  
 oculos ponunt, explicare institui. Illa nimirum  
 quæ vltimo loco ponuntur, VIDEBIT OMNIS CA-  
 RO SALVTARE DEI. Suppeditabunt etenim no-  
 bis (vt in diuina liberalitate spem habeo) non  
 solum sufficientem, sed & copiosam materi-  
 am, & ad continuandum ea quæ de charitate  
 tractare cœpimus, & ad suggerendum, quod  
 vobis hoc tempore pernecessarium esse iudi-  
 camus. Nam vt bene meministis, disserui-  
 mus, &

Quinquè  
 ista verba  
 ad duo pro-  
 sunt.

*Eph: 2. 4.*

mus, & declarauimus vobis, quid sit charitas, quomodo in ea reluceat imago diuina, quòd & vna & trina sit, quid ab amore differat, & his similia: restat vt ostendamus quomodo sit ordinanda.

Tempus  
hoc esse  
Paschale.

Sugerimus autem vobis quod non ignoratis, post tres, quatuorue dies adesse festum IESV Christi Domini nostri Natiuitatis secundum carnem, sed num hoc omnes sciatis, ignore, festum hoc esse vnum ex festis, quæ Paschalia vocantur. Nec immeritò sanè duplici inter alias de causa. Primum, quia si Pascha vocatur, quando OMNIS, quæ ad id electa & prædestinata fuit, CARO VIDIT rediuium à mortuis resurgens SALVTARE DEI, Christum IESVM? Cur Pascha non nuncupabitur, quando hoc ipsum SALVTARE DEI ex virgine natum, primū omni carni apparuit? Deinde, quia sicut festum illud Pascha dicitur, quia in eo satis fit illi dicto Apostolico: *Pascha nostrum immolatus est Christus. Itaq; epulemur.* Epulamur etenim tunc, & manducamus corpus Christi verè & realiter in Sacramento Eucharistiæ præsens, quid nī hoc ipsum etiam nunc præstemus? præsertim, cū non desit immolatio, & illa ipsa quæ fuit quando primum ab Apostolis manducabatur? neq; enim vnquam manducatur, nisi prius imoletur, aiunt sancti Patres & Ecclesia. Hoc est Catholicæ fidei mysterium absconditum, & solida consolatio. *Itaq; epulemur dilectissimi, clamo ad vos cū Apostolo.*

Apostolo. Sed dices, nunc ad manducandum obligari neminem. Imò verò tenentur omnes, ni ego fallor, non quidem tam strictè & vi præcepti, vi in vero Paschate, aliqua tamen ratione. Itaq, *epulemur*, invito, hortor, ad gustandum salutare Dei, ad cibum omnium suavissimum, sanctissimum, delicatissimum, pretiosissimum, saluberrimum, castas & dulces, temperatas tamen, delicias & epulas.

Quid ni accedatis?

Quod ut libentiùs præstetis, declarare vo- PROPOS:  
bis institui in hac concione, quonam modo Quadri-  
hoc SALVTARE DEI primùm quidem videatur, nicbria.  
quod monet Ioannes: deinde gustetur, quod  
exigit princeps Apostolorum Petrus. Præterea  
manducetur, ad quod inuitat alter Apostolus  
Paulus, imò ipse etiam Christus. Postremò, 1. Pet: 2. 3.  
quo cum fructu id fiat, de quo non tacetur in  
Euangelio hodierno. Da Trinitas sanctissima, Ioan: 6. 55  
ut ita hæc percipiamus, ut non solum hic, sed  
etiam illic SALVTARE tuum Deus, videre, gu-  
stare, & manducare in æternum valeamus.

VIDEBIT OMNIS CARO SALVTARE DEI, I. MEMB.  
inquit noster Ioannes Baptista. Audiamus er- SALVTA-  
gò illum, & ponderemus omnia verba: penè RE DEI  
enim singula habent pondus quoddam, ac quomodo  
peculiarem difficultatem. Et in primis, cum videndum  
varia sint visionum genera in scriptura; quæ- Thema ex-  
ritur de quo hic videndi modo intelligit, cum plicatur.  
ait, VIDEBIT? Deinde quomodo inquit, OM-  
NES visuros, cum multi non viderint? quoué

modo visionem sumit? Præterea cur inquit CARO? cùm intuitus corporeus Phariseis, cæterisque similibus non solum non profuerit, sed etiam obfuerit; cur ergo id tantopere magnificat & prædicit præcursor Domini? Deniq; quid intelligit per SALTARE DEI, cùm non Deus, sed nos homines saluari, id est salute indigeamus? Excutiamus singula antequam ad vltiora veniamus, vt clariora sint cætera.

Varij vidē-  
di modi.

1. Per visiones.

*Joel: 2. 28.*  
*Act: 2. 17.*

2. Per oculos.

3. Per fidem  
*1. Cor: 13.*

12.

Ita se res equidem habet, & in scriptura admodum varias esse visionum species, & de qua hic loquatur Ioannes, non adeo esse omnibus in propatulo. Nam in scriptura celeberrimum est genus videndi, per visiones, aut apparitiones, siue in somnis, siue in vigilia, quibus aliquid vel occultum reuelatur, vel futurum prædicitur. A qua visione, & in veteri testamento Prophetæ, videntes dicti sunt, & in nouo illud Ioelis: *Iuvenes vestri visiones videbunt*, D. Petrus fidelibus applicat. Neq; tamen de hac visione, ista Ioannis verba intelliguntur, cùm hæc de qua Ioannes loquitur, omnium qui volunt sit communis, ista paucis sit propria. Sed & de visione, qua sit oculis carnis, puto absolutè sumi non posse, propter dictas causas. Beatam enim quandam visionem hic Ioannes insinuat, à qua Pharisei quàm longissime aberant, qui tamen hanc carnalem habebant. Est & alia visio per fidem, de qua Apostolus: *Videmus nunc per speculum in enigmate. Verum de*



tum de hac quoque præcise intelligi non posse, clarum esse videtur, vel eo solo, quod tali visione viderint **SALVARE DE OMNIBUS** Prophetæ & sancti veteris testamenti: Ioannes autem futuram prænunciat & novam quandam visionem: quæ verò per fidem fit, antiquissima fuit ab ipso mundi exordio. Verum etiam si huic visioni charitatem addas, nihil efficies, cum tali antiqui iusti non caruerint; istam tamen de qua hic Ioannes loquitur, non habuerint. Quare relictis aliis visionum generibus, de illa visione Ioannem intelligendum puto, quæ ipse Saluator Iesus, quasi Ioannem interpretando, & laudat in Apostolis, & eam beatam vocat, cum inquit: *Beati oculi qui vident quæ vos videtis.* Ut autem scias differentem hanc fuisse visionem, non solum ab illa Phariseorum, qui illum hæc dicentem & audiebant & videbant, sed etiam ab illa antiquorum Patrum, adiecit Christus Saluator: *Dico enim vobis, quod multi Prophetæ & Reges voluerunt videre quæ vos videtis, & non viderunt.* Visio igitur ista de qua loquitur, tum Ioannes, tum Christus Dominus, omnes istas tres postremas visiones complectitur. Nam discipuli Christi, & viderunt eum oculis carnis, ideo beatiore erant quam Patres veteris Testamenti, & viderunt illum per fidem charitate informatam, ideo feliciores erant Phariseis qui utroque caruerunt.

Quid vero dicemus de nobismetipsis & de omnibus Christianis, qui Iesum in carne

E c s

non

4. Per charitatem.

5. De quo hic agitur tria complectens.

Luc: 10. 23

Difficultas notanda.

Quomodo  
nos Chri-  
stum vide-  
amus.

non viderunt? Omissa visione impiorum Iu-  
dæorum, qui sine fide solam Christi carnem  
intuebantur, (Absit enim talis à nobis) de ali-  
is id dicemus: quòd quamuis non videamus  
Christum SALVTARE DEI, eo modo quo  
cum viderunt Apostoli & alii Christi discipu-  
li tum præsentes, (quod tamen aliquid ad bea-  
titudinem contulisse testatur Christus, ideo  
hanc felicitatem exoptabant pij viri, præser-  
tim S. Augustinus) habere nos nihilominus  
quod istum suppleat defectum, prout ipse idē  
Christus asserere videtur, cū Thomæ tergi-

*Joā: 20. 29*

Quomodo  
beati sint  
qui vident  
& qui non  
vidēt Chri-  
stum.

NOTA  
regulam.

uerfanti & incredulo ait: *Beati qui non viderunt  
& crediderunt.* Quid est hoc quæso? & beati  
qui vident, & beati qui non vident, idq; teste  
eodem Christo? vtrumq; enim ipse Christus  
profert. Non est tamen vlla hic contrarietas,  
sed est magnum mysterium. Audite illud &  
intelligite; sit regula notatu digna. Quando  
fidem visio consequitur ei que coniuncta est,  
(vt fuit in Apostolis copulata) tunc visio ha-  
bet aliquid beatitudinis, & multū consolationis:  
at verò quando fides visionem conse-  
catur, eò quòd non prius quis credere velit,  
quàm vel oculis corporis, vel intellectu rem  
perspiciat, decedit multū de beatitudine; &  
talem fidem habuit Thomas: (talis etiam est,  
quinetiam multò peior fides omnium hære-  
ticorum) propterea hic à Christo Thomas re-  
prehenditur, illic verò Apostoli laudantur.

Quam ex-

Quod igitur ad nos, & omnes qui Christum  
in car-

in carne visibili non viderunt, attinet, quantum nobis ex illa prima decedit, quia oculis carnis eum non vidimus; tantum nobis ex hoc secundo accrescit, quia credimus etiam si non viderimus. Accrescit & aliunde etiam multo magis, quia in Eucharistia Christum, suo modo videmus, de qua visione pulchre differit Chrysostomus, quem qui volet videat, nos vero nostra prosequamur. Concludimus itaque & dicimus; quod si in visione nostra SALVTARIS DEI, cætera paria fuerint, nempe & fides & charitas tanta extiterint, quanta erant in Apostolis, nihil nobis hac in parte ab illorum beatitudine decedet. Accedet autem plurimum ad beatitudinem sanctorum Patrum qui in veteri Testamento vixerunt, duplici ex capite. Primum quod nos fide videamus salutare Dei iam transactum, & non solum salutem in medio terre operatum, sed etiam infinita dona nobis relinquentem: ipsi eadem fide quidem, sed venturum adhuc videbant, ideo multumangebantur desiderio, ac præterea tantorum donorum participes non erant, quod in sola migratione animæ à corpore clarè constat. Ibi enim post mortem animæ etiam perfectissimorum virorum, ad sinum Abraham deducebantur, nunc vero (ni aliquid aliud ad tempus obstat) recta ad visionem Dei in cælum ab Angelis perducuntur. Secundo, quia nos præterea videmus Christum in Eucharistia præsentem, quam visionem non solum

celens sit  
nostra vi-  
sio.

*Chrysost :*  
*homil. 60.*  
*ad populum*  
*Antioch.*

5. Visionis  
genus per  
contem-  
plationem

lūm non habuerunt antiqui, sed etiam ut arbitror, plerique illorum omni eius cognitione caruerunt. Est & aliud videndi genus per deuotam meditationem, per quam continuam salutaris Dei, & salutis nostrae memoriam gerimus, per quam dicta, facta, imò & naturam eius contemplamur, per quam beneficia ipsius nobis praestita, grati animi significatione recolimus, & alia spiritualia exercitia exerceamus. Pulcherrima sanè, & meritis plena, ac cum ab omnibus, tū verò à viris Ecclesiasticis & spiritualibus frequentanda visio: verum qui in hoc vñico verbo explicādo nimis copiosi fuimus, ad alia transeamus, eaque breuiter perstringamus:

Quomodo  
OMNES  
dicuntur  
videre.

1.

2.

3.

Secundum igitur addit verbum noster Ioannes, OMNIS, non quòd omnes, siue oculis, siue fide verbum incarnatum viderint, sed duplici vel triplici alia de causa: tum quòd omnes qui volebant illum id temporis recipere & videre, id assequi potuerint: tum quòd tam à Iudæis quàm à gentilibus (in quæ duo genera hominum totus tum orbis diuidebatur) recipiendus erat: tum denique quia ad omnes huius rei fama & cognitio peruenit.

Cur CA-  
RO vide-  
re dicitur.  
Ioan: 1. 14

Tertio adiungit verbum CARO, vbi per carnem totum hominem intelligit, ut saepe in scriptura. Sufficiat illud de Christo; *Et verbum caro factum est* ad est, verbum humanitatem ex corpore & anima constantem suscepit, & sibi hypostaticè vniuit. Visionis autem per carnem,

nem, siue per oculos corporis, mentionem facit, quia talis visio propria fuit illius temporis, prout & in veteri Testamento Propheta. & in nouo Euangelista testatur: ille quidem dum ait; *Positæ in terris visus est, & cum hominibus conuersatus est.* Hic verò inquit; *Quod vidimus oculis nostris, quod perspeximus, & manus nostra contrectauerunt de verbo vite, &c.* Baruch 3.  
38.  
1. Ioã: 1. 1.

Postremò ait SALVTARE DEI, per quod Christum Iesum Saluatorem mundi intelligit. Est autem cum alibi, tum in Psalmis frequens mentio & salutaris Dei, & salutaris nostri, vtrumq; autem idem significat. Salutaris nostri Dauid in vno Psalmo satis breui, ter, vel quater mentionem facit. Ipsa etiam Beatissima Virgo in suo Cantico inquit: *Et exultauit spiritus meus in Deo salutari meo.* Est itaq; Christus Iesus salutare Dei, quia à Deo Patre ab æterno salutem daturus ineffabiliter processit; Est salutare nostrum, quia vnà cum Patre & Spiritu sancto à principio mundi omnem hominum salutem operatus est. Est salutare Dei, quia à Deo missus in hunc mundum, per passionem suam *operatus est salutem in medio terre,* vt de illo Propheta prædixerat. Est salutare nostrum, quia salutem ipse nobis omnem commeruit. SALVTA-  
RE DEI,  
& nostrum  
idem.  
Psf: 61. 2.  
Luc: 1. 47.  
1.  
2.  
Psf: 73. 12.

Quare (vt primum punctum concludamus) inuitauit Ioannes Baptista populum illum Iudaicum, vt SALVTARE DEI, Christum videlicet, Messiam, Deum hominem factum aspicere Exhortatio

aspicere velit, cum oculis corporis eum intuen-  
do: tum verò oculis mentis ac fidei, illum  
pro Messia agnoscendo, ac ad ipsius Aduentum  
se preparando. Inuito etiam ego vos mihi  
in eodem Salvatore IESU charissimos, ut vide-  
AT OMNIS CARO SALVTARE DEI, ut omnes  
quotquot estis, abiectis carnalibus illecebris,  
& postpositis mundanis deliciis, vos prepara-  
tis ad dignè celebrandam solennitatem istam  
magnam, in qua recolitur memoria, quando  
hoc SALVTARE DEI Christus Iesus, mundo pri-  
mum apparere dignatus est, è Virgine natus.

IL MEMP.

Salutare  
Dei gustan-  
dum etiā  
esse.

Verum enimverò cum (ut iam insinuavi-  
mus) duplex sit visio interior SALVTARIS DEI:  
prior, quæ sola tantum fide perficitur, posterio-  
r quæ fidei charitatem adiungit: illa est qui-  
dem aliquatenus bona, quia est donum Dei:  
sed non est tanti, quia non gustat Iesum, quod  
habet altera. Tota enim suauitas in amore  
consistit. Ad hanc igitur visionem interno gu-  
stus nostro gratissimam, & admodum sapi-  
dam, inuitat nos Dauid cum inquit: *Gustate  
& videte quoniam suavis est Dominus.* hanc pro-  
pheta & optat noster Ioannes, dicens: VIDE-  
BIT OMNIS CARO SALVTARE DEI. (Neque enim  
de illa quæ cum dissidio Dei coniuncta est,  
quicquam per se habuisse credendus est.) De  
quæ princeps Apostolorum loquitur cum ait:  
*et cum gustastis quoniam dulcis est Dominus.* Hanc  
perdidiisse quoddam deplorat alter Apostolus  
Paulus. Ad hanc igitur & ego vos inuito di-  
lectissi-

1. Pet. 2. 3.

1. Cor. 13. 4.



lectissimi mei, cum Ioanne, vt OMNIS CARO, id est, omnis homo hic congregatus, SALVTARE DEI, nempè Christum Dominum videat gustando, & gustet videndo, non fide inani & mortua, quæ sine gustu est, sed fide viuæ & vegeta, quæ dulcedinem operatur. Ad hanc inquam visionem vos, prout promisi secundo loco, exhortor, quam etiam ob differentiam primæ, gustum salutaris Dei voco. Quæ ideo secundo loco ponitur, quia sine prima esse non potest. Qui enim non credit, neque gustat, quamuis non statim qui credit gustet. Ego verò rogo, vt non modò videre per fidem, sed etiam gustare Christum velitis.

Quod si quæritis, in quo gustus iste consistat? dicam breuiter tribus verbis, consistere illum IN CHARITATE ORDINATA. Hanc habetote, & gustabitis quàm suavis est Dominus. At dicet fortè aliquis diligens auditor, hæc repugnare dictis à me aliis. Nam cum (vt dictum est) Charitas non sit sine gratia Dei, profectò ordinatam illam esse oportebit; si enim ordinata non erit, neque charitas, sed amor, aut dilectio quadam futilis erit. Respō-

Gustus cō-  
sistit in cha-  
ritate or-  
dinata.

Charitas  
in scriptu-  
ra duplici-  
ter sumi-  
tur.

Proprie.

preca-

*Iudr 9. 13* precantis, vt possit amputare caput Holofer-  
 Impropric. nis: *Fac Domine, vt gladio proprio eius superbia am-*  
*p. tetur: capiatur laqueo oculorum suorum in me, &*  
*percuties eum ex labiis charitatu mea.* Vbi clarum  
 est, non illam charitatem diuinam intelligi.  
 Peuit enim Iudith, vt Holofernes capiatur ver-  
 bis ipsius, amorem pra se ferentibus. Hanc  
 charitatem in scriptura sumptam pro quouis  
 amore, modo imperfectiori & improprie, vt  
 excluderet sponsa, in Canticis asserit in se or-  
 dinatam fuisse charitatem. Sic enim de spon-  
 so loquitur: *Introduxit me in cellam vinariam, or-*  
*dinauit in me charitatem.* De hac igitur vt loqua-  
 mur, ordo noster requirit. Nam sponsus (qui  
 non est alius, quam SALVTARE DEI Christus  
 Iesus, sine ordinata charitate non gustatur.

De hac  
 charitate  
 ordinata  
 quatuor  
 obseruanda.

1. Illam esse  
 se excellen-  
 tem

2. A Chri-  
 sto proce-  
 de e.

3. Dari in  
 Ecclesia  
 tantum.

*Act. 2. 15.*

Habemus autem in illis breuibus verbis,  
 tria expressè, quartum autem colligere debe-  
 mus, vt plenam ordinandę charitatis notitiam  
 habeamus. Primo enim audimus, vnd. glo-  
 riatur sponsa, nempe ex ordinata charitate.  
 Excellentissimum igitur quid esse debet. Se-  
 cundo à quo id habuerit, videlicet à sponso.  
 De illo enim loquitur, nec quisquam praeter  
 ipsum id praestare potest. Tercio nota sponsa  
 vbi id beneficij perceperit, nempe in cella vi-  
 naria. Vinum, gratiam Spiritus sancti signifi-  
 cat, quo vino repleti erant Apostoli, quando  
 ebrj fuisse in die Pentecostes à plebe putabā-  
 tur: cella autem vinaria est Ecclesia. Nullibi  
 enim extra hanc cellam, siue vinum tale, siue  
 ordina-

ordinata charitas reperitur. Hæc igitur habemus clarè.

Quartum autem videtur deesse, nec parui momenti, nempe in quo ordo iste charitatis consistat, proinde id & ex antecedenti subsequentiq; sponsæ sermone, & ex doctoribus colligere debemus. Vbi inprimis obseruandum venit, quod aliàs non tacuimus. Inter triplicem illum amorem, videlicet Dei, nostri, & proximi, qui tamen vnus est, quia ex vna charitate procedit, vel potiùs ipse est charitas, hunc esse ordinem seruandum. Primus locus Deo debetur & Christo Iesu, tanquam conditori, auctori, conseruatori, rectori, ordinatori, & charitatis & omnis boni. Quis dicet aliter? quis id non credet? nõ nisi atheus quispiam, qui Deum non nouit. Secundum ob-

4. Quomodo sit ista charitas ordinanda.

Ordo inter triplicem amorem.

1. Dei.

2. Sul.

3. Proximi.

Quàm id scitu necessarium.

NOTA.

quoq; & his similia, amant, & de iis frequentius quàm de Deo cogitant, putant se peccare, & turbati ac in desperationem acti, in vera delabuntur peccata. His igitur omnibus remedium est adhibendum. Est verò istud, vt non turbentur, vt suauem legem Christi impossibilem esse non putent, vt non tam amorem attendant, quàm ordinem in amore feruent.

In deordinatione amoris totum malum.

NOTA.

*Eph. 5. 25.*

Audite quæso, & memoriæ vestræ imprimitæ. Non in amore vitium est, non equidẽ, quia amor à Deo creatus, & ideo bonus est, sed in deordinatione amoris totum est peccatum constitutum, hanc igitur caue. Nam vt infinita alia taceam, certè Apostolus dicit, imò iterat: *Viri diligite vxores vestras*, & vide quantoperè id fieri præcipiat, *sicut & Christus dilexit Ecclesiam*, inquit. Licitus igitur est amor vxoris, mariti, parentum, liberorum, & quiuis alius honestus, sed inordinatio nunquam est licita. id est, vt intelligas: Noli ponere amorem, cui secundus tertiusue locus debetur in primo loco, alias enim & peccabis, & si in eo te mors comprehendet, peribis, quia displicebis auctori omnis boni ordinis Deo; quia charitas in te ordinata non erit, imò nulla erit, sed fiet impurus amor tui & maledictus. Nam licet tres illi amores sint nominati: sciendum tamen est duos tantum fontes esse vniuersalem amoris, ad quos quiuis amor reducitur, vt volunt sancti Patres: in primis verò D. Augustinus,

Duo fontes omnis amoris.

nus,

nus, imò ipsa scriptura. Aut enim est amor Dei ordinatus, unde amor sui & proximi bonus profluit; aut est amor sui inordinatus. Prior dicitur charitas, posterior concupiscentia, quæ quàm malè audiat in scriptura, præsertim apud Apostolos, non ignoras. Quicquid igitur amas ad alterum horum fontium referas, necesse est.

Clamo denuò & iterum repeto. Si vultis videre, imò etiam degustare SALVTARE DEI, id est & ipsum Christum Iesum, & vestram salutem (diuina adiuuante misericordia, quæ semper præstò est) possidere, ORDINATE IN VOBIS CHARITATEM. Non enim in amore, sed in amoris inordinatione vitium consistit; sicut & contra, in charitate ordinata omnis virtus cõprehenditur. Hac regula omnem vitæ tuæ cursum dirige & moderare, & in æternum non peccabis. Primum locum obtineat Christus Deus, cuius salua præeminentia, quicquid amare vis, ama & non peccabis, imò si ea ad laudem ipsius referes, vt te docet Apostolus, etiam mereberis; sin contrà amorem tui amoris diuino prætuleris, actum est de te: nam statim in foribus peccatum tuum aderit. vt ipse Deus minatur Caimo, ex amore sui inordinato, & præceptum Domini nihili facienti, & ingenti odio in fratrem suum Abel flagranti. Ceterum vt hæc omnia ab omnibus intelligantur, rem elucidemus obuiis exemplis. Faciliùs enim piscis extra aquam, quàm homo amoris

Primus in amore locus debetur Christo Domino.

1. Cor: 13.

31.

Gen: 4. 7.

Examen  
perutile.

expers vitā producere potest. Discute proinde in horas singulas quid amas? Amas fortè vxorē, liberos, cognatos, vicinos? aut quod vilius est, amicum, seruum, ancillam, eò quod sint tibi vtiles? aut quod vilissimum, prædia, lucrum, aurum, argentum, ipsas deniq; bestias & bruta animalia diligis? Vide & disquire quis in amore isto primas obtineat, num amor Dei, an verò amor tui? Si amor Dei, bene est, sin amor tui eminet, peccatum est, & cōuersum est aurum in scoriam, charitas in concupiscentiam.

Quomodo  
cognoscē-  
dum quan-  
do Christus  
præcedit.

NOTA.

Dices: at quomodo id ego sciam, quando Deus in amore ceteris præferatur, & quando postponitur? Res non est tam obscura vt esse putatur. Regulam accipe. Tum temporis Deus primas tenet, quādo tu in amoribus & actionibus tuis diuinum sequeris præceptum. E contra tum Deum postponis, quando propter explenda desideria tua inordinata, imperium diuinum contemnis. Exempli gratia

Exemplū.

(vt à postremo incipiamus.) Offert sese magni lucri occasio, sed cum peccato, vel vsuræ, vel fraudis, vel alicuius iniustitiæ coniuncta: tu verò repudias lucrum illud, quia scis id Deum prohibuisse. Hoc facto Deus in animo tuo dominatur & eminet, quia charitatis ordinatæ actum exerces; quod si contrarium feceris, & iniustum emolumentum complexus fueris, tunc tuam voluntatem diuinæ præferes, Deoq; spreto, pessimo cōcupiscentiæ vitio obsequeris. Idem dic si consentis peccato, aut  
ne of-



ne offendas Dominum, magnatem, maritum  
 vel quemuis alium, aut ne detrimentum pa-  
 tiaris in fama tua (vt tibi videtur) in corpore,  
 in vita ipsa: ac propterea conuerteris ad amo-  
 res illicitos, rerum creatarum, ad ebrietates,  
 (ô quàm id frequens! ô quàm calua excusatio,  
 coactus sum à tali & tali) ad nociuas adulation-  
 nes, ad detractiones, ad vindictas proprias, ad  
 quauis deniq; à Christo prohibita. Tum tem-  
 poris Deum contempsisti, charitatem la sisti,  
 ordinem sanctum euertisti, Iesum tibi domi-  
 nari non permisisti, propter concupiscentias  
 tuas inordinatas, ne ea læderentur, lædere De-  
 um & offendere veritus non es, ac proinde or-  
 dine peruerso magiste ipsum, vel alios pro-  
 pter te amasti, quàm Deum ipsum, quem cum  
 iussis suis post tergum tuum proiecisti. Imme-  
 mor quod ipse filius Dei præceperit, in tali ca-  
 su non solum non esse amandos, sed etiam esse  
 odio prosequendos, parentes, liberos, cognat-  
 os, vitam deniq; ipsam.

LUC: 14  
 26.

Et vt in paucis conferam. Scias in omni  
 actione nostra, qua ex tentatione sub delibe-  
 rationem cadit, duo in nobis esse iudicia, &  
 quasi postulata inter se è diametro pugnàtia:  
 Dei vnum, concupiscentiæ alterum. Oborta  
 etenim tentatione, vel ad peccandum illece-  
 bra oblata, verbi gratia, occasione fornicatio-  
 nis. Insurgit statim duplex iudicium; alterum  
 ex synderesi cuiuslibet insita, negatiuum non  
 esse committendum, quia diuinum id vetat

In nobis  
 duo sibi  
 contraria  
 præcepta.  
 NOTA.

præceptum; alterum ex effrenata concupiscētia affirmatiuum, exequendam esse potius, quàm tantam carnis vstionem sustinendam. Tu stas in medio, si primo acquiescis tentationi; resistis, Deum Dominum tuum facis, tu verò illum vt decet sequeris. Sin alterum arripis instinctum fœdissimæ cupiditatis, præcepto seuerissimo diuino præfers, & vis, vt Deus ad tuam se accomodet voluntatem, contra omnem naturæ rei ordinem: ac proinde in illo amorem ordinatum, qui charitas dicitur, in hoc amorem tui inordinatum, qui concupiscētia nuncupatur exerceas.

Amor Dei  
debet præ-  
cedere.

Vox itaq; clamantis & idem iterum iterumq; repetentis, non iam IN DESERTO, sed ecce in publico ex suggestu est mea. Ordinate in vobis charitatem, sic enim videbit OMNIS CARO SALVTARE DEI, imò & gustabit, atq; adeò manducabit dignè & magna cum suauitate. Ametur super omnia Deus, præmineat Christus, primas habeat creator & saluator Iesus in vestris amoribus, alij sequantur & subseruiant, quod si sequi non possunt aut subseruire, eo quòd sint illi contrarij & impuri, relinquātur, abiiciantur, conculcentur. Quid æquius, quàm vt qui primus est, primum locum occupet? Videte iam quomodo id sponsa præstiterit, sic enim loquitur immediatè ante verba prolata:

Hoc docet  
ratio.

Hoc sponsa.

*Eccl. 2. 3.* Sicut malus, inquit, inter ligna siluarum, sic dilectus meus inter filios, sub vmbra illius quem desideraueram sedi, & fructus eius dulcis gutturi meo. Mirè descri-

descripsit & sponsi dignitatem ac maiestatem  
 præ omnibus aliis, & amorē eius præ omnibus  
 amoribus, etiā quibus licitē implicamur, vt sci  
 as quem vniuersis præponere debeas in amo  
 re. Facit enim vt audis filiorum mentionem. Cur amor  
 in filios sit  
 intentissimus.  
 Erga filios verò amor & licitus est omnino,  
 quia ipsi naturæ insculptus & intentissimus,  
 quia amor in liberos deorsum quasi tendit, alii  
 amores, vel sursum ascendere debent, vt erga  
 parentes, vel ad latera, vt est amor fratrum, ni  
 hilominus huic filiorum amorī amorem spō  
 si præfert, nosq; vt idem faciamus, docet.

Notate autem, quæso, quomodo sponsa in Amoris  
 Dei duo  
 in impedimē  
 ta cum re.  
 mediis.  
 duobus præfert amorem sponsi omnibus a  
 moribus, nempe in *umbra* & in *dulcedine*: ad  
 hæc enim duo capita, ni ego fallor, reducun  
 tur omnes inordinati amores, idcirco etiam  
 in his superare sponsum (ordinatē tamen) in  
 finitis modis cætera omnia demonstrat spon  
 sa, vt nos ad amorem illius præ rebus omnibus  
 pertrahat. Audite & intelligite. Primum ca  
 put vnde procedūt innumerabiles actus amo  
 ris inordinati, est *UMBRA* protectionis, adiu  
 torij, spei, quam habemus siue in persona ali  
 qua excellenti, magnifica, illustri; siue in rebus  
 nostris, vt in operibus, profapia, doctrina, vel  
 ingenio. O quot hominum millia hac ratio  
 ne pereunt, qui ne offendant principem, vel  
 benefactorem suum, non verentur offendere  
 summum, & principem, & benefactorem  
 omnium Deum! Non paucos sanē nouimus,

qui etiamsi conuicti sint in intellectu, fidem illorum esse peruersam tamen, ne offendant, vel perdant gratiam alicuius hominis, obstinati permanent in hæresi & perfidia sua. Alios pudor mundanus & diabolicus prohibet virtutes consecrari & vitia detestari. Pudet inquam non inebriari, non luxuriari, famæ alienæ non detrahere, iniurias vel minimas à proximo acceptas non persequi, & acerbè vindicare, insuper & vitæ ipsius, odio planè Vatini-ano in singula penè momenta insidiari.

Actus dia-  
bolico per  
similis.

D. Augustinus:  
lib. 2. Conf:  
cap: 9.

Quid ita? quia pudet non esse impenden-  
tem, quo actu nihil similis esse actibus dæ-  
moniorum asserit D. Augustinus. Cur autem  
id faciunt homines impij? quia vident domi-  
nos, dominas, amicos, benefactores, & ma-  
gnates id velle, quia timent ne fauorem vim-  
bratilem perdant. O misera hominum con-  
ditio, contra quam clamat David & ipse Rex:

Ps: 145. 3.

*Nolite confidere in principibus in filiis hominum, in qui-  
bus non est salus.* Alij consili in maiorum suo-  
rum imaginibus, genealogiis, opibus, alij in  
iudiciis & ingeniis suis; quæ non patrant ma-  
la? quæ non omittunt imò impediunt bona?  
contemnunt, opprimunt, spoliant etiam vi-  
duas, & pupillos, iudicia peruertunt, & ne  
tantillum decedat de existimatione illorum,  
siue puncto, quod dicitur honoris, vale dicunt  
scientiæ diuinæ, quam norunt, honoriq; Christi  
detrahunt cui suum præferunt? At sciant qui-  
cunque tales sunt, & ab eodem Rege discant

Remedia  
contra 1.

ventu-

venturum tempus, quando *exibit spiritus eorum* *Ibid. v. 4.*  
 & reuertetur in terram suam, in illa die peribunt omnes cogitationes eorum, & omnis vana fiducia, & cunctæ vmbrae ac protectiones hominum, & vniuersæ scientiæ, diuitiæ, honores, in quibus spem suam collocabant; succedent autem omnia his contraria, & venient anni & dies, de quibus dicas: *Non mihi placent.* Hæc considera o popule Christiane; ista noctu ac interdiu meditare, vt non cum impiis sub vmbra illorū quorum desideria pereunt, resideas. Sed cum sponsa dicente, *sub vmbra illius quem desideraueram sedi*: tu quoq; idē facias. Ipse enim vmbra sua efficiet, vt *per diem sol non vr̃at te, neq; luna per noctem*, id est nec prosperis eleueris, nec aduersis deprimaris, quamdiu in hac peregrinatione eris, qua transacta demūm securē & suauiter in æternum sedebis videndo illum facie ad faciem, quem hic desiderauerat anima tua. Utinam, o utinam omnibus nobis id eueniat.

Alterum caput & fons inordinati amoris est, inordinata DVLCEO, qua illecti inflammatiq; omnes reliqui quotquot pereunt, inde in interitum ruunt. Res nec explicatione, nec exemplis indiget. Quæ enim hac in parte in singula momenta sunt propalam obuia sunt omnibus, quā verò vanæ, spurcæ, nociuæ sint eiusmodi deliciæ, & delectationes, quis ignorat? quis recenset? ideo illis omissis bene hunc recurramus. Hoc verò nullum est efficacius illo quod dicit sponsa:

E f s .

Et fru-

2.  
Eccl. 12. 1.

Cant. 2. 3.

3.  
Ps. 120. 6.

Alterū impedimentum est, DVLCEO inordinata.

Remediū contra

Deliciarū  
mundana-  
rum & di-  
amarum  
cōparatio.  
NOTA.

*Et fructus eius dulcis gutturi meo.* Sponsi videlicet, quem pomo comparauit sponsa, neque cuius pomo, sed vt volunt sancti Patres & res ipsa loquitur, malo optimo, quod tres habet qualitates, optimum videlicet colorem, odorem, saporem. Prō pudor, imō prō insanā nostra, dum talia amamus, quæ verē nihil horum habent: ac propter hæc deserimus illum, qui vniuersa ista summo gradu in se continet. Quid, quæso, est solidi vel genuini decoris in auro, gemmis, & similibus? Errore potiùs hominum, quàm veritate facta sunt ista pretiosa. Multo minùs autem est in illis odoris, minimùm autem saporis: & tamen quot milia hominum amore illorum rapiuntur, & pereunt? Quid dicam de aliis scēdis voluptatibus & deliciis huius mundi? Nihil dicam ego, sed dicat vobis is, qui ita omnia degustauerat vt nullus magis, vt saltem experto credatur, & Regi, & sapienti. Is igitur scripsit librum integrum de vanitate harum deliciarum quem Ecclesiasten nominauit. In alio verò sic inquit: *Risus dolore miscetur, & extrema gaudij luctus occupat.* O quàm hoc est verum: tam est profectò verum, vt nec ipsos stultos eorum amatores id lateat. Nonne igitur suprema est vesania, propter hæc deserere illum, qui colorem habet optimum: quia est *speciosus forma præ filiis hominum*, teste Dauide. & fragranti odore non caret, quia est *flos campi, & lilium conuallium*, vt ipse de se asserit. & est *dulcis gutturi*,  
vt ex

1<sup>o</sup> 1<sup>a</sup> 1<sup>a</sup> 1<sup>a</sup>

2<sup>a</sup> 4<sup>a</sup> 3<sup>a</sup>

Cant. 2. 1.



ut ex ore sponsæ audis? Ad hunc itaq; recurramus omnes obsecro, ab illo tanquam ex fonte omnes amores nostri inchoentur: ad eundem tanquam ad mare omnes reuertantur, tam amor sui bonus, quàm amor proximi rectus. Ab illo etenim accipere debent, ut charitas, & charitas ordinata dici possint.

Ordinandus est iam nobis, & in nobis alter amor, sui videlicet, non ille malus qui sub ordinē non cadit, sed naturalis, ut charitas efficiatur. Triplicem etenim nostri amorem considerare nobis licet. Primus est naturalis, qui per peccatum corruptus, ad illicita nos per concupiscentiam trahit; alter supranaturalis, qui charitas nuncupatur; tertius, ut ita dicam, contra naturalis, qui omnis peccati & fons & origo est, qui *concupiscentia corruptio* à D. Petro nuncupatur: nos possumus illū concupiscentiam consumatā vocare. De quo illud Saluatoris nō malè intelligitur: *Non potest arbor mala bonos fructus facere.* Impossibile est etenim, ut hinc boni aliquid procedat: propterea isle amor sui ordinari non potest. Sed & secundus ordinatione non indiget. Omnis enim charitas ordinata est. In primo itaq; tota difficultas consistit, quomodo sit ordinandus. De quo sequentia sponsæ verba fortè non abs re intelligemus, cū inquit: *Fulcite me floribus, stipate me malis, quia amore langueo.* Hæc enim post discessum sponsi prolata esse, ipse etiam D. D. Bernardus fatetur, qui inter alia, hæc verba

Amor sui  
triplex.

1. Naturalis.

2. Supranaturalis.

3. Contranaturalis.

2. Pet. 1. 4

Primus est  
ordinandus.  
Matt. 7. 18

Can. 2. 5.

D. D. Bern:  
serm. 51.  
in Cant.

habet.

habet. [Fidem, florem; fructum, actum intel-  
lige] fides autem, vt scitis, intellectum cogni-  
tione illustrat; actus autem siue opus, fructus  
est fidei.

Quia lan-  
guorem  
inducit.

Ordinan-  
dus est au-  
tem

1. Per co-  
gnitionem

2. Per op-  
erationem.

Hinc vtilia multa colligere possumus. Pri-  
mum, vnde languor quem experimur in amo-  
re Dei, in nobis oriatur: nempe non aliunde,  
nisi quando absente per consolatoriam visita-  
tionem sponso incipit amor proprius natura-  
lis turbare, & aut ad illicita, aut ad minus li-  
cita nos pertrahere. Quid igitur remedij? Cla-  
mare cum sponsa ad sponsum, & amicos spō-  
si, id est ad I E S V M & Sanctos eius: *Fulcite me*,  
corroborate, ferite opem, obsecro. Supate, de-  
fendite contra insultus aduersariorum. Quo-  
modo autem id facient? *Fulcite me*, inquit, *flori-  
bus*, *supate me malis*. Nostis florem esse & ini-  
tium & indicium fructus futuri, ideò si flo-  
rem in arboribus non videtis, neq; poma spe-  
ratis. Quod si flos eruperit, spes etiam fructus  
vobis affulget subsequenti. Poma autem sunt  
quodammodo florum effectus. Duo igitur  
requiruntur vt amor nostri naturalis ordinetur,  
& fiat charitas. Alterum est cognitio, quæ  
in flore designatur, vt sciamus, & quis sit  
bonus, vel malus amor sui, & qui sit inter  
amanda ordo seruandus. Secundo requiri-  
tur opus ipsum, quod in *malis* seu fructu deno-  
tatur. In summa, cognitio aperit, quid sit a-  
gendum, ne erretur, operatio verò perficit,  
quod cognitio suggestit, ne præ noxio languo-

re cor

re corruatur. Videns itaque sponsa & lumen ad cognoscendum, & vires ad resistendum illi languori in se debiles admodum esse, in utroque corroborari postulat, ne per languorem & teporem ad illicita vergat, sed per sanctum feruorem ad ordinatam sui charitatem excreseat. Amor enim nostri naturalis, frigus & languorem inducit, amor autem supernaturalis, feruorem & vires ad exequenda etiam difficilia attribuit.

Quod si scire desideras, quisnam sit ordo iste inter amanda, hoc amore seruandus, vniuersalem accipe regulam, quæ excellentiora & potiora sunt in nobis, intensius & prius esse amanda, quam quæ iis viliora sunt & abiectiora, secus enim si fecerimus, minus ordinate ambulabimus. Est autem earum rerum quæ sunt in homine hic ordo. Primum & excellentissimum est in eo, ipse spiritus, id est diuina gratia, quam animam & vitam animæ cum Augustino vocamus. Et meritò. Nam sicut in quouis homine animæ beneficio corpus & omnia quæ in illo sunt, mouentur, ita in piis hominibus ad mandatum charitatis, tam ipsa anima, quam quæ in ea sunt, libenter opera vitæ spiritualis exercent. Deinde in homine est ipsa anima, postea est vita, tum corpus, dein membra eius, postremo sunt bona externa, ut opes & diuitiæ, vilissimum quid omnium & extrinsecum. Hunc igitur iam recensitum ordinem seruare debemus, si ordinatum amorem no-

Gradus e-  
orum quæ  
sunt amā-  
da in no-  
bis.

rem nostri habere cupimus. Ut primum quidem propter gratiam diuinam in nobis retinendam, omnia perdere non grauemur, etiam vitam, adeoque animam ipsam, si forte Deus illam vellet annihilare. (quod non faciet) Deinde ne anima minimùm detrimentì patiatur, reliqua omnia relinquenda sunt. *Quid enim prodest homini,* (inquit veritas) *si mundum vniuersum lucretur, animæ autem suæ detrimentum patiatur?* idcirco propter lucrandum totum mundum, imò & saluandum, nemo debet etiam veniale mendacium proferre. Animam sequitur vita, hanc corpus; quæ duo si prioribus, id est, gratiæ & animæ præfers, charitas Dei non est in te; sicut etiam si hæc postremis, id est opibus, postponis. Putatisne tales deesse? Utinam desint, saltem inter Christianos. utinam sint vel pauciores, qui propter commodum temporale, non solum gratiam diuinam & animam. sed etiam corpus & vitam ipsam perdunt. In quibus habes effigiem amoris proprii inordinati, ac penitus insani. Quis enim non reputaret illum insanire, qui ne perderet digitum, caput sibi amputari permetteret? Hic verò sine comparatione multò est quid magis vesanum. Caue igitur, caue; clama pro adiutorio ad Deum & sanctos eius, ipse autè adiutorium assume, & cooperare illi; agnosce ordinem inter hæc, fulcire floribus: tum fidei, tum spei: tum bonorum desideriorum, stipare malis & fructibus sanctarum operationū, & ordinare.

Mat: 16.  
36.

### 3. Vita.

#### 4. Corpus.

### 5. Орес.

Amor quis  
infans.

A simili.

ordinabitur in te charitas, ut non solum vide-  
re, sed etiam gustare valeas SALVTARE DEI.

Sed dicet aliquis vestrum, me oblitum esse  
vnius haud postremi, quod in hoc amandorum  
ordine collocari debuit. Honoris videlicet. At 6. Honor.  
ego non sum eius oblitus, verum vbinam col-  
locari possit, vix reperio. Nam si mundi iudi-

cium sequear, omnibus illum praeferam neces-  
se est: sin Christi exemplum intuebor, vix  
non omnibus postponam. Nostis quantus fu-  
erit Iesus etiam secundum hominem? ex Re-  
gum profapia nobilissimus, inter omnes ho-  
mines sapientissimus, inter Prophetas & vates  
praestantissimus; denique in omnibus virtuti-  
bus summus. Si istis omnibus honor non de-  
betur, cui rei debebitur? Nihilominus quam  
prodigus fuerit sui honoris, neq; hoc ignora-

tis: *Humiliauit semetipsum vsque ad mortem, mor-* Phil. 2. 8.

*tem autem cruci.* qua morte nihil magis igno-  
miniosum reperitur, praesertim in tali perso-  
na, cum tot illusionibus, derisionibus, bla-  
sphemiis. Scio quid de honore dicant Docto-  
res. sed & hoc videre mihi videor in nulla re  
magis errare mundum, quam in discernendo  
quis sit verus honor, quis falsus, quis malus,  
quis bonus, quis melior, qui optimus. Item  
vbi sit collocandus, num ante vitam, an post,  
& quomodo, & quando, quae omnia longum  
requirunt sermonem. Nobis id sit satis, vbi Regula no  
cunq; illum collocaueris, vide ne propter tu- tanda  
um tuendum honorem, Deum in honores.

Quini-

Quinimò propter Christum Iesum, qui vt te exaltaret, valdè inhonorari voluit: tu quoque honorem tuum postpone & vilipende, vt Christus magis magisq; ab omnibus honoretur. Ita erit in te charitas ordinata. Prudenti dictum satis.

Amoris p-  
ximi ordi-  
natio.

Cant: 2. 6.

Duo, quæ  
eius impe-  
diunt ordi-  
nem, tol-  
luntur.

Ad ordinandum postremum amoris nostri gradum, qui in dilectione proximi consistit, veniamus. Cui non ineptè, vt arbitror, applicari possunt verba sequentia sponsæ, cùm inquit: *Laeva eius sub capite meo, & dextera eius amplexabitur me.* Rediisse etenim (vt etiã D. Bernardus notat) videtur inuocatus sponsus, & non solum rediisse, sed etiam languorem sponsæ, tum floribus odoriferis cognitionis, spei, bonæq; intentionis corroborasse: tum fructibus operationis & ordinatæ charitatis stipasse. Quinimò insuper etiam amplexatus est sponsam, lævam suam sub capite eius ponendo, ne langueat, dextera verò illam stringendo ne diffluat: & hac ratione amor proximi in ordinem redigitur, vt charitas efficiatur. Duo namque sunt, quæ maximè fraternam charitatem lædunt & deordinant. Primum suspicio, & iudicium sinistrum de proximo; secundum laxitas quædam in amore ipsius. Per primum malè de proximo sentimus; per secundum habenas amoris laxamus, per vtrumq; dilectionem deordinamus. Ordinatur igitur illum sic sponsus, vt refert sponsa: *Laeva eius sub capite meo,* inquit. quasi dicat, supponit sponsus capiti meo



meo manum suam sinistram, ne ego sinistrè proximum iudicando, charitatem lædam. Bella ordinatio prioris defectus, sequitur alterius: *Et dextera illius amplexabitur me*, ait. id est, stringit me ne diffluā, ne nimius sit amor, ne inordinatus, sed ut sit dexter & rectus. Quæ est ista dexteritas? quæ rectitudo? Iam bona ex parte explicuimus, quæ enim de ordinando amore proprio dicta sunt, huc suo modo etiam spectant.

*Amanda  
quomodo  
in ordinē  
reducēda.*

Capita ordinatæ charitatis proximi hæc sunt. Primum ut amor sponsi præcedat, sicut cætera omnia, ita dilectionem fraternā. Nam sicut alii, ita hic quoque amor, charitate diuina moderandus est. Proinde quicquid vides in amore proximi Christo & eius præceptis repugnare, relinque. Deinde secundas obtineat amor tui ordinatus, cæteris tamen paribus (quod dicitur.) Nam ut dictum est, nemo ad saluandam animam proximi, debet perdere animam propriam, imo nec detrimentum in ea pati; idem dic de vita, propter conseruandam vitam alterius (nisi in certis casibus & personis) & sic deinceps de aliis iudica. Quæ tamen sunt inferioris ordinis in amore proprio, relinquenda sunt, propter amorem rerū illarum, quæ sunt in amore proximi superioris ordinis, ut alias diximus. Ita pro conseruanda vita corporis proximi, expendēda sunt pecuniæ, & alia bona externa nostra propria profundenda. Similiter ad saluandam animam

*1. Sit amor  
Christi.*

*2. Amor sui  
in paribus.*

*Matth: 16.  
26.*

*3. Amor p-  
ximi in di-  
spariis.*

4 Ordo in-  
ter alia a-  
manda.

proximi, non est parcendum vite corporis nostri, quando es ad id constrictus, de quo suo tempore. Postremo, cum in hoc capite magna sit amandorum copia, sunt enim amandi, superiores, inferiores, pares, parentes, vxor, liberi, amici & inimici, omnes denique; inter hos vniuersè loquendo magis sunt amandi meliores quàm deteriores, coniunctiores quàm remotiores, benefactores quàm clientes, amici quàm inimici, quos non odisse & communia illis officia præstitisse, satis est ad explendum, præceptum: si plus tamen addideris, augebis mercedem tuam. Hæc de ordinanda charitate in nobis non tam declarasse, quàm delibasse satis esto, quibus & verba illa in themate posita, VIDEBIT OMNIS CARO SALVTARE DEI, vt opinor, satis sunt explicata, si eius qui illa protulit Ioannis Baptistæ animum & intentionem expendas. hoc enim ille voluit, vt omnis homo per fidem viuam agnosceret Messiam presentem. At verò nobis Christus Iesus pro sua liberalitate aliud quid insuper reliquit.

III. MEM-  
BRVM.

SALVTARE DEI  
etiam nostra  
ducandū.

De postrema itaq; quam proposuimus horum verborum, VIDEBIT OMNIS CARO SALVTARE DEI, consideratione, nobis agendum est. Non solum enim ad videndum carnem salutaris huius, sed etiam ad vescendum ea vocati & inuitati sumus dilectissimi. O quanta gratia! Multò equidem iustius, quàm ipse etiam

Pf. 147. 20  
solis Ca.

David hic exclamare possum: *Non fecit taliter omni nationi, qualiter fecit tibi o natio Christiana,*

Christiana, quæ ab illo non solum nomen, sed etiam rem accepisti, ut Christum verè & corporaliter manducare posses. Non solum non fecit taliter ipsis Iudæis in vniuersum, sed nec illi qui hæc verba protulit Dauidi, nec vllis quos à principio mundi habuit dilectissimos, præter te gens Christiana. Nam priora illa duo, nempe videre Christum per fidem, & degustare eum per charitatem, habebant olim omnes pii: hoc verò, nempe manducare illum in sacramento, tibi soli est proprium. Sis igitur grata tanti beneficii: grata autem eris, si illo vteris bene. Summum enim gratitudinis nostræ erga Deum genus est, beneficiis eius bene uti.

tholicis id  
proprium.

Gratitudi-  
nis summus  
gradus.

Neque verò putes modicum quid hoc esse beneficii: quantum enim distat inter cibi alii cuius visionem & degustationem, degustationem etiam ipsam & manducationem; tanta in hoc cibo sanctissimo & pretiosissimo, ritè sumpto & manducato, differentia est. Hic fidei actus non solum circa residentem in cælo Iesum; sed etiam circa præsentem hic in Eucharistia exercetur, contra omnem perfidiam, quæ id minimè credit. Hic spes ad tantum sibi datum pignus ac arrham erigitur & confirmatur. Hic charitas & gratia in ipso fonte hauritur: hic ipsum SALVTARE DEI in seipso manducatur. Quid potest dici amplius, quid excellentius, quid vtilius?

Quantum id  
sit valoris.

A simili.

Nullus itaq; ex omnibus, qui hic in nomi- sumenda  
ne Ie-

igitur Eu-  
charistia  
ab omni-  
bus.

1. Vt thema  
impleatur.

2. Quia co-  
gimur mo-  
do excel-  
lenti.

Similitudo

*Ioan: 1. 12*

*1. Ioan: 3. 1.*

ne Iesu congregati estis, desit, qui non præmis-  
sa debita, per sacramentum pœnitentiæ & cõ-  
fessionis præparatione, corporis & sanguinis  
Christi Iesu Domini nostri, in hoc sancto &  
solenni Natiuitatis ipsius die sit particeps, vt  
possim dicere cum magno Ioanne, de vobis  
hic congregatis, **VIDEBIT & manducabit OM-  
NIS CARO SALVTARE DEI.** Ad hoc vos inuito,  
moneo, hortor, & quantum in me est, meo  
modo compello. Quid, inquitis, tu nos adig-  
as, cum nec ipsa nos ad id cogat Ecclesia?  
Quid si euicero, cogere eam vos, & excellen-  
tiori quodam modo cogere, ad Eucharistiam  
hoc sacro tempore sumendam? Quæro ete-  
nim quid dicitis de vobis, manutisne esse  
mancipia, quàm amici, serui quàm filij Dei?  
Nihil penitus dubito, nullum vestrum reper-  
tum iri, qui seruus esse malit quàm filius, imò  
qui non dicat se filium Dei esse. Id enim te-  
stat D. Ioannes disertis verbis, nempe quòd  
non solum Christus *dedis nobis potestatem filios*  
*Dei fieri, sed quòd filij Dei nominemur et simus.* Quã-  
doquidem ergo filij estis & Christi & sponsæ  
illius; attendite ergo & percipite quæ dicam.  
Fateor ego quidem vos ab Ecclesia non cogi  
ad communionem, vt coguntur serui & man-  
cipia: sed & vos si ingenui estis, fateri debe-  
tis vos cogi ad eam, vt amicos & filios. Non  
cogit vos vt seruos excommunicationem mi-  
nitando, cogit vos vt filios charitatem præ o-  
culis ponendo. Quid ergo, cum vos filios fa-  
temi-

temini, non ostenditis vos verè tales esse?

Quod si ex me queritis, quid impulerit Ecclesiam, ut à trecentis iam annis (ante quos si vixissetis, obligati fuissetis arctissimè) desierit suos hoc mandato communicandi, pro Natali Domini vrgere? Dicam paradoxon sed verissimum, tepiditate vestra id factum: nunc verò eadem tepiditas vos impellere debet, ut communicetis. Frigiditas, inquam, Christianorum impulerat Ecclesiam, ut auferret à nobis communicandi obligationem, non quòd frequentari communionem nollet, quod cupit plurimum, & ut fiat, hortatur; sed ne ex omissione præcepti peccata multiplicarentur. Et hæc ipsa frigiditas adigat nos filios tanti Patris & indulgentissimæ Matris, ut & vltro ob illorum amorem, & ipsa quasi necessitate adacti, propter frigus nostrum arcendum id iam faciamus. Quotus enim quisque nostrum gelidum se esse in ferebre charitatis non sentit? certè qui id negaret, eo ipso declararet se penitus algere. Si igitur frigemus, cur ad ignem, qui Christus est, verè & substantialiter in hoc sacramento præsens, non accedimus ut calescamus? Videtis quomodo vndiq; vi veritatis constringimur? Accedite ergo dilectissimi, & accedite hilariter. Inuitat vos benignitas, liberalitas, omnipotentia, sapientia diuina; Pater est, non indignabitur, medicina est, non inficiet. Neque vero miramini me dixisse, quòd nos cogat charitas. Recordamini quod dica-

3. Ut quod frigus abstulit, frigus reparat.

4. Quia charitas cogit.



*Luci: 24.* tur de illis duobus euntibus in Emaus: *Et co-*  
*29.* *egerunt illum*, vt inquit D. Lucas. *Quis coëgit?*  
 discipuli, homines, impotentes. *Quem nam*  
 eum? Christum, Deum, omnipotentē. *Quo-*  
 modo coëgerunt? Non obligando profectò,  
 sed rogando; non vim inferendo, sed charita-  
 te vrgendo. Cogit ergo suo modo charitas.  
 Hoc ipsum facit tibi mater tua ô popule Chri-  
 stiane, vt per alios, ita per me monet, rogat,  
 hortatur, charitatem ostentat, vt facilius te pa-  
 tiaris affici.

III. MEM.

BRVM.

Summa di-  
 storum: &  
 ex mandu-  
 catiõe SA-  
 LVTARIS  
 DEI fru-  
 ctus 18.

Neque enim gratis id feceris, neq; vllus ir-  
 de quàm tu, si voles, plus fructus referet. *Qui*  
 sunt isti fructus inquis? quæ emolumēta? *Quis*  
 innumera propè enumerabit? Pauca ex dictis  
 in Euangelio accipe. Nam si ad cibum istum  
 vti par est, & vt mater tua docet Ecclesia, te  
 preparaueris, ac corpus sanguinemq; Christi  
 dignè in Eucharistia sumpleris, ipse parabit  
 vias suas in te, vt non solùm ambules, sed &  
 curras per illas impigrè, clamando cum Dauide:  
*Viam mandatorum tuorum cucurri, cum dilata-*  
*sti cor meum.* Ipse semitas tuas, id est consilia  
 sua, quæ pro amore ipsius complexus es, re-  
 ctas faciet, vt neq; prauitate intentionis, neq;  
 fœditate vanæ gloriæ deturpentur. Ipse valles  
 miseriarum nostrarum & tribulationum, do-  
 nis & consolationibus diuinis implebit, quæ  
 in humiles abundantissimè defluent. Ipse tur-  
 gidos montes nostros, & colles humiliabit:  
 & ingeret lumen, vt cognoscamus nos, vt nō  
 plus

*Ps: 118. 32*



plùs quàm conuenit de nobis nostrisq; rebus  
gloriamur. Ipse praua nostra itinera diriget,  
tum fidem Catholicam in nobis confirman-  
do, tum iustitiam sanctam, vt cuiq; reddamus  
quod suum est, instillando; tum intentiones  
nostras, vt in omnibus purè ac sincerè hono-  
rem & gloriam ipsius queramus, rectificando.  
Ipse aspera nostra complanabit, vt quæ dura  
videbantur, placida appareant, & quæ acra &  
aduersa sunt, plana & mollia fiant. Ipse insu-  
per faciet, vt videamus SALVTARE DEI, per fi-  
dem rectam & contemplationem sanctam; vt  
non solum videamus, sed etiam degustemus  
hoc salutare nostrum, per seruentem charita-  
tem. Ipse etenim ordinabit charitatem in no-  
bis, vt sub vmbra illius viuamus, & sedeamus,  
& dulcedinem eius degustemus, vt nihil in  
mundo & extra mundum illi præferamus, vt  
sic Christus Dominus semper in operibus no-  
stris primas obtineat. Ipse & nostrum, & pro-  
ximi nostri amorem in nobis in ordinem re-  
diget. Ne amor quidem noster, vel languorem  
nobis inducat, vel quod multò est peius, in-  
concupiscentiæ corruptionem exerceat; sed  
potiùs vt prudenter, & ordinatè, quæ dignio-  
ra sunt, magis amet, ac gratiam diuinam vitæ  
etiam propriæ præponat. Similiter præstabit,  
vt amor proximi tum suspicionibus & teme-  
rariis iudiciis careat: tum ad illicita non dif-  
fluat, tum sanctum ordinem in latitudine co-  
rum quæ amat, seruet. Addam dictis, quod

hisce festis diebus à vobis executioni mandare velim.

**NOTA.** Est in more vestro positum, lauta adornare hisce diebus conuiuia, pro amicis, cognatis, sociis, dominis etiam, & pluribus aliis, qui hisce non indigent, cum habeant quod domi suæ comedant & bibant, audite me rogo, & sic facite: rationes subducite, & videte quanti constabit hoc, quod molimini conuiuium vel etiam plura. Et relictis comestationibus, expendite hæc omnia in eos, qui non habent unde vitam sustentent suam. Præstabitis etenim hoc vnico actu heroico, ad minimum sex eximia bona. Nam primùm ibitis obuiam illi opinioni, quæ vos ad talia conuiuia maxime pertrahere solet, nempe ne videamini auarivæ vel parcivæ. Videbunt enim omnes vos illa omnia expendisse in vñsus proximi, quæ illi infructuose in suis conuiuijs consumpserunt, nec alia erit inter vos differentia, nisi quòd illi inordinatè aut minùs rectè, vos ordinatè rem vestram egeritis. Ordo etenim totius naturæ clamat, indigenti potiùs quàm locupleti, & quod sæpè fit, superflua habenti, opem esse ferendam.

Sex bona  
ex conui-  
uijs, p pau-  
peribus.

1.

2.

3.

Deinde impediētis ebrietates, distractiones, verba scurrilia, turpiloquia, & alia finè nec lenia, nec pauca peccata, quæ circa comestationes istas fiunt, tam incessanter, vt dedecori sibi ducāt multi, si à talibus abstineatur. Præterea facietis, vt coci, ancillæ, familiaq; tota, imò & conductæ personæ, quæ sæpè nō desunt

defunt hisce sanctis diebus sacrosancto sacrificio Missæ, non priuentur. Quod quàm frequenter fiat in accurata conuiuiorum præparatione, & quàm frivole adferatur *ad excusandas excusationes in peccatis*, illud, non poterant audire sacrum, quia debebant cibos, & alia præparare. Utinam non experiamini aliquando. Quartò iuuabitis & recreabitis valdè proximum indigentem, & ad multas benedictiones illum, imò multos proximos adducetis. Quintò, lætificabitis Angelos astantes, & omnes pios hoc videntes, imò totum cælum cum rege illius Deo. Postremò, præparatio ad festa celebranda erit tam excellens, ut vix alia præstantior reperiatur. Hæc obiter occasione accepta, utinam non gratis.

Reliquum est, ut & alia beneficia, quæ dignè te Christo sumentibus largiris non taceamus. Possumus enim & meritò dicere cum Sapiente: *Venerunt mihi omnia bona pariter cum illa*, videlicet cum Sapientia, quæ tu solus es Christus IESU. Venient autè hæc bona, quando non solum videbit, non solum gustabit, sed etiam manducabit OMNIS CARO SALVATRE DEI; ut possit cum Davide exclamare: *Cor meum & caro mea exultauerunt in Deum vivum*. Non solum enim anima exultabit cordis nomine notata, sed etiam ipsa caro tam vilis ut est, tam abiecta, tam misera. Norunt & intelligunt, qui hæc gustarunt, quomodo per dignam Eucharistiæ sumptionem, odor vn-

Psal: 40.

4.

4.

5.

6.

Denique omnia bona proueniunt, ex bona communione.

Sap: 7. 11.

Psal: 83. 3.

*Pf: 132. 2.* guenti pretiosi ex capite Aaron descendit, non solum in barbam, sed etiam in oram vestimenti eius. Quomodo, inquam, ex hoc cibo pretioso, non solum anima & potentia eius pascuntur, non solum pars inferior cum appetitibus suis reficitur, sed etiam corpus ipsum cum sensibus suis refocillatur, recreatur, incundatur. Utinam omnes degultetis, & sentiat.

Conclusio  
per exhortationem  
& compendium.

Quare ut unde cepit, illic terminetur nostra concio. Cum, ut dixi, Paschale instet festum post triduum, quatrimumque, dilectissimi: Festum, inquam, Natiuitatis Saluatoris nostri Christi IESU secundum carnem, qua die primum mundo visibilis apparuit, qua Deus homo inter homines viuere cepit, qua Patri suo aeterno sese quodam modo immolauit & obtulit, dicens cum Propheta: *Ecce venio*; qua cibum nobis praeparauit, quem in ultima cena prius immolatum, postmodum discipulis manducandum tradidit, nosque ad idem facitandum vocauit. Clamo igitur & *1. Cor: 5. 8.* inuito vos cum Apostolo; *Itaque epulemur*, dilectissimi, ineamus hoc magnum, inauditum, & saluberrimum epulum. Sed *non in fermento veteri* malarum consuetudinum, comestationum, ebrietatum, vanitatum, neque *in fermento malitiae & nequitiae*, luxuriae, alicuius, & nec in aliis adinventionibus diaboli, sed *in azymis sinceritatis*, magno cum candore, sacram confessionem instituendo, simpliciter, non fucate, sed ingenuè proximum diligendo, sincere nos accu-

accusando, proximum diligendo, Deum laudando *in azymis veritatis*, verè hic præsentem esse Christum credendo, & deuotè ac humiliter ad percipiendum Corpus & Sanguinem eius accedendo. Ita enim fiet, quòd VIDEBIT OMNIS CARO SALVTARE DEI. Videte itaq; illum, obsecro, quia speciosus est valdè; gustate eum, quia suauis est nimium; manducate illum, quia cibus est delicatissimus; credite illi dicenti: *Hoc est corpus meum*; quia verax est: sperate in eum, quia ipse & potest, & vult vos falcire floribus, stipare malis, ne langueatis: diligite illum, quia ipse est charitas, & omnem amorem ipse in nobis ordinat, vt amor noster charitas efficiatur. Sitis deniq; veri filij Ecclesiæ & Dei, vt non timore, sed amore impellamini ad ea facienda, quæ illi placita sunt semper: frigiditas vos abstraxit à sacra communione, frigiditas vos impellat ad eam capeffendam, vt igne hoc sanctissimo succensit, & hic in gratia diuina, ardore, ac in ea ad finem vitæ perseuerare, & post hanc vitam gloriæ cœlestis participes esse valeatis, per æterna & immensa, & infinita, & nunquam terminanda secula seculorum.

A M E N.

## CORRIGENDA.

*Pagina 47. ψ. 12. &c, lege est.*

*Pag: 65. ψ. 16. verbi, lege verbis.*

*Pag: 83. ψ. 3. in dele.*

*Pag: 89. ψ. 1. maxima, lege maximi.*

*Pag: 103. ψ. 30. sui, lege tui.*

*Pag: 126. ψ. 10. quisquis, lege quisque.*

*Pag: 141. ψ. 19. comiscare, lege commisceare.*

*Pag: 147. ψ. 5. contellanter, lege constanter.*

*Pag: 153. ψ. 26. remanserent, lege remanerent.*

*Pag: 216. ψ. 16. voluptatibus, lege voluptatib'.*

*Pag: 243. ψ. 30. tum, lege tam.*

*Pag: 310. ψ. 7. restitutum, lege restitutum.*

*Pag: 331. ψ. 9. erint, lege crit.*

*Ibid. ψ. 10. redundet, lege retundet.*

*Pag: 337. ψ. 26. recentes, lege recensentes.*

*Pag: 341. ψ. 18. pauperissimos. lege pauperrimos.*

*Pag: 354. ψ. 1. oportere, lege oportet.*

*Pag: 358. ψ. 12. non, lege nos.*

*Pag: 372. ψ. 15. accersi, lege accersiri.*

*Pag: 382. ψ. 7. stupendos, lege stupendas.*

*Pag: 383. ψ. 9. Palloribus, lege Doctoribus.*

*Pag: 400. ψ. 15. deuenerit, lege deuenit.*

*Pag: 410. ψ. 2. nummum, lege nummum.*

*Pag: 454. ψ. 12. impendentem, lege impudentem.*


Reliqua minuta sunt, quæ per se quisq; corrigit.

















7388



